

『0001_遊龍門奉先寺』（五古）

已從 招提遊、更宿 招提境。
陰壑 生虛籟、月林 散清影。
天闕 象緯逼、雲臥 衣裳冷。
欲覺 聞晨鐘、令人 發深省。

『0002_望嶽』（五古）

岱宗 夫如何、齊魯 青未了。
造化 鍾神秀、陰陽 割昏曉。
盪胸 生曾雲、決眴 入歸鳥。
會當 凌絕頂、一覽 衆山小。

『0003_登兗州城樓』（五律）

東郡 趨庭日、南樓 縱目初。
浮雲 連海岱、平野 入青徐。
孤嶂 秦碑在、荒城 魯殿餘。
從來 多古意、臨眺 獨躊躇。

『題張氏隱居、二首』

0004 其一（七律）

春山 無伴 獨相求、伐木 丁丁 山更幽。
澗道 餘寒 歷冰雪、石門 斜日 到林丘。
不貪 夜識 金銀氣、遠害 朝看 麋鹿遊。
乘興 杳然 迷出處、對君 疑是 泛虛舟。

0005 其二（五律）

之子 時相見、邀人 晚興留。
霽潭 鱸發發、春草 鹿呦呦。
杜酒 偏勞勸、張梨 不外求。
前村 山路險、歸醉 每無愁。

『0006_劉九法曹・鄭瑕丘、石門宴集』（五律）

秋水 清無底、蕭然 靜客心。
掾曹 乘逸興、鞍馬 到荒林。
能吏 逢聯壁、華筵 直一金。
晚來 橫吹好、泓下 亦龍吟。

『0007_與任城許主簿、遊南池』（五律）

秋水 通溝洫、城隅 進小船。
晚涼 看洗馬、森木 亂鳴蟬。
菱熟 經時雨、蒲荒 八月天。
晨朝 降白露、遙池 舊青氈。

『0008_對雨、書懷、走邀許主簿』（五律）

東岳 雲峰起、溶溶 滿太虛。
震雷 翻幕燕、驟雨 落河魚。
座對 賢人酒、門聽 長者車。
相邀 愧泥濘、騎馬 到階除。

『0009_已上人茅齋』（五律）

已公 茅屋下、可以 賦新詩。
枕簟 入林僻、茶瓜 留客遲。
江蓮 搖白羽、天棘 夢青絲。
空忝 許詢輩、難酬 支遁詞。

『0010_房兵曹胡馬』（五律）

胡馬 大宛名、鋒稜 瘦骨成。
竹批 雙耳峻、風入 四蹄輕。
所向 無空闊、真堪 託死生。
驍騰 有如此、萬里 可橫行。

『0011_畫鷹』（五律）

素練 風霜起、蒼鷹 畫作殊。
側身 思狡兔、俱目 似愁胡。
條鏃 光堪擣、軒楹 勢可呼。
何當 擊凡鳥、毛血 灑平蕪。

『0012_過宋員外之問舊莊』（五律）

宋公 舊池館、零落 守陽阿。
枉道 祇從入、吟詩 許更過。
淹留 問耆老、寂寞 向山河。
更識 將軍樹、悲風 日暮多。

『0013_夜宴左氏莊』（五律）

林風 纖月落、衣露 靜琴張。
暗水 流花徑、春星 帶草堂。
檢書 燒燭短、看劍 引杯長。
詩罷 聞吳詠、扁舟 意不忘。

『0014_臨邑舍弟書至苦雨黃河泛溢隄防之患簿領所憂因寄此詩用寬其意』（五排）

二儀 積風雨、百谷 漏波濤。
聞道 洪河坼、遙連 滄海高。
職司 憂悄悄、郡國 訴嗷嗷。
舍弟 卑棲邑、防川 領簿曹。
尺書 前日至、版築 不時操。
難假 雷轟力、空瞻 鳥鵲毛。
燕南 吹呖畝、濟上 沒蓬蒿。
螺蚌 滿近郭、蛟螭 乘九皋。

徐關 深水府、礪石 小秋毫。
白屋 留孤樹、青天 失萬艘。
吾衰 同泛梗、利涉 想蟠桃。
卻倚 天涯釣、猶能 掣巨鰲。

〔0015_假山[并序]〕（五律）

一置 功盈尺、三峰 意出群。
望中 疑在野、幽處 欲生雲。
慈雲 春陰覆、香爐 曉勢分。
惟南 將獻壽、佳氣 日氤氲。

〔0016_龍門〕（五律）

龍門 橫野斷、驛樹 出城來。
氣色 皇居近、金銀 佛寺開。
往來 時屢改、川陸 日悠哉。
相閱 征途上、生涯 幾時回。

〔李監宅二首[李鹽鐵]〕

0017 其一（五律）

尚覺 王孫貴、豪家 意頗濃。
屏開 金孔雀、褥隱 繡芙蓉。
且食 雙魚美、誰看 異味重。
門闌 多喜色、女婿 近乘龍。

0018 其二（五律）

華館 春風起、高城 煙霧開。
雜花 分戶映、嬌燕 入簾回。
一見 能傾座、虛懷 只愛才。
鹽車 雖絆驥、名是 漢庭來。

〔0019_贈李白〕（五古）

二年 客東都、所歷 厭機巧。
野人 對羶腥、蔬食 常不飽。
豈無 青精飯、使我 顏色好。
苦乏 大藥資、山林 跡如掃。
李侯 金閨彥、脫身 事幽討。
亦有 梁宋遊、方期 拾瑤草。

〔0020_重題鄭氏東亭〕（五律）

華亭 入翠微、秋日 亂清暉。
崩石 敲山樹、清漣 曳水衣。
紫鱗 衝岸躍、蒼隼 護巢歸。
向晚 尋征路、殘雲 傍馬飛。

〔0021_陪李北海宴歷下亭〕（五古）

東藩 駐皁蓋、北渚 凌清河。

海右 此亭古、濟南 名士多。
雲山 已發興、玉珮 仍當歌。
修竹 不受暑、交流 空湧波。
蘊真 愜索遇、落日 將如何。
貴賤 俱物役、從公 難重過。

〔0022_同李太守登歷下古城員外新亭〕（五古）

新亭 結構罷、隱見 清湖陰。
跡籍 臺觀舊、氣溟 海嶽深。
圓荷 想自昔、遺堞 感至今。
芳宴 此時具、哀絲 千古心。
主稱 壽尊客、筵秩 宴北林。
不阻 蓬華興、得兼 梁甫吟。

〔0023_暫如臨邑、至嵒山湖亭、奉懷李員外、率爾成興〕（五律）

野亭 逼湖水、歇馬 高林間。
鼉吼 風奔浪、魚跳 日映山。
暫遊 阻詞伯、卻望 懷青關。
靄靄 生雲霧、惟應 促駕還。

〔0024_贈李白〕（七絕）

秋來 相顧 尚飄蓬、未就 丹砂 愧葛洪。
痛飲 狂歌 空度日、飛揚 跋扈 爲誰雄。

〔0025_與李十二白同尋范十隱居〕（五排）

李侯 有佳句、往往 似陰鏗。
余亦 東蒙客、憐君 如弟兄。
醉眠 秋共被、攜手 日同行。
更想 幽期處、還尋 北郭生。
入門 高興發、侍立 小童清。
落景 聞寒杵、屯雲 對古城。
向來 吟橘頌、誰與 討蓴羹。
不願 論簪笏、悠悠 滄海情。

〔0026_鄭駙馬宅宴洞中〕（七律）

主家 陰洞 細煙霧、留客 夏簾 青琅玕。
春酒 杯濃 琥珀薄、冰漿 碗碧 瑪瑙寒。
誤疑 茅堂 過江麓、已入 風磴 霾雲端。
自是 秦樓 壓鄭谷、時聞 雜佩 聲珊珊。

〔0027_冬日有懷李白〕（五律）

寂寞 書齋裏、終朝 獨爾思。
更尋 嘉樹傳、不忘 角弓詩。
短褐 風霜入、還丹 日月遲。
未因 乘興去、空有 鹿門期。

『0028_春日憶李白』（五律）

白也 詩無敵、飄然 思不羣。
清新 庾開府、俊逸 鮑參軍。
渭北 春天樹、江東 日暮雲。
何時 一樽酒、重與 細論文。

『0029_送孔巢父謝病歸遊江東兼呈李白』（七古）

巢父 掉頭 不肯住、東將 入海 隨煙霧。
詩卷 長留 天地間、釣竿 欲拂 珊瑚樹。
深山 大澤 龍蛇遠、春寒 野陰 風景暮。
蓬萊 織女 回雲車、指點 虛無 是征路。
自是 君身 有仙骨、世人 那得 知其故。
惜君 只欲 苦死留、富貴 何如 草頭露。
蔡侯 靜者 意有餘、清夜 置酒 臨前除。
罷琴 惆悵 月照席、幾歲 寄我 空中書。
南尋 禹穴 見李白、道甫 問訊 今何如。

『0030_今夕行』（七古）

今夕 何夕 歲云徂、更長 燭明 不可孤。
咸陽 客舍 一事無、相與 博塞 為歡娛。
馮陵 大叫 呼五白、袒跣 不肯 成臯盧。
英雄 有時 亦如此、邂逅 豈即 非良圖。
君莫笑、劉毅 從來 布衣願、家無 儋石 輸百萬。

『0031_贈特進汝陽王二十二韻』（五排）

特進 羣公表、天人 夙德升。
霜蹄 千里駿、風翮 九霄鵬。
服禮 求毫髮、惟忠 忘寢興。
聖情 常有眷、朝退 若無憑。
仙醴 來浮蟻、奇毛 或賜鷹。
清關 塵不雜、中使 日相乘。
晚節 嬉遊簡、平居 孝義稱。
自多 親棣萼、誰敢 問山陵。
學業 醇儒富、辭華 哲匠能。
筆飛 鸞聳立、章霸 鳳騫騰。
精理 通談笑、忘形 向友朋。
寸長 堪縫紉、一諾 豈驕矜。
已忝 歸曹植、何如 對李膺。
招要 恩屢至、崇重 力難勝。
披霧 初歡夕、高秋 爽氣澄。
樽壘 臨極浦、鳧雁 宿張燈。
花月 窮遊宴、炎天 避鬱蒸。
硯寒 金井水、簷動 玉壺冰。
瓢飲 惟三徑、巖棲 在百層。

謬持 蠡測海、況挹 酒如澗。
鴻寶 寧全秘、丹梯 庶可凌。
淮王 門有客、終不 愧孫登。

〔 0032_贈比部蕭郎中十兄 〕（五排）

有美 生人傑、由來 積德門。
漢朝 丞相系、梁日 帝王孫。
蒞藉 爲郎久、魁梧 秉哲尊。
詞華 傾後輩、風雅 靄孤鶩。
宅相 榮姻戚、兒童 惠討論。
見知 真自幼、謀拙 愧諸昆。
漂盪 雲天闊、沈埋 日月奔。
致君 時已晚、懷古 意空存。
中散 山陽鍛、愚公 野谷村。
寧紆 長者轍、歸老 任乾坤。

〔 0033_奉寄河南韋尹丈人 〕（五排）

有客 傳河尹、逢人 問孔融。
青囊 仍隱逸、章甫 尚西東。
鼎食 分門戶、詞場 繼國風。
尊榮 瞻地絕、疏放 憶途窮。
濁酒 尋陶令、丹砂 訪葛洪。
江湖 漂短褐、霜雪 滿飛蓬。
牢落 乾坤大、周流 道術空。
謬慚 知薊子、真怯 笑揚雄。
盤錯 神明懼、謳歌 德義豐。
尸鄉 餘土室、誰話 祝雞翁。

〔 0034_贈韋左丞丈濟 〕（五排）

左轄 頻虛位、今年 得舊儒。
相門 韋氏在、經術 漢臣須。
時議 歸前烈、天倫 恨莫俱。
鵠原 荒宿草、鳳沼 接亨衢。
有客 雖安命、衰容 豈壯夫。
家人 憂几杖、甲子 混泥塗。
不謂 矜餘力、還來 謁大巫。
歲寒 仍顧遇、日暮 且踟躕。
老驥 思千里、饑鷹 待一呼。
君能 微感激、亦足 慰榛蕪。

〔 0035_奉贈韋左丞丈二十二韻〔奉呈〕 〕（五古）

紈袴 不餓死、儒冠 多誤身。
丈人 試靜聽、賤子 請具陳。
甫昔 少年日、早充 觀國賓。
讀書 破萬卷、下筆 如有神。

賦料 揚雄敵、詩看 子建親。
李邕 求識面、王翰 願卜鄰。
自謂 頗挺出、立登 要路津。
致君 堯舜上、再使 風俗淳。
此意 竟蕭條、行歌 非隱淪。
騎驢 三十載、旅食 京華春。
朝扣 富兒門、暮隨 肥馬塵。
殘杯 與冷炙、到處 潛悲辛。
主上 頃見徵、欵然 欲求伸。
青冥 卻垂翅、蹭蹬 無縱鱗。
甚愧 丈人厚、甚知 丈人真。
每於 百僚上、猥誦 佳句新。
竊效 貢公喜、難甘 原憲貧。
焉能 心快快、祇是 走踆踆。
今欲 東入海、即將 西去秦。
尚憐 終南山、回首 清渭濱。
常擬 報一飯、況懷 辭大臣。
白鷗 沒浩蕩、萬里 誰能馴。

〔0036_飲中八仙歌〕（七古）

知章 騎馬 似乘船、眼花 落井 水底眠。
汝陽 三斗 始朝天、道逢 麴車 口流涎、恨不 移封 向酒泉。
左相 日興 費萬錢、飲如 長鯨 吸百川、銜杯 樂聖 稱避賢。
宗之 蕭灑 美少年、舉觴 白眼 望青天、皎如 玉樹 臨風前。
蘇晉 長齋 繡佛前、醉中 往往 愛逃禪。
李白 一斗 詩百篇、長安 市上 酒家眠。天子 呼來 不上船、自稱 臣是 酒中仙。
張旭 三杯 草聖傳、脫帽 露頂 王公前、揮毫 落紙 如雲煙。
焦遂 五斗 方卓然、高談 雄辨 驚四筵。

〔0037_高都護驄馬行〕（七古）

安西 都護 胡青驄、聲價 欵然 來向東。
此馬 臨陣 久無敵、與人 一心 成大功。
功成 惠養 隨所致、飄飄 遠自 流沙至。
雄姿 未受 伏櫪恩、猛氣 猶思 戰場利。
腕促 蹄高 如踣鐵、交河 幾蹴 曾冰裂。
五花 散作 雲滿身、萬里 方看 汗流血。
長安 壯兒 不敢騎、走過 掣電 傾城知。
青絲 絡頭 為君老、何由 卻出 橫門道。

〔0038_冬日洛城北謁玄元皇帝廟〕（五排）

配極 玄都閣、憑高 禁籙長。
守祧 嚴禮具、掌節 鎮非常。
碧瓦 初寒外、金莖 一氣旁。
山河 伏繡戶、日月 近雕梁。
仙李 蟠根大、猗蘭 奕葉光。

世家 遺舊史、道德 付今王。
畫手 看前輩、吳生 遠擅場。
森羅 移地軸、妙絕 動宮牆。
五聖 聯龍袞、千官 列雁行。
冕旒 俱秀發、旌旆 盡飛揚。
翠柏 深留景、紅梨 迴得霜。
風箏 吹玉柱、露井 凍銀床。
身退 卑周室、經傳 拱漢皇。
谷神 如不死、養拙 更何鄉。

『故武衛將軍挽詞三首』

0039 其一（五律）

嚴警 當寒夜、前軍 落大星。
壯夫 思敢決、哀詔 惜精靈。
王者 今無戰、書生 已勒銘。
封侯 意疏闊、編簡 為誰青。

0040 其二（五律）

舞劍 過人絕、鳴弓 射獸能。
鉞鋒 行怯順、猛噬 失躊躇。
赤羽 千夫膳、黃河 十月冰。
橫行 沙漠外、神速 至今稱。

0041 其三（五律）

哀挽 青門去、新阡 絳水遙。
路人 紛雨泣、天意 颯風飄。
部曲 精仍銳、匈奴 氣不驕。
無由 睹雄略、大樹 日蕭蕭。

『0042_贈翰林張四學士垞』（五排）

翰林 逼華蓋、鯨力 破滄溟。
天上 張公子、宮中 漢客星。
賦詩 拾翠殿、佐酒 望雲亭。
紫誥 仍兼綰、黃麻 似六經。
內頒 金帶赤、恩與 荔枝青。
無復 隨高鳳、空餘 泣聚螢。
此生 任春草、垂老 獨漂萍。
儻憶 山陽會、悲歌 在一聽。

『0043_樂遊園歌』（七古）

樂遊 古園 岑森爽、煙綿 碧草 萋萋長。
公子 華筵 勢最高、秦川 對酒 平如掌。
長生 木瓢 示真率、更調 鞍馬 狂歡賞。
青鞵 波浪 芙蓉園、白日 雷霆 夾城仗。
閶闔 晴開 誅蕩蕩、曲江 翠幙 排銀榜。
拂水 低回 舞袖翻、緣雲 清切 歌聲上。
卻憶 年年 人醉時、只今 未醉 已先悲。

數莖 白髮 那拋得、百罰 深杯 辭不辭。
聖朝 亦知 賤士醜、一物 但荷 皇天慈。
此身 飲罷 無歸處、獨立 蒼茫 自詠詩。

〔0044_同諸公登慈恩寺塔〕（五古）

高標 跨蒼穹、烈風 無時休。
自非 曠士懷、登茲 翻百憂。
方知 象教力、足可 追冥搜。
仰穿 龍蛇窟、始出 枝撐幽。
七星 在北戶、河漢 聲西流。
羲和 鞭白日、少昊 行清秋。
秦山 忽破碎、涇渭 不可求。
俯視 但一氣、焉能 辨皇州。
迴首 叫虞舜、蒼梧 雲正愁。
惜哉 瑤池飲、日晏 崑崙丘。
黃鵠 去不息、哀鳴 何所投。
君看 隨陽雁、各有 稻梁謀。

〔0045_投簡咸華兩縣諸子〕（七古）

赤縣 官曹 擁才傑、軟裘 快馬 當冰雪。
長安 苦寒 誰獨悲、杜陵 野老 骨欲折。
南山 豆苗 早荒穢、青門 瓜地 新凍裂。
鄉里 兒童 項領成、朝廷 故舊 禮數絕。
自然 棄擲 與時異、況乃 疏頑 臨事拙。
饑臥 動即 向一句、敝衣 何啻 聯百結。
君不見 空牆 日色晚、此老 無聲 淚垂血。

〔0046_杜位宅守歲〕（五律）

守歲 阿戎家、椒盤 已頌花。
盞簪 喧櫪馬、列炬 散林鴉。
四十 明朝過、飛騰 暮景斜。
誰能 更拘束、爛醉 是生涯。

〔0047_敬贈鄭諫議十韻〕（五排）

諫官 非不達、詩義 早知名。
破的 由來事、先鋒 孰敢爭。
思飄 雲物外、律中 鬼神驚。
毫髮 無遺憾、波瀾 獨老成。
野人 寧得所、天意 薄浮生。
多病 休儒服、冥搜 信客旌。
築居 仙縹緲、旅食 歲崢嶸。
使者 求顏闔、諸公 厭禰衡。
將期 一諾重、欵使 寸心傾。
君見 途窮哭、宜憂 阮步兵。

『0048_兵車行』（雜言）

車磷磷、馬蕭蕭、行人 弓箭 各在腰。
耶孃 妻子 走相送、塵埃 不見 咸陽橋。
牽衣 頓足 攔道哭、哭聲 直上 干雲霄。
道旁 過者 問行人、行人 但云 點行頻。
或從 十五 北防河、便至 四十 西營田。
去時 里正 與裏頭、歸來 頭白 還戍邊。
邊庭 流血 成海水、武皇 開邊 意未已。
君不聞、漢家 山東 二百州、千村 萬落 生荊杞。
縱有 健婦 把鋤犁、禾生 隴畝 無東西。
況復 秦兵 耐苦戰、被驅 不異 犬與雞。
長者 雖有問、役夫 敢伸恨。
且如 今年冬、未休 關西卒。
縣官 急索租、租稅 從何出。
信知 生男惡、反是 生女好。
生女 猶得 嫁比鄰、生男 埋沒 隨百草。
君不見、青海頭、古來 白骨 無人收。
新鬼 煩冤 舊鬼哭、天陰 雨濕 聲啾啾。

『前出塞九首』

0049 其一（五古）

戚戚 去故里、悠悠 赴交河。
公家 有程期、亡命 嬰禍羅。
君已 富土境、開邊 一何多。
棄絕 父母恩、吞聲 行負戈。

0050 其二（五古）

出門 日已遠、不受 徒旅欺。
骨肉 奔豈斷、男兒 死無時。
走馬 脫轡頭、手中 挑青絲。
捷下 萬仞岡、俯身 試擐旗。

0051 其三（五古）

磨刀 鳴咽水、水赤 刃傷手。
欲輕 腸斷聲、心緒 亂已久。
丈夫 誓許國、憤惋 復何有。
功名 圖麒麟、戰骨 當速朽。

0052 其四（五古）

送徒 既有長、遠戍 亦有身。
生死 向前去、不勞 吏怒瞋。
路逢 相識人、附書 與六親。
哀哉 兩決絕、不復 同苦辛。

0053 其五（五古）

迢迢 萬里餘、領我 赴三軍。
軍中 異苦樂、主將 寧盡聞。
隔河 見胡騎、倏忽 數百羣。
我始 為奴僕、幾時 樹功勳。

0054 其六(五古)

挽弓 當挽強、用箭 當用長。
射人 先射馬、擒賊 先擒王。
殺人 亦有限、立國 自有疆。
苟能 制侵陵、豈在 多殺傷。

0055 其七(五古)

驅馬 天雨雪、軍行 入高山。
逕危 抱寒石、指落 曾冰間。
已去 漢月遠、何時 築城還。
浮雲 暮南征、可望 不可攀。

0056 其八(五古)

單于 寇我壘、百里 風塵昏。
雄劍 四五動、彼軍 為我奔。
虜其 名王歸、繫頸 授轅門。
潛身 備行列、一勝 何足論。

0057 其九(五古)

從軍 十年餘、能無 分寸功。
衆人 貴苟得、欲語 羞雷同。
中原 有鬪爭、況在 狄與戎。
丈夫 四方志、安可 辭固窮。

『 0058_送高三十五書記十五韻』(五古)

崆峒 小麥熟、且願 休王師。
請公 問主將、焉用 窮荒為。
饑鷹 未飽肉、側翅 隨人飛。
高生 跨鞍馬、有似 幽并兒。
脫身 簿尉中、始與 捶楚辭。
借問 今何官、觸熱 向武威。
答云 一書記、所愧 國士知。
人實 不易知、更須 慎其儀。
十年 出幕府、自可 持旌麾。
此行 既特達、足以 慰所思。
男兒 功名遂、亦在 老大時。
常恨 結歡淺、各在 天一涯。
又如 參與商、慘慘 中腸悲。
驚風 吹鴻鵠、不得 相追隨。
黃塵 翳沙漠、念子 何當歸。
邊城 有餘力、早寄 從軍詩。

『 0059_奉留贈集賢院崔于二學士[崔國輔・于休烈]』(五排)

昭代 將垂白、途窮 乃叫閭。
氣衝 星象表、詞感 帝王尊。
天老 書題目、春官 驗討論。
倚風 遺鶻路、隨水 到龍門。
竟與 蛟螭雜、空聞 燕雀喧。

青冥 猶契闊、凌厲 不飛翻。
儒術 誠難起、家聲 庶已存。
故山 多藥物、勝概 憶桃源。
欲整 還鄉旆、長懷 禁掖垣。
謬稱 三賦在、難述 二公恩。

『0060_貧交行』（七古）

翻手 作雲 覆手雨、紛紛 輕薄 何須數。
君不見 管鮑 貧時交、此道 今人 棄如土。

『0061_送韋書記赴安西』（五律）

夫子 通貴、雲泥 相望懸。
白頭 無藉在、朱紱 有哀憐。
書記 赴三捷、公車 留二年。
欲浮 江海去、此別 意茫然。

『0062_玄都壇歌寄元逸人』（七古）

故人 昔隱 東蒙峰、已佩 含景 蒼精龍。
故人 今居 子午谷、獨並 陰崖 白茅屋。
屋前 太古 玄都壇、青石 漠漠 松風寒。
子規 夜啼 山竹裂、王母 晝下 雲旗翻。
知君 此計 成長往、芝草 琅玕 日應長。
鐵鎖 高垂 不可攀、致身 福地 何消爽。

『曲江三章章五句』

0063 其一（七古）

曲江 蕭條 秋氣高、菱荷 枯折 隨風濤、
遊子 空嗟 垂二毛。
白石 素沙 亦相蕩、哀鴻 獨叫 求其曹。

0064 其二（七古）

即事 非今 亦非古、長歌 激越 捎林莽、
比屋 豪華 固難數。
吾人 甘作 心似灰、弟姪 何傷 淚如雨。

0065 其三（七古）

自斷 此生 休問天、杜曲 幸有 桑麻田、
故將 移住 南山邊。
短衣 匹馬 隨李廣、看射 猛虎 終殘年。

『0066_奉贈鮮于京兆二十韻』（五排）

王國 稱多士、賢良 復幾人。
異才 應問出、爽氣 必殊倫。
始見 張京兆、宜居 漢近臣。
騁駟 開道路、鳴鸞 離風塵。
侯伯 知何算、文章 實致身。
奮飛 超等級、容易 失沈淪。

脫略 礪溪釣、操持 郢匠斤。
雲霄 今已逼、台袞 更誰親。
鳳穴 雛皆好、龍門 客又新。
義聲 紛感激、敗績 自逡巡。
途遠 欲何向、天高 難重陳。
學詩 猶孺子、鄉賦 忝嘉賓。
不得 同晁錯、吁嗟 後卻訖。
計疏 疑翰墨、時過 憶松筠。
獻納 紆皇眷、中間 謁紫宸。
且隨 諸彥集、方覲 薄才伸。
破膽 遭前政、陰謀 獨秉鈞。
微生 霑忌刻、萬事 益酸辛。
交合 丹青地、恩傾 雨露辰。
有儒 愁餓死、早晚 報平津。

〔0067_白絲行〕（七古）

繰絲 須長 不須白、越羅 蜀錦 金粟尺。
象床 玉手 亂殷紅、萬草 千花 動凝碧。
已悲 素質 隨時染、裂下 鳴機 色相射。
美人 細意 熨貼平、裁縫 滅盡 針線跡。
春天 衣助 為君舞、蛺蝶 飛來 黃鸝語。
落絮 遊絲 亦有情、隨風 照日 宜輕舉。
香汗 清塵 汗顏色、開新 合故 置何許。
君不見 才士 汲引難、恐懼 棄捐 忍羈旅。

〔陪鄭廣文、遊何將軍山林、十首〕

0068 其一（五律）

不識 南塘路、今知 第五橋。
名園 依綠水、野竹 上青霄。
谷口 舊相得、濠梁 同見招。
平生 為幽興、未惜 馬蹄遙。

0069 其二（五律）

百頃 風潭上、千章 夏木清。
卑枝 低結子、接葉 暗巢鶯。
鮮鯽 銀絲鱸、香芹 碧澗羹。
翻疑 舵樓底、晚飯 越中行。

0070 其三（五律）

萬里 戎王子、何年 別月支。
異花 來絕域、滋蔓 匝清池。
漢使 徒空到、神農 竟不知。
露翻 兼雨打、開拆 漸離披。

0071 其四（五律）

旁舍 連高竹、疏籬 帶晚花。
碾渦 深沒馬、藤蔓 曲藏蛇。
詞賦 工無益、山林 跡未賒。

盡捻 書籍賣、來問 爾東家。

0072 其五(五律)

剩水 滄江破、殘山 碣石開。

綠垂 風折筍、紅綻 雨肥梅。

銀甲 彈箏用、金魚 換酒來。

興移 無灑掃、隨意 坐莓苔。

0073 其六(五律)

風磴 吹陰雪、雲門 吼瀑泉。

酒醒 思臥簟、衣冷 欲裝綿。

野老 來看客、河魚 不取錢。

祇疑 淳樸處、自有 一山川。

0074 其七(五律)

棟樹 寒雲色、茵蔯 春藕香。

脆添 生菜美、陰益 食單涼。

野鶴 清晨出、山精 白日藏。

石林 蟠水府、百里 獨蒼蒼。

0075 其八(五律)

憶過 楊柳渚、走馬 定昆池。

醉把 青荷葉、狂遣 白接罹。

刺船 思郢客、解水 乞吳兒。

坐對 秦山晚、江湖 興頗隨。

0076 其九(五律)

床上 書連屋、階前 樹拂雲。

將軍 不好武、稚子 總能文。

醒酒 微風入、聽詩 靜夜分。

絺衣 掛蘿薜、涼月 白紛紛。

0077 其十(五律)

幽意 忽不愜、歸期 無奈何。

出門 流水住、回首 白雲多。

自笑 燈前舞、誰憐 醉後歌。

祇應 與朋好、風雨 亦來過。

『0078_麗人行』(七古)

三月 三日 天氣新、長安 水邊 多麗人。

態濃 意遠 淑且真、肌理 細膩 骨肉勻。

繡羅 衣裳 照莫春、蹙金 孔雀 銀麒麟。

頭上 何所有。翠微 二葉 垂鬢唇。

背後 何所見。珠壓 腰極 穩稱身。

就中 雲幕 椒房親、賜名 大國 號與秦。

紫駝 之峰 出翠釜、水精 之盤 行素鱗。

犀筋 厭飫 久未下、鸞刀 縷切 空紛綸。

黃門 飛鞚 不動塵、御廚 絡繹 送八珍。

簫管 哀吟 感鬼神、賓從 雜遝 實要津。

後來 鞍馬 何逡巡、當軒 下馬 入錦茵。

楊花 雪落 覆白蘋、青鳥 飛去 銜紅巾。

炙手 可熱 勢絕倫、慎莫 近前 丞相瞋。

『0079_虢國夫人』（七絕）

虢國 夫人 承主恩、平明 上馬 入金門。
卻嫌 脂粉 涴顏色、淡掃 蛾眉 朝至尊。

『0080_九日曲江』（五律）

綴席 茱萸好、浮舟 菡萏衰。
百年 秋已半、九日 意兼悲。
江水 清源曲、荊門 此路疑。
晚來 高興盡、搖蕩 菊花期。

『奉陪鄭駙馬韋曲二首』

0081 其一（五律）

韋曲 花無賴、家家 惱殺人。
綠樽 須盡日、白髮 好禁春。
石角 鉤衣破、藤梢 刺眼新。
何時 占叢竹、頭戴 小烏巾。

0082 其二（五律）

野寺 垂楊裏、春畦 亂水間。
美花 多映竹、好鳥 不歸山。
城郭 終何事、風塵 豈駐顏。
誰能 與公子、薄暮 欲俱還。

『重過何氏五首』

0083 其一（五律）

問訊 東橋竹、將軍 有報書。
倒衣 還命駕、高枕 乃吾廬。
花妥 鶯捎蝶、溪喧 獺趁魚。
重來 休沐地、真作 野人居。

0084 其二（五律）

山雨 樽仍在、沙沈 榻未移。
犬迎 曾宿客、鴉護 落巢兒。
雲薄 翠微寺、天清 皇子陂。
向來 幽興極、步履 向東籬。

0085 其三（五律）

落日 平臺上、春風 啜茗時。
石欄 斜點筆、桐葉 坐題詩。
翡翠 鳴衣桁、蜻蜓 立釣絲。
自今 幽興熟、來往 亦無期。

0086 其四（五律）

頗怪 朝參懶、應耽 野趣長。
雨拋 金鎖甲、苔臥 綠沈槍。
手自 移蒲柳、家纔 足稻粱。
看君 用幽意、白日 到羲皇。

0087 其五(五律)

到此 應常宿、相留 可判年。
蹉跎 暮容色、悵望 好林泉。
何日 霑微祿、歸山 買薄田。
斯遊 恐不遂、把酒 意茫然。

〔陪諸貴公子、丈八溝、攜妓、納涼、晚際遇雨、二首〕

0088 其一(五律)

落日 放船好、輕風 生浪遲。
竹深 留客處、荷淨 納涼時。
公子 調冰水、佳人 雪藕絲。
片雲 頭上黑、應是 雨催詩。

0089 其二(五律)

雨來 霑席上、風急 打船頭。
越女 紅裙濕、燕姬 翠黛愁。
纜侵 堤柳繫、幔卷 浪花浮。
歸路 翻蕭颯、陂塘 五月秋。

〔0090_醉時歌〕(七古)

諸公 袞袞 登臺省、廣文 先生 官獨冷。
甲第 紛紛 厭梁肉、廣文 先生 飯不足。
先生 有道 出羲皇、先生 有才 過屈宋。
德尊 一代 常坎軻、名垂 萬古 知何用。
杜陵 野客 人更嗤、被褐 短窄 鬢如絲。
日糴 太倉 五升米、時赴 鄭老 同襟期。
得錢 即相覓、沽酒 不復疑。
忘形 到爾汝、痛飲 真吾師。
清夜 沈沈 動春酌、燈前 細雨 簷花落。
但覺 高歌 有鬼神、焉知 餓死 填溝壑。
相如 逸才 親滌器、子雲 識字 終投閣。
先生 早賦 歸去來、石田 茅屋 荒蒼苔。
儒術 於我 何有哉。孔丘 盜跖 俱塵埃。
不須 聞此 意慘愴、生前 相遇 且銜杯。

〔0091_城西陂泛舟〕(七律)

青蛾 皓齒 在樓船、橫笛 短簫 悲遠天。
春風 自信 牙樞動、澗日 徐看 錦纜牽。
魚吹 細浪 搖歌扇、燕蹴 飛花 落舞筵。
不有 小舟 能蕩槳、百壺 那送 酒如泉。

〔0092_漢陂行〕(七古)

岑參 兄弟 皆好奇、攜我 遠來 遊漢陂。
天地 黧慘 忽異色、波濤 萬頃 堆琉璃。
琉璃 汗漫 泛舟入、事殊 興極 憂思集。
鼉作 鯨吞 不復知、惡風 白浪 何嗟及。

主人 錦帆 相為開、舟子 喜甚 無氛埃。
鳧鷖 散亂 棹謳發、絲管 啁啾 空翠來。
沈竿 續縵 深莫測、菱葉 荷花 淨如拭。
宛在 中流 渤澥清、下歸 無極 終南黑。
半陂 以南 純浸山、動影 裊窈 沖融間。
船舷 暝戛 雲際寺、水面 月出 藍田關。
此時 驪龍 亦吐珠、馮夷 擊鼓 羣龍趨。
湘妃 漢女 出歌舞、金支 翠旗 光有無。
咫尺 但愁 雷雨至、蒼茫 不曉 神靈意。
少壯 幾時 奈老何、向來 哀樂 何其多。

〔 0093_漢陂西南臺 〕（五古）

高臺 面蒼陂、六月 風日冷。
蒹葭 離披去、天水 相與永。
懷新 目似擊、接要 心已領。
仿像 識蛟人、空濛 辨魚艇。
錯磨 終南翠、顛倒 白閣影。
嵒峯 增光輝、乘陵 惜俄頃。
勞生 愧嚴鄭、外物 慕張邴。
世復 輕驂騑、吾甘 雜鼃黽。
知歸 俗所忌、取適 事莫並。
身退 豈待官、老來 苦便靜。
況資 菱芡足、庶結 茅茨迥。
從此 具扁舟、彌年 逐清景。

〔 0094_與鄠縣源大少府、宴漢陂 〕（五律）

應為 西陂好、金錢 罄一餐。
飯抄 雲子白、瓜嚼 水精寒。
無計 迴船下、空愁 避酒難。
主人 情爛熳、持答 翠琅玕。

〔 0095_贈田九判官梁丘 〕（七律）

崆峒 使節 上青霄、河隴 降王 款聖朝。
宛馬 總肥 秦苜蓿、將軍 只數 漢嫖姚。
陳留 阮瑀 誰爭長、京兆 田郎 早見招。
麾下 賴君 才並美、獨能 無意 向漁樵。

〔 0096_投贈哥舒開府翰二十韻 〕（五排）

今代 麒麟閣、何人 第一功。
君王 自神武、駕馭 必英雄。
開府 當朝傑、論兵 邁古風。
先鋒 百戰在、略地 兩隅空。
青海 無傳箭、天山 早掛弓。
廉頗 仍走敵、魏絳 已和戎。
每惜 河湟棄、新兼 節制通。

智謀 垂睿想、出入冠諸公。
日月低秦樹、乾坤繞漢宮。
胡人愁逐北、宛馬又從東。
受命邊沙遠、歸來御席同。
軒墀曾寵鶴、畋獵舊非熊。
茅土加明數、山河誓始終。
策行遺戰伐、契合動昭融。
勳業青冥上、交親氣概中。
未為珠履客、已見白頭翁。
壯節初題柱、生涯獨轉蓬。
幾年春草歇、今日暮途窮。
軍事留孫楚、行間識呂蒙。
防身一長劍、將欲倚崆峒。

『0097_寄高三十五書記』（五律）

歎息 高生老、新詩日又多。
美名人不及、佳句法如何。
主將收才子、崆峒足凱歌。
聞君已朱紱、且得慰蹉跎。

『0098_送張十二參軍、赴蜀州、因呈楊五侍御』（五律）

好去 張公子、通家別恨添。
兩行秦樹直、萬點蜀山尖。
御史新驄馬、參軍舊紫髯。
皇華吾善處、于汝定無嫌。

『0099_贈陳二補闕』（五律）

世儒多汨沒、夫子獨聲名。
獻納開東觀、君王問長卿。
卑鵬寒始急、天馬老能行。
自到青冥裏、休看白髮生。

『0100_病後過王倚飲贈歌』（七古）

麟角鳳觜 世莫辨、煎膠續弦 奇自見。
尚看王生 抱此懷、在於甫也 何由羨。
且過王生 慰疇昔、素知賤子 甘貧賤。
酷見凍餒 不足恥、多病沈年 苦無健。
王生怪我 顏色惡、答云伏枕 艱難遍。
瘡痍三秋 孰可忍、寒熱百日 相交戰。
頭白眼暗 坐有胝、肉黃皮皺 命如線。
惟生哀我 未平復、為我力致 美肴膳。
遣人向市 賒香粳、喚婦出房 親自饌。
長安冬菹 酸且綠、金城土酥 淨如練。
兼求畜豪 且割鮮、密沽斗酒 諧終宴。
故人情義 晚誰似、令我手足 輕欲旋。

老馬 為駒 信不虛、當時 得意 況深眷。
但使 殘年 飽喫飯、只願 無事 長相見。

『0101_送裴二虬尉永嘉』（五律）

孤嶼 亭何處。天涯 水氣中。
故人 官就此、絕境 興誰同。
隱吏 逢梅福、遊山 憶謝公。
扁舟 吾已僦、把釣 待秋風。

『0102_贈獻納使・起居田舍人澄[獻納起居]』（七律）

獻納 司存 雨露邊、地分 清切 任才賢。
舍人 退食 收封事、宮女 開函 捧御筵。
曉漏 追趨 青瑣闥、晴窗 點檢 白雲篇。
揚雄 更有 河東賦、唯待 吹噓 送上天。

『0103_崔駙馬山亭宴集』（五律）

蕭史 幽棲地、林間 踏鳳毛。
湫流 何處入、亂石 閉門高。
客醉 揮金碗、詩成 得繡袍。
清秋 多宴會、終日 困香醪。

『0104_示從孫濟』（五古）

平明 跨驢出、未知 適誰門。
權門 多噂沓、且復 尋諸孫。
諸孫 貧無事、宅舍 如荒村。
堂前 自生竹、堂後 自生萱。
萱草 秋已死、竹枝 霜不蕃。
淘米 少汲水、汲多 井水渾。
刈葵 莫放手、放手 傷葵根。
阿翁 懶惰久、覺兒 行步奔。
所來 為宗族、亦不 為盤飧。
小人 利口實、薄俗 難具論。
勿受 外嫌猜、同姓 古所敦。

『0105_九日寄岑參』（五古）

出門 復入門、雨脚 但如舊。
所向 泥活活、思君 令人瘦。
沈吟 坐西軒、飲食 錯昏晝。
寸步 曲江頭、難為 一相就。
吁嗟 乎蒼生、稼穡 不可救。
安得 誅雲師、疇能 補天漏。
大明 韜日月、曠野 號禽獸。
君子 強逶迤、小人 困馳驟。
維南 有崇山、恐與 川浸溜。
是節 東籬菊、紛披 為誰秀。

岑生 多新詩、性亦 嗜醇酎。
采采 黃金花、何由 滿衣袖。

『0106_嘆庭前甘菊花』（七古）

庭前 甘菊 移時晚、青蕊 重陽 不堪摘。
明日 蕭條 醉盡醒、殘花 爛熳 開何益。
籬邊 野外 多衆芳、采擷 細瑣 升中堂。
念茲 空長 大枝葉、結根 失所 纏風霜。

『0107_承沈八丈東美除膳部員外郎阻雨未遂馳賀奉寄此詩』（五排）

今日 西京掾、多除 南省郎。
通家 惟沈氏、謁帝 似馮唐。
詩律 群公問、儒門 舊史長。
清秋 便寓直、列宿 頓輝光。
未暇 申安慰、含情 空激揚。
司存 何所比。膳部 默悽傷。
貧賤 人事略、經過 霖潦妨。
禮同 諸父長、恩豈 布衣忘。
天路 牽騏驥、雲臺 引棟梁。
徒懷 貢公喜、颯颯 鬢毛蒼。

『0108_苦雨奉寄隴西公兼呈王徵士』（五古）

今秋 乃淫雨、仲月 來寒風。
羣木 水光下、萬家 雲氣中。
所思 礙行潦、九里 信不通。
悄悄 素滄路、迢迢 天漢東。
願騰 六尺馬、背若 孤征鴻。
劃見 公子面、超然 歡笑同。
奮飛 既胡越、局促 傷樊籠。
一飯 四五起、憑軒 心力窮。
嘉蔬 沒混濁、時菊 碎榛叢。
鷹隼 亦屈猛、烏鳶 何所蒙。
式瞻 北鄰居、取適 南巷翁。
掛席 釣川漲、焉知 清興終。

『秋雨歎三首』

0109 其一（七古）

雨中 百草 秋爛死、階下 決明 顏色鮮。
著葉 滿枝 翠羽蓋、開花 無數 黃金錢。
涼風 蕭蕭 吹汝急、恐汝 後時 難獨立。
堂上 書生 空白頭、臨風 三嗅 馨香泣。

0110 其二（七古）

闌風 伏雨 秋紛紛、四海 八荒 同一雲。
去馬 來牛 不復辨、濁涇 清渭 何當分。
禾頭 生耳 黍穗黑、農夫 田父 無消息。

城中 斗米 換衾裯、相許 寧論 兩相直。

0111 其三(七古)

長安 布衣 誰比數、反鎖 衡門 守環堵。

老夫 不出 長蓬蒿、稚子 無憂 走風雨。

雨聲 颼颼 催早寒、胡雁 翅濕 高飛難。

秋來 未曾 見白日、泥污 后土 何時乾。

〔0112_奉贈太常張卿垺二十韻〕（五排）

方丈 三韓外、崑崙 萬國西。

建標 天地闊、詣絕 古今迷。

氣得 神仙迴、恩承 雨露低。

相門 清議衆、儒術 大名齊。

軒冕 羅天闕、琳琅 識介珪。

伶官 詩必誦、夔樂 典儀稽。

健筆 凌鸚鵡、鈇鋒 瑩鸞鵠。

友于 皆挺拔、公望 各端倪。

通籍 踰青瑣、亨衢 照紫泥。

靈虬 傳夕箭、歸馬 散霜蹄。

能事 聞重譯、嘉謨 及遠黎。

弼諧 方一展、班序 更何躋。

適越 空顛躓、遊梁 竟慘淒。

謬知 終畫虎、微分 是醢雞。

萍泛 無休日、桃陰 想舊蹊。

吹噓 人所羨、騰躍 事仍睽。

碧海 真難涉、青雲 不可梯。

顧深 慚鍛鍊、才小 辱提攜。

檻束 哀猿叫、枝驚 夜鵲棲。

幾時 陪羽獵、應指 釣璜溪。

〔0113_上韋左相二十韻〕（五排）

鳳曆 軒轅紀、龍飛 四十春。

八荒 開壽域、一氣 轉洪鈞。

霖雨 思賢佐、丹青 憶舊臣。

應圖 求駿馬、驚代 得騏驎。

沙汰 江河濁、調和 鼎鼐新。

韋賢 初相漢、范叔 已歸秦。

盛業 今如此、傳經 固絕倫。

豫樟 深出地、滄海 闊無津。

北斗 司喉舌、東方 領搢紳。

持衡 留藻鑒、聽履 上星辰。

獨步 才超古、餘波 德照鄰。

聰明 過管輅、尺牘 倒陳遵。

豈是 池中物、由來 席上珍。

廟堂 知至理、風俗 盡還淳。

才傑 俱登用、愚蒙 但隱淪。

長卿 多病久、子夏 索居頻。
回首 驅流俗、生涯 似衆人。
巫咸 不可問、鄒魯 莫容身。
感激 時將晚、蒼茫 興有神。
為君 歌此曲、涕淚 在衣巾。

『0114_沙苑行』（七古）

君不見、
左輔 白沙 如白水、繚以 周牆 百餘里。
龍媒 昔是 渥洼生、汗血 今稱 獻於此。
苑中 駉牝 三千匹、豐草 青青 寒不死。
食之 豪健 西域無、每歲 攻駒 冠邊鄙。
王有 虎臣 司苑門、入門 天廄 皆雲屯。
驪驪 一骨 獨當御、春秋 二時 歸至尊。
內外 馬數 將盈億、伏櫪 在垆 空大存。
逸羣 絕足 信殊傑、倜儻 權奇 難具論。
鼎鼎 埶阜 藏奔突、往往 坡陀 縱超越。
角壯 翻騰 麋鹿遊、浮深 簸蕩 龜鼉窟。
泉出 巨魚 長比人、丹砂 作尾 黃金鱗。
豈知 異物 同精氣、雖未 成龍 亦有神。

『0115_橋陵詩三十韻、因呈縣內諸官』（五排）

先帝 昔晏駕、茲山 朝百靈。
崇岡 擁象設、沃野 開天庭。
即事 壯重險、論功 超五丁。
坡陀 因厚地、卻略 羅峻屏。
雲闕 虛冉冉、松風 肅泠泠。
石門 霜露白、玉殿 莓苔青。
宮女 晚知曙、祠官 朝見星。
空梁 簇畫戟、陰井 敲銅瓶。
中使 日相繼、惟王 心不寧。
豈徒 卹備享、尚謂 求無形。
孝理 敦國政、神凝 推道經。
瑞芝 產廟柱、好鳥 鳴巖扃。
高嶽 前嶺峯、洪河 左滢滢。
金城 蓄峻趾、沙苑 交迴汀。
永與 奧區固、川原 紛眇冥。
居然 赤縣立、臺榭 爭岩亭。
官屬 果稱是、聲華 真可聽。
王劉 美竹潤、裴李 春蘭馨。
鄭氏 才振古、啖侯 筆不停。
遣詞 必中律、利物 常發硯。
綺繡 相展轉、琳琅 愈青瑩。
側聞 魯恭化、秉德 崔瑗銘。
太史 候鳧影、王喬 隨鶴翎。

朝儀限霄漢、客思迴林垞。
輾轉辭下杜、飄飄凌濁涇。
諸生舊短褐、旅泛一浮萍。
荒歲兒女瘦、暮途涕泗零。
主人念老馬、廨署容秋螢。
流寓理豈愜、窮愁醉不醒。
何當擺俗纍、浩蕩乘滄溟。

『0116_送蔡希魯都尉還隴右因寄高三十五書記[蔡希曾]』（五排）

蔡子勇成癖、彎弓西射胡。
健兒寧鬪死、壯士恥為儒。
官是先鋒得、才緣挑戰須。
身輕一鳥過、槍急萬人呼。
雲幕隨開府、春城赴上都。
馬頭金匱匠、駝背錦模糊。
咫尺雪山路、歸飛青海隅。
上公猶寵錫、突將且前驅。
漢使黃河遠、涼州白麥枯。
因君問消息、好在阮元瑜。

『0117_醉歌行』（七古）

陸機二十作文賦、汝更少年能綴文。
總角草書又神速、世上兒子徒紛紛。
驊騮作駒已汗血、鸞鳥舉翮連青雲。
詞源倒流三峽水、筆陣獨掃千人軍。
只今年纔十六七、射策君門期第一。
舊穿楊葉真自知、暫蹶霜蹄未為失。
偶然擢秀非難取、會是排風有毛質。
汝身已見唾成珠、汝伯何由髮如漆。
春光潭沲秦東亭、渚蒲牙白水荇青。
風吹客衣日杲杲、樹攬離思花冥冥。
酒盡沙頭雙玉瓶、衆賓皆醉我獨醒。
乃知貧賤別更苦、吞聲躑躅涕淚零。

『0118_陪李金吾花下飲』（五律）

勝地初相引、徐行得自娛。
見輕吹鳥毳、隨意數花鬚。
細草偏稱坐、香醪懶再沽。
醉歸應犯夜、可怕執金吾。

『0119_官定後戲贈』（五律）

不作河西尉、淒涼為折腰。
老夫怕趨走、率府且逍遙。
耽酒須微祿、狂歌託聖朝。
故山歸興盡、回首向風飄。

『0120_去矣行』（七古）

君不見 韝上鷹、一飽 即飛掣。
焉能 作堂 上燕、銜泥 附炎熱。
野人 曠蕩 無腴顏、豈可 久在 王侯間。
未試 囊中 餐玉法、明朝 且入 藍田山。

『0121_夜聽許十一誦詩愛而有作[許十損・許十]』（五古）

許生 五臺賓、業白 出石壁。
余亦 師榮可、身猶 縛禪寂。
何階 子方便、謬引 為匹敵。
離索 晚相逢、包蒙 欣有擊。
誦詩 渾遊衍、四座 皆辟易。
應手 看捶鉤、清心 聽鳴鐃。
精微 穿溟滓、飛動 摧霹靂。
陶謝 不枝梧、風騷 共推激。
紫燕 自超詣、翠駁 誰剪剔。
君意 人未知、人間 夜寥闐。

『0122_戲簡鄭廣文兼呈蘇司業[鄭虔・蘇源明]』（五古）

廣文 到官舍、繫馬 堂階下。
醉則 騎馬歸、頗遭 官長罵。
才名 三十年、坐客 寒無氎。
賴有 蘇司業、時時 乞酒錢。

『0123_夏日李公見訪[李家令]』（五古）

遠林 暑氣薄、公子 過我遊。
貧居 類村塢、僻近 城南樓。
傍舍 頗淳樸、所須 亦易求。
隔屋 喚西家、借問 有酒不。
牆頭 過濁醪、展席 俯長流。
清風 左右至、客意 已驚秋。
巢多 衆鳥鬬、葉密 鳴蟬稠。
苦遭 此物聒、孰謂 吾廬幽。
水花 晚色靜、庶足 充淹留。
預恐 樽中盡、更起 為君謀。

『0124_天育驃圖歌[驃騎]』（七古）

吾聞 天子 之馬 走千里、今之 畫圖 無乃是。
是何 意態 雄且傑、驤尾 蕭梢 朔風起。
毛為 綠縹 兩耳黃、眼有 紫燄 雙瞳方。
矯矯 龍性 含變化、卓立 天骨 森開張。
伊昔 太僕 張景順、監牧 攻駒 閱清峻。
遂令 大奴 字天育、別養 驥子 憐神駿。
當時 四十 萬匹馬、張公 歎其 材盡下。

故獨 寫真 傳世人、見之 座右 久更新。
年多 物化 空形影、嗚呼 健步 無由騁。
如今 豈無 驥裏 與驊騮、時無 王良 伯樂 死即休。

〔0125_驄馬行〕（七古）

鄧公 馬癖 人共知、初得 花驄 大宛種。
夙昔 傳聞 思一見、牽來 左右 神皆竦。
雄姿 逸態 何嶄峩、顧影 驕嘶 自矜寵。
隅目 青瑩 夾鏡懸、肉駿 礪礪 連錢動。
朝來 少試 華軒下、未覺 千金 滿高價。
赤汗 微生 白雪毛、銀鞍 卻覆 香羅帕。
卿家 舊賜 公取之、天廐 真龍 此其亞。
晝洗 須臾 涇渭深、夕趨 可刷 幽并夜。
吾聞 良驥 老始成、此馬 數年 人更驚。
豈有 四蹄 疾於鳥、不與 八駿 俱先鳴。
時俗 造次 那得致、雲霧 晦冥 方降精。
近聞 下詔 喧都邑、肯使 騏驎 地上行。

〔0126_魏將軍歌〕（七古）

將軍 昔著 從事衫、鐵馬 馳突 重兩銜。
被堅 執銳 略西極、崑崙 月窟 東嶄巖。
君門 羽林 萬猛士、惡若 哮虎 子所監。
五年 起家 列霜戟、一日 過海 收風帆。
平生 流輩 徒蠢蠢、長安 少年 氣欲盡。
魏侯 骨聳 精爽緊、華嶽 峰尖 見秋隼。
星纏 寶校 金盤陀、夜騎 天駟 超天河。
櫓槍 熒惑 不敢動、翠蕤 雲旛 相蕩摩。
吾為 子起 歌都護、酒闌 插劍 肝膽露、
萬歲 千秋 奉明主、臨江 節士 安足數。

〔0127_白水明府舅宅喜雨〔得過字〕〕（五律）

吾舅 政如此、古人 誰復過。
碧山 晴又濕、白水 雨偏多。
精禱 既不昧、歡娛 將謂何。
湯年 旱頗甚、今日 醉弦歌。

〔0128_九日楊奉先會白水崔明府〕（五律）

今日 潘懷縣、同時 陸浚儀。
坐開 桑落酒、來把 菊花枝。
天宇 清霜淨、公堂 宿霧披。
晚酣 留客舞、晷舄 共差池。

〔0129_自京赴奉先詠懷五百字〕（五古）

杜陵 有布衣、老大 意轉拙。
許身 一何愚、竊比 稷與契。

居然成濩落、白首甘契闊。
蓋棺事則已、此志常覬豁。
窮年憂黎元、歎息腸內熱。
取笑同學翁、浩歌彌激烈。
非無江海志、蕭灑送日月。
生逢堯舜君、不忍便永訣。
當今廊廟具、構廈豈云缺。
葵藿傾太陽、物性固難奪。
顧惟螻蟻輩、但自求其穴。
胡為慕大鯨、輒擬偃溟渤。
以茲悟生理、獨恥事干謁。
兀兀遂至今、忍為塵埃沒。
終愧巢與由、未能易其節。
沈飲聊自遣、放歌破愁絕。
歲暮百草零、疾風高岡裂。
天衢陰崢嶸、客子中夜發。
霜嚴衣帶斷、指直不能結。
凌晨過驪山、御榻在嵒嶮。
蚩尤塞寒空、蹴踏崖谷滑。
瑤池氣鬱律、羽林相摩戛。
君臣留歡娛、樂動殷膠葛。
賜浴皆長纓、與宴非短褐。
彤庭所分帛、本自寒女出。
鞭撻其夫家、聚斂貢城闕。
聖人筐篚恩、實願邦國活。
臣如忽至理、君豈棄此物。
多士盈朝廷、仁者宜戰慄。
況聞內金盤、盡在衛霍室。
中堂有神仙、煙霧蒙玉質。
煖客貂鼠裘、悲管逐清瑟。
勸客駝蹄羹、霜橙壓香橘。
朱門酒肉臭、路有凍死骨。
榮枯咫尺異、惆悵難再述。
北轅就涇渭、官渡又改轍。
羣水從西下、極目高岑兀。
疑是崆峒來、恐觸天柱折。
河梁幸未拆、枝撐聲窸窣。
行李相攀援、川廣不可越。
老妻寄異縣、十口隔風雪。
誰能久不顧、庶往共饑渴。
入門聞號咷、幼子饑已卒。
吾寧捨一哀、里巷亦鳴咽。
所愧為人父、無食致夭折。
豈知秋禾登、貧窶有倉卒。
生常免租稅、名不隸征伐。

撫跡 猶酸辛、平人 固騷屑。
默思 失業徒、因念 遠戍卒。
憂端 齊終南、瀕洞 不可掇。

『0130_奉先劉少府新畫山水障歌』（七古）

堂上 不合 生楓樹、怪底 江山 起煙霧。
聞君 掃卻 赤縣圖、乘興 遣畫 滄洲趣。
畫師 亦無數、好手 不可遇。
對此 融心神、知君 重豪素。
豈但 祁岳 與鄭虔、筆跡 遠過 楊契丹。
得非 玄圃裂、無乃 瀟湘翻。
悄然 坐我 天姥下、耳邊 已似 聞清猿。
反思 前夜 風雨急、乃是 蒲城 鬼神入。
元氣 淋漓 障猶濕、真宰 上訴 天應泣。
野亭 春還 雜花遠、漁翁 暝踏 孤舟立。
滄浪 水深 青溟闊、欹岸 側島 秋毫末。
不見 湘妃 鼓瑟時、至今 斑竹 臨江活。
劉侯 天機精、愛畫 入骨髓。
自有 兩兒郎、揮灑 亦莫比。
大兒 聰明到、能添 老樹 巔崖裏。
小兒 心孔開、貌得 山僧及童子。
若耶溪、雲門寺、吾獨 胡為 在泥滓、青鞋 布襪 從此始。

『0131_奉同郭給事湯東靈湫作』（五古）

東山 氣濛鴻、宮殿 居上頭。
君來 必十月、樹羽 臨九州。
陰火 煮玉泉、噴薄 漲巖幽。
有時 浴赤日、光抱 空中樓。
閨風 入轍跡、曠原 延冥搜。
沸天 萬乘動、觀水 百丈湫。
幽靈 斯可怪、王命 官屬休。
初聞 龍用壯、擘石 摧林丘。
中夜 窟宅改、移因 風雨秋。
倒懸 瑤池影、屈注 滄江流。
味如 甘露漿、揮弄 滑且柔。
翠旗 澹偃蹇、雲車 紛少留。
簫鼓 蕩四溟、異香 泱泱浮。
鮫人 獻微綃、曾祝 沈豪牛。
百祥 奔盛明、古先 莫能儔。
坡陀 金蝦蟆、出見 蓋有由。
至尊 顧之笑、王母 不遣收。
復歸 虛無底、化作 長黃虬。
飄飄 青瑣郎、文采 珊瑚鉤。
浩歌 淶水曲、清絕 聽者愁。

『後出塞五首』

0132 其一(五古)

男兒 生世間、及壯 當封侯。
戰伐 有功業、焉能 守舊丘。
召募 赴薊門、軍動 不可留。
千金 裝馬鞭、百金 裝刀頭。
閭里 送我行、親戚 擁道周。
斑白 居上列、酒酣 進庶羞。
少年 別有贈、含笑 看吳鉤。

0133 其二(五古)

朝進 東門營、暮上 河陽橋。
落日 照大旗、馬鳴 風蕭蕭。
平沙 列萬幕、部伍 各見招。
中天 懸明月、令嚴 夜寂寥。
悲笳 數聲動、壯士 慘不驕。
借問 大將誰、恐是 霍嫖姚。

0134 其三(五古)

古人 重守邊、今人 重高勳。
豈知 英雄主、出師 互長雲。
六合 已一家、四夷 且孤軍。
遂使 貔虎士、奮身 勇所聞。
拔劍 擊大荒、日收 胡馬羣。
誓開 玄冥北、持以 奉吾君。

0135 其四(五古)

獻凱 日繼踵、兩蕃 靜無虞。
漁陽 豪俠地、擊鼓 吹笙竽。
雲帆 轉遼海、稂稻 來東吳。
越羅 與楚練、照耀 輿臺軀。
主將 位益崇、氣驕 凌上都。
邊人 不敢議、議者 死路衢。

0136 其五(五古)

我本 良家子、出師 亦多門。
將驕 益愁思、身貴 不足論。
躍馬 二十年、恐孤 明主恩。
坐見 幽州騎、長驅 河洛昏。
中夜 聞道歸、故里 但空村。
惡名 幸脫免、窮老 無兒孫。

『0137_蘇端薛復筵簡薛華醉歌』(七古)

文章 有神 交有道、端復 得之 名譽早。
愛客 滿堂 盡豪傑、開筵 上日 思芳草。
安得 健步 移遠梅、亂插 繁花 向晴昊。
千里 猶殘 舊冰雪、百壺 且試 開懷抱。
垂老 惡聞 戰鼓悲、急觴 為緩 憂心擣。
少年 努力 縱談笑、看我 形容 已枯槁。

座中 薛華 善醉歌、歌辭 自作 風格老。
近來 海內 為長句、汝與 山東 李白好。
何劉 沈謝 力未工、才兼 鮑照 愁絕倒。
諸生 頗盡 新知樂、萬事 終傷 不自保。
氣酣 日落 西風來、願吹 野水 添金杯。
如漚 之酒 常快意、亦知 窮愁 安在哉。
忽憶 雨時 秋井塌、古人 白骨 生青苔、

『0138_晦日尋崔戢李封』（五古）

朝光 入甕牖、尸寢 驚敝裘。
起行 視天宇、春氣 漸和柔。
興來 不暇懶、今晨 梳我頭。
出門 無所待、徒步 覺自由。
杖藜 復恣意、免值 公與侯。
晚定 崔李交、會心 真罕儔。
每過 得酒傾、二宅 可淹留。
喜結 仁里歡、況因 令節求。
李生 園欲荒、舊竹 頗修修。
引客 看掃除、隨時 成獻酬。
崔侯 初筵色、已畏 空樽愁。
未知 天下士、至性 有此不。
草芽 既青出、蜂聲 亦暖遊。
思見 農器陳、何當 甲兵休。
上古 葛天民、不貽 黃屋憂。
至今 阮籍等、熟醉 為身謀。
威鳳 高其翔、長鯨 吞九州。
地軸 為之翻、百川 皆亂流。
當歌 欲一放、淚下 恐莫收。
濁醪 有妙理、庶用 慰沈浮。

『0139_白水崔少府十九翁高齋三十韻』（五古）

客從 南縣來、浩蕩 無與適。
旅食 白日長、況當 朱炎赫。
高齋 坐林杪、信宿 游衍闋。
清晨 陪躋攀、傲睨 俯峭壁。
崇岡 相枕帶、曠野 迴咫尺。
始知 賢主人、贈此 遣愁寂。
危階 根青冥、曾冰 生淅瀝。
上有 無心雲、下有 欲落石。
泉聲 聞復息、動靜 隨所激。
鳥呼 藏其身、有似 懼彈射。
吏隱 適情性、茲焉 其窟宅。
白水 見舅氏、諸翁 乃仙伯。
杖藜 長松下、作尉 窮谷僻。
為我 炊雕胡、逍遙 展良覲。

坐久 風頗怒、晚來 山更碧。
相對 十丈蛟、歛翻 盤渦坼。
何得 空裏雷、殷殷 尋地脈。
煙氛 靄崢嶸、**颺颺** 森慘戚。
崑崙 崕峒巔、回首 如不隔。
前軒 頽反照、**嶢絕** 華嶽赤。
兵氣 漲林巒、川光 雜**鋒鏑**。
知是 相公軍、鐵馬 雲霧積。
玉觴 淡無味、**胡羯** 豈**強敵**。
長歌 激屋梁、**淚下** 流衽席。
人生 半**哀樂**、**天地** 有順逆。
慨彼 萬國夫、休明 備征狄。
猛將 紛填委、廟謀 蓄長策。
東郊 何時開、帶甲 且未釋。
欲告 清宴罷、難拒 幽明迫。
三歎 酒食傍、何由 似平昔。

『 0140_三川觀水漲二十韻』（五古）

我經 華原來、不復 見平陸。
北上 惟土山、連天 走**窮谷**。
火雲 出**無時**、飛電 常**在目**。
自多 窮岫雨、行潦 相趺蹙。
蓊鬱 川氣黃、羣流 會空曲。
清晨 望高浪、忽謂 陰崖踣。
恐泥 竄蛟龍、**登危** 聚**麋鹿**。
枯查 卷拔樹、礧礧 共充塞。
聲吹 **鬼神**下、勢閱 人代速。
不有 萬穴歸、何以 尊四瀆。
及觀 **泉源**漲、反懼 **江海**覆。
漂沙 圻岸去、漱壑 **松柏**禿。
乘陵 破**山門**、迴幹 裂**地軸**。
交洛 赴**洪河**、**及關** 豈**信宿**。
應沈 數州沒、如聽 萬室哭。
穢濁 殊未清、**風濤** 怒猶蓄。
何時 通舟車、陰氣 不黶黷。
浮生 有蕩汨、**吾道** 正羈束。
人寰 難**容身**、**石壁** 滑側足。
雲雷 屯不已、艱險 路更跼。
普天 無川梁、欲濟 願水縮。
因悲 中林士、未脫 衆魚腹。
舉頭 向蒼天、安得 騎鴻鵠。

『 0141_月夜』（五律）

今夜 鄜州月、閨中 只獨看。
遙憐 小**兒女**、**未解** 憶**長安**。

香霧 雲鬢濕、清輝 玉臂寒。
何時 倚虛幌、雙照 淚痕乾。

〔0142_哀王孫〕（七古）

長安 城頭 頭白烏、夜飛 延秋 門上呼。
又向 人家 啄大屋、屋底 達官 走避胡。
金鞭 折斷 九馬死、骨肉 不得 同馳驅。
腰下 寶玦 青珊瑚、可憐 王孫 泣路隅。
問之 不肯 道姓名、但道 困苦 乞為奴。
已經 百日 竄荊棘、身上 無有 完肌膚。
高帝 子孫 盡隆準、龍種 自與 常人殊。
豺狼 在邑 龍在野、王孫 善保 千金軀。
不敢 長語 臨交衢、且為 王孫 立斯須。
昨夜 東風 吹血腥、東來 橐駝 滿舊都。
朔方 健兒 好身手、昔何 勇銳 今何愚。
竊聞 天子 已傳位、聖德 北服 南單于。
花門 剺面 請雪恥、慎勿 出口 他人狙。
哀哉 王孫 慎勿疏、五陵 佳氣 無時無。

〔0143_悲陳陶〕（七古）

孟冬 十郡 良家子、血作 陳陶 澤中水。
野曠 天清 無戰聲、四萬 義軍 同日死。
羣胡 歸來 雪洗箭、仍唱 夷歌 飲都市。
都人 迴面 向北啼、日夜 更望 官軍至。

〔0144_悲青坂〕（七古）

我軍 青坂 在東門、天寒 飲馬 太白窟。
黃頭 奚兒 日向西、數騎 彎弓 敢馳突。
山雪 河冰 晚蕭瑟、青是 烽煙 白是骨。
焉得 附書 與我軍、忍待 明年 莫倉卒。

〔0145_避地〕（五律）

避地 歲時晚、竄身 筋骨勞。
詩書 遂牆壁、奴僕 且旌旄。
行在 僅聞信、此生 隨所遭。
神堯 舊天下、會見 出腥臊。

〔0146_對雪〕（五律）

戰哭 多新鬼、愁吟 獨老翁。
亂雲 低薄暮、急雪 舞迴風。
瓢棄 樽無綠、爐存 火似紅。
數州 消息斷、愁坐 正書空。

〔0147_元日寄韋氏妹〕（五律）

近聞 韋氏妹、迎在 漢鍾離。

郎伯 **殊方** 鎮、**京華** **舊國** 移。
秦城 迴**北斗**、郢樹 發南枝。
不見 朝正使、啼痕 滿面垂。

『0148_春望』（五律）

國破 **山河** 在、城春 **草木** 深。
感時 花濺淚、恨別 鳥驚心。
烽火 連**三月**、家書 抵萬金。
白頭 搔更短、渾欲 不勝簪。

『得舍弟消息二首』

0149 其一（五律）

近有 平陰信、**遙憐** 舍弟存。
側身 **千里** 道、寄食 **一家** 村。
烽舉 新**酣戰**、啼垂 舊血痕。
不知 臨老日、招得 幾時魂。

0150 其二（五律）

汝懦 歸**無計**、吾衰 往未期。
浪傳 **烏鵲** 喜、深負 **鸛鷀** 詩。
生理 何顏面、憂端 且**歲時**。
兩京 三十口、雖在 命如絲。

『0151_憶幼子』（五律）

驥子 春猶隔、鶯歌 暖正繁。
別離 驚節換、聰慧 **與誰** 論。
澗水 **空山** 道、**柴門** **老樹** 村。
憶渠 愁只睡、炙背 俯晴軒。

『0152_一百五日夜對月』（五律）

無家 對**寒食**、有淚 如**金波**。
斫卻 月中桂、**清光** 應更多。
仳離 放紅蕊、**想像** 顰**青蛾**。
牛女 漫愁思、秋期 猶渡河。

『0153_遣興』（五排）

驥子 好男兒、前年 學語時。
問知 人客姓、誦得 **老夫** 詩。
世亂 憐渠小、**家貧** 仰母慈。
鹿門 攜不遂、雁足 繫難期。
天地 **軍塵** 滿、**山河** 戰角悲。
儻歸 免相失、見日 敢辭遲。

『0154_塞蘆子』（五古）

五城 何迢迢、迢迢 隔河水。
邊兵 盡東征、城內 空荆杞。

思明 割懷衛、秀巖 西未已。
迴略 大荒來、崑涵 蓋虛爾。
延州 秦北戶、關防 猶可倚。
焉得 一萬人、疾驅 塞蘆子。
岐有 薛大夫、旁制 山賊起。
近聞 昆戎徒、為退 三百里。
蘆關 扼兩徇、深意 實在此。
誰能 叫帝閭、胡行 速如鬼。

『0155_哀江頭』（七古）

少陵 野老 吞聲哭、春日 潛行 曲江曲。
江頭 宮殿 鎖千門、細柳 新蒲 為誰綠。
憶昔 霓旌 下南苑、苑中 萬物 生顏色。
昭陽 殿裏 第一人、同輦 隨君 侍君側。
輦前 才人 帶弓箭、白馬 嚼齧 黃金勒。
翻身 向天 仰射雲、一笑 正墜 雙飛翼。
明眸 皓齒 今何在、血污 遊魂 歸不得。
清渭 東流 劍閣深、去住 彼此 無消息。
人生 有情 淚沾臆、江草 江花 豈終極。
黃昏 胡騎 塵滿城、欲往 城南 望城北。

『大雲寺贊公房四首』

0156 其一（五古）

心在 水精域、衣霑 春雨時。
洞門 盡徐步、深院 果幽期。
到扉 開復閉、撞鐘 齋及茲。
醍醐 長發性、飲食 過扶衰。
把臂 有多日、開懷 無愧辭。
黃鸝 度結構、紫鴿 下眾罍。
愚意 會所適、花邊 行自遲。
湯休 起我病、微笑 索題詩。

0157 其二（五古）

細軟 青絲履、光明 白氎巾。
深藏 供老宿、取用 及吾身。
自顧 轉無趣、交情 何尚新。
道林 才不世、惠遠 德過人。
雨瀉 暮簷竹、風吹 春井芹。
天陰 對圖畫、最覺 潤龍鱗。

0158 其三（五古）

燈影 照無睡、心清 聞妙香。
夜深 殿突兀、風動 金琅璫。
天黑 閉春院、地清 棲暗芳。
玉繩 迴斷絕、鐵鳳 森翱翔。
梵放 時出寺、鐘殘 仍殷床。
明朝 在沃野、苦見 塵沙黃。

0159 其四（五古）

童兒 汲井華、慣捷 瓶上手。
霑灑 不濡地、掃除 似無帚。
明霞 爛複閣、霽霧 擡高牖。
側塞 被徑花、飄颻 委墀柳。
艱難 世事迫、隱遁 佳期後。
晤語 契深心、那能 總鉗口。
奉辭 還杖策、暫別 終回首。
泱泱 泥污人、== 國多狗。
既未 免羈絆、時來 慙奔走。
近公 如百雪、執熱 煩何有。

〔0160_雨過蘇端〕（五古）

雞鳴 風雨交、久旱 雨亦好。
杖藜 入春泥、無食 起我早。
諸家 憶所歷、一飯 跡便掃。
蘇侯 得數過、歡喜 每傾倒。
也復 可憐人、呼兒 具梨棗。
濁醪 必在眼、盡醉 據懷抱。
紅稠 屋角花、碧秀 牆隅草。
親賓 縱談謔、喧鬧 慰衰老。
沉蒙 霈澤垂、糧粒 或自保。
妻孥 隔軍壘、撥棄 不擬道。

〔0161_喜晴〕（五古）

皇天 久不雨、既雨 晴亦佳。
出郭 眺西郊、肅肅 春增華。
青瑩 陵陂麥、窈窕 桃李花。
春夏 各有實、我饑 豈無涯。
干戈 雖橫放、慘澹 鬪龍蛇。
甘澤 不猶愈、且耕 今未賒。
丈夫 則帶甲、婦女 終在家。
力難 及黍稷、得種 菜與麻。
千載 商山芝、往者 東門瓜。
其人 骨已朽、此道 誰疵瑕。
英賢 遇轡軻、遠引 蟠泥沙。
顧慚 昧所適、回首 白日斜。
漢陰 有鹿門、滄海 有靈查。
焉能 學衆口、咄咄 空咨嗟。

〔0162_送率府程錄事還鄉〕（五古）

鄙夫 行衰謝、抱病 昏忘集。
常時 往還人、記一 不識十。
程侯 晚相遇、與語 才傑立。
薰然 耳目開、頗覺 聰明入。

千載 得鮑叔、末契 有所及。
意鍾 老柏青、義動 修蛇蟄。
若人 可數見、慰我 垂白泣。
告別 無淹晷、百憂 復相襲。
內愧 突不黔、庶羞 以贖給。
素絲 挈長魚、碧酒 隨玉粒。
途窮 見交態、世梗 悲路澀。
東風 吹春冰、泱泱 后土濕。
念君 惜羽翮、既飽 更思戢。
莫作 翻雲鶻、聞呼 向禽急。

『0163_鄭駙馬池臺喜遇鄭廣文同飲』（五排）

不謂 生戎馬、何知 共酒杯。
燃臍 郿塢敗、握節 漢臣回。
白髮 千莖雪、丹心 一寸灰。
別離 經死地、披寫 忽登臺。
重對 秦簫發、俱過 阮宅來。
留連 春夜舞、淚落 強徘徊。

『自京、竄至鳳翔、喜達行在所、三首』

0164 其一（五律）

西憶 岐陽信、無人 遂卻回。
眼穿 當落日、心死 著寒灰。
茂樹 行相引、連山 望忽開。
所親 驚老瘦、辛苦 賊中來。

0165 其二（五律）

愁思 胡笳夕、淒涼 漢苑春。
生還 今日事、聞道 暫時人。
司隸 章初睹、南陽 氣已新。
喜心 翻倒極、嗚咽 淚沾巾。

0166 其三（五律）

死去 憑誰報、歸來 始自憐。
猶瞻 太白雪、喜遇 武功天。
影靜 千官裏、心蘇 七校前。
今朝 漢社稷、新數 中興年。

『0167_送樊二十三侍御赴漢中判官』（五古）

威弧 不能弦、自爾 無寧歲。
川谷 血橫流、豺狼 沸相噬。
天子 從北來、長驅 振凋敝。
頓兵 岐梁下、卻跨 沙漠裔。
二京 陷未收、四極 我得制。
蕭索 漢水清、緬通 淮湖稅。
使者 紛星散、王綱 尚旒綴。
南伯 從事賢、君行 立談際。

坐知 七曜曆、手畫 三軍勢。
冰雪 淨聰明、雷霆 走精銳。
幕府 輟諫官、朝廷 無此例。
至尊 方旰食、仗爾 布嘉惠。
補闕 暮徵入、柱史 晨征憩。
正當 艱難時、實藉 長久計。
迴風 吹獨樹、白日 照執袂。
慟哭 蒼煙根、山門 萬重閉。
居人 莽牢落、遊子 方迢遞。
徘徊 悲生離、局促 老一世。
陶唐 歌遺民、後漢 更列帝。
我無 匡復資、聊欲 從此逝。

『0168_送韋十六評事充同谷防禦判官』（五古）

昔沒 賊中時、潛與 子同遊。
今歸 行在所、王事 有去留。
偪側 兵馬間、主憂 急良籌。
子雖 軀幹小、老氣 橫九州。
挺身 艱難際、張目 視寇讎。
朝廷 壯其節、特詔 令參謀。
鑾輿 駐鳳翔、同谷 為咽喉。
西扼 弱水道、南鎮 枹罕陬。
此邦 承平日、剽劫 吏所羞。
況乃 胡未滅、控帶 莽悠悠。
府中 韋使君、道足 示懷柔。
令姪 才俊茂、二美 又何求。
受詞 太白脚、走馬 仇池頭。
古色 沙土裂、積陰 雲雪稠。
羌父 豪豬靴、羌兒 青兕裘。
吹角 向月窟、蒼山 旌旆愁。
鳥驚 出死樹、龍怒 拔老湫。
古來 無人境、今代 橫戈矛。
傷哉 文儒士、憤激 馳林丘。
中原 正格鬪、後會 何緣由。
百年 賦命定、豈料 沈與浮。
且復 戀良友、握手 步道周。
論兵 遠壑靜、亦可 縱冥搜。
題詩 得秀句、札翰 時相投。

『0169_述懷』（五古）

去年 潼關破、妻子 隔絕久。
今夏 草木長、脫身 得西走。
麻鞋 見天子、衣袖 見兩肘。
朝廷 慙生還、親故 傷老醜。
涕淚 受拾遺、流離 主恩厚。

柴門 雖得去、未忍 即開口。
寄書 問三川、不知 家在否。
比聞 同罹禍、殺戮 到雞狗。
山中 漏茅屋、誰復 依戶牖。
摧頽 蒼松根、地冷 骨未朽。
幾人 全性命、盡室 豈相偶。
嶽岑 猛虎場、鬱結 迴我首。
自寄 一封書、今已 十月後。
反畏 消息來、寸心 亦何有。
漢運 初中興、生平 老耽酒。
沈思 歡會處、恐作 窮獨叟。

『0170_得家書』（五排）

去憑 遊客寄、來為 附家書。
今日 知消息、他鄉 且舊居。
熊兒 幸無恙、驥子 最憐渠。
臨老 羈孤極、傷時 會合疏。
二毛 趨帳殿、一命 侍鸞輿。
北闕 妖氛滿、西郊 白露初。
涼風 新過雁、秋雨 欲生魚。
農事 空山裏、眷言 終荷鋤。

『0171_送長孫九侍御赴武威判官』（五古）

驄馬 新鑾蹄、銀鞍 被來好。
繡衣 黃白郎、騎向 交河道。
問君 適萬里、取別 何草草。
天子 憂涼州、嚴程 到須早。
去秋 羣胡反、不得 無電掃。
此行 收遺甿、風俗 方再造。
族父 領元戎、名聲 國中老。
奪我 同官良、飄飄 按城堡。
使我 不能餐、令我 惡懷抱。
若人 才思闊、溟漲 浸絕島。
樽前 失詩流、塞上 得國寶。
皇天 悲送遠、雲雨 白浩浩。
東郊 尚烽火、朝野 色枯槁。
西極 柱亦傾、如何 正穹昊。

『0172_送從弟亞赴河西判官』（五古）

南風 作秋聲、殺氣 薄炎熾。
盛夏 鷹隼擊、時危 異人至。
令弟 草中來、蒼然 請論事。
詔書 引上殿、奮舌 動天意。
兵法 五十家、爾腹 為筐笥。
應對 如轉丸、疏通 略文字。

經綸 皆新語、足以 正神器。
 宗廟 尚為灰、君臣 俱下淚。
 崆峒 地無軸、青海 天軒輊。
 西極 最瘡痍、連山 暗烽燧。
 帝曰 大布衣、藉卿 佐元帥。
 坐看 清流沙、所以 子奉使。
 歸當 再前席、適遠 非歷試。
 須存 武威郡、為畫 長久利。
 孤峰 石戴驛、快馬 金纏轡。
 黃羊 飲不羶、蘆酒 多還醉。
 踴躍 常人情、慘澹 苦士志。
 安邊 敵何有、反正 計始遂。
 吾聞 駕鼓車、不合 用騏驥。
 龍吟 迴其頭、夾輔 待所致。

〔0173_送靈州李判官〕（五律）

羯胡 腥四海、回首 一茫茫。
 血戰 乾坤赤、氛迷 日月黃。
 將軍 專策略、幕府 盛才良。
 近賀 中興主、神兵 動朔方。

〔0174_奉送郭中丞兼太僕卿充隴右節度使三十韻〕（五排）

詔發 山西將、秋屯 隴右兵。
 淒涼 餘部曲、燁赫 舊家聲。
 麟鳳 乘時去、鸞鵠 顧主鳴。
 艱難 須上策、容易 即前程。
 斜日 當軒蓋、高風 卷旆旌。
 松悲 天水冷、沙亂 雪山清。
 和虜 猶懷惠、防邊 詎敢驚。
 古來 於異域、鎮靜 示專征。
 燕薊 奔封豕、周秦 觸駭鯨。
 中原 何慘黷、遺孽 尚縱橫。
 箭入 昭陽殿、笳吹 細柳營。
 內人 紅袖泣、王子 白衣行。
 宸極 妖星動、園陵 沙氣平。
 空餘 金碗出、無復 總惟輕。
 毀廟 天飛雨、焚宮 火徹明。
 罽毼 朝共落、榆梅 夜同傾。
 三月 師逾整、羣胡 勢就烹。
 瘡痍 親接戰、勇決 冠垂成。
 妙譽 期元宰、殊恩 且列卿。
 幾時 迴節鉞、戮力 掃欃槍。
 圭竇 三千土、雲梯 七千城。
 恥非 齊說客、祇似 魯諸生。
 通籍 微班忝、周行 獨坐榮。

隨肩 趨漏刻、短髮 寄簪纓。
徑欲 依劉表、還疑 厭禰衡。
漸衰 那此別、忍淚 獨含情。
廢邑 狐狸語、空村 虎豹爭。
人頻 墜塗炭、公豈 忘精誠。
元帥 調新律、前軍 壓舊京。
安邊 仍扈從、莫作 後功名。

『 0175_送楊六判官使西蕃』（五排）

送遠 秋風落、西征 海氣寒。
帝京 氛祲滿、人世 別離難。
絕域 遙懷怒、和親 願結歡。
敕書 憐贊普、兵甲 望長安。
宣命 前程急、惟良 待士寬。
子雲 清自守、今日 起為官。
垂淚 方投筆、傷時 即據鞍。
儒衣 山鳥怪、漢節 野童看。
邊酒 排金碗、夷歌 捧玉盤。
草肥 蕃馬健、雪重 拂廬乾。
慎爾 參籌畫、從茲 正羽翰。
歸來 權可取、九萬 一朝搏。

『 0176_哭長孫侍御』（五律）

道為 詩書重、名因 賦頌雄。
禮闈 曾擢桂、憲府 屢乘驄。
流水 生涯盡、浮雲 世事空。
惟餘 舊臺柏、蕭瑟 九原中。

『 0177_奉贈嚴八閣老』（五律）

扈聖 登黃閣、明公 獨妙年。
蛟龍 得雲雨、鵬鵬 在秋天。
客禮 容疏放、官曹 可接聯。
新詩 句句好、應任 老夫傳。

『 0178_月』（五律）

天上 秋期近、人間 月影清。
入河 蟾不沒、搗藥 兔長生。
只益 丹心苦、能添 白髮明。
干戈 知滿地、休照 國西營。

『 0179_留別賈·嚴二閣老、兩院補闕、得雲字』（五律）

田園 須暫往、戎馬 惜離羣。
去遠 留詩別、愁多 任酒醺。
一秋 常苦雨、今日 始無雲。
山路 時吹角、那堪 處處聞。

『0180_晚行口號』（五律）

三川 不可到、歸路 晚山稠。
落雁 浮寒水、饑鳥 集成樓。
市朝 今日異、喪亂 幾時休。
遠愧 梁江總、還家 尚黑頭。

『0181_獨酌成詩』（五律）

燈花 何太喜、酒綠 正相親。
醉裏 從爲客、詩成 覺有神。
兵戈 猶在眼、儒術 豈謀身。
苦被 微官縛、低頭 愧野人。

『0182_徒步歸行』（七古）

明公 壯年 值時危、經濟 實藉 英雄姿。
國之 社稷 今若是、武定 禍亂 非公誰。
鳳翔 千官 且飽飯、衣馬 不復 能輕肥。
青袍 朝士 最困者、白頭 拾遺 徒步歸。
人生 交契 無老少、論心 何必 先同調。
妻子 山中 哭向天、須公 櫪上 追風驃。

『0183_九成宮』（五古）

蒼山 入百里、崖斷 如杵臼。
曾宮 憑風迴、岌嶮 土囊口。
立神 扶棟梁、鑿翠 開戶牖。
其陽 產靈芝、其陰 宿牛斗。
紛披 長松倒、揭櫟 怪石走。
哀猿 啼一聲、客淚 迸林藪。
荒哉 隋家帝、製此 今頽朽。
向使 國不亡、焉為 巨唐有。
雖無 新增修、尚置 官居守。
巡非 瑤水遠、跡是 雕牆後。
我行 屬時危、仰望 嗟嘆久。
天王 守太白、駐馬 更搔首。

『0184_玉華宮』（五古）

溪迴 松風長、蒼鼠 竄古瓦。
不知 何王殿、遺構 絕壁下。
陰房 鬼火青、壞道 哀湍瀉。
萬籟 真笙宇、秋色 正蕭灑。
美人 為黃土、沉乃 粉黛假。
當時 侍金輿、故物 獨石馬。
憂來 藉草坐、浩歌 淚盈把。
冉冉 征途間、誰是 長年者。

『羌村三首』

0185 其一（五古）

崢嶸 赤雲西、日脚 下平地。
柴門 鳥雀噪、歸客 千里至。
妻孥 怪我在、驚定 還拭淚。
世亂 遭飄蕩、生還 偶然遂。
鄰人 滿牆頭、感歎 亦歔歔。
夜闌 更秉燭、相對 如夢寐。

0186 其二（五古）

晚歲 迫偷生、還家 少歡趣。
嬌兒 不離膝、畏我 復卻去。
憶昔 好追涼、故繞 池邊樹。
蕭蕭 北風勁、撫事 煎百慮。
賴知 禾黍收、已覺 糟床注。
如今 足斟酌、且用 慰遲暮。

0187 其三（五古）

羣雞 正亂叫、客至 雞鬪爭。
驅雞 上樹木、始聞 叩柴荆。
父老 四五人、問我 久遠行。
手中 各有攜、傾榼 濁復清。
莫辭 酒味薄、黍地 無人耕。
兵革 既未息、兒童 盡東征。
請為 父老歌、艱難 愧深情。
歌罷 仰天歎、四座 涕縱橫。

『0188_北征』（五古）

皇帝 二載秋、閏八 月初吉。
杜子 將北征、蒼茫 問家室。
維時 遭艱虞、朝野 少暇日。
顧慚 恩私被、詔許 歸蓬華。
拜辭 詣闕下、怵惕 久未出。
雖乏 諫諍姿、恐君 有遺失。
君誠 中興主、經緯 固密勿。
東胡 反未已、臣甫 憤所切。
揮涕 戀行在、道途 猶恍惚。
乾坤 含瘡痍、憂虞 何時畢。
靡靡 踰阡陌、人煙 眇蕭瑟。
所遇 多被傷、呻吟 更流血。
回首 鳳翔縣、旌旗 晚明滅。
前登 寒山重、屢得 飲馬窟。
邠郊 入地底、涇水 中蕩潏。
猛虎 立我前、蒼崖 吼時裂。
菊垂 今秋花、石帶 古車轍。
青雲 動高興、幽事 亦可悅。
山果 多瑣細、羅生 雜橡栗。

或紅如丹砂、或黑如點漆。
雨露之所濡、甘苦齊結實。
緬思桃源內、益歎身世拙。
坡陀望鄜時、巖谷互出沒。
我行已水濱、我僕猶木末。
鷗鳥鳴黃桑、野鼠拱亂穴。
夜深經戰場、寒月照白骨。
潼關百萬師、往者散何卒。
遂令半秦民、殘害為異物。
況我墮胡塵、及歸盡華髮。
經年至茅屋、妻子衣百結。
慟哭松聲迴、悲泉共幽咽。
平生所嬌兒、顏色白勝雪。
見耶背面啼、垢膩脚不襪。
床前兩小女、補綴才過膝。
海圖拆波濤、舊繡移曲折。
天吳及紫鳳、顛倒在短褐。
老夫情懷惡、嘔泄臥數日。
那無囊中帛、救汝寒凜慄。
粉黛亦解苞、衾裯稍羅列。
瘦妻面復光、癡女頭自櫛。
學母無不為、曉妝隨手抹。
移時施朱鉛、狼藉畫眉闊。
生還對童稚、似欲忘饑渴。
問事競挽鬚、誰能即瞋喝。
翻思在賊愁、甘受雜亂聒。
新歸且慰意、生理焉得說。
至尊尚蒙塵、幾日休練卒。
養觀天色改、坐覺妖氛豁。
陰風西北來、慘澹隨回紇。
其王願助順、其俗善馳突。
送兵五千人、驅馬一萬匹。
此輩少為貴、四方服勇決。
所用皆鷹騰、破敵過箭疾。
聖心頗虛佇、時議氣欲奪。
伊洛指掌收、西京不足拔。
官軍請深入、蓄銳可俱發。
此舉開青徐、旋瞻略恒碣。
昊天積霜露、正氣有肅殺。
禍轉亡胡歲、勢成擒胡月。
胡命其能久、皇綱未宜絕。
憶昨狼狽初、事與古先別。
姦臣竟菹醢、同惡隨蕩析。
不聞夏殷衰、中自誅妹妣。
周漢獲再興、宣光果明哲。

桓桓 陳將軍、仗鉞 奮忠烈。
微爾 人盡非、於今 國猶活。
淒涼 大同殿、寂寞 白獸闕。
都人 望翠華、佳氣 向金闕。
園陵 固有神、掃灑 數不缺。
煌煌 太宗業、樹立 甚宏達。

『 0189_行次昭陵』（五排）

舊俗 疲庸主、羣雄 問獨夫。
讖歸 龍鳳質、威定 虎狼都。
天屬 尊堯典、神功 協禹謨。
風雲 隨絕足、日月 繼高衢。
文物 多師古、朝廷 半老儒。
直詞 寧戮辱、賢路 不崎嶇。
往者 災猶降、蒼生 喘未蘇。
指麾 安率土、盪滌 撫洪鑪。
壯士 悲陵邑、幽人 拜鼎湖。
玉衣 晨自舉、鐵馬 汗常趨。
松柏 瞻虛殿、塵沙 立暝途。
寂寥 開國日、流恨 滿山隅。

『 0190_重經昭陵』（五排）

草昧 英雄起、謳歌 曆數歸。
風塵 三尺劍、社稷 一戎衣。
翼亮 貞文德、丕承 戢武威。
聖圖 天廣大、宗祀 日光輝。
陵寢 盤空曲、熊羆 守翠微。
再窺 松柏路、還有 五雲飛。

『 0191_彭衙行』（五古）

憶昔 避賊初、北走 經險艱。
夜深 彭衙道、月照 白水山。
盡室 久徒步、逢人 多厚顏。
參差 谷鳥吟、不見 遊子還。
癡女 饑咬我、啼畏 虎狼聞。
懷中 掩其口、反側 聲愈嗔。
小兒 強解事、故索 苦李餐。
一句 半雷雨、泥濘 相攀牽。
既無 禦雨備、徑滑 衣又寒。
有時 經契闊、竟日 數里間。
野果 充糗糧、卑枝 成屋椽。
早行 石上水、暮宿 天邊煙。
小留 同家窪、欲出 蘆子關。
故人 有孫宰、高義 薄曾雲。
延客 已曛黑、張燈 啓重門。

煖湯 濯我足、剪紙 招我魂。
從此 出妻孥、相視 涕闌干。
衆雛 爛熳睡、喚起 霑盤飧。
誓將 與夫子、永結 為弟昆。
遂空 所坐堂、安居 奉我歡。
誰肯 艱難際、豁達 露心肝。
別來 歲月周、胡羯 仍構患。
何當 有翅翎、飛去 墮爾前。

『0192_喜聞官軍已臨賊境二十韻』（五排）

胡騎 潛京縣、官軍 擁賊壕。
鼎魚 猶假息、穴蟻 欲何逃。
帳殿 羅玄冕、轅門 照白袍。
秦山 當警蹕、漢苑 入旌旄。
路失 羊腸險、雲橫 雉尾高。
五原 空壁壘、八水 散風濤。
今日 看天意、遊魂 貸爾曹。
乞降 那更得、尚詐 莫徒勞。
元帥 歸龍種、司空 握豹韜。
前軍 蘇武節、左將 呂虔刀。
兵氣 回飛鳥、威聲 沒巨鼇。
戈鋌 開雪色、弓矢 向秋毫。
天步 艱方盡、時和 運更遭。
誰云 遺毒螫、已是 沃腥臊。
睿想 丹墀近、神行 羽衛牢。
花門 騰絕漠、拓羯 渡臨洮。
此輩 感恩至、羸俘 何足操。
鋒先 衣染血、騎突 劍吹毛。
喜覺 都城動、悲憐 子女號。
家家 賣釵釧、只待 獻香醪。

『收京三首』

0193 其一（五律）

仙仗 離丹極、妖星 帶玉除。
須為 下殿走、不可 好樓居。
暫屈 汾陽駕、聊飛 燕將書。
依然 七廟略、更與 萬方初。

0194 其二（五律）

生意 甘衰白、天涯 正寂寥。
忽聞 哀痛詔、又下 聖明朝。
羽翼 懷商老、文思 憶帝堯。
叨逢 罪己日、灑涕 望青霄。

0195 其三（五律）

汗馬 收宮闕、春城 鏐賊壕。
賞應 歌欂杜、歸及 薦櫻桃。

雜虜 橫戈數、功臣 甲第高。
萬方 頻送喜、無乃 聖躬勞。

〔0196_送鄭十八虔、貶台州司戶。傷其臨老、陷賊之故、闕為面別、情見於詩〕（七律）

鄭公 櫛散 鬢成絲、酒後 常稱 老畫師。
[舊里] 傷心 嚴譴日、[百年] 垂死 中興時。
蒼惶 已就 長途往、邂逅 無端 出餞遲。
便與 先生 應永訣、九重 泉路 盡交期。

〔0197_臘日〕（七律）

[臘日] 常年 暖尚遙、[今年] [臘日] 凍全消。
[侵陵] [雪色] 還萱草、漏洩 [春光] 有柳條。
[縱酒] 欲謀 良夜醉、歸家 [初散] [紫宸] 朝。
口脂 面藥 隨[恩澤]、翠管 銀罍 下[九霄]。

〔0198_奉和賈至舍人早朝大明宮〕（七律）

五夜 漏聲 催曉箭、[九重] [春色] 醉仙桃。
旌旄 日暖 [龍蛇] 動、[宮殿] 風微 [燕雀] 高。
朝罷 香煙 攜滿袖、[詩成] [珠玉] 在揮毫。
欲知 世掌 絲綸美、池上 於今 有鳳毛。

〔0199_宣政殿退朝晚出左掖〕（七律）

天門 日射 [黃金] 榜、春殿 [晴曛] [赤羽] 旗。
宮草 [霏霏] 承委珮、鑪煙 [細細] 駐游絲。
雲近 [蓬萊] 常[五色]、雪殘 鳩鵲 亦多時。
侍臣 緩步 歸青瑣、退食 從容 出每遲。

〔0200_紫宸殿退朝口號〕（七律）

戶外 昭容 紫袖垂、雙瞻 御座 引朝儀。
香飄 合殿 [春風] 轉、花覆 [千官] [淑景] 移。
晝漏 稀聞 高閣報、天顏 [有喜] [近臣] 知。
宮中 每出 歸東省、會送 夔龍 集鳳池。

〔0201_春宿左省〕（五律）

花隱 掖垣暮、啾啾 棲鳥過。
星臨 萬戶動、[月傍] [九霄] 多。
不寢 聽金鑰、因風 想[玉珂]。
明朝 有封事、數問 夜如何。

〔0202_晚出左掖〕（五律）

晝刻 傳呼淺、春旗 簇仗齊。
[退朝] [花底] 散、歸院 柳邊迷。
樓雪 融城濕、宮雲 去殿低。
避人 焚諫草、騎馬 欲雞棲。

〔 0203_題省中壁〔省中院壁〕〕（七律）

掖垣 竹埤 梧十尋、洞門 對雷 常陰陰。
落花 遊絲 白日靜、鳴鳩 乳燕 青春深。
腐儒 衰晚 謬通籍、退食 遲迴 違寸心。
衰職 曾無 一字補、許身 愧比 雙南金。

〔 0204_送賈閣老出汝州〕（五律）

西掖 梧桐樹、空留 一院陰。
艱難 歸故里、去住 損春心。
宮殿 青門隔、雲山 紫邏深。
人生 五馬貴、莫受 二毛侵。

〔 0205_送翰林張司馬、南海勒碑〔司馬學士〕〕（五律）

冠冕 通南極、文章 落上台。
詔從 三殿去、碑到 百蠻開。
野館 穠花發、春帆 細雨來。
不知 滄海使、天遣 幾時迴。

〔 0206_曲江、陪鄭八丈南史、飲〕（七律）

雀啄 江頭 黃柳花、鵲鵲 鸛鷺 滿晴沙。
自知 白髮 非春事、且盡 芳樽 戀物華。
近侍 即今 難浪跡、此身 那得 更無家。
丈人 才力 猶強健、豈傍 青門 學種瓜。

〔曲江二首〕

0207 其一（七律）

一片 花飛 減卻春、風飄 萬點 正愁人。
且看 欲盡 花經眼、莫厭 傷多 酒入唇。
江上 小堂 巢翡翠、苑邊 高塚 臥麒麟。
細推 物理 須行樂、何用 浮名 絆此身。

0208 其二（七律）

朝回 日日 典春衣、每日 江頭 盡醉歸。
酒債 尋常 行處有、人生 七十 古來稀。
穿花 蛺蝶 深深見、點水 蜻蜓 款款飛。
傳語 春光 共流轉、暫時 相賞 莫相違。

〔 0209_曲江對酒〕（七律）

苑外 江頭 坐不歸、水精 宮殿 轉霏微。
桃花 細逐 梨花落、黃鳥 時兼 白鳥飛。
縱飲 久判 人共棄、懶朝 真與 世相違。
吏情 更覺 滄洲遠、老大 徒傷 未拂衣。

〔 0210_曲江對雨〔值雨〕〕（七律）

城上 春雲 覆苑牆、江亭 晚色 靜年芳。
林花 著雨 燕支濕、水荇 牽風 翠帶長。

龍武 新軍 深駐輦、芙蓉 別殿 漫焚香。
何時 詔此 金錢會、暫醉 佳人 錦瑟傍。

〔0211_奉答岑參補闕見贈〕（五律）

窈窕 清禁闔、罷朝 歸不同。
君隨 丞相後、我往 日華東。
冉冉 柳枝碧、娟娟 花蕊紅。
故人 得佳句、獨贈 白頭翁。

〔0212_奉贈王中允維〕（五律）

中允 聲名久、如今 契闊深。
共傳 收瘼信、不比 得陳琳。
一病 緣明主、三年 獨此心。
窮愁 應有作、試誦 白頭吟。

〔0213_送許八拾遺歸江寧觀省。甫昔時嘗客遊此縣、於許生處、乞瓦棺寺維摩圖樣,志諸篇末〕（五排）

詔許 辭中禁、慈顏 赴北堂。
聖朝 新孝理、祖席 倍輝光。
內帛 擎偏重、宮衣 著更香。
淮陰 清夜驛、京口 渡江航。
竹引 趨庭曙、山添 扇枕涼。
十年 過父老、幾日 賽城隍。
看畫 曾飢渴、追蹤 恨淼茫。
虎頭 金粟影、神妙 獨難忘。

〔0214_因許八奉寄江寧旻上人〕（七律）

不見 旻公 三十年、封書 寄與 淚潺湲。
舊來 好事 今能否、老去 新詩 誰與傳。
棋局 動隨 幽澗竹、袈裟 憶上 泛湖船。
問君 話我 為官在、頭白 昏昏 只醉眠。

〔0215_題李尊師松樹障子歌〕（七古）

老夫 清晨 梳白頭、玄都 道士 來相訪。
握髮 呼兒 延入戶、手提 新畫 青松障。
障子 松林 靜杳冥、憑軒 忽若 無丹青。
陰崖 卻承 霜雪幹、偃蓋 反走 虬龍形。
老夫 生平 好奇古、對此 興與 精靈聚。
已知 仙客 意相親、更覺 良工 心獨苦。
松下 丈人 巾屨同、偶坐 似是 商山翁。
悵望 聊歌 紫芝曲、時危 慘澹 來悲風。

〔0216_得舍弟消息（風吹紫荊樹）〕（五古）

風吹 紫荊樹、色與 春庭暮。
花落 辭故枝、風迴 返無處。
骨肉 恩書重、漂泊 難相遇。

猶有 淚成河、經天 復東注。

『0217_送李校書二十六韻』（五古）

代北 有豪鷹、生子 毛盡赤。
渥洼 騏驎兒、尤異 是虎脊。
李舟 名父子、清峻 流輩伯。
人間 好少年、不必 須白晢。
十五 富文史、十八 足賓客。
十九 授校書、二十 聲輝赫。
衆中 每一見、使我 潛動魄。
自恐 二男兒、辛勤 養無益。
乾元 元年春、萬姓 始安宅。
舟也 衣綵衣、告我 欲遠適。
倚門 固有望、斂衽 就行役。
南登 吟白華、已見 楚山碧。
藹藹 咸陽都、冠蓋 日雲積。
何時 太夫人、堂上 會親戚。
汝翁 草明光、天子 正前席。
歸期 豈爛漫、別意 終感激。
顧我 蓬屋姿、謬通 金閨籍。
小來 習性懶、晚節 慵轉劇。
每愁 悔吝作、如覺 天地窄。
羨君 齒髮新、行己 能夕惕。
臨岐 意頗切、對酒 不能喫。
迴身 視綠野、慘澹 如荒澤。
老雁 春忍饑、哀號 待枯麥。
時哉 高飛燕、綢練 新羽翮。
長雲 濕褒斜、漢水 饒巨石。
無令 軒車遲、衰疾 悲宿昔。

『0218_偁側行贈畢四曜』（雜古）

偁側 何偁側、我居 巷南 子巷北。
可憐 鄰里間、十日 不一 見顏色。
自從 官馬 送還官、行路 難行 澀如棘。
我貧 無乘 非無足、昔者 相過 今不得。
不是 愛微軀、非關 足無力。
徒步 翻愁 官長怒、此心 炯炯 君應識。
曉來 急雨 春風顛、睡美 不聞 鐘鼓傳。
東家 蹇驢 許借我、泥滑 不敢 騎朝天。
已令 請急 會通籍、男兒 性命 絕可憐。
焉能 終日 心拳拳、憶君 誦詩 神凜然。
辛夷 始花 亦已落、況我 與子 非壯年。
街頭 酒價 常苦貴、方外 酒徒 稀醉眠。
速宜 相就 飲一斗、恰有 三百 青銅錢。

『0219_贈畢四曜』（五律）

才大 今詩伯、家貧 苦宦卑。
飢寒 奴僕賤、顏狀 老翁為。
同調 嗟誰惜、論文 笑自知。
流傳 江鮑體、相顧 免無兒。

『0220_題鄭十八著作丈故居[著作文]』（七排）

台州 地闊 海冥冥、雲水 長和 島嶼青。
亂後 故人 雙別淚、春深 逐客 一浮萍。
酒酣 懶舞 誰相拽、詩罷 能吟 不復聽。
第五 橋東 流恨水、皇陂 岸北 結愁亭。
賈生 對鵬 傷王傅、蘇武 看羊 陷賊庭。
可念 此翁 懷直道、也霑 新國 用輕刑。
禰衡 實恐 遭江夏、方朔 虛傳 是歲星。
窮巷 悄然 車馬絕、案頭 乾死 讀書螢。

『0221_瘦馬行[老馬]』（七古）

東郊 瘦馬 使我傷、骨骼 硃兀 如堵牆。
絆之 欲動 轉欹側、此豈 有意 仍騰驤。
細看 六印 帶官字、衆道 三軍 遺路旁。
皮乾 剝落 雜泥滓、毛暗 蕭條 連雪霜。
去歲 奔波 逐餘寇、驂騑 不慣 不得將。
士卒 多騎 內廄馬、惆悵 恐是 病乘黃。
當時 歷塊 誤一蹶、委棄 非汝 能周防。
見人 慘澹 若哀訴、失主 錯莫 無晶光。
天寒 遠放 雁爲伴、日暮 不收 烏啄瘡。
誰家 且養 願終惠、更試 明年 春草長。

『0222_義鵲行』（五古）

陰崖 二蒼鷹、養子 黑柏顛。
白蛇 登其巢、吞噬 恣朝餐。
雄飛 遠求食、雌者 鳴辛酸。
力強 不可制、黃口 無半存。
其父 從西歸、翻身 入長煙。
斯須 領健鵲、痛憤 寄所宣。
斗上 捩孤影、噉哮 來九天。
修鱗 脫遠枝、巨鰲 拆老拳。
高空 得踰蹬、短草 辭蜿蜒。
折尾 能一掉、飽腸 皆已穿。
生雖 滅衆難、死亦 垂千年。
物情 有報復、快意 貴目前。
茲實 驚鳥最、急難 心炯然。
功成 失所往、用舍 何其賢。
近經 滸水湄、此事 樵夫傳。
飄蕭 覺素髮、凜欲 衝儒冠。

人生 許與分、只在 顧盼間。
聊為 義鶻行、用激 壯士肝。

『0223_畫鶻行』（五古）

高堂 見生鶻、颯爽 動秋骨。
初驚 無拘攣、何得 立突兀。
乃知 畫師妙、巧刮 造化窟。
寫此 神俊姿、充君 眼中物。
烏鶻 滿樛枝、軒然 恐其出。
側腦 看青霄、寧為 衆禽沒。
長翮 如刀劍、人寰 可超越。
乾坤 空崢嶸、粉墨 且蕭瑟。
緬思 雲沙際、自有 煙霧質。
吾今 意何傷、顧步 獨紆鬱。

『0224_端午日賜衣』（五律）

宮衣 亦有名、端午 被恩榮。
細葛 含風軟、香羅 疊雪輕。
自天 題處濕、當暑 著來清。
意內 稱長短、終身 荷聖情。

『0225_酬孟雲卿』（五律）

樂極 傷頭白、更長 愛燭紅。
相逢 難袞袞、告別 莫匆匆。
但恐 天河落、寧辭 酒盞空。
明朝 牽世務、揮淚 各西東。

『0226_至德二載甫自京金光門出·間道歸鳳翔[問道]。乾元初·從左拾遺·移華州掾·與親故別。因出此門·有悲往事』（五律）

此道 昔歸順、西郊 胡正繁。
至今 猶破膽、應有 未招魂。
近侍 歸京邑、移官 豈至尊。
無才 日衰老、駐馬 望千門。

『0227_寄高三十五詹事』（五律）

安穩 高詹事、兵戈 久索居。
時來 知宦達、歲晚 莫情疏。
天上 多鴻雁、池中 足鯉魚。
相看 過半百、不寄 一行書。

『0228_贈高式顏』（五律）

昔別 是何處、相逢 皆老夫。
故人 還寂寞、削跡 共艱虞。
自失 論文友、空知 賣酒壚。
平生 飛動意、見爾 不能無。

『0229_題鄭縣亭子』（七律）

鄭縣 亭子 澗之濱、戶牖 憑高 發興新。
雲斷 岳蓮 臨大路、天晴 宮柳 暗長春。
巢邊 野雀 羣欺燕、花底 山蜂 遠趁人。
更欲 題詩 滿青竹、晚來 幽獨 恐傷神。

『0230_望岳』（七律）

西岳 崢嶸 竦處尊、諸峰 羅立 似兒孫。
安得 仙人 九節杖、拄到 玉女 洗頭盆。
車箱 入谷 無歸路、箭栝 通天 有一門。
稍待 秋風 涼冷後、高尋 白帝 問真源。

『0231_早秋苦熱堆案相仍』（七律）

七月 六日 苦炎蒸、對食 暫餐 還不能。
常愁 夜來 皆是蝸、況乃 秋後 轉多蠅。
束帶 發狂 欲大叫、簿書 何急 來相仍。
南望 青松 架短壑、安得 赤脚 踏層冰。

『觀安西兵過、赴關中、待命、二首』

0232 其一（五律）

四鎮 富精銳、摧鋒 皆絕倫。
還聞 獻士卒、足以 靜風塵。
老馬 夜知道、蒼鷹 饑著人。
臨危 經久戰、用急 始如神。

0233 其二（五律）

奇兵 不在衆、萬馬 救中原。
談笑 無河北、心肝 奉至尊。
孤雲 隨殺氣、飛鳥 避轅門。
竟日 留歡樂、城池 未覺喧。

『0234_九日藍田崔氏莊』（七律）

老去 悲秋 強自寬、興來 今日 盡君歡。
羞將 短髮 還吹帽、笑倩 傍人 為正冠。
藍水 遠從 千澗落、玉山 高並 兩峰寒。
明年 此會 知誰健。醉把 茱萸 仔細看。

『0235_崔氏東山草堂』（七律）

愛汝 玉山 草堂靜、高秋 爽氣 相鮮新。
有時 自發 鐘磬響、落日 更見 漁樵人。
盤剝 白鴉 谷口栗、飯煮 青泥 坊底芹。
何為 西莊 王給事、柴門 空閉 鎖松筠。

『遣興三首』

0236 其一（五古）

我今 日夜憂、諸弟 各異方。
不知 死與生、何況 道路長。
避寇 一分散、飢寒 永相望。
豈無 柴門歸。欲出 畏虎狼。
仰看 雲中雁、禽鳥 亦有行。

0237 其二(五古)

蓬生 非無根、漂蕩 隨高風。
天寒 落萬里、不復 歸本叢。
客子 念故宅、三年 門巷空。
悵望 但烽火、戎車 滿關東。
生涯 能幾何。常在 羈旅中。

0238 其三(五古)

昔在 洛陽時、親友 相追攀。
送客 東郊道、遨遊 宿南山。
煙塵 阻長河、樹羽 成皋間。
回首 載酒地、豈無 一日還。
丈夫 貴壯健、慘戚 非朱顏。

〔0239_獨立〕(五律)

空外 一鷺鳥、河間 雙白鷗。
飄飄 搏擊便、容易 往來遊。
草露 亦多濕、蛛絲 仍未收。
天機 近人事、獨立 萬端憂。

〔至日遣興奉寄北省舊閣老兩院故人、二首〕

0240 其一(七律)

去歲 茲晨 捧御床、五更 三點 入鵷行。
欲知 趨走 傷心地、正想 氤氳 滿眼香。
無路 從容 陪語笑、有時 顛倒 著衣裳。
何人 卻憶 窮愁日、日日 愁隨 一線長。

0241 其二(七律)

憶昨 逍遙 供奉班、去年 今日 侍龍顏。
麒麟 不動 爐煙上、孔雀 徐開 扇影還。
玉几 由來 天北極、朱衣 只在 殿中間。
孤城 此日 腸堪斷、愁對 寒雲 雪滿山。

〔0242_路逢襄陽楊少府入城。戲呈楊四員外綰〕(五律)

寄語 楊員外、山寒 少茯苓。
歸來 稍暄暖、當為 斲青冥。
翻動 龍蛇窟、封題 鳥獸形。
兼將 老藤杖、扶汝 醉初醒。

〔0243_冬末以事之東都、湖城東遇孟雲卿、復歸劉顥宅宿、宴飲散、因為醉歌〕(七古)

疾風 吹塵 暗河縣、行子 隔手 不相見。
湖城 城東 一開眼、駐馬 偶識 雲卿面。

向非 劉顥 為地主、懶回 鞭轡 成高宴。
劉侯 歡我 攜客來、置酒 張燈 促華饌。
且將 款曲 終今夕、休語 艱難 尚酣戰。
照室 紅爐 簇曙花、縈窗 素月 垂秋練。
天開 地裂 長安陌、寒盡 春生 洛陽殿。
豈知 驅車 復同軌、可惜 刻漏 隨更箭。
人生 會合 不可常、庭樹 雞鳴 淚如霰。

〔0244_閔鄉姜七少府設鱸戲贈長歌〕（七古）

姜侯 設鱸 當嚴冬、昨日 今日 皆天風。
河凍 味魚 不易得、鑿冰 恐侵 河伯宮。
饗人 受魚 鮫人手、洗魚 磨刀 魚眼紅。
無聲 細下 飛碎雪、有骨 已剝 觜春蔥。
落砧 何曾 白紙濕、放筯 未覺 金盤空。
偏勸 腹腴 愧年少、軟炊 香飯 緣老翁。
新歡 便飽 姜侯德、清觴 異味 情屢極。
東歸 貪路 自覺難、欲別 上馬 身無力。
可憐 爲人 好心事、於我 見子 真顏色。
不恨 我衰 子貴時、悵望 且為 今相憶。

〔0245_戲贈閔鄉秦少府。[少公][少翁]短歌〕（七古）

去年 行宮 當太白、朝回 君是 同舍客。
同心 不減 骨肉親、每語 見許 文章伯。
今日 時清 兩京道、相逢 苦覺 人情好。
昨夜 邀歡 樂更無、多才 依舊 能潦倒。

〔0246_李鄴縣丈人胡馬行〕（七古）

丈人 駿馬 名胡騶、前年 避賊 過金牛。
迴鞭 卻走 見天子、朝飲 漢水 暮靈州。
自矜 胡騶 奇絕代、乘出 千人 萬人愛。
一聞 說盡 急難才、轉益 愁向 駑駘輩。
頭上 銳耳 批秋竹、脚下 高蹄 削寒玉。
始知 神龍 別有種、不比 俗馬 空多肉。
洛陽 大道 時再清、曩日 喜得 俱東行。
鳳臆 龍髻 未易識、側身 注目 長風生。

〔0247_觀兵〕（五律）

北庭 送壯士、貔虎 數尤多。
精銳 舊無敵、邊隅 今若何。
妖氛 擁白馬、元帥 待瑯戈。
莫守 鄴城下、斬鯨 遼海波。

〔憶弟二首〕

0248 其一（五律）

喪亂 聞吾弟、饑寒 傍濟州。

人稀 書不到、兵在 見何由。
憶昨 狂催走、無時 病去憂。
即今 千種恨、惟共 水東流。

0249 其二（五律）

且喜 河南定、不問 鄴城圍。
百戰 今誰在、三年 望汝歸。
故園 花自發、春日 鳥還飛。
斷絕 人煙久、東西 消息稀。

〔 0250_得舍弟消息〈亂後誰歸得〉〕（五律）

亂後 誰歸得、他鄉 勝故鄉。
直爲 心厄苦、久念 與存亡。
汝書 猶在壁、汝妾 已辭房。
舊犬 知愁恨、垂頭 傍我床。

〔 0251_不歸〕（五律）

河間 尚戰伐、汝骨 在空城。
從弟 人皆有、終身 恨不平。
數金 憐俊邁、總角 愛聰明。
面上 三年土、春風 草又生。

〔 0252_贈衛八處士〕（五古）

人生 不相見、動如 參與商。
今夕 復何夕、共此 燈燭光。
少壯 能幾時、鬢髮 各已蒼。
訪舊 半為鬼、驚呼 熱中腸。
焉知 二十載、重上 君子堂。
昔別 君未婚、男女 忽成行。
怡然 敬父執、問我 來何方。
問答 未及已、驅兒 羅酒漿。
夜雨 剪春韭、新炊 間黃粱。
主稱 會面難、一舉 釁十觴。
十觴 亦不醉、感子 故意長。
明日 隔山岳、世事 兩茫茫。

〔 0253_洗兵行〔洗兵馬〕〕（七古）

中興 諸將 收山東、捷書 夜報 清晝同。
河廣 傳聞 一葦過、胡危 命在 破竹中。
祇殘 鄴城 不日得、獨任 朔方 無限功。
京師 皆騎 汗血馬、回紇 餒肉 葡萄宮。
已喜 皇威 清海岱、常思 仙仗 過崆峒。
三年 笛裏 關山月、萬國 兵前 草木風。
成王 功大 心轉小、郭相 謀深 古來少。
司徒 清鑒 懸明鏡、尚書 氣與 秋天杳。
二三 豪俊 為時出、整頓 乾坤 濟時了。

東走 無復 憶鱸魚、南飛 覺有 安巢鳥。
青春 復隨 冠冕入、紫禁 正耐 煙花繞。
鶴駕 通宵 鳳輦備、雞鳴 問寢 龍樓曉。
攀龍 附鳳 勢莫當、天下 盡化 為侯王。
汝等 豈知 蒙帝力、時來 不得 誇身強。
關中 既留 蕭丞相、幕下 復用 張子房。
張公 一生 江海客、身長 九尺 鬚眉蒼。
徵起 適遇 風雲會、扶顛 始知 籌策良。
青袍 白馬 更何有、後漢 今周 喜再昌。
寸地 尺天 皆入貢、奇祥 異瑞 爭來送。
不知 何國 致白環、復道 諸山 得銀甕。
隱士 休歌 紫芝曲、詞人 解撰 清河頌。
田家 望望 惜雨乾、布穀 處處 催鰭種。
淇上 健兒 歸莫懶、城南 思婦 愁多夢。
安得 壯士 挽天河、淨洗 甲兵 長不用。

『0254_新安吏』（五古）

客行 新安道、喧呼 聞點兵。
借問 新安吏、縣小 更無丁。
府帖 昨夜下、次選 中男行。
中男 絕短小、何以 守王城。
肥男 有母送、瘦男 獨伶仃。
白水 暮東流、青山 猶哭聲。
莫自 使眼枯、收汝 淚縱橫。
眼枯 即見骨、天地 終無情。
我軍 取相州、日夕 望其平。
豈意 賊難料、歸軍 星散營。
就糧 近故壘、練卒 依舊京。
掘壕 不到水、牧馬 役亦輕。
況乃 王師順、撫養 甚分明。
送行 勿泣血、僕射 如父兄。

『0255_潼關吏』（五古）

士卒 何草草、築城 潼關道。
大城 鐵不如、小城 萬丈餘。
借問 潼關吏、修關 還備胡。
要我 下馬行、爲我 指山隅。
連雲 列戰格、飛鳥 不能踰。
胡來 但自守、豈復 憂西都。
丈人 視要處、窄狹 容單車。
艱難 奮長戟、萬古 用一夫。
哀哉 桃林戰、百萬 化為魚。
請囑 防關將、慎勿 學哥舒。

『0256_石壕吏』（五古）

暮投 石壕村、有吏 夜捉人。
老翁 踰牆走、老婦 出看門。
吏呼 一何怒、婦啼 一何苦。
聽婦 前致詞、三男 鄴城戍。
一男 附書至、二男 新戰死。
存者 且偷生、死者 長已矣。
室中 更無人、惟有 乳下孫。
有孫 母未去、出入 無完裙。
老嫗 力雖衰、請從 吏夜歸。
急應 河陽役、猶得 備晨炊。
夜久 語聲絕、如聞 泣幽咽。
天明 登前途、獨與 老翁別。

『0257_新婚別』（五古）

兔絲 附蓬麻、引蔓 故不長。
嫁女 與征夫、不如 棄路旁。
結髮 為妻子、席不 煖君床。
暮婚 晨告別、無乃 太匆忙。
君行 雖不遠、守邊 赴河陽。
妾身 未分明、何以 拜姑嫜。
父母 養我時、日夜 令我藏。
生女 有所歸、雞狗 亦得將。
君今 生死地、沈痛 迫中腸。
誓欲 隨君去、形勢 反蒼黃。
勿為 新婚念、努力 事戎行。
婦人 在軍中、兵氣 恐不揚。
自嗟 貧家女、久致 羅襦裳。
羅襦 不復施、對君 洗紅妝。
仰視 百鳥飛、大小 必雙翔。
人事 多錯迕、與君 永相望。

『0258_垂老別』（五古）

四郊 未寧靜、垂老 不得安。
子孫 陣亡盡、焉用 身獨完。
投杖 出門去、同行 為辛酸。
幸有 牙齒存、所悲 骨髓乾。
男兒 既介冑、長揖 別上官。
老妻 臥路啼、歲暮 衣裳單。
孰知 是死別、且復 傷其寒。
此去 必不歸、還聞 勸加餐。
土門 壁甚堅、杏園 度亦難。
勢異 鄴城下、縱死 時猶寬。
人生 有離合、豈擇 衰老端。
憶昔 少壯日、遲迴 竟長嘆。
萬國 盡征戍、烽火 被岡巒。

積屍 草木腥、流血 川原丹。
何鄉 為樂土、安敢 尚盤桓。
棄絕 蓬室居、塌然 摧肺肝。

『0259_無家別』（五古）

寂寞 天寶後、園廬 但蒿藜。
我里 百餘家、世亂 各東西。
存者 無消息、死者 為塵泥。
賤子 因陣敗、歸來 尋舊蹊。
久行 見空巷、日瘦 氣慘悽。
但對 狐與狸、豎毛 怒我啼。
四鄰 何所有、一二 老寡妻。
宿鳥 戀本枝、安辭 且窮棲。
方春 獨荷鋤、日暮 還灌畦。
縣吏 知我至、召令 習鼓鞀。
雖從 本州役、內顧 無所攜。
近行 止一身、遠去 終轉迷。
家鄉 既盪盡、遠近 理亦齊。
永痛 長病母、五年 委溝溪。
生我 不得力、終身 兩酸嘶。
人生 無家別、何以 為蒸黎。

『0260_夏日歎』（五古）

夏日 出東北、陵天 經中街。
朱光 徹厚地、鬱蒸 何由開。
上蒼 久無雷、無乃 號令乖。
雨降 不濡物、良田 起黃埃。
飛鳥 苦熱死、池魚 涸其泥。
萬人 尚流冗、舉目 惟蒿萊。
至今 大河北、化作 虎與豺。
浩蕩 想幽薊、王師 安在哉。
對食 不能餐、我心 殊未諧。
眇然 貞觀初、難與 數子偕。

『0261_夏夜歎』（五古）

永日 不可暮、炎蒸 毒我腸。
安得 萬里風、飄飄 吹我裳。
昊天 出華月、茂林 延疏光。
仲夏 苦夜短、開軒 納微涼。
虛明 見纖毫、羽蟲 亦飛揚。
物情 無巨細、自適 固其常。
念彼 荷戈士、窮年 守邊疆。
何由 一洗濯、執熱 互相望。
竟夕 擊刁斗、喧聲 連萬方。
青紫 雖被體、不如 早還鄉。

北城 悲笳發、鸛鶴 號且翔。
況復 煩促倦、激烈 思時康。

〔0262_立秋後題〕（五古）
日月 不相饒、節序 昨夜隔。
玄蟬 無停號、秋燕 已如客。
平生 獨往願、惆悵 年半百。
罷官 亦由人、何事 拘形役。

〔0263_貽阮隱居〕（五古）
陳留 風俗衰、人物 世不數。
塞上 得阮生、迴繼 先父祖。
貧知 靜者性、白益 毛髮古。
車馬 入鄰家、蓬蒿 翳環堵。
清詩 近道要、識子 用心苦。
尋我 草逕微、褰裳 踏寒雨。
更議 居遠村、避喧 甘猛虎。
足明 箕穎客、榮貴 如糞土。

〔遣興三首〕
0264 其一（五古）
下馬 古戰場、四顧 但茫然。
風悲 浮雲去、黃葉 墜我前。
朽骨 穴螻蟻、又為 蔓草纏。
故老 行歎息、今人 尚開邊。
漢虜 互勝負、封疆 不常全。
安得 廉頗將、三軍 同晏眠。

0265 其二（五古）
高秋 登寒山、南望 馬邑州。
降虜 東擊胡、壯健 盡不留。
穹廬 莽牢落、上有 行雲愁。
老若 哭道路、願聞 甲兵休。
鄴中 事反覆、死人 積如丘。
諸將 已茅土、載驅 誰與謀。

0266 其三（五古）
豐年 孰云遲、干澤 不在早。
耕田 秋雨足、禾黍 已映道。
春苗 九月交、顏色 同日老。
勸汝 衡門士、勿悲 尚枯槁。
時來 展才力、先後 無醜好。
但訝 鹿皮翁、忘機 對芝草。

〔0267_留花門〕（五古）
花門 天驕子、飽肉 氣勇決。
高秋 馬肥健、挾矢 射漢月。

自古 以為患、詩人 厭薄伐。
修德 使其來、羈縻 固不絕。
胡為 傾國至、出入 暗金闕。
中原 有驅除、隱忍 用此物。
公主 歌黃鵠、君王 指白日。
連雲 屯左輔、百里 見積雪。
長戟 鳥休飛、哀笳 曙幽咽。
田家 最恐懼、麥倒 桑枝折。
沙苑 臨清渭、泉香 草豐潔。
渡河 不用船、千騎 常撇烈。
胡塵 踰太行、雜種 抵京室。
花門 既須留、原野 轉蕭瑟。

『0268_佳人』(五古)

絕代 有佳人、幽居 在空谷。
自云 良家子、零落 依草木。
關中 昔喪亂、兄弟 遭殺戮。
官高 何足論。不得 收骨肉。
世情 惡衰歇、萬事 隨轉燭。
夫婿 輕薄兒、新人 美如玉。
合昏 尚知時、鴛鴦 不獨宿。
但見 新人笑、那聞 舊人哭。
在山 泉水清、出山 泉水濁。
侍婢 賣珠迴、牽蘿 補茅屋。
摘花 不插髮、采柏 動盈掬。
天寒 翠袖薄、日暮 倚修竹。

『夢李白二首』

0269 其一(五古)

死別 已吞聲、生別 常惻惻。
江南 瘴癘地、逐客 無消息。
故人 入我夢、明我 長相憶。
君今 在羅網、何以 有羽翼。
恐非 平生魂、路遠 不可測。
魂來 楓林青、魂返 關塞黑。
落月 滿屋梁、猶疑 照顏色。
水深 波浪闊、無使 蛟龍得。

0270 其二(五古)

浮雲 終日行、遊子 久不至。
三夜 頻夢君、情親 見君意。
告歸 常局促、苦道 來不易。
江海 多風波、舟楫 恐失墜。
出門 搔白首、若負 平生志。
冠蓋 滿京華、斯人 獨憔悴。
孰云 網恢恢、將老 身反累。

千秋 萬歲名、寂寞 身後事。

『0271_有懷台州鄭十八司戶』（五古）

天台 隔三江、風浪 無晨暮。
鄭公 縱得歸、老病 不識路。
昔如 水上鷗、今為 置中兔。
性命 由他人、悲辛 但狂顧。
山鬼 獨一脚、蝮蛇 長如樹。
呼號 傍孤城、歲月 誰與度。
從來 禦魑魅、多為 才名誤。
夫子 嵇阮流、更被 時俗惡。
海隅 微小吏、眼暗 髮垂素。
鳩杖 近青袍、非供 折腰具。
平生 一杯酒、見我 故人遇。
相望 無所成、乾坤 莽回互。

『遣興五首<蟄龍／昔者／陶潛／賀公／吾憐>』

0272 其一（五古）

蟄龍 三冬臥、老鶴 萬里心。
昔時 賢俊人、未遇 猶視今。
嵇康 不得死、孔明 有知音。
又如 壠坻松、用舍 在所尋。
大哉 霜雪幹、歲久 為枯林。

0273 其二（五古）

昔者 龐德公、未曾 入州府。
襄陽 耆舊間、處士 節獨苦。
豈無 濟時策、終竟 畏羅罟。
林茂 鳥有歸、水深 魚知聚。
舉家 隱鹿門、劉表 焉得取。

0274 其三（五古）

陶潛 避俗翁、未必 能達道。
觀其 著詩集、頗亦 恨枯槁。
達生 豈是足、默識 蓋不早。
有子 賢與愚、何其 掛懷抱。

0275 其四（五古）

賀公 雅吳語、在位 常清狂。
上疏 乞骸骨、黃冠 歸故鄉。
爽氣 不可致、斯人 今則亡。
山陰 一茅宇、江海 日清涼。

0276 其五（五古）

吾憐 孟浩然、裋褐 即長夜。
賦詩 何必多。往往 凌鮑謝。
清江 空舊魚、春雨 餘甘蔗。
每望 東南雲、令人 幾悲吒。

『遣興二首』

0277 其一（五古）

天用 莫如龍、有時 繫扶桑。
頓轡 海徒湧、神人 身更長。
性命 苟不存、英雄 徒自強。
吞聲 勿復道、真宰 意茫茫。

0278 其二（五古）

地用 莫如馬、無良 復誰記。
此日 千里鳴、追風 可君意。
君看 渥洼種、態與 驚駘異。
不雜 蹄齧間、逍遙 有能事。

『遣興五首（朔風飄胡雁）』

0279 其一（五古）

朔風 飄胡雁、慘澹 帶砂礫。
長林 何蕭蕭、秋草 萋更碧。
北里 富薰天、高樓 夜吹笛。
焉知 南鄰客、九月 猶絺綌。

0280 其二（五古）

長陵 銳頭兒、出獵 待明發。
騂弓 金爪鏑、白馬 蹴微雪。
未知 所馳逐、但見 暮光滅。
歸來 懸兩狼、門戶 有旌節。

0281 其三（五古）

漆有 用而割、膏以 明自煎。
蘭摧 白露下、桂折 秋風前。
府中 羅舊尹、沙道 尚依然。
赫赫 蕭京兆、今為 時所憐。

0282 其四（五古）

猛虎 憑其威、往往 遭急縛。
雷吼 徒咆哮、枝撐 已在脚。
忽看 皮寢處、無復 睛閃爍。
人有 甚於斯、足以 勸元惡。

0283 其五（五古）

朝逢 富家葬、前後 皆輝光。
共指 親戚大、總麻 百夫行。
送者 各有死、不須 羨其強。
君看 束縛去、亦得 歸山岡。

『秦州雜詩二十首』

0284 其一（五律）

滿目 悲生事、因人 作遠遊。
遲迴 度隴怯、浩蕩 及關愁。
水落 魚龍夜、山空 鳥鼠秋。
西征 問烽火、心折 此淹留。

0285 其二(五律)

秦州 城北寺、勝跡 隗囂宮。
苔蘚 山門古、丹青 野殿空。
月明 垂葉露、雲逐 度溪風。
清渭 無情極、愁時 獨向東。

0286 其三(五律)

州圖 領同谷、驛道 出流沙。
降虜 兼千帳、居人 有萬家。
馬驕 朱汗落、胡舞 白題斜。
年少 臨洮子、西來 亦自誇。

0287 其四(五律)

鼓角 緣邊郡、川原 欲夜時。
秋聽 殷地發、風散 入雲悲。
抱葉 寒蟬靜、歸山 獨鳥遲。
萬方 聲一概、吾道 竟何之。

0288 其五(五律)

西使 宜天馬、由來 萬匹強。
浮雲 連陣沒、秋草 徧山長。
聞說 真龍種、仍殘 老驪驢。
哀鳴 思戰鬪、迴立 向蒼蒼。

0289 其六(五律)

城上 胡笳奏、山邊 漢節歸。
防河 赴滄海、奉詔 發金微。
士苦 形骸黑、林疏 鳥獸稀。
那堪 往來戍、恨解 鄴城圍。

0290 其七(五律)

莽莽 萬重山、孤城 石谷間。
無風 雲出塞、不夜 月臨關。
屬國 歸何晚、樓蘭 斬未還。
煙塵 一長望、衰颯 正摧顏。

0291 其八(五律)

聞道 尋源使、從天 此路迴。
牽牛 去幾許、宛馬 至今來。
一望 幽燕隔、何時 郡國開。
東征 健兒盡、羌笛 暮吹哀。

0292 其九(五律)

今日 明人眼、臨池 好驛亭。
叢篁 低地碧、高柳 半天青。
稠疊 多幽事、喧呼 閱使星。
老夫 如有此、不異 在郊坰。

0293 其十(五律)

雲氣 接崑崙、涔涔 塞雨繁。
羌童 看渭水、使客 向河源。
煙火 軍中幕、牛羊 嶺上村。
所居 秋草靜、正閉 小蓬門。

0294 其十一(五律)

蕭蕭 古塞冷、**漠漠** 秋雲低。
黃鵠 翅垂雨、**蒼鷹** 饑啄泥。
薊門 誰自北、漢將獨征西。
不意 書生耳、臨哀 厭鼓鞞。

0295 其十二(五律)

山頭 南郭寺、水號 北流泉。
老樹 空庭得、清渠 一邑傳。
秋花 危石底、**晚景** 臥鐘邊。
俛仰 悲身世、溪風 為颯然。

0296 其十三(五律)

傳道 東柯谷、深藏 數十家。
對門 藤蓋瓦、**映竹** 水穿沙。
瘦地 翻宜粟、陽坡 可種瓜。
船人 近相報、但恐 失桃花。

0297 其十四(五律)

萬古 仇池穴、潛通 小有天。
神魚 今**不見**、福地 語真傳。
近接 **西南**境、**長懷** **十九**泉。
何時 一茅屋、送老 白雲邊。

0298 其十五(五律)

未暇 泛滄海、悠悠 兵馬間。
塞門 風**落木**、客舍 雨**連山**。
阮籍 行多興、**龐公** 隱**不還**。
東柯 遂疏懶、休鑷 鬢毛斑。

0299 其十六(五律)

東柯 好崖谷、不與 衆峰羣。
落日 邀雙鳥、晴天 卷**片雲**。
野人 矜絕險、水竹 會**平分**。
採藥 吾將老、兒童 未遣聞。

0300 其十七(五律)

邊秋 陰易夕、不復 辨晨光。
簷雨 亂淋幔、**山雲** 低度牆。
鷗鷺 窺淺井、蚯蚓 上深堂。
車馬 何蕭索、門前 百草長。

0301 其十八(五律)

地僻 秋**將盡**、山高 客**未歸**。
寒雲 多**斷續**、邊日 少**光輝**。
警急 烽常報、傳聞 檄屢飛。
西戎 外甥國、何得 迂天威。

0302 其十九

鳳林 戈**未息**、魚海 路常難。
候火 雲峰峻、懸軍 幕井乾。
風連 **西極**動、月過 北庭寒。
故老 思飛將、何時 議築壇。

0303 其二十(五律)

唐堯 真自聖、野老 復何知。
藥 能無婦、應門 亦有兒。
藏書 聞禹穴、讀記 憶仇池。
為報 鴛行舊、鷓鴣 在一枝。

〔0304_月夜憶舍弟〕(五律)

戍鼓 斷人行、邊秋 一雁聲。
露從 今夜白、月是 故鄉明。
有弟 皆分散、無家 問死生。
寄書 長不達、況乃 未休兵。

〔0305_天末懷李白〕(五律)

涼風 起天末、君子 意如何。
鴻雁 幾時到、江湖 秋水多。
文章 憎命達、魑魅 喜人過。
應共 冤魂語、投詩 贈汨羅。

〔0306_宿贊公房〕(五律)

杖錫 何來此。秋風 已颯然。
雨荒 深院菊、霜倒 半池蓮。
放逐 寧違性、虛空 不離禪。
相逢 成夜宿、隴月 向人圓。

〔0307_赤谷西崦人家〕(五古)

躋險 不自安、出郊 已清目。
溪迴 日氣煖、逕轉 山田熟。
鳥雀 依茅茨、藩籬 帶松菊。
如行 武陵暮、欲問 桃源宿。

〔西枝村、尋置草堂地、夜宿贊公土室、二首〕

0308 其一(五古)

出郭 眇細岑、披榛 得微路。
溪行 一流水、曲折 方屢渡。
贊公 湯休徒、好靜 心跡素。
昨枉 霞上作、盛論 巖中趣。
怡然 共攜手、恣意 同遠步。
捫蘿 澀先登、陟嶺 眩反顧。
要求 陽岡煖、苦涉 陰嶺沍。
惆悵 老大藤、沈吟 屈蟠樹。
卜居 意未展、杖策 迴且暮。
層巔 餘落日、草蔓 已多露。

0309 其二(五古)

天寒 鳥已歸、月出 山更靜。
土室 延白光、松門 耿疏影。

躋攀 倦日短、語樂 寄夜永。
明燃 林中薪、暗汲 石底井。
大師 京國舊、德業 天機秉。
從來 支許遊、興趣 江湖迴。
數奇 謫關塞、道廣 存箕穎。
何知 戎馬間、復接 塵事屏。
幽尋 豈一路、遠色 有諸嶺。
晨光 稍朦朧、更越 西南頂。

〔0310_寄贊上人〕（五古）

一昨 陪錫杖、卜鄰 南山幽。
年侵 腰脚衰、未便 陰崖秋。
重岡 北面起、竟日 陽光留。
茅屋 買兼土、斯焉 心所求。
近聞 西枝西、有谷 杉柰稠。
亭午 頗和暖、石田 又足收。
當期 塞雨乾、宿昔 齒疾瘳。
徘徊 虎穴上、面勢 龍泓頭。
柴荆 具茶名、逕路 通林丘。
與子 成二老、來往 亦風流。

〔0311_太平寺泉眼〕（五古）

招提 憑高岡、疏散 連草莽。
出泉 枯柳根、汲引 歲月古。
石間 見海眼、天畔 滎水府。
廣深 丈尺間、宴息 敢輕侮。
青白 二小蛇、幽姿 可時覩。
如絲 氣或上、爛熳 為雲雨。
山頭 到山下、鑿井 不盡土。
取供 十方僧、香美 勝牛乳。
北風 起寒文、弱藻 舒翠縷。
明涵 客衣淨、細蕩 林影趣。
何當 宅下流、餘潤 通藥圃。
三春 濕黃精、一食 生毛羽。

〔0312_東樓〕（五律）

萬里 流沙道、西行 過此門。
但添 新戰骨、不返 舊征魂。
樓角 凌風迴、城陰 帶水昏。
傳聲 看驛使、送節 向河源。

〔0313_雨晴〕（五律）

天外 秋雲薄、從西 萬里風。
今朝 好晴景、久雨 不妨農。
塞柳 行疏翠、山梨 結小紅。

胡笳 樓上發、一雁 入高空。

〔 0314_寓目 〕（五律）

一縣 葡萄熟、秋山 苜蓿多。
關雲 常帶雨、塞水 不成河。
羌女 輕烽燧、胡兒 掣駱駝。
自傷 遲暮眼、喪亂 飽經過。

〔 0315_山寺 〕（五律）

野寺 殘僧少、山園 細路高。
麝香 眠石竹、鸚鵡 啄金桃。
亂水 通人過、懸崖 置屋牢。
上方 重閣晚、百里 見秋毫。

〔 0316_即事 〕（五律）

聞道 花門破、和親 事卻非。
人憐 漢公主、生得 渡河歸。
秋思 拋雲髻、腰支 賸寶衣。
羣凶 猶索戰、回首 意多違。

〔 0317_遣懷 〕（五律）

愁眼 看霜露、寒城 菊自花。
天風 隨斷柳、客淚 墮清笳。
水靜 樓陰直、山昏 塞日斜。
夜來 歸鳥盡、啼殺 後棲鴉。

〔 0318_天河 〕（五律）

常時 任顯晦、秋至 轉分明。
縱被 微雲掩、終能 永夜清。
含星 動雙闕、伴月 落邊城。
牛女 年年渡、何曾 風浪生。

〔 0319_初月 〕（五律）

光細 弦初上、影斜 輪未安。
微升 古塞外、已隱 暮雲端。
河漢 不改色、關山 空自寒。
庭前 有白露、暗滿 菊花團。

〔 0320_擣衣 〕（五律）

亦知 戍不返、秋至 拭清砧。
已近 苦寒月、況經 長別心。
寧辭 擣衣倦、一寄 塞垣深。
用盡 閨中力、君聽 空外音。

〔 0321_歸燕 〕（五律）

不獨 避霜雪、其如 儔侶稀。
四時 無失序、八月 自知歸。
春色 豈相訪、衆雛 還識機。
故巢 儻未毀、會傍 主人飛。

〔0322_促織〕（五律）

促織 甚微細、哀音 何動人。
草根 吟不穩、床下 意相親。
久客 得無淚、故妻 難及晨。
悲絲 與急管、感激 異天真。

〔0323_螢火〕（五律）

幸因 腐草出、敢近 太陽飛。
未足 臨書卷、時能 點客衣。
曉風 隔幔小、帶雨 傍林微。
十月 清霜重、飄零 何處歸。

〔0324_蒹葭〕（五律）

摧折 不自守、秋風 吹若何。
暫時 花戴雪、幾處 葉沈波。
體弱 春苗早、叢長 夜露多。
江湖 後搖落、亦恐 歲蹉跎。

〔0325_苦竹〕（五律）

青冥 亦自守、軟弱 強扶持。
味苦 夏蟲避、叢卑 春鳥疑。
軒墀 曾不重、剪伐 欲無辭。
幸近 幽人屋、霜根 結在茲。

〔0326_除架〕（五律）

束薪 已零落、瓠葉 轉蕭疏。
幸結 白花了、寧辭 青蔓除。
秋蟲 聲不去、暮雀 意何如。
寒事 今牢落、人生 亦有初。

〔0327_廢畦〕（五律）

秋蔬 擁霜露、豈敢 惜凋殘。
暮景 數枝葉、天風 吹汝寒。
綠霑 泥滓盡、香與 歲時闌。
生意 春如昨、悲君 白玉盤。

〔0328_夕烽〕（五律）

夕烽 來不近、每日 報平安。
塞上 傳光小、雲邊 落點殘。
照秦 通警急、過隴 自艱難。

聞道 蓬萊殿、千門 立馬看。

『 0329_秋笛』(五律)

清商 欲盡奏、奏苦 血霑衣。
他日 傷心極、征人 白骨歸。
相逢 恐恨過、故作 發聲微。
不見 秋雲動、悲風 稍稍飛。

『 0330_日暮』(五律)

日暮 風亦起、城頭 烏尾訛。
黃雲 高未動、白水 已揚波。
羌婦 語還笑、胡兒 行且歌。
將軍 別換馬、夜出 擁雕戈。

『 0331_野望』(五律)

清秋 望不極、迢遞 起層陰。
遠水 兼天淨、孤城 隱霧深。
葉稀 風更落、山迴 日初沈。
獨鶴 歸何晚、昏鴉 已滿林。

『 0332_空囊』(五律)

翠柏 苦猶食、明霞 高可餐。
世人 共鹵莽、吾道 屬艱難。
不爨 井晨凍、無衣 床夜寒。
囊空 恐羞澀、留得 一錢看。

『 0333_病馬』(五律)

乘爾 亦已久、天寒 關塞深。
塵中 老盡力、歲晚 病傷心。
毛骨 豈殊衆、馴良 猶至今。
物微 意不淺、感動 一沈吟。

『 0334_蕃劍』(五律)

致此 自僻遠、又非 珠玉裝。
如何 有奇怪、每夜 吐光芒。
虎氣 必騰上、龍身 寧久藏。
風塵 苦未息、持汝 奉明王。

『 0335_銅瓶』(五律)

亂後 碧井廢、時清 瑤殿深。
銅瓶 未失水、百丈 有哀音。
側想 美人意、應悲 寒螿沈。
蛟龍 半缺落、猶得 折黃金。

『 0336_送遠』(五律)

帶甲 滿天地、胡為 君遠行。
親朋 盡一哭、鞍馬 去孤城。
草木 歲月晚、關河 霜雪清。
別離 已昨日、因見 古人情。

『0337_送人從軍』（五律）

弱水 應無地、陽關 已近天。
今君 度砂磧、羃月 斷人煙。
好武 寧論命、封侯 不計年。
馬寒 防失道、雪沒 錦鞍韉。

『0338_示姪佐』（五律）

多病 秋風落、君來 慰眼前。
自聞 茅屋趣、只想 竹林眠。
滿谷 山雲起、侵籬 澗水懸。
嗣宗 諸子姪、早覺 仲容賢。

『佐還山後寄三首』

0339 其一（五律）

山晚 黃雲合、歸時 恐路迷。
澗寒 人欲到、林黑 鳥應棲。
野客 茅茨小、田家 樹木低。
舊諳 疏懶叔、須汝 故相攜。

0340 其二（五律）

白露 黃粱熟、分張 素有期。
已應 春得細、頗覺 寄來遲。
味豈 同金菊、香宜 配綠葵。
老人 他日愛、正想 滑流匙。

0341 其三（五律）

幾道 泉澆圃、交橫 落幔坡。
葳蕤 秋葉少、隱映 野雲多。
隔沼 連香茝、通林 帶女蘿。
甚聞 霜薤白、重惠 意如何。

『0342_從人覓小胡孫許寄』（五律）

人說 南州路、山猿 樹樹懸。
舉家 聞若咳、為寄 小如拳。
預哂 愁胡面、初調 見馬鞭。
許求 聰慧者、童稚 捧應癡。

『0343_秋日、阮隱居致薤三十束[陳隱居]』（五律）

隱者 柴門內、畦蔬 繞舍秋。
盈筐 承露薤、不待 致書求。
束比 青芻色、圓齊 玉筍頭。
衰年 關鬲冷、味暖 併無憂。

『 0344_秦州見敕目[除目]・薛三璩授司議郎[薛三據]・畢四曜除監察・與二子有故・遠喜遷官・兼述
索居・凡三十韻』(五排)

大雅 何寥闊、斯人 尚典型。
交期 余潦倒、材力 爾精靈。
二子 聲同日、諸生 困一經。
文章 開矣奧、遷擢 潤朝廷。
舊好 何由展、新詩 更憶聽。
別來 頭併白、相見 眼終青。
伊昔 貧皆甚、同憂 歲不寧。
栖遑 分半菽、浩蕩 逐流萍。
俗態 猶猜忌、妖氛 忽杳冥。
獨慚 投漢閣、俱議 哭秦庭。
還蜀 祇無補、囚梁 亦固局。
華夷 相混合、宇宙 一羶腥。
帝力 收三統、天威 總四溟。
舊都 俄望幸、清廟 肅惟馨。
雜種 雖高壘、長驅 甚建瓴。
焚香 淑景殿、漲水 望雲亭。
法駕 初還日、群公 若會星。
宮臣 仍點染、柱史 正零丁。
官忝 趨棲鳳、朝回 歎聚螢。
喚人 看驥裏、不嫁 惜娉婷。
掘獄 知埋劍、提刀 見發硎。
侏儒 應共飽、漁父 忌偏醒。
旅泊 窮清渭、長吟 望濁涇。
羽書 還似急、烽火 未全停。
師老 資殘寇、戎生 及近坰。
忠臣 詞憤激、烈士 涕飄零。
上將 盈邊鄙、元勳 溢鼎銘。
仰思 調玉燭、誰定 握青萍。
隴俗 輕鸚鵡、原情 類鵲鴒。
秋風 動關塞、高臥 想儀形。

『 0345_寄彭州高三十五使君適虢州岑二十七長史參三十韻』(五排)

故人 何寂寞、今我 獨淒涼。
老去 才雖盡、秋來 興甚長。
物情 尤可見、詞客 未能忘。
海內 知名士、雲端 各異方。
高岑 殊緩步、沈鮑 得同行。
意愜 關飛動、篇終 接混茫。
舉天 悲富駱、近代 惜盧王。
似爾 官仍貴、前賢 命可傷。
諸侯 非棄擲、半刺 已翱翔。
詩好 幾時見、書成 無信將。

男兒行處是、客子鬪身強。
羈旅推賢聖、沈綿抵咎殃。
三年猶瘡疾、一鬼不銷亡。
隔日搜脂髓、增寒抱雪霜。
徒然潛隙地、有覩屢鮮妝。
何太龍鍾極、於今出處妨。
無錢居帝里、盡室在邊疆。
劉表雖遺恨、龐公至死藏。
心微傍魚鳥、肉瘦怯豺狼。
隴草蕭蕭白、洮雲片片黃。
彭門劍閣外、虢略鼎湖旁。
荊玉簪頭冷、巴牋染翰光。
烏麻蒸續曬、丹橘露應嘗。
豈異神仙宅、俱兼山水鄉。
竹齋燒藥竈、花嶼讀書床。
更得清新否、遙知對屬忙。
舊官寧改漢、淳俗本歸唐。
濟世宜公等、安貧亦士常。
蚩尤終戮辱、胡羯漫猖狂。
會待妖氛靜、論文暫裹糧。

『0346_寄岳州賈司馬六丈巴州嚴八使君兩閣老五十韻』（五排）

衡岳啼猿裏、芭巖鳥道邊。
故人俱不利、謫宦兩悠然。
開闢乾坤正、榮枯雨露偏。
長沙才子遠、釣瀨客星懸。
憶昨趨行殿、殷憂捧御筵。
討胡愁李廣、奉使待張騫。
無復雲臺仗、虛修水戰船。
蒼茫城七十、流落劍三千。
畫角吹秦晉、旄頭俯澗瀾。
小儒輕董卓、有識笑苻堅。
浪作禽填海、那將血射天。
萬方思助順、一鼓氣無前。
陰散陳倉北、晴曛太白巔。
亂麻屍積衛、破竹勢臨燕。
法駕還雙闕、王師下八川。
此時霑奉引、佳氣拂周旋。
貔虎開金甲、麒麟受玉鞭。
侍臣諳入仗、廐馬解登仙。
花動朱樓雪、城凝碧樹煙。
衣冠心慘愴、故老淚潺湲。
哭廟悲風急、朝正霽景鮮。
月分梁漢米、春給水衡錢。
內蕊繁於纈、宮莎軟勝綿。

恩榮 同拜手、出入 最隨肩。
晚著 華堂醉、寒重 繡被眠。
轡齊 兼秉燭、書枉 滿懷牋。
每覺 昇元輔、深期 列大賢。
秉鈞 方咫尺、鍛翮 再聯翩。
禁掖 朋從改、微班 性命全。
青蒲 甘受戮、白髮 竟誰憐。
弟子 貧原憲、諸生 老伏虔。
師資 謙未達、鄉黨 敬何先。
舊好 腸堪斷、新愁 眼欲穿。
翠乾 危棧竹、紅膩 小湖蓮。
賈筆 論孤憤、嚴詩 賦幾篇。
定知 深意苦、莫使 衆人傳。
貝錦 無停織、朱絲 有斷絃。
浦鷗 防碎首、霜鶻 不空拳。
地僻 昏炎瘴、山稠 隘石泉。
且將 棋度日、應用 酒為年。
典郡 終微眇、治中 實棄捐。
安排 求傲吏、比興 展歸田。
去去 才難得、蒼蒼 理又玄。
古人 稱逝矣、吾道 卜終焉。
隴外 翻投跡、漁陽 復控弦。
笑為 妻子累、甘與 歲時遷。
親故 行稀少、兵戈 動接連。
他鄉 饒夢寐、失侶 自迍邐。
多病 加淹泊、長吟 阻靜便。
如公 盡雄俊、志在 必騰騫。

『0347_寄張十二山人彪三十韻』（五排）

獨臥 嵩陽客、三違 潁水春。
艱難 隨老母、慘澹 向時人。
謝氏 尋山屐、陶公 漉酒巾。
羣兇 彌宇宙、此物 在風塵。
歷下 辭姜被、關西 得孟鄰。
早通 交契密、晚接 道流新。
靜者 心多妙、先生 藝絕倫。
草書 何太古、詩興 不無神。
曹植 休前輩、張芝 更後身。
數篇 吟可老、一字 賣堪貧。
將恐 曾防寇、深潛 託所親。
寧聞 倚門夕、盡力 潔餐晨。
疏懶 爲名誤、驅馳 喪我真。
索居 尤寂寞、相遇 益愁辛。
流轉 依邊徼、逢迎 念席珍。
時來 故舊少、亂後 別離頻。

世祖 修高廟、文公 賞從臣。
 商山 猶入楚、渭水 不離秦。
 存想 青龍秘、騎行 白鹿馴。
 耕巖 非谷口、結草 即河濱。
 肘後 符應驗、囊中 藥未陳。
 旅懷 殊不愜、良覲 眇無因。
 自古 皆悲恨、浮生 有屈伸。
 此邦 今尚武、何處 且依仁。
 鼓角 凌天籟、關山 倚月輪。
 官壕 羅鎮磧、賊火 近洮岷。
 蕭瑟 論兵地、蒼茫 鬪將辰。
 大軍 多處所、餘孽 尚紛綸。
 高興 知籠鳥、斯文 起獲麟。
 窮秋 正搖落、回首 望松筠。

〔0348_寄李十二白二十韻〕（五排）

昔年 有狂客、號爾 謫仙人。
 筆落 驚風雨、詩成 泣鬼神。
 聲名 從此大、汨沒 一朝伸。
 文彩 承殊渥、流傳 必絕倫。
 龍舟 移棹晚、獸錦 奪袍新。
 白日 來深殿、青雲 滿後塵。
 乞歸 優詔許、遇我 宿心親。
 未負 幽棲志、兼全 寵辱身。
 劇談 憐野逸、嗜酒 見天真。
 醉舞 梁園夜、行歌 泗水春。
 才高 心不展、道屈 善無鄰。
 處士 禰衡俊、諸生 原憲貧。
 稻梁 求未足、蕙苳 謗何頻。
 五嶺 炎蒸地、三危 放逐臣。
 幾年 遭鸛鳥、獨泣 向麒麟。
 蘇武 元還漢、黃公 豈事秦。
 楚筵 辭醴日、梁獄 上書辰。
 已用 當時法、誰將 此議陳。
 老吟 秋月下、病起 暮江濱。
 莫怪 恩波隔、乘槎 與問津。

〔0349_所思〕（五律）

鄭老 身仍竄、台州 信始傳。
 舊隱 山澗曲、臥病 海雲邊。
 世已 疏儒素、人猶 乞酒錢。
 徒勞 望牛斗、無計 斷龍泉。

〔0350_別贊上人〕（五古）

百川 日東流、客去 亦不息。

我生 苦飄蕩、何時 有終極。
贊公 釋門老、放逐 來上國。
還為 世塵嬰、頗帶 憔悴色。
楊枝 晨在手、豆子 雨已熟。
是身 如浮雲、安可 限南北。
異縣 逢舊友、初欣 寫胸臆。
天長 關塞寒、歲暮 饑凍逼。
野風 吹征衣、欲別 向曛黑。
馬嘶 思故櫪、歸鳥 盡斂翼。
古來 聚散地、宿昔 長荊棘。
相看 俱衰年、出處 各努力。

〔0351_兩當縣吳十侍御江上宅〕（五古）

寒城 朝煙淡、山谷 落葉赤。
陰風 千里來、吹汝 江上宅。
鷓鴣 號枉渚、日色 傍阡陌。
借問 持斧翁、幾年 長沙客。
哀哀 失木狢、矯矯 避弓翮。
亦知 故鄉樂、未敢 思宿昔。
昔在 鳳翔郡、共通 金閨籍。
天子 猶蒙塵、東郊 暗長戟。
兵家 忌間諜、此輩 常接跡。
臺中 領舉劾、君必 慎剖析。
不忍 殺無辜、所以 分白黑。
上官 權許與、失意 見遷斥。
朝廷 非不知、閉口 休歎息。
仲尼 甘旅人、向子 識損益。
余時 忝靜臣、丹陛 實咫尺。
相看 受狼狽、至死 難塞責。
行邁 心多違、出門 無與適。
於公 負明義、惆悵 頭更白。

〔0352_發秦州〕（五古）

我衰 更懶拙、生事 不自謀。
無食 問樂土、無衣 思南州。
漢源 十月交、天氣 涼如秋。
草木 未黃落、況聞 山水幽。
栗亭 名更嘉、下有 良田疇。
充腸 多薯蕷、崖蜜 亦易求。
密竹 復冬筍、清池 可方舟。
雖傷 旅寓遠、庶遂 平生遊。
此邦 俯要衝、實恐 人事稠。
應接 非本性、登臨 未銷憂。
溪谷 無異石、塞田 始微收。
豈復 慰老夫、惘然 難久留。

目色 隱孤戍、烏啼 滿城頭。
中宵 驅車去、飲馬 寒塘流。
磊落 星月高、蒼茫 雲霧浮。
大哉 乾坤內、吾道 長悠悠。

『0353_赤谷』

天寒 霜雪繁、遊子 有所之。
豈但 歲月暮、重來 未有期。
晨發 赤谷亭、險艱 方自茲。
亂石 無改轍、我車 已載脂。
山深 苦多風、落日 童稚飢。
悄然 村墟迴、煙火 何由追。
貧病 轉零落、故鄉 不可思。
常恐 死道路、永為 高人嗤。

『0354_鐵堂峽』（五古）

山風 吹遊子、縹緲 乘險絕。
硤形 藏堂隍、壁色 立精鐵。
徑摩 穹蒼蟠、石與 厚地裂。
修纖 無垠竹、嵌空 太始雪。
威遲 哀壑底、徒旅 慘不悅。
水寒 長冰橫、我馬 骨正折。
生涯 抵弧矢、盜賊 殊未滅。
飄蓬 踰三年、回首 肝肺熱。

『0355_鹽井』（五古）

鹵中 草木白、青者 官鹽煙。
官作 既有程、煮鹽 煙在川。
汲井 歲掇掇、出車 日連連。
自公 斗三百、轉致 斛六千。
君子 慎止足、小人 苦喧闐。
我何 良歎嗟、物理 固自然。

『0356_寒峽』（五古）

行邁 日悄悄、山谷 勢多端。
雲門 轉絕岸、積阻 霾天寒。
寒硤 不可度、我實 衣裳單。
況當 仲冬交、泝沿 增波瀾。
野人 尋煙語、行子 傍水餐。
此生 免荷旻、未敢 辭路難。

『0357_法鏡寺』（五古）

身危 適他州、勉強 終勞苦。
神傷 山行深、愁破 崖寺古。
嬋娟 碧蘚淨、蕭槭 寒籜聚。

回回 山根水、冉冉 松上雨。
洩雲 蒙清晨、初日 翳復吐。
朱甍 半光炯、戶牖 粲可數。
拄策 忘前期、出蘿 已亭午。
冥冥 子規叫、微徑 不敢取。

『0358_青陽峽』（五古）

塞外 苦厭山、南行 道彌惡。
岡巒 相經互、雲水 氣參錯。
林迴 硤角來、天窄 壁面削。
磎西 五里石、奮怒 向我落。
仰看 日車側、俯恐 坤軸弱。
魑魅 嘯有風、霜霰 浩漠漠。
昨憶 踰隴坂、高秋 視吳嶽。
東笑 蓮華卑、北知 崆峒薄。
超然 侔壯觀、已謂 殷寥廓。
突兀 猶趁人、及茲 歎冥漠。
東笑 蓮華卑、北知 崆峒薄。

『0359_龍門鎮』（五古）

細泉 兼輕冰、沮洳 棧道濕。
不辭 辛苦行、迫此 短景急。
石門 雲雪隘、古鎮 峰巒集。
旌竿 暮慘澹、風水 白刃澀。
胡馬 屯成皋、防虞 此何及。
嗟爾 遠戍人、山寒 夜中泣。

『0360_石龕』（五古）

熊羆 咆我東、虎豹 號我西。
我後 鬼長嘯、我前 狻又啼。
天寒 昏無日、山遠 道路迷。
驅車 石龕下、仲冬 見虹霓。
伐竹 者誰子。悲歌 上雲梯。
為官 採美箭、五歲 供梁齊。
苦云 直簞盡、無以 應堤攜。
奈何 漁陽騎、颯颯 驚蒸黎。

『0361_積草嶺』（五古）

連峰 積長陰、白日 遞隱見。
颼颼 林響交、慘慘 石狀變。
山分 積草嶺、路異 鳴水縣。
旅泊 吾道窮、衰年 歲時倦。
卜居 尚百里、休駕 投諸彥。
邑有 佳主人、情如 已會面。
來書 語絕妙、遠客 驚深眷。

食蕨 不顧餘、茅茨 眼中見。

『0362_泥功山』（五古）

朝行 青泥上、暮在 青泥中。
泥濘 非一時、版築 勞人功。
不畏 道途遠、乃將 汨沒同。
白馬 為鐵驪、小兒 成老翁。
哀猿 透卻墜、死鹿 力所窮。
寄語 北來人、後來 莫匆匆。

『0363_鳳凰臺』（五古）

亭亭 鳳凰臺、北對 西康州。
西伯 今寂寞、鳳聲 亦悠悠。
山峻 路絕蹤、石林 氣高浮。
安得 萬丈梯、為君 上上頭。
恐有 無母雛、飢寒 日啾啾。
我能 剖心血、飲啄 慰孤愁。
心以 當竹實、炯然 無外求。
血以 當醴泉、豈徒 比清流。
所重 王者瑞、敢辭 微命休。
坐看 綵翮長、舉意 八極周。
自天 銜瑞圖、飛下 十二樓。
圖以 奉至尊、鳳以 垂鴻猷。
再光 中興業、一洗 蒼生憂。
深衷 正為此、羣盜 何淹留。

『乾元中、寓居同谷縣作歌、七首』

0364 其一（七古）

有客 有客 字子美、白頭 亂髮 垂過耳。
歲拾 橡栗 隨狙公、天寒 日暮 山谷裏。
中原 無書 歸不得、手脚 凍皸 皮肉死。
嗚呼 一歌兮 歌已哀、悲風 為我 從天來。

0365 其二（七古）

長鑱 長鑱 白木柄、我生 託子 以為命。
黃獨 無苗 山雪盛、短衣 數挽 不掩脛。
此時 與子 空歸來、男呻 女吟 四壁靜。
嗚呼 二歌兮 歌始放、閭里 為我 色惆悵。

0366 其三（七古）

有弟 有弟 在遠方、三人 各瘦 何人強。
生別 展轉 不相見、胡塵 暗天 道路長。
東飛 駕鵝 後鶯鶯、安得 送我 置汝傍。
嗚呼 三歌兮 歌三發、汝歸 何處 收兄骨。

0367 其四（七古）

有妹 有妹 在鍾離、良人 早歿 諸孤癡。
長淮 浪高 蛟龍怒、十年 不見 來何時。

扁舟 欲往 箭滿眼、杳杳 南國 多旌旗。
嗚呼 四歌兮 歌四奏、林猿 為我 啼清晝。

0368 其五(七古)

四山 多風 溪水急、寒雨 颯颯 枯樹濕。
黃蒿 古城 雲不開、白狐 跳梁 黃狐立。
我生 何為 在窮谷、中夜 起坐 萬感集。
嗚呼 五歌兮 歌正長、魂招 不來 歸故鄉。

0369 其六(七古)

南有 龍兮 在山湫、古木 巖巖 枝相樛。
木葉 黃落 龍正蟄、蝮蛇 東來 水上游。
我行 怪此 安敢出。拔劍 欲斬 且復休。
嗚呼 六歌兮 歌思遲、溪壑 為我 迴春姿。

0370 其七(七古)

男兒 生不 成名 身已老、三年 飢走 荒山道。
長安 卿相 多少年、富貴 應須 致身早。
山中 儒生 舊相識、但話 宿昔 傷懷抱。
嗚呼 七歌兮 悄終曲、仰視 皇天 白日速

『0371_萬丈潭』(五古)

青溪 含冥冥、神物 有顯晦。
龍依 積水蟠、窟壓 萬丈內。
跼步 凌垠堦、側身 下煙靄。
前臨 洪濤寬、卻立 蒼石大。
山危 一徑盡、岸絕 兩壁對。
削成 根虛無、倒影 垂澹澗。
黑知 灣環底、清見 光炯碎。
孤雲 到來深、飛鳥 不在外。
高蘿 成帷幄、寒木 壘旌旆。
遠川 曲通流、嵌竇 潛洩瀨。
造幽 無人境、發興 自我輩。
告歸 遺恨多、將老 斯遊最。
閉藏 修鱗蟄、出入 巨石礙。
何當 炎天過、快意 風雲會。

『0372_發同谷縣』(五古)

賢有 不黔突、聖有 不煖席。
況我 飢愚人、焉能 尚安宅。
始來 茲山中、休駕 喜地僻。
奈何 迫物纍、一歲 四行役。
忡忡 去絕境、杳杳 更遠適。
停驂 龍潭雲、迴首 虎崖石。
臨岐 別數子、握手 淚再滴。
交情 無舊深、窮老 多慘感。
平生 懶拙意、偶值 棲遁跡。
去住 與願違、仰慚 林間翮。

『0373_木皮嶺』（五古）

首路 栗亭西、尚想 鳳凰竹。
季冬 攜童稚、辛苦 赴蜀門。
南登 木皮嶺、艱險 不易論。
汗流 被我體、祁寒 為之暄。
遠岫 爭輔佐、千巖 自崩奔。
始知 五岳外、別有 他山尊。
仰干 塞大明、俯入 裂厚坤。
再聞 虎豹鬬、屢踣 風水昏。
高有 廢閣道、摧折 如斷轅。
下有 冬青林、石上 走長根。
西崖 特秀發、煥若 靈芝繁。
潤聚 金碧氣、清無 沙土痕。
憶觀 崑崙圖、目擊 玄圃存。
對此 欲何適。默傷 垂老魂。

『0374_白沙渡』（五古）

畏途 隨長江、渡口 下絕岸。
差池 上舟楫、杳窅 入雲漢。
天寒 荒野外、日暮 中流半。
我馬 向北嘶、山猿 飲相喚。
水清 石礚礚、沙白 灘漫漫。
迴然 洗愁辛、多病 一疏散。
高壁 抵欽崓、洪濤 越凌亂。
臨風 獨回首、攬轡 復三嘆。

『0375_水會渡[水回渡]』（五古）

山行 有常程、中夜 尚未安。
微月 沒已久、崖傾 路何難。
大江 動我前、洶若 溟渤寬。
篙師 暗理楫、歌笑 輕波瀾。
霜濃 木石滑、風急 手足寒。
入舟 已千憂、陟嶺 仍萬盤。
迴眺 積水外、始知 衆星乾。
遠遊 令人瘦、衰疾 慚加餐。

『0376_飛仙閣』（五古）

土門 山行窄、微徑 緣秋毫。
棧雲 闌干峻、梯石 結構牢。
萬壑 敲疏林、積陰 帶奔濤。
寒日 外澹泊、長風 中怒號。
歇鞍 在地底、始覺 所歷高。
往來 雜坐臥、人馬 同疲勞。
浮生 有定分、飢飽 豈可逃。

嘆息 謂妻子、我何 隨汝曹。

『0377_五盤』（五古）

五盤 雖云險、山色 佳有餘。
仰凌 棧道細、俯映 江木疏。
地僻 無網罟、水清 反多魚。
好鳥 不妄飛、野人 半巢居。
喜見 淳樸俗、坦然 心神舒。
東郊 尚格鬪、巨猾 何時除。
故鄉 有弟妹、流落 隨丘墟。
成都 萬事好、豈若 歸吾廬。

『0378_龍門閣』（五古）

清江 下龍門、絕壁 無尺土。
長風 駕高浪、浩浩 自太古。
危途 中縈盤、仰望 垂線縷。
滑石 敲誰鑿。浮梁 裊相拄。
目眩 隕雜花、頭風 吹過雨。
百年 不敢料、一墜 那得取。
飽聞 經瞿塘、足見 度大庾。
終身 歷艱險、恐懼 從此數。

『0379_石櫃閣』（五古）

季冬 日已長、山晚 半天赤。
蜀道 多早花、江間 饒奇石。
石櫃 曾波上、臨虛 蕩高壁。
清暉 回羣鷗、暝色 帶遠客。
羈棲 負幽意、感嘆 向絕跡。
信甘 孱懦嬰、不獨 凍餒迫。
優游 謝康樂、放浪 陶彭澤。
吾衰 未自由、謝爾 性所適。

『0380_桔柏渡』（五古）

青冥 寒江渡、駕竹 為長橋。
竿濕 煙漠漠、江永 風蕭蕭。
連竿 動嫋娜、征衣 颯飄飄。
急流 鵝鷄散、絕岸 鼉鼉驕。
西轅 自茲異、東逝 不可要。
高通 荊門路、闊會 滄海潮。
孤光 隱顧盼、遊子 悵寂寥。
無以 洗心胸、前登 但山椒。

『0381_劍門』（五古）

惟天 有設險、劍門 天下壯。
連山 抱西南、石角 皆北向。

兩崖 崇墉倚、刻畫 城郭狀。
一夫 怒臨關、百萬 未可傍。
珠玉 走中原、岷峨 氣悽愴。
三皇 五帝前、雞犬 各相放。
後王 尚柔遠、職貢 道已喪。
至今 英雄人、高視 見霸王。
并吞 與割據、極力 不相讓。
吾將 罪真宰、意欲 鏹疊嶂。
恐此 復偶然、臨風 默惆悵。

『0382_鹿頭山』（五古）

鹿頭 何亭亭、是日 慰飢渴。
連山 西南斷、俯見 千里豁。
遊子 出京華、劍門 不可越。
及茲 險阻盡、始喜 原野闊。
殊方 昔三分、霸氣 曾間發。
天下 今一家、雲端 失雙闕。
悠然 想揚馬、繼起 名碑兀。
有文 令人傷、何處 埋爾骨。
紆餘 脂膏地、慘澹 豪俠窟。
丈鉞 非老臣、宣風 豈專達。
冀公 柱石姿、論道 邦國活。
斯人 亦何幸、公鎮 踰歲月。

『0383_成都府』（五古）

翳翳 桑榆日、照我 征衣裳。
我行 山川異、忽在 天一方。
但逢 新人民、未卜 見故鄉。
大江 東流去、遊子 日月長。
曾城 填華屋、季冬 樹木蒼。
喧然 名都會、吹簫 間笙簧。
信美 無與適、側身 望川梁。
鳥雀 夜各歸、中原 杳茫茫。
初月 出不高、衆星 尚爭光。
自古 有羈旅、我何 苦哀傷。

『0384_酬高使君相贈』（五律）

古寺 僧牢落、空房 客寓居。
故人 供祿米、鄰舍 與園蔬。
雙樹 容聽法、三車 肯載書。
草玄 吾豈敢、賦或 似相如。

『0385_卜居』（七律）

浣花 流水 水西頭、主人 為卜 林塘幽。
已知 出郭 少塵事、更有 澄江 銷客愁。

無數 蜻蜓 齊上下、一雙 鸕鶿 對沈浮。
東行 萬里 堪乘興、須向 山陰 上小舟。

〔 0386_王十五司馬弟、出郭相訪、遺營草堂貲〕（五律）

客裏 何遷次、江邊 正寂寥。
肯來 尋一老、愁破 是今朝。
憂我 營茅棟、攜錢 過野橋。
他鄉 唯表弟、還往 莫辭勞。

〔 0387_蕭八明府實處覓桃栽〕（七絕）

奉乞 桃栽 一百根、春前 為送 浣花村。
河陽 縣裏 雖無數、濯錦 江邊 未滿園。

〔 0388_從韋二明府續處覓綿竹[錦竹][覓錦竹三數叢]〕（七絕）

華軒 藹藹 他年到、綿竹 亭亭 出縣高。
江上 舍前 無此物、幸分 蒼翠 拂波濤。

〔 0389_憑何十一少府邕覓檜木栽[檜木數百栽]〕（七絕）

草堂 塹西 無樹林、非子 誰復 見幽心。
飽聞 檜木 三年大、與致 溪邊 十畝陰。

〔 0390_憑韋少府班覓松樹子栽〕（七絕）

落落 出群 非櫟柳、青青 不朽 豈楊梅。
欲存 老蓋 千年意、為覓 霜根 數寸栽。

〔 0391_又於韋處乞大邑瓷碗〕（七絕）

大邑 燒瓷 輕且堅、扣如 哀玉 錦城傳。
君家 白碗 勝霜雪、急送 茅齋 也可憐。

〔 0392_詣徐卿覓果栽[覓果子]〕（七絕）

草堂 少花 今欲栽、不問 綠李 與黃梅。
石筍 街中 卻歸去、果園 坊裏 為求來。

〔 0393_堂成〕（七律）

背郭 堂成 蔭白茅、緣江 路熟 俯青郊。
楹林 礙日 吟風葉、籠竹 和煙 滴露梢。
暫止 飛鳥 將數子、頻來 語燕 定新巢。
旁人 錯比 揚雄宅、懶惰 無心 作解嘲。

〔 0394_蜀相〕（七律）

丞相 祠堂 何處尋、錦官 城外 柏森森。
映階 碧草 皆春色、隔葉 黃鸝 空好音。
三顧 頻繁 天下計、兩朝 開濟 老臣心。
出師 未捷 身先死、長使 英雄 淚滿襟。

『 0395_梅雨 』（五律）

南京 犀浦道、四月 熟黃梅。
湛湛 長江去、冥冥 細雨來。
茅茨 疏易濕、雲霧 密難開。
竟日 蛟龍喜、盤渦 與岸迴。

『 0396_為農 』（五律）

錦里 煙塵外、江村 八九家。
圓荷 浮小葉、細麥 落輕花。
卜宅 從茲老、為農 去國賒。
遠慚 勾漏令、不得 問丹砂。

『 0397_有客<患氣經時久> 』（五律）

患氣 經時久、臨江 卜宅新。
喧卑 方避俗、疏快 頗宜人。
有客 過茅宇、呼兒 正葛巾。
自鋤 稀菜甲、小摘 為情親。

『 0398_賓至<幽棲地僻經過少> 』（七律）

幽棲 地僻 經過少、老病 人扶 再拜難。
豈有 文章 驚海內、漫勞 車馬 駐江干。
竟日 淹留 佳客坐、百年 粗糲 腐儒餐。
不嫌 野外 無供給、乘興 還來 看藥欄。

『 0399_狂夫 』（七律）

裏 橋西 一草堂、百花 潭水 即滄浪。
風含 翠篠 娟娟淨、雨裏 紅蕖 冉冉香。
厚祿 故人 書斷絕、恆飢 稚子 色淒涼。
欲填 溝壑 惟疏放、自笑 狂夫 老更狂。

『 0400_田舍 』（五律）

田舍 清江曲、柴門 古道旁。
草深 迷市井、地僻 懶衣裳。
楊柳 枝枝弱、枇杷 對對香。
鷗鷺 西日照、曬翅 滿漁梁。

『 0401_江村 』（七律）

清江 一曲 抱村流、長夏 江村 事事幽。
自去 自來 堂上燕、相親 相近 水中鷗。
老妻 畫紙 為棋局、稚子 敲針 作釣鉤。
但有 故人 供祿米、微軀 此外 更何求。

『 0402_江漲 』（五律）

江漲 柴門外、兒童 報急流。
下床 高數尺、倚杖 沒中洲。

細動 迎風燕、輕搖 逐浪鷗。
漁人 繫小楫、容易 拔船頭。

〔0403_野老〕（七律）

野老 籬邊 江岸迴、柴門 不正 逐江開。
漁人 網集 澄潭下、估客 船隨 返照來。
長路 關心 悲劍閣、片雲 何事 傍琴臺。
王師 未報 收東郡、城闕 秋生 畫角哀。

〔0404_雲山〕（五律）

京洛 雲山外、音書 靜不來。
神交 作賦客、力盡 望鄉臺。
衰疾 江邊臥、親朋 日暮迴。
白鷗 元水宿、何事 有餘哀。

〔0405_遣興〕（五律）

干戈 猶未定、弟妹 各何之。
拭淚 霑襟血、梳頭 滿面絲。
地卑 荒野大、天遠 暮江遲。
衰疾 那能久、應無 見汝期。

〔0406_遣愁〕（五律）

養拙 蓬為戶、茫茫 何所開。
江通 神女館、地隔 望鄉臺。
漸惜 容顏老、無由 弟妹來。
兵戈 與人事、回首 一悲哀。

〔0407_杜鵑行(古時杜宇)〕（七古）

古時 杜宇 稱望帝、魂作 杜鵑 何微細。
跳枝 竄葉 樹木中、搶佯 瞥振 雌隨雄。
毛衣 慘黑 貌憔悴、衆鳥 安肯 相尊崇。
隳形 不敢 栖華屋、短翮 惟願 巢深叢。
穿皮 啄朽 觜欲禿、苦飢 始得 食一蟲。
誰言 養雛 不自哺。此語 亦足 為愚蒙。
聲音 咽咽 如有謂、號啼 略與 嬰兒同。
口乾 垂血 轉迫切、似欲 上訴 於蒼穹。
蜀人 聞之 皆起立、至今 相效 傳微風、乃知 變化 不可窮。
豈思 昔日 居深宮、嬪嬙 左右 如花紅。

〔0408_題壁上韋偃畫馬歌〕（七古）

韋侯 別我 有所適、知我 憐渠 畫無敵。
戲拈 秃筆 掃驊騮、歛見 麒麟 出東壁。
一匹 齷草 一匹嘶、坐看 千里 當霜蹄。
時危 安得 真致此、與人 同生 亦同死。

『0409_戲題王宰畫山水圖歌』（七古）

十日 畫一水、五日 畫一石。
能事 不受 相促迫、王宰 始肯 留真跡。
壯哉 崑崙 方壺圖、挂君 高堂 之素壁。
巴陵 洞庭 日本東、赤岸 水與 銀河通、中有 雲氣 隨飛龍。
舟人 漁子 入浦溆、山木 盡亞 洪濤風。
尤工 遠勢 古莫比、咫尺 應須 論萬里。
焉得 并州 快剪刀、剪取 吳松 半江水。

『0410_戲為韋僊雙松圖歌』〔戲韋僊為〕（七古）

天下 幾人 畫古松、畢宏 已老 韋僊少。
絕筆 長風 起纖末、滿堂 動色 嗟神妙。
兩株 慘裂 苔蘚皮、屈鐵 交錯 迴高枝。
白摧 朽骨 龍虎死、黑入 太陰 雷雨垂。
松根 胡僧 憩寂寞、龐眉 皓首 無住著。
偏袒 右肩 露雙腳、葉裏 松子 僧前落。
韋侯 韋侯 數相見、我有 一匹 好東絹。
已令 拂拭 光凌亂、請公 放筆 為直幹。

『0411_北鄰』（五律）

明府 豈辭滿、藏身 方告勞。
青錢 買野竹、白幘 岸江皋。
愛酒 晉山簡、能詩 何水曹。
時來 訪老疾、步履 到蓬蒿。

『0412_南鄰』（七律）

錦里 先生 烏角巾、園收 芋栗 不全貧。
慣看 賓客 兒童喜、得食 階除 鳥雀馴。
秋水 纔深 四五尺、野航 恰受 兩三人。
白沙 翠竹 江村暮、相對 柴門 月色新。

『0413_過南鄰朱山人水亭』（五律）

相近 竹參差、相過 人不知。
幽花 敲滿樹、細水 曲通池。
歸客 村非遠、殘樽 席更移。
看君 多道氣、從此 數追隨。

『0414_因崔五侍御寄高彭州一絕』（五絕）

百年 已過半、秋至 轉飢寒。
為問 彭州牧、何時 救急難。

『0415_奉簡高三十五使君』（五律）

當代 論才子、如公 復幾人。
驂駟 開道路、鷹隼 出風塵。
行色 秋將晚、交情 老更親。

天涯 喜相見、披豁 對吾真。

『0416_和裴迪登新津寺寄王侍郎』（五律）

何恨 倚山木、吟詩 秋葉黃。
蟬聲 集**古寺**、鳥影 渡寒塘。
風物 悲**遊子**、**登臨** 憶侍郎。
老夫 貪佛日、隨意 宿僧房。

『0417_贈蜀僧閻丘師兄』（五古）

大師 銅梁秀、籍籍 名家孫。
嗚呼 先博士、炳靈 精氣奔。
惟昔 武皇后、臨軒 御乾坤。
多士 盡儒冠、**墨客** 藹雲屯。
當時 上紫殿、不獨 卿相聲。
世傳 閻丘筆、峻極 逾崑崙。
鳳藏 丹霄暮、**龍去** **白水** 渾。
青瑩 雪嶺東、碑碣 舊製存。
斯文 散**都邑**、高價 越**璵璠**。
晚看 作者意、妙絕 與誰論。
吾祖 師冠古、同年 蒙主恩。
豫章 夾日月、歲久 空深根。
小子 思疏闊、豈能 達詞門。
窮秋 一揮淚、相遇 即諸昆。
我住 **錦官城**、兄居 祇樹園。
地近 慰旅愁、往來 當丘樊。
天涯 歇滯雨、稊稻 臥不翻。
漂然 薄遊倦、始與 道侶敦。
景晏 步修廊、而無 車馬喧。
夜闌 接軟語、落月 如金盆。
漠漠 **世界** 黑、驅驅 **爭奪** 繁。
惟有 摩尼朱、可照 濁水源。

『0418_泛溪』（五古）

落景 下**高堂**、進舟 泛迴溪。
誰謂 **築居** 小、未盡 **喬木** 西。
遠郊 信荒僻、**秋色** 有餘淒。
練練 峰上雪、**纖纖** 雲表霓。
童戲 左右岸、罟弋 畢提攜。
翻倒 **荷芰** 亂、**指揮** **徑路** 迷。
得魚 已割鱗、採藕 不洗泥。
人情 逐鮮美、物賤 事已睽。
吾村 靄暝姿、異舍 雞亦棲。
蕭條 欲何適、**出處** 庶可齊。
衣上 見**新月**、霜中 登故畦。
濁醪 自初熟、東城 多鼓鼙。

『0419_出郭』（五律）

霜露 晚淒淒、高天 逐望低。
遠煙 鹽井上、斜景 雪峰西。
故國 猶兵馬、他鄉 亦鼓鼙。
江城 今夜客、還與 舊鳥啼。

『0420_恨別』（七律）

洛城 一別 四千里、胡騎 長驅 五六年。
草木 變衰 行劍外、兵戈 阻絕 老江邊。
思家 步月 清宵立、憶弟 看雲 白日眠。
聞道 河陽 近乘勝、司徒 急為 破幽燕。

『散愁二首』

0421 其一（五律）

久客 宜旋旆、興王 未息戈。
蜀星 陰見少、江雨 夜聞多。
百萬 傳深入、寰區 望匪他。
司徒 下燕趙、收取 舊山河。

0422 其二（五律）

聞道 并州鎮、尚書 訓士齊。
幾時 通薊北、當日 報關西。
戀闕 丹心破、霑衣 皓首啼。
老魂 招不得、歸路 恐長迷。

『0423_建都十二韻』（五古）

蒼生 未蘇息、胡馬 半乾坤。
議在 雲臺上、誰扶 黃屋尊。
建都 分魏闕、下詔 關荊門。
恐失 東人望、其如 西極存。
時危 當雪恥、計大 豈輕論。
雖倚 三階正、終愁 萬國翻。
牽裾 恨不死、漏網 辱殊恩。
永負 漢庭哭、遙憐 湘水魂。
窮冬 客江劍、隨事 有田園。
風斷 青蒲節、霜埋 翠竹根。
衣冠 空穰穰、關輔 久昏昏。
願枉 長安日、光輝 照北原。

『0424_村夜』（五律）

風色 蕭蕭暮、江頭 人不行。
村舂 雨外急、鄰火 夜深明。
胡羯 何多難、樵漁 寄此生。
中原 有兄弟、萬里 正含情。

『0425_寄楊五桂州譚』（五律）

五嶺 皆炎熱、宜人 獨桂林。
梅花 萬里外、雪片 一冬深。
聞此 寬相憶、為邦 復好音。
江邊 送孫楚、遠附 白頭吟。

『0426_西郊』（五律）

時出 碧雞坊、西郊 向草堂。
市橋 官柳細、江路 野梅香。
傍架 齊書帙、看題 檢藥囊。
無人 覺來往、疏懶 意何長。

『0427_和裴迪登蜀州東亭送客逢早梅相憶見寄』（七律）

東閣 官梅 動詩興、還如 何遜 在揚州。
此時 對雪 遙相憶、送客 逢春 可自由。
幸不 折來 傷歲暮、若為 看去 亂鄉愁。
江邊 一樹 垂垂發、朝夕 催人 自白頭。

『0428_暮登四安寺鐘樓、寄裴十迪[西安寺]』（七律）

暮倚 高樓 對雪峰、僧來 不語 自鳴鐘。
孤城 返照 紅將斂、近市 浮煙 翠且重。
多病 獨愁 常闌寂、故人 相見 未從容。
知君 苦思 緣詩瘦、太向 交游 萬事慵。

『0429_寄贈王十將軍承俊』（五律）

將軍 膽氣雄、臂懸 兩角弓。
纏結 青驄馬、出入 錦城中。
時危 未授鉞、勢屈 難為功。
賓客 滿堂上、何人 高義同。

『0430_奉酬李都督表丈早春作』（五律）

力疾 坐清曉、來詩 悲早春。
轉添 愁伴客、更覺 老隨人。
紅入 桃花嫩、青歸 柳葉新。
望鄉 應未已、四海 尚風塵。

『0431_題新津北橋樓[得郊字]』（五律）

望極 春城上、開筵 近鳥巢。
白花 簷外朵、青柳 檻前梢。
池水 觀爲政、廚煙 覺遠庖。
西川 供客眼、惟有 此江郊。

『0432_遊修覺寺』（五律）

徑石 相縈帶、川雲 自去留。
野寺 江天豁、山扉 花竹幽。

詩應 有神助、吾得 及春遊。
禪枝 宿衆鳥、漂轉 暮歸愁。

〔0433_後遊〕（五律）

寺憶 曾遊處、橋憐 再渡時。
江山 如**有待**、花柳 更**無私**。
野潤 煙光薄、沙暄 **日色**遲。
客愁 全為減、捨此 復何之。

〔絕句漫興九首〕

0434 其一（七絕）

眼見 客愁 愁不醒、無賴 春色 到江亭。
即遣 **花開** 深**造次**、便教 鶯語 太丁寧。

0435 其二（七絕）

手種 桃李 非無主、野老 牆低 還是家。
恰似 春風 相欺得、夜來 吹折 數枝花。

0436 其三

熟知 茅齋 絕低小、江上 燕子 故來頻。
銜泥 點污 琴書內、更接 飛蟲 打著人。

0437 其四（七絕）

二月 已破 三月來、漸老 逢春 能幾回。
莫思 **身外** **無窮**事、**且盡** 生前 **有限**杯。

0438 其五（七絕）

腸斷 江春 欲盡頭、杖藜 徐步 立芳洲。
顛狂 **柳絮** **隨風**舞、**輕薄** **桃花** 逐水流。

0439 其六（七絕）

懶慢 無堪 不出村、呼兒 日在 掩柴門。
蒼苔 **濁酒** **林中**靜、**碧水** **春風** **野外**昏。

0440 其七（七絕）

糝徑 **楊花** 鋪白氈、點溪 **荷葉** 疊**青錢**。
筍根 雉子 無人見、沙上 鳧雛 傍母眠。

0441 其八（七絕）

舍西 柔桑 葉可拈、江畔 **細麥** 復**纖纖**。
人生 幾何 春已夏、不放 香醪 如蜜甜。

0442 其九（七絕）

隔戶 楊柳 弱嫋嫋、恰似 十五 女兒腰。
誰謂 朝來 不作意、狂風 挽斷 最長條。

〔0443_客至〕（七律）

舍南 舍北 皆春水、但見 羣鷗 日日來。
花徑 不曾 緣客掃、**蓬門** 今始 為君開。
盤飧 市遠 無兼味、樽酒 **家貧** 只舊醅。
肯與 鄰翁 相對飲、隔籬 呼取 盡餘杯。

〔遣意、二首〕

0444 其一（五律）

轉枝黃鳥近、泛渚白鷗輕。
一徑野花落、孤村春水生。
衰年催釀黍、細雨更移橙。
漸喜交游絕、幽居不用名。

0445 其二（五律）

簷影微綠落、津流脈脈斜。
野船明細火、宿鷺起圓沙。
雲掩初弦月、香傳小樹花。
鄰人有美酒、稚子夜能賒。

〔漫成二首〕

0446 其一（五律）

野日荒荒白、春流泯泯清。
渚蒲隨地有、村徑逐門成。
只作披衣慣、常從漉酒生。
眼邊無俗物、多病也身輕。

0447 其二（五律）

江皋已仲春、花下復清晨。
仰面貪看鳥、回頭錯應人。
讀書難字過、對酒滿壺頻。
近識峨眉老、知余懶是真。

〔0448_春夜喜雨〕（五律）

好雨知時節、當春乃發生。
隨風潛入夜、潤物細無聲。
野徑雲俱黑、江船火獨明。
曉看紅濕處、花重錦官城。

〔0449_春水〕（五律）

三月桃花浪、江流復舊痕。
朝來沒沙尾、碧色動柴門。
接縷垂芳餌、連筒灌小園。
已添無數鳥、爭浴故相喧。

〔0450_江亭〕（五律）

坦腹江亭暖、長吟野望時。
水流心不競、雲在意俱遲。
寂寂春將晚、欣欣物自私。
故林歸未得、排悶強裁詩。

〔0451_早起〕（五律）

春來常早起、幽事頗相關。
帖石防隕岸、開林出遠山。
一丘藏曲折、緩步有躋攀。

童僕 來城市、瓶中 得酒還。

『 0452_落日 』（五律）

落日 在簾鉤、溪邊 春事幽。
芳菲 緣岸圃、樵爨 倚灘舟。
啁雀 爭枝墜、飛蟲 滿院遊。
濁醪 誰造汝、一酌 散千愁。

『 0453_可惜 』（五律）

花飛 有底急、老去 願春遲。
可惜 歡娛地、都非 少壯時。
寬心 應是酒、遣興 莫過詩。
此意 陶潛解、吾生 後汝期。

『 0454_獨酌 』（五律）

步履 深林晚、開樽 獨酌遲。
仰蜂 粘落絮、行蟻 上枯梨。
薄劣 慚真隱、幽偏 得自怡。
本無 軒冕意、不是 傲當時。

『 0455_徐步 』（五律）

整履 步青蕪、荒庭 日欲晡。
芹泥 隨燕觜、蕊粉 上蜂鬚。
把酒 從衣濕、吟詩 信杖扶。
敢論 才見忌、實有 醉如愚。

『 0456_寒食 』（五律）

寒食 江村路、風花 高下飛。
汀煙 輕冉冉、竹日 淨暉暉。
田父 要皆去、鄰家 鬧不違。
地偏 相識盡、雞犬 亦忘歸。

『 0457_石鏡 』（五律）

蜀王 將此鏡、送死 置空山。
冥寞 憐香骨、提攜 近玉顏。
衆妃 無復嘆、千騎 亦虛還。
獨有 傷心石、埋輪 月宇間。

『 0458_琴臺 』（五律）

茂陵 多病後、尚愛 卓文君。
酒肆 人間世、琴臺 日暮雲。
野花 留寶靨、蔓草 見羅裙。
歸鳳 求凰意、寥寥 不復聞。

『春水生二絕』

0459 其一（七絕）

二月 六夜 春水生、門前 小灘 渾欲平。
鷓鴣 鸕鶿 莫漫喜、吾與 汝曹 俱眼明。

0460 其二（七絕）

一夜 水高 二尺強、數日 不可 更禁當。
南市 津頭 有船賣、無錢 即買 繫籬旁。

〔0461_江上值水、如海勢、聊短述〈江上置水〉〕（七律）

為人 性僻 耽佳句、語不 驚人 死不休。
老去 詩篇 渾漫與、春來 花鳥 莫深愁。
新添 水檻 供垂釣、故著 浮槎 替入舟。
焉得 思如 陶謝手、令渠 述作 與同遊。

〔水檻遣心二首〔遣興〕〕

0462 其一（五律）

去郭 軒楹敞、無村 眺望賒。
澄江 平少岸、幽樹 晚多花。
細雨 魚兒出、微風 燕子斜。
城中 十萬戶、此地 兩三家。

0463 其二（五律）

蜀天 常夜雨、江檻 已朝晴。
葉潤 林塘密、衣乾 枕席清。
不堪 祇老病、何得 尚浮名。
淺把 涓涓酒、深憑 送此生。

〔0464_江漲〕（五律）

江發 蠻夷漲、山添 雨雪流。
大聲 吹地轉、高浪 蹴天浮。
魚鼈 為人得、蛟龍 不自謀。
輕帆 好去便、吾道 付滄洲。

〔0465_朝雨〕（五律）

涼氣 曉蕭蕭、江雲 亂眼飄。
風鳶 藏近渚、雨燕 集深條。
黃綺 終辭漢、巢由 不見堯。
草堂 樽酒在、幸得 過清朝。

〔0466_晚晴〕（五律）

夕陽 薰細草、江色 映疏簾。
村晚 驚風度、庭幽 過雨霑。
書亂 誰能帙、杯乾 自可添。
時聞 有餘論、未怪 老夫潛。

〔0467_高枏〕（五律）

枏樹 色冥冥、江邊 一蓋青。

近根 開藥圃、接葉 製茅亭。
落景 陰猶合、微風 韻可聽。
尋常 絕醉困、臥此 片時醒。

〔0468_惡樹〕（五律）

獨繞 虛齋徑、常持 小斧柯。
幽陰 成頗雜、惡木 剪還多。
枸杞 因吾有、雞棲 奈汝何。
方知 不材者、生長 漫婆娑。

〔江畔獨步尋花七絕句〔江上〕〕

0469 其一（七絕）

江上 被花 惱不徹、無處 告訴 只顛狂。
走覓 南鄰 愛酒伴、經旬 出飲 獨空床。

0470 其二（七絕）

稠花 亂蕊 裏江濱、行步 敲危 實怕春。
詩酒 尚堪 驅使在、未須 料理 白頭人。

0471 其三（七絕）

江深 竹靜 兩三家、多事 紅花 映白花。
報答 春光 知有處、應須 美酒 送生涯。

0472 其四（七絕）

東望 少城 花滿煙、百花 高樓 更可憐。
誰能 載酒 開金盞、喚取 佳人 舞繡筵。

0473 其五（七絕）

黃師 塢前 江水東、春光 懶困 倚微風。
桃花 一簇 開無主、可愛 深紅 愛淺紅。

0474 其六（七絕）

黃四 娘家 花滿蹊、千朵 萬朵 壓枝低。
留連 戲蝶 時時舞、自在 嬌鶯 恰恰啼。

0475 其七（七絕）

不是 愛花 即欲死、只恐 花盡 老相催。
繁枝 容易 紛紛落、嫩蕊 商量 細細開。

〔0476_進艇〕（七律）

南京 久客 耕南畝、北望 傷神 坐北窗。
晝引 老妻 乘小艇、晴看 稚子 浴清江。
俱飛 蛺蝶 元相逐、並蒂 芙蓉 本自雙。
茗飲 蔗漿 攜所有、瓷甕 無謝 玉為缸。

〔0477_一室〕（五律）

一室 他鄉遠、空林 暮景懸。
正愁 聞塞笛、獨立 見江船。
巴蜀 來多病、荊蠻 去幾年。
應同 王粲宅、留井 峴山前。

『0478_所思』（七律）

苦憶 荊州 醉司馬、謫官 樽俎 定常開。
九江 日落 醒何處、一柱 觀頭 眠幾回。
可憐 懷抱 向人盡、欲問 平安 無使來。
故憑 錦水 將雙淚、好過 瞿塘 灩澦堆。

『0479_聞斛斯六官未歸』（五律）

故人 南郡去、去索 作碑錢。
本賣 文為活、翻令 室倒懸。
荊扉 深蔓草、土銼 冷疏煙。
老罷 休無賴、歸來 省醉眠。

『0480_赴青城縣、出成都、寄陶·王二少尹』（五律）

老被 樊籠役、貧嗟 出入勞。
客情 投異縣、詩態 憶吾曹。
東郭 滄江合、西山 白雪高。
文章 差底病、回首 興滔滔。

『0481_野望、因過常少仙』（五律）

野橋 齊渡馬、秋望 轉悠哉。
竹覆 青城合、江從 灌口來。
入村 樵徑引、嘗果 栗皴開。
落盡 高天日、幽人 未遣回。

『0482_丈人山』（雜言）

自為 青城客、不唾 青城地。
為愛 丈人山、丹梯 近幽意。
丈人 祠西 佳氣濃、綠雲 擬住 最高峰。
掃除 白髮 黃精在、君看 他時 冰雪容。

『0483_寄杜位』（七律）

近聞 寬法 離新州、想見 懷歸 尚百憂。
逐客 雖皆 萬里去、悲君 已是 十年流。
干戈 況復 塵隨眼、鬢髮 還應 雪滿頭。
玉壘 題書 心緒亂、何時 更得 曲江遊。

『0484_送裴五、赴東川』（五律）

故人 亦流落、高義 動乾坤。
何日 通燕塞、相看 老蜀門。
東行 應暫別、北望 苦銷魂。
凜凜 悲秋意、非君 誰與論。

『0485_送韓十四、江東省覲』（七律）

兵戈 不見 老萊衣、嘆息 人間 萬事非。
我已 無家 尋弟妹、君今 何處 訪庭闈。

黃牛 峽靜 灘聲轉、白馬 江寒 樹影稀。
此別 應須 各努力、故鄉 猶恐 未同歸。

『0486_柟樹為風雨所拔歎』（七古）

倚江 柟樹 草堂前、故老 相傳 二百年。
誅茅 卜居 總為此、五月 髣髴 聞寒蟬。
東南 飄風 動地至、江翻 石走 流雲氣。
幹排 雷雨 猶力爭、根斷 泉源 豈天意。
滄波 老樹 性所愛、浦上 童童 一青蓋。
野客 頻留 懼雪霜、行人 不過 聽竽籟。
虎倒 龍顛 委榛棘、淚痕 血點 垂胸臆。
我有 新詩 何處吟、草堂 自此 無顏色。

『0487_茅屋為秋風所破歌』（雜言）

八月 秋高 風怒號、卷我 屋上 三重茅。
茅飛 渡江 灑江郊、高者 掛胃 長林梢。
下者 飄轉 沈塘坳。
南村 羣童 欺我 老無力、忍能 對面 為盜賊。
公然 抱茅 入竹去、脣焦 口燥 呼不得。
歸來 倚杖 自嘆息。
俄頃 風定 雲墨色、秋天 漠漠 向昏黑。
布衾 多年 冷似鐵、嬌兒 惡臥 踏裏裂。
床頭 屋漏 無乾處、雨脚 如麻 未斷絕。
自經 喪亂 少睡眠、長夜 沾濕 何由徹。
安得 廣廈 千萬間、大庇 天下 寒士 盡歡顏、風雨 不動 安如山。
嗚呼。何時 眼前 突兀 見此屋、吾廬 獨破 受凍 死亦足。

『0488_石笋行』（七古）

君不見 益州 城西門、陌上 石笋 雙高蹲。
古來 相傳 是海眼、苔蘚 蝕盡 波濤痕。
雨多 往往 得瑟瑟、此事 恍惚 難明論。
恐是 昔時 卿相家、立石 為表 今仍存。
惜哉 俗態 好蒙蔽、亦如 小臣 媚至尊。
政化 錯迕 失大體、坐看 傾危 受厚恩。
嗟爾 石筍 擅虛名、後來 未識 猶駿奔。
安得 壯士 擲天外、使人 不疑 見本根。

『0489_石犀行』（七古）

君不見 秦時 蜀太守、刻石 立作 五犀牛。
自古 雖有 厭勝法、天生 江水 向東流。
蜀人 矜誇 一千載、泛溢 不近 張儀樓。
今日 灌口 損戶口、此事 或恐 為神羞。
修築 隄防 出衆力、高擁 木石 當清秋。
先王 作法 皆正道、詭怪 何得 參人謀。
嗟爾 五犀 不經濟、缺訛 只與 長川逝。

但見 元氣 常調和、自免 洪濤 恣凋瘵。
安得 壯士 提天綱、再平 水土 犀奔茫。

『0490_杜鵑行(君不見)』（七古）

君不見 昔日 蜀天子、化為 杜鵑 似老烏。
寄巢 生子 不自啄、羣鳥 至今 為哺雛。
雖同 君臣 有舊禮、骨肉 滿眼 身羈孤。
業工 竄伏 深樹裏、四月 五月 偏號呼。
其聲 哀痛 口流血、所訴 何事 常區區。
爾豈 摧殘 始發憤、羞帶 羽翮 傷形愚。
蒼天 變化 誰料得、萬事 反覆 何所無。
萬事 反覆 何所無、豈憶 當殿 羣臣趨。

『0491_逢唐興劉主簿弟』（五律）

分手 開元末、連年 絕尺書。
江山 且相見、戎馬 未安居。
劍外 官人冷、關中 驛騎疏。
輕舟 下吳會、主簿 意何如。

『0492_敬簡王明府』（五律）

葉縣 郎官宰、周南 太史公。
神仙 才有數、流落 意無窮。
驥病 思偏秣、鷹秋 怕苦籠。
看君 用高義、恥與 萬人同。

『0493_重簡王明府』（五律）

甲子 西南異、冬來 只薄寒。
江雲 何夜盡、蜀雨 幾時乾。
行李 須相問、窮愁 豈有寬。
君聽 鴻雁響、恐致 稻粱難。

『0494_百憂集行』（七古）

憶年 十五 心尚孩、健如 黃犢 走復來。
庭前 八月 梨棗熟、一日 上樹 能千迴。
即今 倏忽 已五十、坐臥 只多 少行立。
強將 笑語 供主人、悲見 生涯 百憂集。
入門 依舊 四壁空、老妻 睹我 顏色同。
癡兒 不解 父子禮、叫怒 索飯 啼門東。

『0495_徐卿二子歌』（七古）

君不見；
徐卿 二子 生絕奇、感應 吉夢 相追隨。
孔子 釋氏 親抱送、並是 天上 麒麟兒。
大兒 九齡 色清徹、秋水 為神 玉為骨。
小兒 五歲 氣食牛、滿堂 賓客 皆回頭。

吾知 徐公 百不憂、積善 袞袞 生公侯。
丈夫 生兒 有如 此二雛者、異時 名位 豈肯 卑微休。

『0496_戲作花卿歌』（七古）

成都 猛將 有花卿、學語 小兒 知姓名。
用如 快鶻 風火生、見賊 惟多 身始輕。
綿州 副使 著柘黃、我卿 掃除 即日平。
子璋 髑髏 血模糊、手提 擲還 崔大夫。
李侯 重有 此節度、人道 我卿 絕世無。
既稱 絕世無、天子 何不 喚取 守東都。

『0497_贈花卿』（七絕）

錦城 絲管 日紛紛、半入 江風 半入雲。
此曲 祇應 天上有、人間 能得 幾回聞。

『少年行二首』

0498 其一（七絕）

莫笑 田家 老瓦盆、自從 盛酒 長兒孫。
傾銀 注玉 驚人眼、共醉 終同 臥竹根。

0499 其二（七絕）

巢燕 引雛 渾去盡、江花 結子 也無多。
黃衫 年少 來宜數、不見 堂前 東逝波。

『0500_贈虞十五司馬』（五排）

遠師 虞秘監、今喜 識玄孫。
形象 丹青逼、家聲 器宇存。
淒涼 憐筆勢、浩蕩 問詞源。
爽氣 金天豁、清談 玉露繁。
佇鳴 南嶽鳳、欲化 北溟鯤。
交態 知浮俗、儒流 不異門。
過逢 連客位、日夜 倒芳樽。
沙岸 風吹葉、雲江 月上軒。
百年 嗟已半、四座 敢辭喧。
書籍 終相與、青山 隔故園。

『0501_病柏』（五古）

有柏 生崇岡、童童 狀車蓋。
偃蹇 龍虎姿、主當 風雲會。
神明 依正直、故老 多再拜。
豈知 千年根、中路 顏色壞。
出非 不得地、蟠據 亦高大。
歲寒 忽無憑、日夜 柯葉改。
丹鳳 領九雛、哀鳴 翔其外。
鴟鴞 志意滿、養子 穿穴內。
客從 何鄉來、佇立 久吁怪。

靜求 元精理、浩蕩 難倚賴。

『 0502_病橘 』（五古）

羣橘 少生意、雖多 亦奚為。
惜哉 結實小、酸澀 如棠梨。
剖之 盡蠹蝕、采掇 爽所宜。
紛然 不適口、豈只 存其皮。
蕭蕭 半死葉、未忍 別故枝。
玄冬 霜雪積、況乃 迴風吹。
嘗聞 蓬萊殿、羅列 瀟湘姿。
此物 歲不稔、玉食 失光輝。
寇盜 尚憑陵、當君 減膳時。
汝病 是天意、吾愁 罪有司。
憶昔 南海使、奔騰 獻荔支。
百馬 死山谷、到今 耆舊悲。

『 0503_枯櫟 』（五古）

蜀門 多稷櫟、高者 十八九。
其皮 割剝甚、雖衆 亦易朽。
徒布 如雲葉、青青 歲寒後。
交橫 集斧斤、凋喪 先蒲柳。
傷時 苦軍乏、一物 官盡取。
嗟爾 江漢人、生成 復何有。
有同 枯稷木、使我 沈嘆久。
死者 即已休、生者 何自守。
啾啾 黃雀啄、側見 寒蓬走。
念爾 形影乾、摧殘 沒藜莠。

『 0504_枯枏 』（五古）

榲枏 枯崢嶸、鄉黨 皆莫記。
不知 幾百歲、慘慘 無生意。
上枝 摩蒼天、下根 蟠厚地。
巨圍 雷霆拆、萬孔 蟲蟻萃。
凍雨 落流膠、衝風 奪佳氣。
白鵠 遂不來、天雞 為愁思。
猶含 棟梁具、無復 霄漢志。
良工 古昔少、識者 出涕淚。
種榆 水中央、成長 何容易。
截承 金露盤、裊裊 不自畏。

『 0505_不見 』（五律）

不見 李生久、佯狂 真可哀。
世人 皆欲殺、吾意 獨憐才。
敏捷 詩千首、飄零 酒一杯。
匡山 讀書處、頭白 好歸來。

『0506_草堂即事』（五律）

荒村 建子月、獨樹 老夫家。
雪裏 江船渡、風前 竹徑斜。
寒魚 依密藻、宿雁 聚圓沙。
蜀酒 禁愁得、無錢 何處賒。

『0507_徐九少尹見過』（五律）

晚景 孤村僻、行軍 數騎來。
交新 徒有喜、禮厚 愧無才。
賞靜 憐雲竹、忘歸 步月臺。
何當 看花蕊、欲發 照江梅。

『0508_范二員外邈·吳十侍御郁、特枉駕。闕展待。聊寄此作』（五律）

暫往 比鄰去、空聞 二妙歸。
幽棲 誠簡略、衰白 已光輝。
野外 貧家遠、村中 好客稀。
論文 或不愧、重肯 款柴扉。

『0509_王十七侍御掄、許攜酒至草堂。奉寄此詩、便請邀高三十五使君、同到』（七律）

老夫 臥穩 朝慵起、白屋 寒多 暖始開。
江鶴 巧當 幽徑浴、鄰雞 還過 短牆來。
繡衣 屢許 攜家醞、皁蓋 能忘 折野梅。
戲假 霜威 促山簡、須成 一醉 習池迴。

『0510_王竟攜酒、高亦同過[共用寒字]』（五律）

臥病 荒郊遠、通行 小徑難。
故人 能領客、攜酒 重相看。
自愧 無鮭菜、空煩 卸馬鞍。
移樽 勸山簡、頭白 恐風寒。

『0511_陪李七司馬、阜江上、觀造竹橋。即日成。往來之人、免冬寒入水。聊題短作,簡李公』（七律）

伐竹 為橋 結構同、褰裳 不涉 往來通。
天寒 白鶴 歸華表、日落 青龍 見水中。
顧我 老非 題柱客、知君 才是 濟川功。
合歡 卻笑 千年事、驅石 何時 到海東。

『0512_觀作橋成。月夜舟中有述、還呈李司馬』（五律）

把燭 橋成夜、迴舟 客坐時。
天高 雲去盡、江迴 月來遲。
衰謝 多扶病、招邀 屢有期。
異方 成此興、樂罷 不無悲。

『0513_李司馬橋成、承高使君自成都回』（七絕）

向來 江上 手紛紛、三日 成功 事出羣。

已傳 童子 騎青竹、總擬 橋東 待使君。

〔0514_入奏行贈西山檢察使竇侍御〕（七古）

竇侍御、驥之子、鳳之雛。

年未 三十 忠義俱、骨鯁 絕代無。

炯如 一段 清冰 出萬壑、置在 迎風 露寒 之玉壺。

蔗漿 歸廚 金碗凍、洗滌 煩熱 足以 寧君軀。

政用 疏通 合典則、戚聯 豪貴 耽文儒。

兵革 未息 人未蘇、天子 亦念 西南隅。

吐蕃 憑陵 氣頗粗、竇氏 檢察 應時須。

運糧 繩橋 壯士喜、斬木 火井 窮猿呼。

八州 刺史 思一戰、三城 守邊 卻可圖。

此行 入奏 計未小、密奉 聖旨 恩宜殊。

繡衣 春當 霄漢立、綵服 日向 庭闈趨。

省郎 京尹 必俯拾、江花 未落 還成都。

江花 未落 還成都、肯訪 浣花 老翁無

為君 酤酒 滿眼酤、與奴 白飯 馬青芻。

〔0515_得廣州張判官叔卿書。使還、以詩代意〕（五律）

鄉關 胡騎滿、宇宙 蜀城偏。

忽得 炎州信、遙從 月峽傳。

雲深 驃騎幕、夜隔 孝廉船。

卻寄 雙愁眼、相思 淚點懸。

〔0516_魏十四侍御、就敝廬、相別〕（五律）

有客 騎驄馬、江邊 問草堂。

遠尋 留藥價、惜別 倒文場。

入幕 旌旗動、歸軒 錦繡香。

時應 念衰疾、書疏 及倉浪。

〔0517_贈別何邕〕（五律）

生死 論交地、何由 見一人。

悲君 隨燕雀、薄宦 走風塵。

綿谷 元通漢、沱江 不向秦。

五陵 花滿眼、傳語 故鄉春。

〔0518_絕句〕（五絕）

江邊 踏青罷、迴首 見旌旗。

風起 春城暮、高樓 鼓角悲。

〔0519_贈別鄭鍊、赴襄陽〕（五律）

戎馬 交馳際、柴門 老病身。

把君 詩過日、念此 別驚神。

地闊 峨眉晚、天高 峴首春。

為於 耆舊內、試覓 姓龐人。

『0520_重贈鄭鍊絕句』（七絕）

鄭子 將行 罷使臣、囊無 一物 獻尊親。
江山 路遠 羈離日、裘馬 誰為 感激人。

『江頭五詠／丁香・麗春・梔子・鸚鵡・花鴨』

0521 丁香（五古）

丁香 體柔弱、亂結 枝猶墊。
細葉 帶浮毛、疏花 披素艷。
深栽 小齋後、庶使 幽人占。
晚墮 蘭麝中、休懷 粉身念。

0522 麗春（五古）

百草 競春華、麗春 應最勝。
少須 顏色好、多漫 枝條賸。
紛紛 桃李姿、處處 總能移。
如何 此貴重、卻怕 有人知。

0523 梔子（五律）

梔子 比衆木、人間 誠未多。
於身 色有用、與道 氣相和。
紅取 風霜實、青看 雨露柯。
無情 移得汝、貴在 映江波。

0524 鸚鵡（五律）

故使 籠寬織、須知 動損毛。
看雲 猶悵望、失水 任呼號。
六翮 曾經剪、孤飛 卒未高。
且無 鷹隼慮、留滯 莫辭勞。

0525 花鴨（五律）

花鴨 無泥滓、階前 每緩行。
羽毛 知獨立、黑白 太分明。
不覺 羣心妬、休牽 衆眼驚。
稻梁 霑汝在、作意 莫先鳴。

『0526_野望』（七律）

西山 白雪 三城戍、南浦 清江 萬里橋。
海內 風塵 諸弟隔、天涯 涕淚 一身遙。
惟將 遲暮 供多病、未有 涓埃 答聖朝。
跨馬 出郊 時極目、不堪 人事 日蕭條。

『0527_畏人』（五律）

早花 隨處發、春鳥 異方啼。
萬里 清江 上、三年 落日 低。

畏人 成小築、偏性 合幽棲。
門逕 從榛草、無心 待馬蹄。

『屏跡、三首』

0528 其一（五古）

衰年 甘屏跡、幽事 供高臥。
鳥下 竹根行、龜開 萍葉過。
年荒 酒價乏、日併 園蔬課。
獨酌 甘泉歌、歌長 擊樽破。

0529 其二（五律）

用拙 存吾道、幽居 近物情。
桑麻 深雨露、燕雀 半生成。
村鼓 時時急、漁舟 個個輕。
杖藜 從白首、心跡 喜雙清。

0530 其三（五律）

晚起 家何事、無營 地轉幽。
竹光 團野色、舍影 漾江流。
失學 從兒懶、長貧 任婦愁。
百年 渾得醉、一月 不梳頭。

『 0531_少年行』（七絕）

馬上 誰家 白面郎、臨階 下馬 坐人床。
不通 姓氏 粗豪甚、指點 銀瓶 索酒嘗。

『 0532_即事』（五絕）

百寶 裝腰帶、真珠 絡臂鞦。
笑時 花近眼、舞罷 錦纏頭。

『 0533_奉酬嚴公寄題野亭之作』（七律）

拾遺 曾奏 數行書、懶性 從來 水竹居。
奉引 濫騎 沙苑馬、幽棲 真釣 錦江魚。
謝安 不倦 登臨費、阮籍 焉知 禮法疏。
枉沐 旌麾 出城府、草茅 無徑 欲教鋤。

『 0534_嚴中丞枉駕見過』（七律）

元戎 小隊 出郊坰、問柳 尋花 到野亭。
川合 東西 瞻使節、地分 南北 任流萍。
扁舟 不獨 如張翰、皁帽 還應 似管寧。
寂寞 江天 雲霧裏、何人 道有 少微星。

『 0535_遭田父泥飲美嚴中丞』（五古）

步屨 隨春風、村村 自花柳。
田翁 逼社日、邀我 嘗春酒。
酒酣 誇新尹、畜眼 未見有。
迴頭 指大男、渠是 弓弩手。

名在 飛騎籍、長番 歲時久。
前日 放營農、辛苦 救衰朽。
差科 死則已、誓不 舉家走。
今年 大作社、拾遺 能住否。
叫婦 開大瓶、盆中 為吾取。
感此 氣揚揚、須知 風化首。
語多 雖雜亂、說尹 終在口。
朝來 偶然出、自卯 將即酉。
久客 惜人情、如何 拒鄰叟。
高聲 索果栗、欲起 時被肘。
指揮 過無禮、未覺 村野醜。
月出 遮我留、仍嗔 問升斗。

『0536_奉和嚴中丞西城晚眺十韻』（五排）

汲黯 匡君切、**陳麟** 出將頻。
直詞 才不世、雄略 動如神。
政簡 移風速、詩清 立意新。
層城 臨暇景、**絕域** 望餘春。
旂尾 **蛟龍**會、樓頭 **燕雀**馴。
地平 江動蜀、天闊 樹浮秦。
帝念 深分閫、軍須 遠算縉。
花羅 封**峽蝶**、瑞錦 送**麒麟**。
辭第 輸**高義**、觀圖 憶**古人**。
征南 多興緒、事業 闇相親。

『中丞嚴公雨中垂寄見憶一絕奉答二絕』

0537 其一（七絕）

雨映 行宮 辱贈詩、元戎 肯赴 野人期。
江邊 老病 雖無力、強擬 晴天 理釣絲。

0538 其二（七絕）

何日 雨晴 雲出溪、白沙 青石 洗無泥。
只須 伐竹 開荒徑、倚杖 穿花 聽馬嘶。

『0539_謝嚴中丞送青城山道士乳酒一瓶』（七絕）

山瓶 乳酒 下**青雲**、氣味 濃香 幸見分。
鳴鞭 走送 憐**漁父**、洗盞 開嘗 對馬軍。

『三絕句』

0540 其一（七絕）

楸樹 馨香 倚釣磯、斬新 花蕊 未應飛。
不如 **醉裏** **風吹**盡、何忍 醒時 雨打稀。

0541 其二（七絕）

門外 鷓鴣 去不來、沙頭 忽見 眼相猜。
自今 已後 知人意、一日 須來 一百迴。

0542 其三（七絕）

無數 春筍 滿林生、柴門 密掩 斷人行。
會須 上番 看成竹、客至 從嘖 不出迎。

〔戲為六絕句〕

0543 其一（七絕）

庾信 文章 老更成、凌雲 健筆 意縱橫。
今人 嗤點 流傳賦、不覺 前賢 畏後生。

0544 其二（七絕）

楊王 盧駱 當時體、輕薄 為文 哂未休。
爾曹 身與 名俱滅、不廢 江河 萬古流。

0545 其三（七絕）

縱使 盧王 操翰墨、劣於 漢魏 近風騷。
龍文 虎脊 皆君馭、歷塊 過都 見爾曹。

0546 其四（七絕）

才力 應難 跨數公、凡今 誰是 出羣雄。
或看 翡翠 蘭苕上、未掣 鯨魚 碧海 中。

0547 其五（七絕）

不薄 今人 愛古人、清詞 麗句 必為鄰。
竊攀 屈宋 宜方駕、恐與 齊梁 作後塵。

0548 其六（七絕）

未及 前賢 更勿疑、遞相 祖述 復先誰。
別裁 偽體 親風雅、轉益 多師 是汝師。

〔0549_野人送朱櫻〕（七律）

西蜀 櫻桃 也自紅、野人 相贈 滿筠籠。
數回 細寫 愁仍破、萬顆 勻圓 訝許同。
憶昨 賜霑 門下省、退朝 擎出 大明宮。
金盤 玉筋 無消息、此日 嘗新 任轉蓬。

〔0550_嚴公、仲夏枉駕草堂、兼攜酒饌〕（七律）

竹裏 行廚 洗玉盤、花邊 立馬 簇金鞍。
非關 使者 徵求急、自識 將軍 禮數寬。
百年 地僻 柴門迴、五月 江深 草閣寒。
看弄 漁舟 移白日、老農 何有 馨交歡。

〔0551_嚴公廳宴、同詠蜀道畫圖〔得空字〕〕（五律）

日臨 公館靜、畫滿 地圖雄。
劍閣 星橋北、松州 雪嶺東。
華夷 山不斷、吳蜀 水相通。
興與 煙霞會、清樽 幸不空。

〔戲贈友二首〕

0552 其一（五古）

元年 建巳月、郎有 焦校書。
自誇 足膂力、能騎 生馬駒。

一朝 被馬踏、脣裂 板齒無。
壯心 不肯已、欲得 東擒胡。

0553 其二（五古）

元年 建巳月、官有 王司直。
馬驚 折左臂、骨折 面如墨。
駑駘 漫深泥、何不 避雨色。
勸君 休嘆恨、未必 不為福。

〔 0554_大雨 〕（五古）

西蜀 冬不雪、春農 尚嗷嗷。
上天 回哀眷、朱夏 雲鬱陶。
執熱 乃沸鼎、織絺 成縑袍。
風雷 颯萬里、霈澤 施蓬蒿。
敢辭 茅葦漏、已喜 黍豆高。
三日 無行人、二江 聲怒號。
流惡 邑里清、矧茲 遠江皋。
荒庭 步鸛鶴、隱几 望波濤。
沈疴 聚藥餌、頓忘 所進勞。
則知 潤物功、可以 貸不毛。
陰色 靜壠畝、勸耕 自官曹。
四鄰 耒耜出、何必 吾家操。

〔 0555_溪漲 〕

當時 浣花橋、溪水 纔尺餘。（五古）
白石 明可把、水中 有行車。
秋夏 忽泛溢、豈惟 入吾廬。
蛟龍 亦狼狽、況是 鼃與魚。
茲晨 半已落、歸路 跬步疏。
馬嘶 未敢動、前有 深填淤。
青青 屋東麻、散亂 床上書。
不知 遠山雨、夜來 復何如。
我遊 都市間、晚憩 必村墟。
乃知 久行客、終日 思其居。

〔 0556_大麥行 〕（七古）

大麥 乾枯 小麥黃、婦女 行泣 夫走藏。
東至 集壁 西梁洋、問誰 腰鎌 胡與羌。
豈無 蜀兵 三千人、簿領 辛苦 江山長。
安得 如鳥 有羽翅、託身 白雲 歸故鄉。

〔 0557_奉送嚴公入朝十韻 〕（五排）

鼎湖 瞻望遠、象闕 憲章新。
四海 猶多難、中原 憶舊臣。
與時 安反側、自昔 有經綸。
感激 張天步、從容 靜塞塵。

南圖 迴羽翮、北極 捧星辰。
漏鼓 還思晝、宮鶯 罷轉春。
空留 玉帳術、愁殺 錦城人。
閣道 通丹地、江潭 隱白蘋。
此生 那老蜀、不死 會歸秦。
公若 登台輔、臨危 莫愛身。

〔0558_送嚴侍郎到綿州同登杜使君江樓宴[得心字]〕（五排）

野興 每難盡、江樓 延賞心。
歸朝 送使節、落景 惜登臨。
稍稍 煙集渚、微微 風動襟。
重船 依淺瀨、輕鳥 度曾陰。
檻峻 背幽谷、窗虛 交茂林。
燈光 散遠近、月彩 靜高深。
城擁 朝來客、天橫 醉後參。
窮途 衰謝意、苦調 短長吟。
此會 共能幾、諸孫 賢至今。
不勞 朱戶閉、自待 白河沈。

〔0559_奉濟驛重送嚴公四韻〕（五律）

遠送 從此別、青山 空復情。
幾時 杯重把、昨夜 月同行。
列郡 謳歌惜、三朝 出入榮。
江村 獨歸處、寂寞 養殘生。

〔0560_送梓州李使君之任〕（五排）

籍甚 黃丞相、能名 自潁川。
近看 除刺史、還喜 得吾賢。
五馬 何時到、雙魚 會早傳。
老思 筇竹杖、冬要 錦裘眠。
不作 臨岐恨、惟聽 舉最先。
火雲 揮汗日、山驛 醒心泉。
遇害 陳公殞、于今 蜀道憐。
君行 射洪縣、為我 一潸然。

〔0561_觀打魚歌〕（七古）

綿州 江水 之東津、魴魚 鱗鱗 色勝銀。
漁人 養舟 沈大網、截江 一擁 數百鱗。
衆魚 常才 盡卻棄、赤鯉 騰出 如有神。
潛龍 無聲 老蛟怒、迴風 颯颯 吹沙塵。
饗子 左右 揮霜刀、鱸飛 金盤 白雪高。
徐州 禿尾 不足憶、漠陰 槎頭 遠遁逃。
魴魚 肥美 知第一、既飽 歡娛 亦蕭瑟。
君不見 朝來 割素髻、咫尺 波濤 永相失。

『0562_又觀打魚』（七古）

蒼江 漁子 清晨集、設網 提網 取魚急。
能者 操舟 疾若風、撐突 波濤 挺叉入。
小魚 脫漏 不可記、半死 半生 猶戢戢。
大魚 傷損 皆垂頭、屈強 泥沙 有時立。
東津 觀魚 已再來、主人 罷鱸 還傾杯。
日暮 蛟龍 改窟穴、山根 鱸鮓 隨雲雷。
干戈 格鬪 尚未已、鳳凰 麒麟 安在哉。
吾徒 胡為 縱此樂、暴殄 天物 聖所哀。

『0563_越王樓歌』（七古）

綿州 州府 何磊落、顯慶 年中 越王作。
孤城 西北 起高樓、碧瓦 朱甍 照城郭。
樓下 長江 百丈清、山頭 落日 半輪明。
君王 舊跡 今人賞、轉見 千秋 萬古情。

『0564_海欒行』（七古）

左綿 公館 清江濱、海欒 一株 高入雲。
龍鱗 犀甲 相錯落、蒼稜 白皮 十抱文。
自是 衆木 亂紛紛、海欒 焉知 身出羣。
移栽 北辰 不可得、時有 西域 胡僧識。

『0565_姜楚公畫角鷹歌』（七古）

楚公 畫鷹 鷹戴角、殺氣 森森 到幽朔。
觀者 貪愁 掣臂飛、畫師 不是 無心學。
此鷹 寫真 在左綿、卻嗟 真骨 遂虛傳。
梁間 燕雀 休驚怕、亦未 搏空 上九天。

『0566_東津送韋諷攝閬州軍事』（五律）

聞說 江山好、憐君 吏隱兼。
寵行 舟遠泛、惜別 酒頻添。
推薦 非承乏、操持 必去嫌。
他時 如按縣、不得 慢陶潛。

『0567_光祿坂行』（七古）

山行 落日 下絕壁、南望 千山 萬山赤。
樹枝 有鳥 亂鳴時、暝色 無人 獨歸客。
馬驚 不憂 深谷墜、草動 只怕 長弓射。
安得 更似 開元中、道路 即今 多擁隔。

『0568_苦戰行』（七古）

苦戰 身死 馬將軍、自云 伏波 之子孫。
干戈 未定 失壯士、使我 嘆恨 傷精魂。
去年 南行 討狂賊、臨江 把臂 難再得。
別時 孤雲 今不飛、時獨 看雲 淚橫臆。

『0569_去秋行』（七古）

去秋 涪江 木落時、臂槍 走馬 誰家兒。
到今 不知 白骨處、部曲 有去 皆無歸。
遂州 城中 漢節在、遂州 城外 巴人稀。
戰場 冤魂 每夜哭、空令 野營 猛士悲。

『0570_廣州段功曹到、得楊五長史譚書、功曹卻歸、聊寄此詩』（五律）

衛青 開幕府、楊僕 將樓船。
漢節 梅花外、春城 海水邊。
銅梁 書遠及、珠江 使將旋。
貧病 他鄉老、煩君 萬里傳。

『0571_送段功曹、歸廣州』（五律）

南海 春天外、功曹 幾月程。
峽雲 籠樹小、湖日 蕩船明。
交趾 丹砂重、韶州 白葛輕。
幸君 因旅客、時寄 錦官城。

『0572_題玄武禪師屋壁』（五律）

何年 顧虎頭、滿壁 畫滄洲。
赤日 石林氣、青天 江海流。
錫飛 常近鶴、杯渡 不驚鷗。
似得 廬山路、真隨 惠遠遊。

『0573_悲秋』（五律）

涼風 動萬里、羣盜 尚縱橫。
家遠 傳書日、秋來 爲客情。
愁窺 高鳥過、老逐 衆人行。
始欲 投三峽、何由 見兩京。

『0574_客夜』（五律）

客睡 何曾著、秋天 不肯明。
入簾 殘月影、高枕 遠江聲。
計拙 無衣食、途窮 仗友生。
老妻 書數紙、應悉 未歸情。

『0575_客亭』（五律）

秋窗 猶曙色、落木 更高風。
日出 寒山外、江流 宿霧中。
聖朝 無棄物、衰病 已成翁。
多少 殘生事、飄零 任轉蓬。

『0576_九日登梓州城』（五律）

伊昔 黃花酒、如今 白髮翁。

追歡 筋力異、望遠 歲時同。
弟妹 悲歌裏、乾坤 醉眼中。
兵戈 與關塞、此日 意無窮。

〔0577_九日奉寄嚴大夫〕（五律）

九日 應愁思、經時 冒險艱。
不眠 持漢節、何路 出巴山。
小驛 香醪嫩、重巖 細菊斑。
遙知 簇鞍馬、回首 白雲間。

〔0578_秋盡〕（七律）

秋盡 東行 且未迴、茅齋 寄在 少城隈。
籬邊 老卻 陶潛菊、江上 徒逢 袁紹杯。
雪嶺 獨看 西日落、劍門 猶阻 北人來。
不辭 萬里 長為客、懷抱 何時 得好開。

〔戲題寄上漢中王三首〕

0579 其一（五律）

西漢 親王子、成都 老客星。
百年 雙白鬢、一別 五秋螢。
忍斷 杯中物、祇看 座右銘。
不能 隨阜蓋、自醉 逐流萍。

0580 其二（五律）

策杖 時能出、王門 異昔遊。
已知 嗟不起、未許 醉相留。
蜀酒 濃無敵、江魚 美可求。
終思 一酩酊、淨掃 雁池頭。

0581 其三（五律）

羣盜 無歸路、衰顏 會遠方。
尚憐 詩警策、猶記 酒顛狂。
魯衛 彌尊重、徐陳 略喪亡。
空餘 枚叟在、應念 早升堂。

〔0582_玩月呈漢中王〕（五律）

夜深 露氣清、江月 滿江城。
浮客 轉危坐、歸舟 應獨行。
關山 同一照、烏鵲 自多驚。
欲得 淮王術、風吹 暈已生。

〔0583_從事行、贈嚴二別駕〕（七古）

我行 入東川、十步 一回首。
成都 亂罷 氣蕭索、浣花 草堂 亦何有。
梓中 豪俊 大者誰、本州 從事 知名久。
把臂 開樽 飲我酒、酒酣 擊劍 蛟龍吼。
烏帽 拂塵 青驪栗、紫衣 將炙 緋衣走。

銅盤 燒蠟 光吐日、夜如 何其 初促膝。
黃昏 始扣 主人門、誰謂 俄頃 膠在漆。
萬事 盡付 形骸外、百年 未見 歡娛畢。
神傾 意豁 真佳士、久客 多憂 今愈疾。
高視 乾坤 又可愁、一體 交態 同悠悠。
垂老 遇君 未恨晚、似君 須向 古人求。

〔0584_贈韋贊善別〕（五律）

扶病 送君發、自憐 猶不歸。
祇應 盡客淚、復作 掩荆扉。
江漢 故人少、音書 從此稀。
往還 二十載、歲晚 寸心違。

〔0585_寄高適〕（五律）

楚隔 乾坤遠、難招 病客魂。
詩名 惟我共、世事 與誰論。
北闕 更新主、南星 落故園。
定知 相見日、爛漫 倒芳樽。

〔0586_野望〕（七律）

金華 山北 涪水西、仲冬 風日 始淒淒。
山連 越嶠 蟠三蜀、水散 巴渝 下五溪。
獨鶴 不知 何事舞。饑鳥 似欲 向人啼。
射洪 春酒 寒仍綠、極目 傷神 誰為攜。

〔0587_冬到金華山觀因得故拾遺陳公學堂遺跡〕（五古）

涪右 衆山內、金華 紫崔嵬。
上有 蔚藍天、垂光 抱瓊臺。
繫舟 接絕壑、杖策 窮縈回。
四顧 俯層巔、淡然 川谷開。
雪嶺 日色死、霜鴻 有餘哀。
焚香 玉女跪、霧裏 仙人來。
陳公 讀書堂、石柱 仄青苔。
悲風 為我起、激烈 傷雄才。

〔0588_陳拾遺故宅〕（五古）

拾遺 平昔居、大屋 尚修椽。
悠揚 荒山日、慘澹 故園煙。
位下 曷足傷、所貴 者聖賢。
有才 繼騷雅、哲匠 不比肩。
公生 揚馬後、名與 日月懸。
同遊 英俊人、多秉 輔佐權。
彥昭 超玉價、郭震 起通泉。
到今 素壁滑、灑翰 銀鉤連。
盛事 會一時、此堂 豈千年。

終古 立忠義、感遇 有遺篇。

〔 0589_謁文公上方 〕（五古）

野寺 隱喬木、山僧 高下居。
石門 日色異、絳氣 橫扶疏。
窈窕 入風磴、長蘿 紛卷舒。
庭前 猛虎臥、遂得 文公廬。
俯視 萬家邑、煙塵 對階除。
吾師 雨花外、不下 十年餘。
長者 自布金、禪龕 只宴如。
大珠 脫玷翳、白月 當空虛。
甫也 南北人、蕪蔓 少耘鋤。
久遭 詩酒污、何事 忝簪裾。
王侯 與螻蟻、同盡 隨丘墟。
願聞 第一義、迴向 心地初。
金篦 刮眼膜、價重 百車渠。
無生 有汲引、茲理 儻吹噓。

〔 0590_奉贈射洪李四丈 〕（五古）

丈人 屋上烏、人好 烏亦好。
人生 意氣豁、不在 相逢早。
南京 亂初定、所向 邑枯槁。
遊子 無根株、茅齋 付秋草。
東征 下月峽、掛席 窮海島。
萬里 須十金、妻孥 未相保。
蒼茫 風塵際、踰蹬 騏驎老。
志士 懷感傷、心胸 已傾倒。

〔 0591_早發射洪縣南途中作 〕（五古）

將老 憂貧窶、筋力 豈能及。
征途 乃侵星、得使 諸病入。
鄙人 寡道氣、在困 無獨立。
俶裝 逐徒旅、達曙 凌險澀。
寒日 出霧遲、清江 轉山急。
僕夫 行不進、駑馬 若維繫。
汀洲 稍疏散、風景 開快悒。
空慰 所尚懷、終非 曩遊集。
衰顏 偶一破、勝事 難屢挹。
茫然 阮籍途、更灑 楊朱泣。

〔 0592_通泉驛南去通泉縣十五里山水作 〕（五古）

溪行 衣自濕、亭午 氣始散。
冬溫 蚊蚋集、人遠 鳬鴨亂。
登頓 生曾陰、欹傾 出高岸。
驛樓 衰柳側、縣郭 輕煙畔。

一川 何綺麗、盡日 窮壯觀。
山色 遠寂寞、江光 夕滋漫。
傷時 愧孔父、去國 同王粲。
我生 苦飄零、所歷 有嗟嘆。

〔 0593_過郭代公故宅〕（五古）

豪俊 初未遇、其跡 或脫略。
代公 尉通泉、放意 何自若。
及夫 登袞冕、直氣 森噴薄。
磊落 見異人、豈伊 常情度。
定策 神龍後、宮中 翕清廓。
俄頃 辨尊親、指揮 存顧託。
群公 有慚色、王室 無削弱。
迴出 名臣上、丹青 照臺閣。
我行 得遺跡、池館 皆疏鑿。
壯公 臨事斷、顧步 涕橫落。
精魂 凜如在、所歷 終蕭索。
高詠 寶劍篇、神交 付冥漠。

〔 0594_觀薛稷少保書畫壁〕（五古）

少保 有古風、得之 陝郊篇。
惜哉 功名忤、但見 書畫傳。
我遊 梓州東、遺跡 涪水邊。
畫藏 青蓮界、書入 金榜懸。
仰看 垂露姿、不崩 亦不騫。
鬱鬱 三大字、蛟龍 岌相繼。
又揮 西方變、發地 扶屋椽。
慘澹 壁飛動、到今 色未填。
此行 疊壯觀、郭薛 俱才賢。
不知 百載後、誰復 來通泉。

〔 0595_通泉縣署壁後薛少保畫鶴〕（五古）

薛公 十一鶴、皆寫 青田真。
畫色 久欲盡、蒼然 猶出塵。
低昂 各有意、磊落 如長人。
佳此 志氣遠、豈惟 粉墨新。
萬里 不以力、羣遊 森會神。
威遲 白鳳態、非是 倉鷗鄰。
高堂 未傾覆、常得 慰嘉賓。
曝露 牆壁外、終嗟 風雨頻。
赤霄 有真骨、恥飲 滄池津。
冥冥 任所往、脫略 誰能馴。

〔 0596_陪王侍御宴通泉・東山野亭〕（五律）

江水 東流去、清樽 日復斜。

異方 同宴賞、何處 是京華。
亭景 臨山水、村煙 對浦沙。
狂歌 遇形勝、得醉 即為家。

『0597_陪王侍御同登東山最高頂宴姚通泉晚攜酒泛江』（七古）

姚公 美政 誰與儔、不減 昔時 陳太丘。
邑中 上客 有柱史、多暇 日陪 驄馬遊。
東山 高頂 羅珍羞、下顧 城郭 銷我憂。
清江 白日 落欲盡、復攜 美人 登綵舟。
笛聲 憤怨 哀中流、妙舞 逶迤 夜未休。
燈前 往往 大魚出、聽曲 低昂 如有求。
三更 風起 寒浪湧、取樂 喧呼 覺船重。
滿空 星河 光破碎、四座 賓客 色不動。
請公 臨深 莫相違、迴船 罷酒 上馬歸。
人生 歡會 豈有極。無使 霜露 霑人衣。

『0598_漁陽』（七古）

漁陽 突騎 猶精銳、赫赫 雍王 都節制。
猛將 翻然 恐後時、本朝 不入 非高計。
祿山 北築 雄武城、舊防 敗走 歸其營。
繫書 請問 燕耆舊、今日 何須 十萬兵。

『0599_花底』（五律）

紫萼 扶千蕊、黃鬚 照萬花。
忽疑 行暮雨、何事 入朝霞。
恐是 潘安縣、堪留 衛玠車。
深知 好顏色、莫作 委泥沙。

『0600_柳邊』（五律）

只道 梅花發、那知 柳亦新。
枝枝 總到地、葉葉 自開春。
紫燕 時翻翼、黃鸝 不露身。
漠南 應老盡、霸上 遠愁人。

『0601_聞官軍收河南河北』（七律）

劍外 忽傳 收薊北、初聞 涕淚 滿衣裳。
卻看 妻子 愁何在、漫卷 詩書 喜欲狂。
白首 放歌 須縱酒、青春 作伴 好還鄉。
即從 巴峽 穿巫峽、便下 襄陽 向洛陽。

『0602_遠遊』（五律）

賤子 何人記、迷芳 著處家。
竹風 連野色、江沫 擁春沙。
種藥 扶衰病、吟詩 解嘆嗟。
似聞 胡騎走、失喜 問京華。

『春日梓州登樓二首』

0603 其一(五律)

行路難如此、登樓望欲迷。
身無卻少壯、跡有但羈棲。
江水流城郭、春風入鼓鼙。
雙雙新燕子、依舊已銜泥。

0604 其二(五律)

天畔登樓眼、隨春入故園。
戰場今始定、移柳更能存。
厭蜀交遊冷、思吳勝事繁。
應須理舟楫、長嘯下荊門。

『有感五首』

0605 其一(五律)

將帥蒙恩澤、兵戈有歲年。
至今勞聖主、何以報皇天。
白骨新交戰、雲臺舊拓邊。
乘槎斷消息、無處覓張騫。

0606 其二(五律)

幽薊餘蛇豕、乾坤尚虎狼。
諸侯春不貢、使者日相望。
慎勿吞青海、無勞問越裳。
大君先息戰、歸馬華山陽。

0607 其三(五律)

洛下舟車入、天中貢賦均。
日聞紅粟腐、寒待翠華春。
莫取金湯固、長令宇宙新。
不過行儉德、盜賊本王臣。

0608 其四(五律)

丹桂風霜急、青梧日夜凋。
由來強幹地、未有不臣朝。
授鉞親賢往、卑宮制詔遙。
終依古封建、豈獨聽簫韶。

0609 其五(五律)

胡滅人還亂、兵殘將自疑。
登壇名絕假、報主爾何遲。
領郡輒無色、之官皆有詞。
願聞哀痛詔、端拱問瘡痍。

『0610_春日戲題惱郝使君兄[使君]』(七古)

使君意氣凌青霄、憶昨歡娛常見招。
細馬時鳴金腰裏、佳人屢出董嬌饒。
東流江水西飛燕、可惜春光不相見。
願攜王趙兩紅顏、再聘肌膚如素練。

通泉 百里 近梓州、請公 一來 開我愁。
舞處 重看 花滿面、樽前 還有 錦纏頭。

〔0611_題鄴原郭三十二明府茅屋壁〕（五律）

江頭 且繫船、為爾 獨相憐。
雲散 灌壇雨、春青 彭澤田。
頻驚 適小國、一擬 問高天。
別後 巴東路、逢人 問幾賢。

〔0612_奉送崔都水翁下峽〕（五律）

無數 涪江筏、鳴橈 總發時。
別離 終不久、宗族 忍相遺。
白狗 黃牛峽、朝雲 暮雨祠。
所過 憑問訊、到日 自題詩。

〔0613_鄴城西原、送李判官兄・武判官弟、赴成都府〕（五律）

憑高 送所親、久坐 惜芳辰。
遠水 非無浪、他山 自有春。
野花 隨處發、官柳 著行新。
天際 傷愁別、離筵 何太頻。

〔0614_涪江泛舟、送韋班歸京〔得山字〕〕（五律）

追餞 同舟日、傷春 一水間。
飄零 為客久、衰老 羨君還。
花雜 重重樹、雲輕 處處山。
天涯 故人少、更益 鬢毛斑。

〔0615_泛舟、送魏十八倉曹、還京。因寄岑中允參・范郎中季明〕（五律）

遲日 深江水、輕舟 送別筵。
帝鄉 愁緒外、春色 淚痕邊。
見酒 須相憶、將詩 莫浪傳。
若逢 岑與范、為報 各衰年。

〔0616_送路六侍御入朝〕（七律）

童稚 情親 四十年、中間 消息 兩茫然。
更為 後會 知何地、忽漫 相逢 是別筵。
不分 桃花 紅似錦、生憎 柳絮 白於綿。
劍南 春色 還無賴、觸忤 愁人 到酒邊。

〔0617_涪城縣香積寺官閣〕（七律）

寺下 春江 深不流、山腰 官閣 迴添愁。
含風 翠壁 孤雲細、背日 丹楓 萬木稠。
小院 迴廊 春寂寂、浴鳧 飛鷺 晚悠悠。
諸天 合在 藤蘿外、昏黑 應須 到上頭。

『0618_泛江送客』（五律）

二月 頻送客、東津 江欲平。
煙花 山際重、舟楫 浪前輕。
淚逐 勸杯下、愁連 吹笛生。
離筵 不隔日、那得 易為情。

『0619_雙燕』（五律）

旅食 驚雙燕、銜泥 入北堂。
應同 避燥濕、且復 過炎涼。
養子 風塵際、來時 道路長。
今秋 天地在、吾亦 離殊方。

『0620_百舌』（五律）

百舌 來何處、重重 祇報春。
知音 兼衆語、整翮 豈多身。
花密 藏難見、枝高 聽轉新。
過時 如發口、君側 有讒人。

『0621_上牛頭寺』（五律）

青山 意不盡、袞袞 上牛頭。
無復 能拘礙、真成 浪出遊。
花濃 春寺靜、竹細 野池幽。
何處 啼鶯切、移時 獨未休。

『0622_望牛頭寺』（五律）

牛頭 見鶴林、梯逕 繞幽深。
春色 浮山外、天河 宿殿陰。
傳燈 無白月、布地 有黃金。
休作 狂歌老、迴看 不住心。

『0623_登牛頭山亭子』（五律）

路出 雙林外、亭窺 萬井中。
江城 孤照日、山谷 遠含風。
兵革 身將老、關河 信不通。
猶殘 數行淚、忍對 百花叢。

『0624_上兜率寺』（五律）

兜率 知名寺、真如 會法堂。
江山 有巴蜀、陳宇 自齊梁。
庾信 哀雖久、周顒 好不忘。
白牛 車遠近、且欲 上慈航。

『0625_望兜率寺』（五律）

樹密 當山徑、江深 隔寺門。
霏霏 雲氣動、閃閃 浪花翻。

不復 知天大、空餘 見佛尊。
時應 清盥罷、隨喜 給孤園。

〔0626_甘園〕（五律）

春日 清江岸、千甘 二頃園。
青雲 羞葉密、白雪 避花繁。
結子 隨邊使、開籠 近至尊。
後於 桃李熟、終得 獻金門。

〔0627_陪李梓州·王閬州·蘇遂州·李果州四使君、登惠義寺〔陪章梓州〕〕（五律）

春日 無人境、虛空 不住天。
鶯花 隨世界、樓閣 倚山巔。
遲暮 身何得、登臨 意惘然。
誰能 解金印、瀟灑 共安禪。

〔數陪李梓州、泛江。有女樂、在諸舫。戲為艷曲二首、贈李〔陪章梓州〕〔渚舫〕〔二首贈章〕〕

0628 其一（五律）

上客 迴空騎、佳人 滿近船。
江清 歌扇底、野曠 舞衣前。
玉袖 凌風並、金壺 隱浪偏。
競將 明媚色、偷眼 艷陽天。

0629 其二（五律）

白日 移歌袖、青霄 近笛床。
翠眉 縈度曲、雲鬢 儼成行。
立馬 千山暮、迴舟 一水香。
使君 自有婦、莫學 野鴛鴦。

〔0630_送何侍御歸朝〕（五律）

舟楫 諸侯餞、車輿 使者歸。
山花 相映發、水鳥 自孤飛。
春日 垂霜鬢、天隅 把繡衣。
故人 從此去、寥落 寸心違。

〔0631_江亭、送眉州辛別駕昇之〔得蕪字〕〕（五律）

柳影 含雲幕、江波 近酒壺。
異方 驚會面、終宴 惜征途。
沙晚 低風蝶、天晴 喜浴鳧。
別離 傷老大、意緒 日荒蕪。

〔0632_行次鹽亭縣、聊題四韻、奉簡嚴遂州·蓬州兩使君·咨議諸昆季〕（五律）

馬首 見鹽亭、高山 擁縣青。
雲溪 花淡淡、春郭 水泠泠。
全蜀 多名士、嚴家 聚德星。
長歌 意無極、好為 老夫聽。

『0633_倚杖』(五律)

看花 雖郭內、倚杖 即溪邊。
山縣 早休市、江橋 春聚船。
狎鷗 輕白浪、歸雁 喜青天。
物色 兼生意、淒涼 憶去年。

『0634_惠義寺、送王少尹赴成都[得峰字]』(五律)

苒苒 谷中寺、娟娟 林表峰。
闌干 上處遠、綺繡 坐來重。
騎馬 行春徑、衣冠 起暮鐘。
雲門 青寂寂、此別 惜相從。

『0635_惠義寺園送辛員外[惠義寺送]』(七絕)

朱櫻 此日 垂朱實、郭外 誰家 負郭田。
萬里 相逢 貪握手、高才 仰望 足離筵。

『0636_又送』(七律)

雙峰 寂寂 對春臺、萬竹 青青 照客杯。
細草 留連 侵坐軟、殘花 悵望 近人開。
同舟 昨日 何由得、並馬 今朝 未擬迴。
直到 綿州 始分首、江邊 樹裏 共誰來。

『巴西驛亭、觀江漲、呈竇十五使君、二首』

0637 其一(五律)

宿雨 南江漲、波濤 亂遠峰。
孤亭 凌噴薄、萬井 逼春容。
霄漢 愁高鳥、泥沙 困老龍。
天邊 同客舍、攜我 豁心胸。

0638 其二(五律)

轉驚 波作惡、即恐 岸隨流。
賴有 杯中物、還同 海上鷗。
關心 小剡縣、傍眼 見揚州。
為接 情人飲、朝來 減片愁。

『0639_又呈竇使君』(五律)

向晚 波微綠、連空 岸卻青。
日兼 春有暮、愁與 醉無醒。
漂泊 猶杯酒、踟躕 此驛亭。
相看 萬里外、同是 一浮萍。

『0640_陪王漢州留杜綿州泛房公西湖』(五律)

舊相 恩迫後、春池 賞不稀。
闕庭 分未到、舟楫 有光輝。
鼓化 蓴絲熟、刀鳴 鱸縷飛。
使君 雙皂蓋、灘淺 正相依。

『0641_得房公池鵝』（七絕）

房相 西池 鵝一羣、眠沙 泛浦 白於雲。
鳳凰 池上 應回首、為報 籠隨 王右軍。

『0642_答楊梓州』（七絕）

悶到 房公 池水頭、坐逢 楊子 鎮東州。
卻向 青溪 不相見、迴船 應載 阿戎遊。

『0643_舟前小鵝兒』（五律）

鵝兒 黃似酒、對酒 愛新鵝。
引頸 嘖船逼、無行 亂眼多。
翅開 遭宿雨、力小 困滄波。
客散 層城暮、狐狸 奈若何。

『官池春雁二首』

0644 其一（七絕）

自古 稻梁 多不足、至今 鷗鷺 亂為羣。
且休 悵望 看春水、更恐 歸飛 隔暮雲。

0645 其二（七絕）

青春 易盡 急還鄉、紫塞 寧論 尚有霜。
翅在 雲天 終不遠、力微 矰繳 絕須防。

『0646_投簡梓州幕府兼簡韋十郎官[韋十郎]』（七絕）

幕下 郎官 安隱無。從來 不奉 一行書。
固知 貧病 人須棄、能使 韋郎 跡也疏。

『0647_漢川王大錄事宅作』（五律）

南溪 老病客、相見 下肩輿。
近髮 看烏帽、催蓴 煮白魚。
宅中 平岸水、身外 滿床書。
憶爾 才名叔、含悽 意有餘。

『0648_短歌行。送祁錄事、歸合州。因寄蘇使君』（七古）

前者 途中 一相見、人事 經年 記君面。
後生 相勸 何寂寥、君有 長才 不貧賤。
君今 起舵 春江流、余亦 沙邊 具小舟。
幸為 達書 賢府主、江花 未盡 會江樓。

『0649_送韋郎司直歸成都』（五律）

竄身 來蜀地、同病 得韋郎。
天下 兵戈滿、江邊 歲月長。
別筵 花欲暮、春日 鬢俱蒼。
為問 南溪竹、抽梢 合過牆。

『 0650_寄題江外草堂』（五古）

我生 性放誕、雅欲 逃自然。
嗜酒 愛風竹、卜居 必林泉。
遭亂 到蜀江、臥病 遣所便。
誅茅 初一畝、廣地 方連延。
經營 上元始、斷手 寶應年。
敢謀 土木麗、自覺 面勢堅。
臺亭 隨高下、敞豁 當清川。
雖有 會心侶、數能 同釣船。
干戈 未偃息、安得 酣歌眠。
蛟龍 無定窟、黃鵠 摩蒼天。
古來 達士志、寧受 外物牽。
顧惟 魯鈍姿、豈識 悔吝先。
偶攜 老妻去、慘澹 凌風煙。
事跡 無固必、幽貞 愧雙全。
尚念 四小松、蔓草 易拘纏。
霜骨 不堪長、永為 鄰里憐。

『 0651_陪章留後侍御宴南樓[得風字]』（五排）

絕域 長夏晚、茲樓 清宴同。
朝廷 燒棧北、鼓角 漏天東。
屢食 將軍第、仍騎 御史驄。
本無 丹灶術、那免 白頭翁。
寇盜 狂歌外、形骸 痛飲中。
野雲 低度水、簷雨 細隨風。
出號 江城黑、題詩 蠟炬紅。
此身 醒復醉、不擬 哭途窮。

『 0652_臺上[得涼字]』（五律）

改席 臺能迴、留門 月復光。
雲霄 遺暑濕、山谷 進風涼。
老去 一杯足、誰憐 屢舞長。
何須 把官燭、似惱 鬢毛蒼。

『 0653_送王十五判官、扶侍、還黔中[得開字]』（七律）

大家 東征 逐子回、風生 洲渚 錦帆開。
青青 竹筍 迎船出、日日 江魚 入饌來。
離別 不堪 無限意、艱危 深仗 濟時才。
黔陽 信使 應稀少、莫怪 頻頻 勸酒杯。

『 0654_喜雨』（五古）

春旱 天地昏、日色 赤如血。
農事 都已休、兵戎 況騷屑。
巴人 困軍須、慟哭 厚土熱。
滄江 夜來雨、真宰 罪一雪。

穀根 小蘇息、沴氣 終不滅。
何由 見寧歲、解我 憂思結。
崢嶸 羣山雲、交會 未斷絕。
安得 鞭雷公、滂沱 洗吳越。

〔述古三首〕

0655 其一(五古)

赤驥 頓長纓、非無 萬里姿。
悲鳴 淚至地、為問 馭者誰。
鳳凰 從東來、何意 復高飛。
竹花 不結實、念子 忍朝饑。
古來 君臣合、可以 物理推。
賢人 識定分、進退 固其宜。

0656 其二(五古)

市人 日中集、於利 競錐刀。
置膏 烈火上、哀哀 自煎熬。
農人 望歲稔、相率 除蓬蒿。
所務 穀為本、邪贏 無乃勞。
舜舉 十六相、身尊 道何高。
秦時 任商鞅、法令 如牛毛。

0657 其三(五古)

漢光 得天下、祚永 固有開。
豈惟 高祖聖、功自 蕭曹來。
經綸 中興業、何代 無長才。
吾慕 寇鄧勳、濟時 信良哉。
耿賈 亦宗臣、羽翼 共徘徊。
休運 終四百、圖畫 在雲臺。

〔0658_陪章留後惠義寺餞嘉州崔都督赴州〕(五排)

中軍 待上客、令肅 事有恆。
前驅 入寶地、祖帳 飄金繩。
南陌 既留歡、茲山 亦深登。
清聞 樹杪磬、遠謁 雲端僧。
迴策 匪新岸、所攀 仍舊藤。
耳激 洞門颿、目存 寒谷冰。
出塵 悶軌躅、畢景 遺炎蒸。
永願 坐長夏、將衰 棲大乘。
羈旅 惜宴會、艱難 懷友朋。
勞生 共幾何、離恨 兼相仍。

〔0659_送竇九歸成都〕(五律)

文章 亦不盡、竇子 才縱橫。
非爾 更苦節、何人 符大名。
讀書 雲閣觀、問絹 錦官城。
我有 浣花竹、題詩 須一行。

『0660_章梓州水亭』（五律）

城晚 通雲霧、亭深 到芰荷。
吏人 橋外少、秋水 席邊多。
近屬 淮王至、高門 薊子過。
荊州 愛山簡、吾醉 亦長歌。

『0661_章梓州橋亭餞成都寶少尹[得涼字]』（七律）

秋日 野亭 千橘香、玉杯 錦席 高雲涼。
主人 送客 何所作、行酒 賦詩 殊未央。
衰老 應為 難離別、賢聲 此去 有輝光。
預傳 籍籍 新京兆、青史 無勞 數趙張。

『0662_隨章留後新亭會送諸君』（五律）

新亭 有高會、行子 得良時。
日動 映江幕、風鳴 排檻旗。
絕葦 終不改、勸酒 欲無辭。
已墮 峴山淚、因題 零雨詩。

『0663_客舊館』（五律）

陳跡 隨人事、初秋 別此亭。
重來 梨葉赤、依舊 竹林青。
風幔 何時卷、寒砧 昨夜聲。
無由 出江漢、愁緒 日冥冥。

『戲作寄上漢中王二首』

0664 其一（七絕）

雲裏 不聞 雙雁過、掌中 貪看 一珠新。
秋風 嫋嫋 吹江漢、只在 他鄉 何處人。

0665 其二（七絕）

謝安 舟楫 風還起、梁苑 池臺 雪欲飛。
杳杳 東山 攜妓去、泠泠 修竹 待王歸。

『0666_櫻拂子』（五古）

櫻拂 且薄陋、豈知 身效能。
不堪 代白羽、有足 除蒼蠅。
熒熒 金錯刀、濯濯 朱絲繩。
非獨 顏色好、亦由 顧盼稱。
吾老 抱疾病、家貧 臥炎蒸。
啞膚 倦撲滅、賴爾 甘服膺。
物微 世競棄、義在 誰肯徵。
三歲 清秋至、未敢 闕緘滕。

『0667_送陵州路使君之任[赴任]』（五排）

王室 比多難、高官 皆武臣。

幽燕通使者、岳牧用詞人。
國待賢良急、君當拔擢新。
佩刀成氣象、行蓋出風塵。
戰伐乾坤破、瘡痍府庫貧。
衆寮宜潔白、萬役但平均。
霄漢瞻佳士、泥塗任此身。
秋天正搖落、回首大江濱。

『0668_送元二適江左』（五律）

亂後今相見、秋深復遠行。
風塵爲客日、江海送君情。
晉室丹陽尹、公孫白帝城。
經過自愛惜、取次莫論兵。

『0669_九日』（七律）

去年登高鄴縣北、今日重在涪江濱。
苦遭白髮不相放、羞見黃花無數新。
世亂憂難久爲客、路難常傍人。
酒闌卻憶十年事、腸斷驪山清路塵。

『0670_對雨』（五律）

莽莽天涯雨、江邊獨立時。
不愁巴道路、恐濕漢旌旗。
雪嶺防秋急、繩橋戰勝遲。
西戎甥舅禮、未敢背恩私。

『0671_薄暮』（五律）

江水長流地、山雲薄暮時。
寒花隱亂草、宿鳥探深枝。
故國見何日、高秋心苦悲。
人生不再好、鬢髮自成絲。

『0672_閬州奉送二十四舅使自京赴任青城』（五律）

聞道王喬舄、名因太史傳。
如何碧雞使、把詔紫微天。
秦嶺愁回首、涪江醉泛船。
青城漫污雜、吾舅意淒然。

『0673_王閬州筵奉酬十一舅惜別之作』（五排）

萬壑樹聲滿、千崖秋氣高。
浮舟出郡郭、別酒寄江濤。
良會不復久、此生何太勞。
窮愁但有骨、羣盜尚如毛。
吾舅惜分手、使君寒贈袍。
沙頭暮黃鶴、失侶亦哀號。

『0674_閬州東樓筵奉送十一舅往青城[得昏字]』（五古）

曾城 有高樓、制古 丹雘存。
迢迢 百餘尺、豁達 開四門。
雖有 車馬客、而無 人世喧。
遊目 俯大江、列筵 慰別魂。
是時 秋冬交、節往 顏色昏。
天寒 鳥獸伏、霜露 在草根。
今我 送舅氏、萬感 集清樽。
豈伊 山川間、回首 盜賊繁。
高賢 意不暇、王命 久崩奔。
臨風 欲慟哭、聲出 已復吞。

『0675_放船』（五律）

送客 蒼溪縣、山寒 雨不開。
直愁 騎馬滑、故作 放舟迴。
青惜 峰巒過、黃知 橘柚來。
江流 大自在、坐穩 興悠哉。

『0676_薄遊』（五律）

淅淅 風生砌、團團 日隱牆。
遙空 秋雁滅、半嶺 暮雲長。
病葉 多先墜、寒花 只暫香。
巴城 添淚眼、今夕 復清光。

『0677_嚴氏溪放歌[放歌行]』（七古）

天下 兵馬 未盡銷、豈免 溝壑 常漂漂。
劍南 歲月 不可度、邊頭 公卿 仍獨驕。
費心 姑息 是一役、肥肉 大酒 徒相要。
嗚呼 古人 已糞土、獨覺 志士 甘漁樵。
況我 飄蓬 無定所、終日 感感 忍羈旅。
秋宿 霜溪 素月高、喜得 與子 長夜語。
東遊 西還 力實倦、從此 將身 更何許。
知子 松根 長茯苓、遲暮 有意 來同煮。

『0678_警急』（五律）

才名 舊楚將、妙略 擁兵機。
玉壘 雖傳檄、松州 會解圍。
和親 知計拙、公主 漫無歸。
青海 今誰得、西戎 實飽飛。

『0679_王命』（五律）

漠北 豺狼滿、巴西 道路難。
血埋 諸將甲、骨斷 使臣鞍。
牢落 新燒棧、蒼茫 舊築壇。

深懷 喻蜀意、慟哭 望王官。

〔0680_征夫〕（五律）

十室 幾人在、千山 空自多。
路衢 唯見哭、城市 不聞歌。
漂梗 無安地、銜枚 有荷戈。
官軍 未通蜀、吾道 竟如何。

〔西山三首〕

0681 其一（五律）

夷界 荒山頂、蕃州 積雪邊。
築城 依白帝、轉粟 上青天。
蜀將 分旗鼓、羌兵 助鎧鉞。
西南 背和好、殺氣 日相纏。

0682 其二（五律）

辛苦 三城戍、長防 萬里秋。
煙塵 侵火井、雨雪 閉松州。
風動 將軍幕、天寒 使者裘。
漫山 賊營壘、迴首 得無憂。

0683 其三（五律）

子弟 猶深入、關城 未解圍。
蠶崖 鐵馬瘦、灌口 米船稀。
辯士 安邊策、元戎 決勝威。
今朝 烏鵲喜、欲報 凱歌歸。

〔0684_與嚴二郎奉禮別〔嚴二歸奉禮別〕〕（五排）

別君 誰暖眼、將老 病纏身。
出涕 同斜日、臨風 看去塵。
商歌 還入夜、巴俗 自爲鄰。
尚愧 微軀在、遙聞 盛禮新。
山東 羣盜散、闕下 受降頻。
諸將 歸應盡、題書 報旅人。

〔0685_贈裴南部〕（五排）

塵滿 萊蕪甌、堂橫 單父琴。
人皆 知飲水、公輩 不偷金。
梁獄 書應上、秦臺 鏡欲臨。
獨醒 時所嫉、群小 謗能深。
即出 黃沙在、何須 白髮侵。
使君 傳舊德、已見 直繩心。

〔0686_巴山〕（五律）

巴山 遇中使、云自 陝城來。
盜賊 還奔突、乘輿 恐未回。
天寒 邵伯樹、地闊 望仙臺。

狼狽 風塵裏、羣臣 安在哉。

『 0687_早花』(五律)

西京 安穩未、不見 一人來。
臘日 巴江曲、山花 已自開。
盈盈 當雪杏、艷艷 待春梅。
直苦 風塵暗、誰憂 客鬢催。

『 0688_發閬中』(七古)

前有 毒蛇 後猛虎、溪行 盡日 無村塢。
江風 蕭蕭 雲拂地、山木 慘慘 天欲雨。
女病 妻憂 歸意急、秋花 錦石 誰能數。
別家 三月 一書來、避地 何時 免愁苦。

『 0689_江陵望幸』(五排)

雄都 元壯麗、望幸 欽威神。
地利 西通蜀、天文 北照秦。
鳳樓 含越鳥、舟楫 控吳人。
未枉 周王駕、終期 漢武巡。
甲兵 分聖旨、居守 付宗臣。
早發 雲臺仗、恩波 起涸鱗。

『 0690_愁坐』(五律)

高齋 常見野、愁坐 更臨門。
十月 山寒重、孤城 水氣昏。
葭萌 氏種迴、左擔 犬戎屯。
終日 憂奔走、歸期 未敢論。

『 0691_遣憂』(五律)

亂離 知又甚、消息 苦難真。
受諫 無今日、臨危 憶古人。
紛紛 乘白馬、攘攘 著黃巾。
隋氏 留宮室、焚燒 何太頻。

『 0692_冬狩行』(雜言)

君不見 東川 節度 兵馬雄、校獵 亦似 觀成功。
夜發 猛士 三千人、清晨 合圍 步驟同。
禽獸 已斃 十七八、殺聲 落日 迴蒼穹。
幕前 生致 九青兕、駝駝 三嵎 垂玄熊。
東西 南北 百里間、彷彿 蹴踏 寒山空。
有鳥 名鸛鵒、力不能 高飛 逐走蓬、
肉味 不足 登鼎俎、胡為 見羈 虞羅中。
春蒐 冬狩 侯得用、使君 五馬 一馬驄。
況今 攝行 大將權、號令 頗有 前賢風。
飄然 時危 一老翁、十年 厭見 旌旗紅。

喜君 士卒 甚整肅、為我 迴轡 擒西戎。
草中 狐兔 盡何益。天子 不在 咸陽宮。
朝廷 雖無 幽王禍、得不 哀痛 塵再蒙、
嗚呼。得不 哀痛 塵再蒙。

『0693_山寺』（五古）

野寺 根石壁、諸龕 遍崔嵬。
前佛 不復辨、百身 一莓苔。
雖有 古殿存、世尊 亦塵埃。
如聞 龍象泣、足令 信者哀。
使君 騎紫馬、捧擁 從西來。
樹羽 靜千里、臨江 久徘徊。
山僧 衣藍縷、告訴 棟梁摧。
公為 顧賓從、咄嗟 檀施開。
吾知 多羅樹、卻倚 蓮華臺。
諸天 必歡喜、**鬼物** 無**嫌猜**。
以茲 撫士卒、孰曰 非周才。
窮子 失淨處、**高人** 憂**禍胎**。
歲晏 風破肉、荒林 寒可迴。
思量 入道苦、自哂 同嬰孩。

『0694_桃竹杖引贈章留後』（雜言）

江心 蟠石 生桃竹、蒼波 噴浸 尺度足。
斬根 削皮 如紫玉、江妃 水仙 惜不得。
梓潼 使君 開一束、滿堂 賓客 皆嘆息。
憐我 老病 贈兩莖、出入 爪甲 鏗有聲。
老夫 復欲 東南征、乘濤 鼓枻 白帝城。
路幽 必為 **鬼神**奪、**拔劍** 或與 **蛟龍**爭。
重為 告曰、杖兮 杖兮。
爾之 生也 甚正直、慎勿 見水 踴躍 學變化 為龍。
使我 不得 爾之 扶持、滅跡 於君山 湖上之 青峰。
噫、風塵 湏洞兮 豺虎 咬人、忽失 雙杖兮 吾將 曷從。

『0695_將適吳楚留別章使君留後兼幕府諸公〔得柳字〕』（五古）

我來 入蜀門、歲月 亦已久。
豈惟 長**兒童**、**自覺** 成**老醜**。
常恐 性坦率、失身 為杯酒。
近辭 痛飲徒、折節 萬夫後。
昔如 縱壑魚、今如 **喪家狗**。
既無 遊方戀、行止 復何有。
相逢 半新故、取別 隨薄厚。
不意 青草湖、扁舟 落吾手。
眷眷 章梓州、開筵 俯高柳。
樓前 出**騎馬**、帳下 羅賓友。
健兒 簸紅旗、此樂 或難朽。

日車 隱崑崙、鳥雀 噪戶牖。
波濤 未足畏、三峽 徒雷吼。
所憂 盜賊多、重見 衣冠走。
中原 消息斷、黃屋 今安否。
終作 適荊蠻、安排 用莊叟。
隨雲 拜東皇、掛席 上南斗。
有使 即寄書、無使 長回首。

『0696_舍弟占歸草堂檢校、聊示此詩』（五律）

久客 應吾道、相隨 獨爾來。
孰知 江路近、頻為 草堂迴。
鵝鴨 宜長數、柴荆 莫浪開。
東林 竹影薄、臘月 更須栽。

『0697_歲暮』（五律）

歲暮 遠爲客、邊隅 還用兵。
煙塵 犯雪嶺、鼓角 動江城。
天地 日流血、朝廷 誰請纓。
濟時 敢愛死、寂寞 壯心驚。

『0698_送李卿曄』（五律）

王子 思歸日、長安 已亂兵。
霑衣 問行在、走馬 向承明。
暮景 巴蜀僻、春風 江漢清。
晉山 雖自棄、魏闕 尚含情。

『0699_釋悶』（七排）

四海 十年 不解兵、犬戎 也復 臨咸京。
失道 非關 出襄野、揚鞭 忽是 過湖城。
豺狼 塞路 人斷絕、烽火 照夜 屍縱橫。
天子 亦應 厭奔走、群公 固合 思昇平。
但恐 誅求 不改轍、聞道 嬖孽 能全生。
江邊 老翁 錯料事、眼暗 不見 風塵清。

『0700_贈別賀蘭銛』（五古）

黃雀 飽野粟、羣飛 動荊榛。
今君 抱何恨、寂寞 向時人。
老驥 倦驤首、蒼鷹 愁易馴。
高賢 世未識、固合 嬰飢貧。
國步 初返正、乾坤 尚風塵。
悲歌 鬢髮白、遠赴 湘吳春。
我戀 岷下芋、君思 千里蓴。
生離 與死別、自古 鼻酸辛。

『0701_閩山歌』（七古）

閬州 城東 靈山白、閬州 城北 玉臺碧。
松浮 欲盡 不盡雲、江動 將崩 未崩石。
那知 根無 鬼神會、已覺 氣與 嵩華敵。
中原 格鬪 且未歸、應結 茅齋 著青壁。

〔 0702_閬水歌 〕（七古）

嘉陵 江色 何所似、石黛 碧玉 相因依。
正憐 日破 浪花出、更復 春從 沙際歸。
巴童 蕩槳 敲側過、水雞 銜魚 來去飛。
閬中 勝事 可腸斷、閬州 城南 天下稀。

〔 0703_江亭、王閬州筵餞蕭遂州 〕（五律）

離亭 非舊國、春色 是他鄉。
老畏 歌聲繼、愁隨 舞曲長。
二天 開寵餞、五馬 爛生光。
川路 風煙接、俱宜 下鳳凰。

〔陪王使君、晦日泛江、就黃家亭子、二首〕

0704 其一（五律）

山豁 何時斷、江平 不肯流。
稍知 花改岸、始驗 鳥隨舟。
結束 多紅粉、歡娛 恨白頭。
非君 愛人客、晦日 更添愁。

0705 其二（五律）

有徑 金沙軟、無人 碧草芳。
野畦 連峽蝶、江檻 俯鴛鴦。
日晚 煙花亂、風生 繡幕香。
不須 吹急管、衰老 易悲傷

〔 0706_泛江 〕（五律）

方舟 不用楫、極目 總無波。
長日 容杯酒、深江 淨綺羅。
亂離 還奏樂、飄泊 且聽歌。
故國 流清渭、如今 花正多。

〔 0707_收京 〕（五律）

復道 收京邑、兼聞 殺犬戎。
衣冠 卻扈從、車駕 已還宮。
剋復 誠如此、安危 在數公。
莫令 回首地、慟哭 起悲風。

〔巴西、聞收京闕、送班司馬入京、二首〔宮闕〕〔收京送〕〕

0708 其一（五律）

聞道 收宗廟、鳴鑾 自陝歸。
傾都 看黃屋、正殿 引朱衣。

劍外 春天遠、巴西 敕使稀。
念君 經世亂、匹馬 向王畿。

0709 其二(五律)

羣盜 至今日、先朝 忝從臣。
歎君 能戀主、久客 羨歸秦。
黃閣 長司諫、丹墀 有故人。
向來 論社稷、為話 涕霑巾。

〔0710_城上[空城]〕(五律)

草滿 巴西綠、城空 白日長。
風吹 花片片、春動 水茫茫。
八駿 隨天子、群臣 從武皇。
遙聞 出巡狩、早晚 遍遐荒。

〔傷春五首〕

0711 其一(五排)

天下 兵雖滿、春光 日自濃。
西京 疲百戰、北闕 任羣兇。
關塞 三千里、煙花 一萬重。
蒙塵 清路急、御宿 且誰供。
殷復 前王道、周遷 舊國容。
蓬萊 足雲氣、應合 總從龍。

0712 其二(五排)

鶯入 新年語、花開 滿故枝。
天清 風卷幔、草碧 水連池。
牢落 官軍遠、蕭條 萬事危。
鬢毛 元自白、淚點 向來垂。
不是 無兄弟、其如 有別離。
巴山 春色靜、北望 轉逶迤。

0713 其三(五排)

日月 還相關、星辰 屢合圍。
不成 誅執法、焉得 變危機。
大角 纏兵氣、鉤陳 出帝畿。
煙塵 昏御道、蒼舊 把天衣。
行在 諸軍闕、來朝 大將稀。
賢多 隱屠釣、王肯 載同歸。

0714 其四(五排)

再有 朝廷亂、難知 消息真。
近傳 王在洛、復道 使歸秦。
奪馬 悲公主、登車 泣貴嬪。
蕭關 迷北上、滄海 欲東巡。
敢料 安危體、猶多 老大臣。
豈無 嵇紹血、霑灑 屬車塵。

0715 其五(五排)

聞說 初東幸、孤兒 卻走多。

難分 太倉粟、競棄 魯陽戈。
胡虜 登前殿、王公 出御河。
得無 中夜舞、誰憶 大風歌。
春色 生烽燧、幽人 泣薜蘿。
君臣 重修德、猶足 見時和。

〔0716_暮寒〕（五律）

霧隱 平郊樹、風含 廣岸波。
沈沈 春色靜、慘慘 暮寒多。
戍鼓 猶長擊、林鶯 遂不歌。
忽思 高宴會、朱袖 拂雲和。

〔0717_遊子〕（五律）

巴蜀 愁誰語、吳門 興杳然。
九江 春草外、三峽 暮帆前。
厭就 成都卜、休為 吏部眠。
蓬萊 如可到、衰白 問羣仙。

〔滕王亭子二首〕

0718 其一（七律）

君王 臺榭 枕巴山、萬丈 丹梯 尚可攀。
春日 鶯啼 修竹裏、仙家 犬吠 白雲間。
清江 錦石 傷心麗、嫩蕊 濃花 滿目斑。
人到 於今 歌出牧、來遊 此地 不知還。

0719 其二（五律）

寂寞 春山路、君王 不復行。
古牆 猶竹色、虛閣 自松聲。
鳥雀 荒村暮、雲霞 過客情。
尚思 歌吹入、千騎 擁霓旌。

〔玉臺觀二首〕

0720 其一（七律）

中天 積翠 玉臺遙、上帝 高居 絳節朝。
遂有 馮夷 來擊鼓、始知 嬴女 善吹簫。
江光 隱見 靈臺窟、石勢 參差 烏鵲橋。
更肯 紅顏 生羽翼、便應 黃髮 老漁樵。

0721 其二（五律）

浩劫 因王造、平臺 訪古遊。
彩雲 蕭史駐、文字 魯恭留。
宮闕 通群帝、乾坤 到十洲。
人傳 有笙鶴、時過 北山頭。

〔0722_奉寄章十侍御〕（七律）

淮海 維揚 一俊人、金章 紫綬 照青春。
指揮 能事 迴天地、訓練 強兵 動鬼神。

湘西 不得 歸關羽、河內 猶宜 藉寇恂。
朝覲 從容 問幽仄、勿云 江漢 有垂綸。

〔0723_南池〕（五古）

崢嶸 巴閬間、所向 盡山谷。
安知 有蒼池、萬頃 浸坤軸。
呀然 闔城南、枕帶 巴江腹。
菱荷 入異縣、秔稻 共比屋。
皇天 不無意、美利 戒止足。
高田 失西成、此物 頗豐熟。
清源 多衆魚、遠岸 富喬木。
獨嘆 楓香林、春時 好顏色。
南有 漢王祠、終朝 走巫祝。
歌舞 散靈衣、荒哉 舊風俗。
高皇 亦明主、魂魄 猶正直。
不應 空陂上、縹緲 親酒肉。
淫祀 自古昔、非惟 一川瀆。
干戈 浩茫茫、地僻 傷極目。
平生 江海興、遭亂 身局促。
駐馬 問漁舟、躊躇 慰羈束。

〔0724_將赴荊南、寄別李劍州〕（七律）

使君 高義 驅今古、寥落 三年 坐劍州。
但見 文翁 能化俗、焉知 李廣 未封侯。
路經 滄海 雙蓬鬢、天入 滄海 一釣舟。
戎馬 相逢 更何日、春風 迴首 仲宣樓。

〔0725_奉寄別馬巴州〕（七律）

勳業 終歸 馬伏波、功曹 非復 漢蕭何。
扁舟 繫纜 沙邊久、南國 浮雲 水上多。
獨把 漁竿 終遠去、難隨 鳥翼 一相過。
知君 未愛 春湖色、興在 驪駒 白玉珂。

〔0726_奉待嚴大夫〕（七律）

殊方 又喜 故人來、重鎮 還須 濟世才。
常怪 偏裨 終日待、不知 旌節 隔年回。
欲辭 巴徼 啼鶯合、遠下 荊門 去鷁催。
身老 時危 思會面、一生 襟抱 向誰開。

〔0727_渡江〕（五律）

春江 不可渡、二月 已風濤。
舟楫 敔斜疾、魚龍 偃臥高。
渚花 張素錦、汀草 亂青袍。
戲問 垂綸客、悠悠 見汝曹。

『自閬州領妻子卻赴蜀、山行、三首』

0728 其一(五律)

汨汨 避羣盜、悠悠 經十年。

不成 向南國、復作 遊西川。

物役 水虛照、魂傷 山寂然。

我生 無倚著、盡室 畏途邊。

0729 其二(五律)

長林 偃風色、迴復 意猶迷。

衫裊 翠微潤、馬銜 青草嘶。

棧懸 斜避石、橋斷 卻尋溪。

何日 干戈盡。飄飄 愧老妻。

0730 其三(五律)

行色 遞隱見、人煙 時有無。

僕夫 穿竹語、稚子 入雲呼。

轉石 驚魑魅、捫弓 落猱鼯。

真供 一笑樂、似欲 慰窮途。

『0731_別房太尉墓』(五律)

他鄉 復行役、駐馬 別孤墳。

近淚 無乾土、低空 有斷雲。

對棋 陪謝傅、把劍 覓徐君。

惟見 林花落、鶯啼 送客聞。

『將赴成都草堂途中有作、先寄嚴鄭公、五首』

0732 其一(七律)

得歸 茅屋 赴成都、直爲 文翁 再剖符。

但使 閭閻 還揖讓、敢論 松竹 久荒蕪。

魚知 丙穴 由來美、酒憶 郫筒 不用酤。

五馬 舊曾 諳小徑、幾回 書札 待潛夫。

0733 其二(七律)

處處 清江 帶白蘋、故園 猶得 見殘春。

雪山 斥候 無兵馬、錦里 逢迎 有主人。

休怪 兒童 延俗客、不教 鵝鴨 惱比鄰。

習池 未覺 風流盡、況復 荊州 賞更新。

0734 其三(七律)

竹寒 沙碧 浣花溪、橘刺 藤梢 咫尺迷。

過客 徑須 愁出入、居人 不自 解東西。

書籤 藥裏 封蛛網、野店 山橋 送馬蹄。

肯藉 荒庭 春草色、先拚 一飲 醉如泥。

0735 其四(七律)

常苦 沙崩 損藥欄、也從 江檻 落風湍。

新松 恨不 高千尺、惡竹 應須 斬萬竿。

生理 祇憑 黃閣老、衰顏 欲付 紫金丹。

三年 奔走 空皮骨、信有 人間 行路難。

0736 其五(七律)

錦官 城西 生事微、烏皮 几在 還思歸。
昔去 為憂 亂兵入、**今來** 已恐 **鄰人**非。
側身 **天地** 更懷古、**回首** **風塵** 甘息機。
共說 **總戎** **雲鳥**陣、**不妨** **遊子** 芰荷衣。

『0737_春歸』（五排）

苔徑 臨江竹、茅簷 覆地花。
別來 頻**甲子**、歸到 忽**春華**。
倚杖 看**孤石**、**傾壺** 就淺沙。
遠鷗 浮水靜、**輕燕** 受風斜。
世路 雖多梗、吾生 亦**有涯**。
此身 醒復醉、乘興 即為家。

『0738_歸來』（五律）

客裏 有所適、歸來 知路難。
開門 **野鼠**走、**散帙** 壁魚乾。
洗杓 斟新醞、低頭 拭小盤。
憑誰 給麴蘖、細酌 老江干。

『0739_草堂』（五古）

昔我 去草堂、蠻夷 塞成都。
今我 歸草堂、成都 適無虞。
請陳 初亂時、反覆 乃須臾。
大將 赴**朝廷**、**群小** 起異圖。
中宵 斬白馬、盟敵 氣已粗。
西取 邛南兵、北斷 **劍閣**隅。
布衣 數十人、亦擁 專城居。
其勢 不兩大、始聞 蕃漢殊。
西卒 卻倒戈、賊臣 互相誅。
焉知 肘腋禍、自及 梟獍徒。
義士 皆痛憤、紀綱 亂相踰。
一國 實三公、**萬人** 欲**爲魚**。
唱和 作威福、孰肯 辨無辜。
眼前 列柵械、背後 吹笙竽。
談笑 行殺戮、濺血 滿長衢。
到今 用鉞地、風雨 聞號呼。
鬼妾 與鬼馬、色悲 充爾娛。
國家 法令在、此又 足驚吁。
賤子 且奔走、三年 望東吳。
弧矢 暗**江海**、難為 遊**五湖**。
不忍 竟舍此、復來 薤榛蕪。
入門 四松在、**步履** **萬竹**疏。
舊犬 喜我歸、低徊 入衣裾。
鄰里 喜我歸、沽酒 攜胡蘆。
大官 喜我來、遣騎 問所須。

城郭 喜我來、賓客 隘村墟。
天下 尚未寧、健兒 勝腐儒。
飄飄 風塵際、何地 置老夫。
於時 見疣贅、骨髓 幸未枯。
飲啄 愧殘生、食薇 不敢餘。

『 0740_四松』(五古)

四松 初移時、大抵 三尺強。
別來 忽三歲、離立 如人長。
會看 根不拔、莫計 枝凋傷。
幽色 幸秀發、疏柯 亦昂藏。
所插 小藩籬、本亦 有隄防。
終然 振撥損、得恁 千葉黃。
敢為 故林主、黎庶 猶未康。
避賊 今始歸、春草 滿空堂。
覽物 嘆衰謝、及茲 慰淒涼。
清風 為我起、灑面 若微霜。
足為 送老資、聊待 偃蓋張。
我生 無根蒂、配爾 亦茫茫。
有情 且賦詩、事跡 可兩忘。
勿矜 千載後、慘澹 蟠穹蒼。

『 0741_題桃樹』(七律)

小徑 升堂 舊不斜、五株 桃樹 亦從遮。
高秋 總饋 貧人實、來歲 還舒 滿眼花。
簾戶 每宜 通乳燕、兒童 莫信 打慈鴉。
寡妻 群盜 非今日、天下 車書 已一家。

『 0742_水檻』(五古)

蒼江 多風飄、雲雨 晝夜飛。
茅軒 駕巨浪、焉得 不低垂。
遊子 久在外、門戶 無人持。
高岸 尚為谷、何傷 浮柱欹。
扶顛 有勸誠、恐貽 識者嗤。
既殊 大廈傾、可以 一木支。
臨川 視萬里、何必 欄檻為。
人生 感故物、慷慨 有餘悲。

『 0743_破船』(五古)

平生 江海心、宿昔 具扁舟。
豈惟 清溪上、日傍 柴門遊。
蒼皇 避亂兵、緬邈 懷舊丘。
鄰人 亦已非、野竹 獨修修。
船舷 不重扣、埋沒 已經秋。
仰看 西飛翼、下愧 東逝流。

故者 或可掘、新者 亦易求。
所悲 數奔竄、白屋 難久留。

〔0744_奉寄高常侍〔寄高三十五大夫〕〕（七律）

汶上 相逢 年頗多、飛騰 無那 故人何。
總戎 楚蜀 應全未、方駕 曹劉 不啻過。
今日 朝廷 須汲黯、中原 將帥 憶廉頗。
天涯 春色 催遲暮、別淚 遙添 錦水波。

〔0745_贈王二十四侍御契四十韻〕（五排）

往往 雖相見、飄飄 愧此身。
不關 輕紱冕、但是 避風塵。
一別 星橋夜、三移 斗柄春。
敗亡 非赤壁、奔走 為黃巾。
子去 何瀟灑、余藏 異隱淪。
書成 無過雁、衣故 有懸鶉。
恐懼 行裝數、伶俜 臥疾頻。
曉鶯 工迸淚、秋月 解傷神。
會面 嗟顰黑、含悽 話苦辛。
接輿 還入楚、王粲 不歸秦。
錦里 殘丹竈、花溪 得釣綸。
消中 祇自惜、晚起 索誰親。
伏柱 聞周史、乘槎 有漢臣。
鵷鴻 不易狎、龍虎 未宜馴。
客則 挂冠至、交非 傾蓋新。
由來 意氣合、直取 性情真。
浪跡 同生死、無心 恥賤貧。
偶然 存蔗芋、幸各 對松筠。
粗飯 依他日、窮愁 怪此辰。
女長 裁褐穩、男大 卷書勻。
湍口 江如練、蠶崖 雪似銀。
名園 當翠嶺、野棹 沒青蘋。
屢喜 王侯宅、時邀 江海人。
追隨 不覺晚、款曲 動彌旬。
但使 芝蘭秀、何須 棟宇鄰。
山陽 無俗物、鄭驛 正留賓。
出入 並鞍馬、光輝 參席珍。
重遊 先主廟、更歷 少城闌。
石鏡 通幽魄、琴臺 隱絳唇。
送終 惟藁土、結愛 獨荊榛。
置酒 高林下、觀棋 積水濱。
區區 甘粳豔、稍稍 息勞筋。
網聚 黏圓鰕、絲繁 煮細蓴。
長歌 敲柳瘿、小睡 憑藤輪。
農月 須知課、田家 敢忘勤。

浮生難去食、良會惜清晨。
列國兵戈暗、今王德教淳。
要聞除獫狁、休作畫麒麟。
洗眼看輕薄、虛懷任屈伸。
莫令膠漆地、萬古重雷陳。

〔0746_登樓〕（七律）

花近高樓傷客心、萬方多難此登臨。
鷓鴣江上春來、天邊玉壘浮雲變古今。
北極朝廷終不改、西山寇盜莫相侵。
可憐後主還祠廟、日暮聊為梁甫吟。

〔0747_寄邛州崔錄事〕（五律）

邛州崔錄事、聞在果園坊。
久待無消息、終朝有底忙。
應愁江樹遠、怯見野亭荒。
浩蕩風塵際、誰知酒熟香。

〔0748_王錄事許修草堂貲不到聊小詒〕（五絕）

為瞋王錄事、不寄草堂貲。
昨屬愁春雨、能忘欲漏時。

〔0749_歸雁〕（五絕）

東來千里客、亂定幾年歸。
腸斷江城雁、高高正北飛。

〔絕句二首〕

0750 其一（五絕）

暎月江山麗、春風花草香。
泥融飛燕子、沙暖睡鴛鴦。

0751 其二（五絕）

江碧鳥逾白、山青花欲然。
今春看又過、何日是歸年。

〔0752_寄司馬山人十二韻〕（五排）

關內昔分袂、天邊今轉蓬。
驅馳不可說、談笑偶然同。
道術曾留意、先生早擊蒙。
家家迎蓊子、處處識壺公。
長嘯峨嵋北、潛行玉壘東。
有時騎猛虎、虛室使仙童。
髮少何勞白、顏衰肯更紅。
望雲悲轆轤、畢景羨沖融。
喪亂形仍役、淒涼信不通。
懸旌要路口、倚劍短亭中。

永作殊方客、殘生一老翁。
相哀骨可換、亦遣馭清風。

〔黃河二首〕

0753 其一（七絕）

黃河 北岸 海西軍、椎鼓 鳴鐘 天下聞。
鐵馬 長鳴 不知數、胡人 高鼻 動成羣。

0754 其二（七絕）

黃河 南岸 是吾蜀、欲須 供給 家無粟。
願驅 衆庶 戴君王、混一 車書 棄金玉。

〔0755_揚旗〕（五古）

江風 颯長夏、府中 有餘清。
我公 會賓客、肅肅 有異聲。
初筵 閱軍裝、羅列 照廣庭。
庭空 六馬入、駸駸 揚旗旌。
迴迴 偃飛蓋、熠熠 迸流星。
來衝 風颯急、去擘 山嶽傾。
材歸 俯身盡、妙取 略地平。
虹蜺 就掌握、舒卷 隨人輕。
三州 陷犬戎、但見 西嶺青。
公來 練猛士、欲奪 天邊城。
此堂 不易升、庸蜀 日已寧。
吾徒 且加餐、休適 蠻與荆。

〔絕句六首〕

0756 其一（五絕）

日出 籬東水、雲生 舍北泥。
竹高 鳴翡翠、沙僻 舞鸚鵡。

0757 其二（五絕）

藹藹 花蕊亂、飛飛 蜂蝶多。
幽棲 身懶動、客至 欲如何。

0758 其三（五絕）

鑿井 交機葉、開渠 斷竹根。
扁舟 輕裊纜、小徑 曲通村。

0759 其四（五絕）

急雨 捎溪足、斜暉 轉樹腰。
隔巢 黃鳥並、翻藻 白魚跳。

0760 其五（五絕）

舍下 筍穿壁、庭中 藤刺簷。
地晴 絲冉冉、江白 草纖纖。

0761 其六（五絕）

江動 月移石、溪虛 雲傍花。
鳥棲 知故道、帆過 宿誰家。

〔絕句四首〕

0762 其一（七絕）

堂西 長筍 別開門、塹北 行椒 卻背村。
梅熟 許同 朱老喫、松高 擬對 阮生論。

0763 其二（七絕）

欲作 魚梁 雲覆湍、因驚 四月 雨聲寒。
青溪 先有 蛟龍窟、竹石 如山 不敢安。

0764 其三（七絕）

兩箇 窗牖 鳴翠柳、一行 白鷺 上青天。
窗含 西嶺 千秋雪、門泊 東吳 萬里船。

0765 其四（七絕）

藥條 藥甲 潤青青、色過 櫻亭 入草亭。
苗滿 空山 慚取譽、根居 隙地 怯成形。

〔 0766_寄李十四員外布十二韻〕（五排）

名參 漢望苑、職述 景題輿。
巫峽 將之郡、荊門 好附書。
遠行 無自苦、內熱 比何如。
正是 炎天闊、那堪 野館疏。
黃牛 平駕浪、畫鷁 上凌虛。
試待 盤渦歇、方期 解纜初。
悶能 過小徑、自為 摘嘉蔬。
渚柳 元幽僻、村花 不掃除。
宿陰 繁素柰、過雨 亂紅蕖。
寂寂 夏先晚、泠泠 風有餘。
江清 心可瑩、竹冷 髮堪梳。
直作 移巾几、秋帆 發敝廬。

〔 0767_軍中醉歌寄沈八劉叟〔英華為暢當作〕〕（五律）

酒渴 愛江清、餘酣 漱晚汀。
軟沙 敲坐穩、冷石 醉眠醒。
野膳 隨行帳、華音 發從伶。
數杯 君不見、都已 遣沈冥。

〔 0768_丹青引〔贈曹將軍霸〕〕（七古）

將軍 魏武 之子孫、於今 為庶 為清門。
英雄 割據 雖已矣、文采 風流 今尚存。
學書 初學 衛夫人、但恨 無過 王右軍。
丹青 不知 老將至、富貴 於我 如浮雲。
開元 之中 常引見、承恩 數上 南薰殿。
凌煙 功臣 少顏色、將軍 下筆 開生面。
良相 頭上 進賢冠、猛將 腰間 大羽箭。
褒公 鄂公 毛髮動、英姿 颯爽 猶酣戰。
先帝 御馬 玉花驄、畫工 如山 貌不同。
是日 牽來 赤墀下、迴立 閭闔 生長風。

詔謂將軍拂絹素、意匠慘澹經營中。
須臾九重真龍出、一洗萬古凡馬空。
玉花卻在御榻上、榻上庭前屹相向。
至尊含笑催賜金、圉人太僕皆惆悵。
弟子韓幹早入室、亦能畫馬窮殊相。
幹惟畫肉不畫骨、忍使驂驪氣凋喪。
將軍畫善蓋有神、偶逢佳士亦寫真。
即今漂泊干戈際、屢貌尋常行路人。
途窮反遭俗眼白、世上未有如公貧。
但看古來盛名下、終日坎壈纏其身。

〔0769_韋諷錄事宅觀曹將軍畫馬圖歌[畫馬圖][畫馬圖行]〕（七古）

國初已來畫鞍馬、神妙獨數江都王。
將軍得名三十載、人間又見真乘黃。
曾貌先帝照夜白、龍池十日飛霹靂。
內府殷紅瑪瑙盤、婕妤傳詔才人索。
盤賜將軍拜舞歸、輕紈細綺相追飛。
貴戚權門得筆跡、始覺屏障生光輝。
昔日太宗泉毛騮、近時郭家獅子花。
今之新圖有二馬、復令識者久嘆嗟。
此皆戰騎一敵萬、縞素漠漠開風沙。
其餘七匹亦殊絕、迴若寒空雜霞雪。
霜蹄蹴踏長楸間、馬官廐養森成列。
可憐九馬爭神駿、顧視清高氣深穩。
借問苦心愛者誰、後有韋諷前支遁。
憶昔巡幸新豐宮、翠華拂天來向東。
騰驤磊落三萬匹、皆與此圖筋骨同。
自從獻寶朝河宗、無復射蛟江水中。
君不見金粟堆前松柏裏、龍媒去盡鳥呼風。

〔0770_送韋諷上閬州錄事參軍〕（五古）

國步猶艱難、兵革未衰息。
萬方哀嗷嗷、十載供軍食。
庶官務割剝、不暇憂反側。
誅求何多門、賢者貴為德。
韋生富春秋、洞澈有清識。
操持綱紀地、喜見朱絲直。
當今豪奪吏、自此無顏色。
必若救瘡痍、先應去蠹賊。
揮淚臨大江、高天意悽惻。
行行樹佳政、慰我深相憶。

〔0771_太子張舍人遺織成褥段〕（五古）

客從西北來、遺我翠織成。
開絨風濤湧、中有掉尾鯨。

逶迤 羅水族、瑣細 不足名。
客云 充君褥、承君 終宴榮。
空堂 魍魎走、高枕 形神清。
領客 珍重意、顧我 非公卿。
留之 懼不祥、施之 混柴荆。
服飾 定尊卑、大哉 萬古程。
今我 一賤老、短褐 更無營。
煌煌 珠宮物、寢處 禍所嬰。
嘆息 當父子、干戈 尚縱橫。
掌握 有權柄、衣馬 自肥輕。
李鼎 死岐陽、實以 驕貴盈。
來瑱 賜自盡、氣豪 直阻兵。
皆聞 黃金多、坐見 悔吝生。
奈何 田舍翁、受此 厚貺情。
錦鯨 卷還客、始覺 心和平。
振我 粗席塵、愧客 茹藜羹。

〔憶昔二首〕

0772 其一（七古）

憶昔 先皇 巡朔方、千乘 萬騎 入咸陽。
陰山 驕子 汗血馬、長驅 東胡 胡走藏。
鄴城 反覆 不足怪、關中 小兒 壞紀綱。
張后 不樂 上為忙、至今 今上 猶撥亂、勞心 焦思 補四方。
我昔 近侍 叨奉引、出兵 整肅 不可當。
為留 猛士 守未央、致使 岐雍 防西羌。
犬戎 直來 坐御床、百官 跣足 隨天王。
願見 北地 傅介子、老儒 不用 尚書郎。

0773 其二（七古）

憶昔 開元 全盛日、小邑 猶藏 萬家室。
稻米 流脂 粟米白、公私 倉廩 俱豐實。
九州 道路 無豺虎、遠行 不勞 吉日出。
齊紈 魯縞 車班班、男耕 女織 不相失。
宮中 聖人 奏雲門、天下 朋友 皆膠漆。
百餘 年間 未災變、叔孫 禮樂 蕭何律。
豈聞 一絹 直萬錢、有田 種穀 今流血。
洛陽 宮殿 燒焚盡、宗廟 新除 狐兔穴。
傷心 不忍 問耆舊、復恐 初從 亂離說。
小臣 魯鈍 無所能、朝廷 記識 蒙祿秩。
周宣 中興 望我皇、灑淚 江漢 身衰疾。

〔0774_寄董卿嘉榮十韻〕（五排）

聞道 君牙帳、防秋 近赤霄。
下臨 千仞雪、卻背 五繩橋。
海內 久戎服、京師 今晏朝。
犬羊 曾爛漫、宮闕 尚蕭條。

猛將 宜嘗膽、龍泉 必在腰。
黃圖 遭污辱、月窟 可焚燒。
會取 干戈利、無令 斥候驕。
居然 雙補虜、自是 一嫖姚。
落日 思輕騎、高天 憶射鵰。
雲臺 畫形像、皆為 掃氛妖。

『0775_立秋雨院中有作』（五排）

山雲 行絕塞、大火 復西流。
飛雨 動華屋、蕭蕭 梁棟秋。
窮途 愧知己、暮齒 藉前籌。
已費 清晨謁、那成 長者謀。
解衣 開北戶、高枕 對南樓。
樹濕 風涼進、江喧 水氣浮。
禮寬 心有適、節爽 病微瘳。
主將 歸調鼎、吾還 訪舊丘。

『0776_奉和嚴鄭公軍城早秋』（七絕）

秋風 嫋嫋 動高旌、玉帳 分弓 射虜營。
已收 滴博 雲間戍、欲奪 蓬婆 雪外城。

『0777_院中晚晴懷西郭茅舍』（七律）

幕府 秋風 日夜清、澹雲 疏雨 過高城。
葉心 朱實 看時落、階面 青苔 老更生。
復有 樓臺 銜暮景、不勞 鐘鼓 報新晴。
浣花 溪裏 花饒笑、肯信 吾兼 吏隱名。

『0778_宿府』（七律）

清秋 幕府 井梧寒、獨宿 江城 蠟炬殘。
永夜 角聲 悲自語、中天 月色 好誰看。
風塵 往冉 音書絕、關塞 蕭條 行路難。
已忍 伶俚 十年事、強移 棲息 一枝安。

『0779_到村』（五排）

碧澗 雖多雨、秋沙 先少泥。
蛟龍 引子過、荷芰 逐花低。
老去 參戎幕、歸來 散馬蹄。
稻梁 須就列、榛草 即相迷。
蓄積 思江漢、疏頑 惑町畦。
暫酬 知己分、還入 故林棲。

『0780_村雨』（五律）

雨聲 傳兩夜、寒事 颯高秋。
攬帶 看朱紱、開箱 覩黑裘。
世情 只益睡、盜賊 敢忘憂。

松菊 新霑洗、茅齋 慰遠遊。

〔 0781_獨坐 〕（五律）

悲秋 迴百首、倚杖 背孤城。
江斂 洲渚出、天虛 風物清。
滄溟 恨衰謝、朱紱 負平生。
仰羨 黃昏鳥、投林 羽翮輕。

〔 0782_倦夜 〕（五律）

竹涼 侵臥內、野月 滿庭隅。
重露 成涓滴、稀星 乍有無。
暗飛 螢自照、水宿 鳥相呼。
萬事 干戈裏、空悲 清夜徂。

〔 0783_陪鄭公秋晚北池臨眺 〕（五排）

北池 雲水闊、華館 闌秋風。
獨鶴 元依渚、衰荷 且映空。
采菱 寒刺上、踏藕 野泥中。
素楫 分曹往、金盤 小徑通。
萋萋 露草碧、片片 晚旗紅。
杯酒 霑津吏、衣裳 與釣翁。
異方 初艷菊、故里 亦高桐。
搖落 關山思、淹留 戰伐功。
嚴城 殊未掩、清晏 已知終。
何補 參軍乏、歡娛 到薄躬。

〔 0784_遣悶奉呈嚴公二十韻〔嚴鄭公〕 〕（五排）

白水 魚竿客、清秋 鶴髮翁。
胡為 來幕下、祇合 在舟中。
黃卷 真如律、青袍 也自公。
老妻 幽坐痺、幼女 問頭風。
平地 專敲倒、分曹 失異同。
禮甘 衰力就、義忝 上官通。
疇昔 論詩早、光輝 仗鉞雄。
寬容 存性拙、剪拂 念途窮。
露裊 思藤架、煙霏 想桂叢。
信然 龜觸網、直作 鳥窺籠。
西嶺 紆村北、南江 繞舍東。
竹皮 寒舊翠、椒實 雨新紅。
浪簸 船應坼、杯乾 甕即空。
藩籬 生野徑、斤斧 任樵童。
束縛 酬知己、蹉跎 效小忠。
周防 期稍稍、太簡 遂忽忽。
曉入 朱扉啓、昏歸 畫角終。
不成 尋別業、未敢 息微躬。

烏鵲愁銀漢、驚駘怕錦幃。
會希全物色、時放倚梧桐。

〔送舍弟穎赴齊州三首〕

0785 其一（五律）

岷嶺南蠻北、徐關東海西。
此行何日到、送汝萬行啼。
絕域惟高枕、清風獨杖藜。
時危暫相見、衰白意都迷。

0786 其二（五律）

風塵暗不開、汝去幾時來。
兄弟分離苦、形容老病催。
江通一柱觀、日落望鄉臺。
客意長東北、齊州安在哉。

0787 其三（五律）

諸姑今海畔、兩弟亦山東。
去傍干戈覓、來看道路通。
短衣防戰地、匹馬逐秋風。
莫作俱流落、長瞻碣石鴻。

〔0788_嚴鄭公階下新松〔得霑字〕〕（五律）

弱質豈自負、移根方爾瞻。
細聲侵玉帳、疏翠近珠簾。
未見紫煙集、虛蒙清露霑。
何當一百丈、欂櫨擁高簷。

〔0789_嚴鄭公宅同詠竹〔得香字〕〕（五律）

綠竹半含籜、新梢纔出牆。
色侵書帙晚、陰過酒樽涼。
雨洗娟娟淨、風吹細細香。
但令無剪伐、會見拂雲長。

〔0790_晚秋、陪嚴鄭公、摩訶池泛舟〔得溪字〕〕（五律）

湍駛風醒酒、船回霧起隄。
高城秋自落、雜樹晚相迷。
坐觸鵝鶩起、巢傾翡翠低。
莫須驚白鷺、爲伴宿青溪。

〔0791_奉觀嚴鄭公廳事岷山沱江畫圖十韻〔得忘字〕〕（五排）

沱水臨中座、岷山到北堂。
白波吹粉壁、青嶂插雕梁。
直訝松杉冷、兼疑菱荇香。
雪雲虛點綴、沙草得微茫。
嶺雁隨毫末、川蜺飲練光。
霏紅洲蕊亂、拂黛石蘿長。

谷暗 非關雨、楓丹 不為霜。
秋城 玄圃外、景物 洞庭旁。
繪事 功殊絕、幽襟 興激昂。
從來 謝太傅、丘壑 道難忘。

〔過故斛斯校書莊二首〕

0792 其一（五律）

此老 已云歿、鄰人 嗟未休。
竟無 宣室召、徒有 茂陵求。
妻子 寄他食、園林 非昔遊。
空餘 總帳在、淅淅 野風秋。

0793 其二（五律）

燕入 非傍舍、鷗歸 祇故池。
斷橋 無復板、臥柳 自生枝。
遂有 山陽作、多慚 鮑叔知。
素交 零落盡、白首 淚雙垂。

〔0794_懷舊〕（五律）

地下 蘇司業、情親 獨有君。
那因 喪亂後、便有 死生分。
老罷 知明鏡、歸來 望白雲。
自從 失辭伯、不復 更論文。

〔0795_哭台州鄭司戶蘇少監〕（五排）

故舊 誰憐我、平生 鄭與蘇。
存亡 不重見、喪亂 獨前途。
豪俊 何人在、文章 掃地無。
羈遊 萬里闊、凶問 一年俱。
白首 中原上、清秋 大海隅。
夜臺 當北斗、泉路 窅東吳。
得罪 台州去、時危 棄碩儒。
移官 蓬閣後、穀貴 歿潛夫。
流慟 嗟何及、銜冤 有是夫。
道消 詩發興、心息 酒為徒。
許與 才雖薄、追隨 跡未拘。
班揚 名甚盛、嵇阮 逸相須。
會取 君臣合、寧詮 品命殊。
賢良 不必展、廊廟 偶然趨。
勝決 風塵際、功安 造化爐。
從容 詢舊學、慘澹 閱陰符。
擺落 嫌疑久、哀傷 志力輸。
俗依 綿谷異、客對 雪山孤。
童稚 思諸子、交朋 列友于。
情乖 清酒送、望絕 撫墳呼。
瘡病 餐巴水、瘡痍 老蜀都。

飄零 迷哭處、天地 日榛蕪。

『0796_別唐十五誠因寄禮部賈侍郎』（五古）

九載 一**相見**、**百年** 能幾何。
復為 萬里別、送子 山之阿。
白鶴 久同林、**潛魚** 本同河。
未知 棲集期、衰老 強高歌。
歌罷 兩悽惻、六龍 忽蹉跎。
相視 髮皓白、況難 駐羲和。
胡星 墜燕地、漢將 仍橫戈。
蕭條 **四海**內、人少 **豺狼**多。
少人 慎莫投、多虎 信所過。
飢有 易子食、獸猶 畏虞羅。
子負 經濟才、天門 鬱嵯峨。
飄飄 適東周、來往 若崩波。
南宮 吾故人、白馬 金盤陀。
雄筆 映千古、見賢 心靡他。
念子 善師事、歲寒 守舊柯。
為我 謝賈公、病肺 臥江沱。

『0797_初冬』（五律）

垂老 戒衣窄、歸休 寒色深。
漁舟 上急水、獵火 著**高林**。
日有 **習池**醉、**愁來** **梁父**吟。
干戈 未偃息、**出處** 遂何心。

『觀李固請司馬弟山水圖三首[司馬題]』

0798 其一（五律）

簡易 高人意、匡床 竹火爐。
寒天 留**遠客**、**碧海** 掛新圖。
雖對 **連山**好、**貪看** **絕島**孤。
羣仙 不愁思、冉冉 下蓬壺。

0799 其二（五律）

方丈 渾連水、天台 總映雲。
人間 長見畫、**老去** 恨**空聞**。
范蠡 舟偏小、**王喬** 鶴不羣。
此生 隨萬物、**何處** 出塵氛。

0800 其三（五律）

高浪 垂翻屋、崩崖 欲壓床。
野橋 分子細、**沙岸** 繞**微茫**。
紅浸 **珊瑚**短、青懸 薜荔長。
浮查 並坐得、仙老 暫相將。

『0801_至後』（七律）

冬至 至後 日初長、遠在 劍南 思洛陽。

青袍 白馬 有何意、金谷 銅駝 非故鄉。
梅花 欲開 不自覺、棣萼 一別 永相望。
愁極 本憑 詩遣興、詩成 吟詠 轉淒涼。

〔0802_寄賀蘭銛〕（五律）

朝野 歡娛 後、乾坤 震蕩中。
相隨 萬里 日、總作 白頭翁。
歲晚 仍分袂、江邊 更轉蓬。
勿云 俱異域、飲啄 幾回同。

〔0803_送王侍御往東川、放生池、祖席〕（五律）

東川 詩友合、此贈 怯輕為。
況復 傳宗匠、空然 惜別離。
梅花 交近野、草色 向平池。
儻憶 江邊臥、歸期 願早知。

〔0804_正月三日、歸溪上、有作、簡院內諸公〕（五律）

野外 堂依竹、籬邊 水向城。
蟻浮 仍臘味、鷗泛 已春聲。
藥許 鄰人斲、書從 稚子擎。
白頭 趨幕府、深覺 負平生。

〔0805_敝廬遣興奉寄嚴公〕（五排）

野水 平橋路、春沙 映竹村。
風輕 粉蝶喜、花暖 蜜蜂喧。
把酒 宜深酌、題詩 好細論。
府中 瞻暇日、江上 憶詞源。
跡忝 朝廷舊、情依 節制尊。
還思 長者轍、恐避 席為門。

〔0806_營屋〕（五古）

我有 陰江竹、能令 朱夏寒。
陰通 積水內、高入 浮雲端。
甚疑 鬼物憑、不顧 剪伐殘。
東偏 若面勢、戶牖 永可安。
愛惜 已六載、茲晨 去千竿。
蕭蕭 見白日、洶洶 開奔湍。
度堂 匪華麗、養拙 異考槃。
草茅 雖薙葺、衰疾 方少寬。
洗然 順所適、此足 代加餐。
寂無 斤斧響、庶遂 憩息歡。

〔0807_除草〕（五古）

草有 害於人、曾何 生阻修。
其毒 甚蜂蠆、其多 彌道周。

清晨 步前林、江色 未散憂。
芒刺 在我眼、焉能 待高秋。
霜露 一霑凝、蕙葉 亦難留。
荷鋤 先童稚、日入 仍討求。
轉致 水中央、豈無 雙釣舟。
頑根 易滋蔓、敢使 依舊丘。
自茲 藩籬曠、更覺 松竹幽。
芟夷 不可闕、疾惡 信如讎。

『春日江村五首』

0808 其一(五律)

農務 村村急、春流 岸岸深。
乾坤 萬里眼、時序 百年心。
茅屋 還堪賦、桃源 自可尋。
艱難 味生理、飄泊 到如今。

0809 其二(五律)

迢遞 來三蜀、蹉跎 有六年。
客身 逢故舊、發興 自林泉。
過懶 從衣結、頻遊 任履穿。
藩籬 頗無限、恣意 向江天。

0810 其三(五律)

種竹 交加翠、栽桃 爛熳紅。
經心 石鏡月、到面 雪山風。
赤管 隨王命、銀章 付老翁。
豈知 牙齒落、名玷 薦賢中。

0811 其四(五律)

扶病 垂朱紱、歸休 步紫苔。
郊扉 存晚計、幕府 愧羣材。
燕外 晴絲卷、鷗邊 水葉開。
鄰家 送魚蟹、問我 數能來。

0812 其五(五律)

羣盜 哀王粲、中年 召賈生。
登樓 初有作、前席 竟為榮。
宅入 先賢傳、才高 處士名。
例時 懷二子、春日 復含情。

『0813_長吟』(五律)

江渚 翻鷗戲、官橋 帶柳陰。
花飛 競渡日、草見 踏青心。
已撥 形骸曩、真為 爛漫深。
賦詩 新句穩、不覺 自長吟。

『0814_春遠』(五律)

肅肅 花絮晚、菲菲 紅素輕。
日長 惟鳥雀、春遠 獨柴荆。

數有 **亂中**、**何曾** **劍外** 清。
故鄉 歸不得、地入 亞夫營。

〔絕句三首〕

0815 其一（五絕）

聞道 巴山裏、春船 正好行。
都將 **百年**興、**一望** **九江**城。

0816 其二（五絕）

水檻 溫江口、**茅堂** **石筍**西。
移船 **先主**廟、洗藥 浣花溪。

0817 其三（五絕）

謾道 春來好、狂風 太放顛。
吹花 隨水去、翻卻 釣魚船。

〔三韻三篇〕

0818 其一（五古）

高馬 勿捶面、**長魚** 無損鱗。
辱馬 馬毛焦、困魚 魚**有神**。
君看 磊落士、不肯 易其身。

0819 其二（五古）

蕩蕩 萬斛船、影若 揚白虹。
起櫓 必椎牛、**掛席** 集衆功。
自非 **風動**天、莫置 **大水**中。

0820 其三（五古）

烈士 惡多門、**小人** 自**同調**。
名利 苟可取、殺身 傍權要。
何當 官曹清、爾輩 堪一笑。

〔0821_天邊行〕（七古）

天邊 老人 歸未得、日暮 東臨 大江哭。
隴右 河源 不種田、胡騎 羌兵 入巴蜀。
洪濤 滔天 風拔木、前飛 禿鶯 後鴻鵠。
九度 **附書** 向**洛陽**、**十年** **骨肉** 無**消息**。

〔0822_莫相疑行〕（七古）

男兒：

生無 所成 頭皓白、牙齒 欲落 真可惜。
憶獻 **三賦** **蓬萊**宮、自怪 **一日** 聲烜赫。
集賢 學士 如堵牆、觀我 落筆 中書堂。
往時 **文采** 動人主、**此日** **飢寒** 趨路旁。
晚將 末契 託年少、當面 輸心 背面笑。
寄謝 悠悠 世上兒、不爭 好惡 莫相疑。

〔0823_赤霄行〕（七古）

孔雀 未知 牛有角、渴飲 寒泉 逢觝觸。

赤霄 玄圃 須往來、翠尾 金花 不辭辱。
江中 淘河 嚇飛燕、銜泥 卻落 羞華屋。
皇孫 猶曾 蓮勺困、衛莊 見貶 傷其足。
老翁 慎莫 怪少年、葛亮 貴和 書有篇。
丈夫 垂名 動萬年、記憶 細故 非高賢。

〔0824_聞高常侍亡〕（五律）

歸朝 不相見、蜀使 忽傳亡。
虛歷 金華省、何殊 地下郎。
致君 丹檻折、哭友 白雲長。
獨步 詩名在、祇令 故舊傷。

〔0825_去蜀〕（五律）

五載 客蜀郡、一年 居梓州。
如何 關塞阻、轉作 瀟湘遊。
萬事 已黃髮、殘生 隨白鷗。
安危 大臣在、不必 淚長流。

〔0826_喜雨〕（七律）

南國 旱無雨、今朝 江出雲。
入空 纔漠漠、灑迥 已紛紛。
巢燕 高飛盡、林花 潤色分。
晚來 聲不絕、應得 夜深聞。

〔0827_宿青溪驛奉懷張員外十五兄之緒〕（五古）

漾舟 千山內、日入 泊枉渚。
我生 本飄飄、今復 在何許。
石根 青楓林、猿鳥 聚儔侶。
月明 遊子靜、畏虎 不得語。
中夜 懷友朋、乾坤 此深阻。
浩蕩 前後間、佳期 付荊楚。

〔0828_狂歌行贈四兄〕（七古）

與兄 行年 校一歲、賢者 是兄 愚者弟。
兄將 富貴 等浮雲、弟竊 功名 好權勢。
長安 秋雨 十日泥、我曹 韉馬 聽晨雞。
公卿 朱門 未開鎖、我曹 已到 肩相齊。
吾兄 睡穩 方舒膝、不襪 不巾 踏曉日。
男啼 女哭 莫我知、身上 須繪 腹中實。
今年 思我 來嘉州、嘉州 酒重 花繞樓。
樓頭 喫酒 樓下臥、長歌 短詠 迭相酬。
四時 八節 還拘禮、女拜 弟妻 男拜弟。
幅巾 顰帶 不掛身、頭脂 足垢 何曾洗。
吾兄 吾兄 巢許倫、一生 喜怒 長任真。
日斜 枕肘 寢已熟、愁啾 啾唧唧 為何人。

『0829_宴戎州楊使君東樓』（五律）

勝絕 驚身老、情忘 **發興** 奇。
座從 歌妓密、樂任 **主人** 為。
重碧 拈**春酒**、輕紅 擘荔枝。
樓高 欲愁思、橫笛 未休吹。

『0830_渝州侯嚴六侍御、不到、先下峽』（五律）

聞道 乘驄發、沙邊 待至今。
不知 **雲雨** 散、虛費 **短長** 吟。
山帶 **烏鵲** 闊、江連 **白帝** 深。
船經 一柱觀、留眼 共登臨。

『0831_撥悶』（七律）

聞道 雲安 麴米春、纔傾 一盞 即醺人。
乘舟 **取醉** 非難事、下峽 銷愁 定幾巡。
長年 三老 **遙憐** 汝、**捩舵** 開頭 捷有神。
已辦 青錢 防雇直、當令 美味 入吾脣。

『0832_宴忠州使君姪宅』（五律）

出守 吾家姪、殊方 此日歡。
自須 遊阮舍、**不是** 怕湖灘。
樂助 **長歌** 逸、杯饒 旅思寬。
昔曾 如意舞、牽率 強為看。

『0833_禹廟』（五律）

禹廟 空山裏、秋風 落日斜。
荒庭 垂**橘柚**、古屋 畫**龍蛇**。
雲氣 噓青壁、江聲 走**白沙**。
早知 乘四載、**疏鑿** 控三巴。

『0834_題忠州龍興寺所居院壁』（五律）

忠州 三峽內、井邑 聚雲根。
小市 常**爭米**、**孤城** 早**閉門**。
空看 **過客** 淚、莫覓 **主人** 恩。
淹泊 仍愁虎、深居 賴獨園。

『0835_哭嚴僕射歸櫬』（五律）

素幔 隨**流水**、**歸舟** 返**舊京**。
老親 如**宿昔**、**部曲** 異**平生**。
風送 **蛟龍** 匣、天長 **驃騎** 營。
一哀 三峽暮、遺後 見君情。

『0836_旅夜書懷』（五律）

細草 **微風** 岸、危檣 獨夜舟。

星垂 平野闊、月湧 大江流。
名豈 文章著、官應 老病休。
飄飄 何所似、天地 一沙鷗。

『0837_放船』（五律）

收帆 下急水、卷幔 逐回灘。
江市 戎戎暗、山雲 淦淦寒。
荒林 無徑入、獨鳥 怪人看。
已泊 城樓底、何曾 夜色闌。

『0838_雲安九日鄭十八攜酒陪諸公宴』（五律）

寒花 開已盡、菊蕊 獨盈枝。
舊摘 人頻異、輕香 酒暫隨。
地偏 初衣袂、山擁 更登危。
萬國 皆戎馬、酣歌 淚欲垂。

『0839_答鄭十七郎、一絕』（五絕）

雨後 過畦潤、花殘 步履遲。
把文 驚小陸、好客 見當時。

『0840_別常徵君』（五律）

兒扶 猶杖策、臥病 一秋強。
白髮 少新洗、寒衣 寬總長。
故人 憂見及、此別 淚相望。
各逐 萍流轉、來書 細作行。

『長江二首』

0841 其一（五律）

衆水 會涪萬、瞿塘 爭一門。
朝宗 人共挹、盜賊 爾誰尊。
孤石 隱如馬、高蘿 垂飲猿。
歸心 異波浪、何事 即飛翻。

0842 其二（五律）

浩浩 終不息、乃知 東極臨。
衆流 歸海意、萬國 奉君心。
色借 瀟湘闊、聲驅 滙潏沈。
未辭 添霧雨、接上 過衣襟。

『承聞故房相公靈輓、自閬州啓殯、歸葬東都、有作、二首』

0843 其一（五律）

遺聞 房太尉、歸葬 陸渾山。
一德 禪王後、孤魂 久客間。
孔明 多故事、安石 竟崇班。
他日 嘉陵淚、仍霑 楚水還。

0844 其二（五律）

丹旌 飛飛日、初傳 發閬州。
風塵 終不解、江漢 忽同流。
劍動 親身匣、書歸 故國樓。
盡哀 知有處、為客 恐長休。

〔將曉二首〕

0845 其一(五律)

石城 除擊柝、鐵鎖 欲開關。
殘角 愁荒塞、星河 落曙山。
巴人 常小梗、蜀使 動無還。
垂老 孤帆色、飄飄 犯百蠻。

0846 其二(五律)

軍吏 迴官燭、舟人 自楚歌。
寒沙 縈薄霧、落月 去清波。
壯惜 身名晚、衰慚 應接多。
歸朝 日簪笏、筋力 定如何。

〔懷錦水居止二首〕

0847 其一(五律)

軍旅 西征僻、風塵 戰伐多。
猶聞 蜀父老、不忘 舜謳歌。
天險 終難立、柴門 豈重過。
朝朝 巫峽水、遠逗 錦江波。

0848 其二(五律)

驛里 橋西宅、百花 潭北莊。
層軒 皆面水、老樹 飽經霜。
雪嶺 界天白、錦城 曛日黃。
惜哉 形勝地、回首 一茫茫。

〔0849_青絲〕 (七古)

青絲 白馬 誰家子、粗豪 且逐 風塵起。
不聞 漢主 放妃嬪、近靜 潼關 掃蜂蟻。
殿前 兵馬 破汝時、十月 即為 蠶粉期。
不如 面縛 歸金闕、萬一 皇恩 下玉墀。

〔三絕句〕

0850 其一(七古)

前年 渝州 殺刺史、今年 開州 殺刺史。
羣盜 相隨 劇虎狼、食人 更肯 留妻子。

0851 其二(七古)

二十 一家 同入蜀、惟殘 一人 出駱谷。
自說 二女 嚙臂時、迴頭 卻向 秦雲哭。

0852 其三(七絕)

殿前 兵馬 雖驍雄、縱暴 略與 羌渾同。
聞道 殺人 漢水上、婦女 多在 官軍中。

『0853_遣憤』（五律）

聞道 花門將、論功 未盡歸。
自從 收帝里、誰復 總戎機。
蜂蠆 終懷毒、雷霆 可震威。
莫令 鞭血地、再濕 漢臣衣。

『十二月一日三首』

0854 其一（七律）

今朝 臘月 春意動、雲安 縣前 江可憐。
一聲 何處 送書雁、百丈 誰家 上瀨船。
未將 梅蕊 驚愁眼、要取 椒花 媚遠天。
明光 起草 人所羨、肺病 幾時 朝日邊。

0855 其二（七律）

寒輕 市上 山煙碧、日滿 樓前 江霧黃。
負鹽 出井 此溪女、打鼓 發船 何處郎。
新亭 舉目 風景切、茂陵 著書 消渴長。
春花 不愁 不爛熳、楚客 惟聽 棹相將。

0856 其三（七律）

即看 燕子 入山扉、豈有 黃鸝 歷翠微。
短短 桃花 臨水岸、輕輕 柳絮 點人衣。
春來 準擬 開懷久、老去 親知 見面稀。
他日 一杯 難強進、重嗟 筋力 故山違。

『0857_又雪』（五律）

南雪 不到地、青崖 霑未消。
暮雪 向日薄、脈脈 去人遙。
冬熱 鴛鴦病、峽深 豺虎驕。
愁邊 有江水、焉得 北之朝。

『0858_雨』（五律）

冥冥 甲子雨、已度 立春時。
輕箬 煩相向、纖絺 恐自疑。
煙添 纔有色、風引 更如絲。
直覺 巫山暮、兼催 宋玉悲。

『0859_南楚』（五律）

南楚 青春異、暄寒 早早分。
無名 江上草、隨意 嶺頭雲。
正月 蜂相見、非時 鳥共聞。
杖藜 妨躍馬、不是 故離羣。

『0860_水閣朝霽奉簡雲安嚴明府[嚴雲安]』（五古）

東城 抱春岑、江閣 鄰石面。
崔嵬 晨雲白、朝旭 射芳甸。

雨檻 臥花叢、風林 展書卷。
鉤簾 宿鷺起、丸藥 流鶯囀。
呼婢 取酒壺、續兒 誦文選。
晚交 嚴明府、矧此 數相見。

『0861_杜鵑』（五古）

西川 有杜鵑、東川 無杜鵑。
涪萬 無杜鵑、雲安 有杜鵑。
我昔 遊錦城、結廬 錦水邊。
有竹 一頃餘、喬木 上參天。
杜鵑 暮春至、哀哀 叫其間。
我見 常再拜、重是 古帝魂。
生子 百鳥巢、百鳥 不敢嗔。
仍為 餒其子、禮若 奉至尊。
鴻雁 及羔羊、有禮 太古前。
行飛 與跪乳、識序 如知恩。
聖賢 古法則、付與 後世傳。
君看 禽鳥情、猶解 事杜鵑。
今忽 暮春間、值我 病經年。
身病 不能拜、淚下 如迸泉。

『0862_子規』（五律）

峽裏 雲安縣、江樓 翼瓦齊。
兩邊 山木合、終日 子規啼。
眇眇 春風見、蕭蕭 夜色淒。
客愁 那聽此、故作 傍人低。

『0863_客居』（五古）

客居 所居堂、前江 後山根。
下塹 萬尋岸、蒼濤 鬱飛翻。
蔥青 衆木梢、邪豎 雜石痕。
子規 晝夜啼、壯士 斂精魂。
峽開 四千里、水合 數百源。
人虎 相半居、相傷 終兩存。
蜀麻 久不來、吳鹽 擁荊門。
西南 失大將、商旅 自星奔。
今又 降元戎、已聞 動行軒。
舟子 候利涉、亦憑 節制尊。
我在 路中央、生理 不得論。
臥愁 病脚廢、徐步 視小園。
短畦 帶碧草、悵望 思王孫。
鳳隨 其風去、籬雀 暮喧繁。
覽物 想故國、十年 別荒村。
日暮 歸幾翼、北林 空自昏。
安得 覆八溟、為君 洗乾坤。

稷契 易為力、**犬戎** 何足吞。
儒生 老無成、臣子 憂四藩。
篋中 有舊筆、情至 時復援。

『0864_石硯』（五古）

平公 今詩伯、秀發 吾所羨。
奉使 三峽中、長嘯 得石硯。
巨璞 禹鑿餘、異狀 君獨見。
其滑 乃**波濤**、其光 或**雷電**。
聯坳 各盡墨、多水 遞隱見。
揮灑 容數人、十手 可對面。
比公 頭上冠、貞質 未為賤。
當公 賦佳句、況得 終清宴。
公含 起草姿、不遠 明光殿。
致于 丹青地、知汝 隨顧盼。

『0865_贈鄭十八賁』（五古）

溫溫 士君子、令我 懷抱盡。
靈芝 冠衆芳、安得 闕親近。
遭亂 意**不歸**、**竄身** 跡非隱。
細人 尚姑息、吾子 色愈謹。
高懷 見物理、識者 安肯哂。
卑飛 欲何待、捷徑 應未忍。
示我 百篇文、詩家 一標準。
羈離 交**屈宋**、**牢落** 值顏閔。
水陸 迷畏途、**藥餌** 駐修軫。
古人 日已遠、青史 字**不泯**。
步趾 詠**唐虞**、**追隨** 飯葵堇。
數杯 資好事、異味 煩縣尹。
心雖 在朝謁、力與 願矛盾。
抱病 排金門、衰容 豈為敏。

『0866_別蔡十四著作』（五古）

賈生 慟哭後、寥落 無其人。
安知 蔡夫子、高義 邁等倫。
獻書 謁皇帝、志已 清風塵。
流涕 灑丹極、萬乘 為酸辛。
天地 則**瘡痍**、**朝廷** 多**正臣**。
異才 復**間出**、周道 日惟新。
使蜀 見知己、別顏 始一伸。
主人 薨城府、扶輿 歸咸秦。
巴道 此相逢、會我 病江濱。
憶念 鳳翔都、聚散 俄十春。
我衰 不足道、但願 子意陳。
稍令 **社稷**安、自契 魚水親。

我雖 消渴甚、敢忘 帝力勤。
尚思 未朽骨、復睹 耕桑民。
積水 駕三峽、浮龍 倚長津。
揚舩 洪濤間、仗子 濟物身。
鞍馬 下秦塞、王城 通北辰。
玄甲 聚不散、兵久 食恐貧。
窮谷 無粟帛、使者 來相因。
若馮 南轅吏、書札 到天垠。

〔 0867_寄常徵君〕（七律）

白水 青山 空復春、徵君 晚節 傍風塵。
楚妃 堂上 色殊衆、海鶴 階前 鳴向人。
萬事 糾紛 猶絕粒、一官 羈絆 實藏身。
開州 入夏 知涼冷、不似 雲安 毒熱新。

〔 0868_寄岑嘉州〕（七排）

不見 故人 十年餘、不道 故人 無素書。
願逢 顏色 關塞遠、豈意 出守 江城居。
外江 三峽 且相接、斗酒 新詩 終自疏。
謝朓 每篇 堪諷誦、馮唐 已老 聽吹噓。
泊船 秋夜 經春草、伏枕 青楓 限玉除。
眼前 所寄 選何物、贈子 雲安 雙鯉魚。

〔 0869_移居夔州作〕（五律）

伏枕 雲安縣、遷居 白帝城。
春知 催柳別、江與 放船清。
農事 聞人說、山光 見鳥情。
禹功 饒斷石、且就 土微平。

〔 0870_船下夔州郭宿雨濕不得上岸別王十二判官〕（五律）

依沙 宿舸船、石瀨 月娟娟。
風起 春燈亂、江鳴 夜雨懸。
晨鐘 雲岸濕、勝地 石堂煙。
柔艣 輕鷗外、含悽 覺汝賢。

〔 0871_漫成一首〕（七絕）

江月 去人 只數尺、風燈 照夜 欲三更。
沙頭 宿鷺 聯拳靜、船尾 跳魚 撥刺鳴。

〔 0872_客堂〕（五古）

憶昨 離少城、而今 異楚蜀。
捨舟 復深山、窅窕 一林麓。
棲泊 雲安縣、消中 內相毒。
舊疾 甘載來、衰年 得無足。
死為 殊方鬼、頭白 免短促。

老馬 終望雲、南雁 意在北。
別家 長兒女、欲起 慚筋力。
客堂 序節改、具物 對羈束。
石暄 蕨芽紫、渚秀 蘆筍綠。
巴鶯 紛未稀、微麥 早向熟。
悠悠 日動江、漠漠 春辭木。
臺郎 選才俊、自顧 亦已極。
前輩 聲名人、埋沒 何所得。
居然 縮章紱、受性 本幽獨。
平生 憩息地、必種 數竿竹。
事業 只濁醪、營葺 但草屋。
上公 有記者、纍奏 資薄祿。
主憂 豈濟時、身遠 彌曠職。
修文 廟算正、獻可 天衢直。
尚想 趨朝廷、毫髮 裨社稷。
形骸 今若是、進退 委行色。

〔0873_引水〕（七古）

月峽 衢唐 雲作頂、亂石 崢嶸 俗無井。
雲安 沽水 奴僕悲、魚復 移居 心力省。
白帝 城西 萬竹蟠、接筒 引水 喉不乾。
人生 留滯 生理難、斗水 何直 百憂寬。

〔0874_示獠奴阿段〕（七律）

山木 蒼蒼 落日曛、竹竿 裊裊 細泉分。
郡人 入夜 爭餘瀝、豎子 尋源 獨不聞。
病渴 三更 迴白首、傳聲 一注 濕青雲。
曾驚 陶侃 胡奴異、怪爾 常穿 虎豹羣。

〔0875_上白帝城〕（五律）

城峻 隨天壁、樓高 望女牆。
江流 思夏后、風至 憶襄王。
老去 聞悲角、人扶 報夕陽。
公孫 初恃險、躍馬 意何長。

〔上白帝城二首〕

0876 其一（五排）

江城 含變態、一上 一回新。
天欲 今朝雨、山歸 萬古春。
英雄 餘事業、衰邁 久風塵。
取醉 他鄉客、相逢 故國人。
兵戈 猶擁蜀、賦斂 強輸秦。
不是 煩形勝、深愁 畏損神。

0877 其二（五排）

白帝 空祠廟、孤雲 自往來。

江山 城宛轉、
勇略 今何在、當年 亦壯哉。
後人 將酒肉、
谷鳥 鳴還過、
多慚 病無力、騎馬 入青苔。

〔0878_陪諸公上白帝城頭宴越公堂之作〔白帝城樓〕〕（五排）

此堂 存古制、
落構 垂雲雨、荒階 蔓草茅。
柱穿 蜂溜蜜、棧缺 燕添巢。
坐接 春杯氣、心傷 艷蕊梢。
英靈 如過隙、宴衍 願投膠。
莫問 東流水、生涯 未即拋。

〔0879_白帝城最高樓〕（七律）

城尖 徑昃 旌旆愁、獨立 縹緲 之飛樓。
峽坼 雲羅 龍虎臥、江清 日抱 鼉鼉遊。
扶桑 西枝 對斷石、弱水 東影 隨長流。
杖藜 歎世 者誰子、泣血 迸空 迴白頭。

〔0880_武侯廟〕（五絕）

遺廟 丹青落、
猶聞 辭後主、

〔0881_八陣圖〕（五絕）

功蓋 三分國、名成 八陣圖。
江流 石不轉、遺恨 失吞吳。

〔0882_曉望白帝城鹽山〕（五律）

徐步 攜斑杖、看山 仰白頭。
翠深 開斷壁、紅遠 結飛樓。
日出 清江望、暄和 散旅愁。
春城 見松雪、始擬 進歸舟。

〔0883_灩澦堆〕（五律）

巨石 水中央、江寒 出水長。
沈牛 答雲雨、
天意 存傾覆、
干戈 連解纜、行止 憶垂堂。

〔0884_老病〕（五律）

老病 巫山裏、稽留 楚客中。
藥殘 他日裏、
夜足 霑沙雨、春多 逆水風。
合分 雙賜筆、猶作 一飄蓬。

『0885_近聞』（七古）

近聞 犬戎 遠遁逃、牧馬 不敢 侵臨洮。
渭水 逶迤 白日靜、隴山 蕭瑟 秋雲高。
崆峒 五原 亦無事、北庭 數有 關中使。
似聞 贊普 更求親、舅甥 和好 應難棄。

『0886_負薪行』（七古）

夔州 處女 髮半華、四十 五十 無夫家。
更遭 喪亂 嫁不售、一生 抱恨 長咨嗟。
土風 坐男 使女立、男當 門戶 女出入。
十有 八九 負薪歸、賣薪 得錢 應供給。
至老 雙鬢 只垂頸、野花 山葉 銀釵並。
筋力 登危 集市門、死生 射利 兼鹽井。
面妝 首飾 雜啼痕、地褊 衣寒 困石根。
若道 巫山 女粗醜、何得 北有 昭君村。

『0887_最能行』（七古）

峽中 丈夫 絕輕死、少在 公門 多在水。
富豪 有錢 駕大舸、貧窮 取給 行牒子。
小兒 學問 止論語、大兒 結束 隨商旅。
鼓帆 側舵 入波濤、撇漩 捎瀆 無險阻。
朝發 白帝 暮江陵、頃來 目擊 信有徵。
瞿塘 漫天 虎鬚怒、歸州 長年 行最能。
此鄉 之人 器量窄、誤競 南風 疏北客。
若道 士無 英俊才、何得 山有 屈原宅。

『0888_寄韋有夏郎中』（五排）

省郎 憂病士、書信 有柴胡。
飲子 頻通汗、懷君 想報珠。
親知 天畔少、藥餌 峽中無。
歸楫 生衣臥、春鷗 洗翅呼。
猶聞 上急水、早作 取平塗。
萬里 皇華使、為僚 記腐儒。

『0889_峽中覽物』（七律）

曾為 掾吏 趨三輔、憶在 潼關 詩興多。
巫峽 忽如 瞻華岳、蜀江 猶似 見黃河。
舟中 得病 移衾枕、洞口 經春 長薜蘿。
形勝 有餘 風土惡、幾時 回首 一高歌。

『0890_憶鄭南』（五律）

鄭南 伏毒寺、瀟灑 到江心。
石影 銜珠閣、泉聲 帶玉琴。
風杉 曾曙倚、雲嶠 憶春臨。

萬里 蒼茫外、龍蛇 只自深。

『0891_贈崔十三評事公輔』（五排）

飄飄 西極馬、來自 渥洼池。
颯颯 寒山桂、低徊 風雨枝。
我聞 龍正直、道屈 爾何為。
且有 元戎命、悲歌 識者知。
官聯 辭冗長、行路 徙岐危。
脫劍 主人贈、去帆 春色隨。
陰沈 鐵鳳闕、教練 羽林兒。
天子 朝侵早、雲臺 仗數移。
分軍 應供給、百姓 日支離。
黠吏 因封己、公才 或守雌。
燕王 買駿骨、渭老 得熊羆。
活國 名公在、拜壇 羣寇疑。
冰壺 動瑤碧、野水 失蛟螭。
入幕 諸彥集、渴賢 高選宜。
騫騰 坐可致、九萬 起於斯。
復進 出矛戟、昭然 開鼎彝。
會看 之子貴、歎及 老夫衰。
豈但 江曾決、還思 霧一披。
暗塵 生古鏡、拂匣 照西施。
舅氏 多人物、無慚 困翮垂。

『奉寄李十五秘書文嶷二首』

0892 其一（五律）

避暑 雲安縣、秋風 早下來。
暫留 魚復浦、同過 楚王臺。
猿鳥 千崖窄、江湖 萬里開。
竹枝 歌未好、畫舸 莫遲回。

0893 其二（五律）

行李 千金贈、衣冠 八尺身。
飛騰 知有策、意度 不無神。
班秩 兼通貴、公侯 出異人。
玄成 負文彩、世業 豈沈淪。

『0894_雷』（五古）

大旱 山嶽焦、密雲 復無雨。
南方 瘴癘地、罹此 農事苦。
封內 必舞雩、峽中 喧擊鼓。
真龍 竟寂寞、土梗 空僂俯。
吁嗟 公私病、稅斂 缺不補。
故老 仰面啼、瘡痍 向誰數。
暴尫 或前聞、鞭石 非稽古。
請先 偃甲兵、處分 聽人主。

萬邦 但各業、一物 休盡取。
水旱 其數然、堯湯 免親睹。
上天 鑠金石、羣盜 亂豺虎。
二者 存一端、愆陽 不猶愈。
昨宵 殷其雷、風過 齊萬弩。
復吹 霾翳散、虛覺 神靈聚。
氣喝 腸胃融、汗濕 衣裳污。
吾衰 尤計拙、失望 築場圃。

『0895_火』(五古)

楚山 經月火、大旱 則斯舉。
舊俗 燒蛟龍、驚惶 致雷雨。
爆嵌 魍魎泣、崩凍 嵐陰晦。
羅落 沸百泓、根源 皆太古。
青林 一灰燼、雲氣 無處所。
入夜 殊赫然、新秋 照牛女。
風吹 巨燄作、河漢 騰煙柱。
勢欲 焚崑崙、光彌 煥洲渚。
腥至 焦長蛇、聲吼 纏猛虎。
神物 已高飛、不見 石與土。
爾寧 要謗讟、憑此 近熒侮。
薄關 長吏憂、甚味 至精主。
遠遷 誰撲滅、將恐 及環堵。
流汗 臥江亭、更深 氣如縷。

『熱三首』

0896 其一(五律)

雷霆 空霹靂、雲雨 竟虛無。
炎赫 衣流汗、低垂 氣不蘇。
乞為 寒水玉、願作 冷秋菰。
何似 兒童歲、風涼 出舞雩。

0897 其二(五律)

瘴雲 終不滅、瀘水 復西來。
閉戶 人高臥、歸林 鳥卻回。
峽中 都是火、江上 只空雷。
想見 陰宮雪、風門 颯沓開。

0898 其三(五律)

朱李 沈不冷、凋胡 炊屢新。
將衰 骨盡病、被喝 味空頻。
歎翁 炎蒸景、飄飄 征戍人。
十年 可解甲、為爾 一露巾。

『夔州歌十絕句』

0899 其一(七絕)

中巴 之東 巴東山、江水 開關 流其間。

白帝 高為 **三峽** 鎮、**龍塘** 險過 百牢關。

0900 其二(七絕)

白帝 **夔州** 各異城、**蜀江** 楚峽 混殊名。

英雄 **割據** 非**天意**、霸王 并吞 在**物情**。

0901 其三(七絕)

羣雄 競起 問前朝、**王者** 無外 見**今朝**。

比訝 漁陽 結怨恨、元聽 舜日 舊簫韶。

0902 其四(七絕)

赤甲 白鹽 俱刺天、閭閻 繚繞 接山巔。

楓林 橘樹 丹青合、複道 重樓 錦繡懸。

0903 其五(七絕)

灩東 **灩西** **一萬** 家、**江北** **江南** 春冬花。

背飛 鶴子 遺瓊蕊、相趁 鳧雛 入蔣牙。

0904 其六(七絕)

東屯 稻畦 一百頃、北有 澗水 通青苗。

晴浴 **狎鷗** 分**處處**、雨隨 **神女** 下**朝朝**。

0905 其七(七絕)

蜀麻 吳鹽 自古通、萬斛 之舟 行若風。

長年 三老 長歌裏、白晝 攤錢 高浪中。

0906 其八(七絕)

憶昔 咸陽 都市合、山水 之圖 張賣時。

巫峽 **曾經** 寶屏見、**楚宮** 猶對 碧峰疑。

0907 其九(七絕)

武侯 祠堂 不可忘、中有 松柏 參天長。

干戈 **滿地** **客愁** 破、雲日 如火 **炎天** 涼。

0908 其十(七絕)

閬風 玄圃 與蓬壺、中有 高唐 天下無。

借問 夔州 壓何處、峽門 江腹 擁城隅。

『 0909_毒熱寄簡崔評事十六弟』(五古)

大火 運金氣、荊揚 不知秋。

林下 有**場翼**、**水中** 無**行舟**。

千室 但掃地、閉關 人事休。

老夫 轉不樂、旅次 兼百憂。

蝮蛇 暮偃蹇、空床 難暗投。

炎宵 惡明燭、況乃 懷舊丘。

開襟 仰內弟、**執熱** 露**白頭**。

束帶 負芒刺、接居 成阻修。

何當 清霜飛、會子 臨江樓。

載聞 大易義、諷詠 詩家流。

蘊藉 異時輩、檢身 非苟求。

皇皇 使臣體、信是 德業優。

楚材 擇杞梓、**漢苑** 歸**驂騑**。

短章 達我心、理為 識者籌。

『0910_信行遠修水筒』（五古）

汝性 不茹葷、清淨 僕夫內。
秉心 識本源、於事 少凝滯。
雲端 水筒坼、林表 山石碎。
觸熱 藉子修、通流 與廚會。
往來 四十里、荒險 崖谷大。
日曛 驚未餐、貌赤 愧相對。
浮瓜 供老病、裂餅 嘗所愛。
於斯 答恭謹、足以 殊殿最。
詎要 方士符、何假 將軍佩。
行諸 直如筆、用意 崎嶇外。

『0911_催宗文樹雞柵』（五古）

吾衰 怯行邁、旅次 展崩迫。
愈風 傳烏雞、秋卵 方漫喫。
自春 生成者、隨母 向百翮。
驅趁 制不禁、喧呼 山腰宅。
踏藉 盤案翻、終日 憎赤幘。
課奴 殺青竹、塞蹊 使之隔。
牆東 有隙地、可以 樹高柵。
織籠 曹其內、令入 不得擲。
稀間 苦突過、觜距 還汚席。
避熱 時來歸、問兒 所為跡。
我寬 螻蟻遭、彼免 狐貉厄。
應宜 各長幼、自此 均勍敵。
籠柵 念有修、近身 見損益。
明明 領處分、一一 當剖析。
不昧 風雨晨、亂離 減憂惑。
其流 則凡鳥、其氣 心匪石。
倚賴 窮歲晏、撥煩 及冰釋。
未似 尸鄉翁、拘留 蓋阡陌。

『0912_貽華陽柳少府』（五古）

繫馬 喬木間、問人 野寺門。
柳侯 披衣笑、見我 顏色溫。
並坐 石堂下、俛視 大江奔。
火雲 洗月露、絕壁 上朝暾。
自非 曉相訪、觸熱 生病根。
南方 六七月、出入 異中原。
老少 多渴死、汗踰 水漿翻。
俊才 得之子、筋力 不辭煩。
指揮 當世事、語及 戎馬存。
涕淚 濺衣裳、悲風 排帝閭。
鬱陶 抱長策、義仗 知者論。
吾衰 臥江漢、但愧 識璵璠。

文章 一小技、於道 未為尊。
起予 幸斑白、因是 託子孫。
俱客 古信州、結廬 依毀垣。
相去 四五里、徑微 山葉繁。
時危 挹佳士、況免 軍旅喧。
醉從 趙女舞、歌鼓 秦人盆。
子壯 顧我傷、我歡 兼淚痕。
餘生 如過鳥、故里 今空村。

『0913_七月三日亭午已後校熱退晚加小涼穩睡有詩因論壯年樂事戲呈元二十一曹長』（五古）

今茲 商用事、餘熱 亦已末。
衰年 旅炎方、生意 從此活。
亭午 減汗流、比鄰 耐人聒。
晚風 爽烏匱、筋力 蘇摧折。
閉目 踰十旬、大江 不止渴。
退藏 恨雨師、健步 聞旱魃。
園蔬 抱金玉、無以 供採掇。
密雲 雖聚散、徂暑 終衰歇。
前聖 慎焚巫、武王 親救暍。
陰陽 相主客、時序 遞回斡。
灑落 惟清秋、昏霾 一空闊。
蕭蕭 紫塞雁、南向 欲行列。
欵思 紅顏日、霜露 凍階闕。
胡馬 挾雕弓、鳴弦 不虛發。
長鉞 逐狡兔、突羽 當滿月。
惆悵 白頭吟、蕭條 遊俠窟。
臨軒 望山閣、縹緲 安可越。
高人 鍊丹砂、未念 將朽骨。
少壯 跡頗疏、歡樂 曾倏忽。
杖藜 風塵際、老醜 難剪拂。
吾子 得神仙、本是 池中物。
賤夫 美一睡、煩促 嬰詞筆。

『0914_牽牛織女』（五古）

牽牛 出河西、織女 處其東。
萬古 永相望、七夕 誰見同。
神光 竟難候、此事 終蒙朧。
颯然 精靈合、何必 秋遂逢。
亭亭 新妝立、龍駕 具層空。
世人 亦為爾、祈請 走兒童。
稱家 隨豐儉、白屋 達公宮。
膳夫 翊堂殿、鳴玉 淒房櫳。
曝衣 遍天下、曳月 揚微風。
蛛絲 小人態、曲綴 瓜果中。
初筵 裏重露、日出 甘所終。

嗟汝 未嫁女、秉心 鬱忡忡。
防身 動如律、竭力 機杼中。
雖無 舅姑事、敢昧 織作功。
明明 君臣契、咫尺 或未容。
義無 棄禮法、恩始 夫婦恭。
小大 有佳期、戒之 在至公。
方圓 苟齟齬、丈夫 多英雄。

〔0915_雨〕（五古）

峽雲 行清曉、煙霧 相徘徊。
風吹 蒼江樹、雨灑 石壁來。
淒淒 生餘寒、殷殷 兼出雷。
白谷 變氣候、朱炎 安在哉。
高鳥 濕不下、居人 門未開。
楚宮 久已滅、幽珮 爲誰哀。
侍臣 書王夢、賦有 冠古才。
冥冥 翠龍駕、多自 巫山臺。

〔0916_雨〕（五古）

行雲 遞崇高、飛雨 靄而至。
潺潺 石間溜、汨汨 松上駛。
亢陽 乘秋熱、百穀 皆已棄。
皇天 德澤降、焦卷 有生意。
前雨 傷卒暴、今雨 喜容易。
不可 無雷霆、間作 鼓增氣。
佳聲 達中宵、所望 時一致。
清霜 九月天、髣髴 見滯穗。
郊扉 及我私、我圃 日蒼翠。
恨無 抱甕力、庶減 臨江費。

〔雨二首〕

0917 其一（五古）

青山 澹無姿、白露 誰能數。
片月 水上雲、蕭蕭 沙中雨。
殊俗 狀巢居、層臺 俯風渚。
佳客 適萬里、沈思 情延佇。
掛帆 遠色外、驚浪 滿吳楚。
久陰 蛟螭出、寇盜 復幾許。

0918 其二（五古）

空山 中宵陰、微冷 先枕席。
回風 起清曙、萬象 萋已碧。
落落 出岫雲、渾渾 倚天石。
日假 何道行、雨含 長江白。
連檣 荊州船、有士 荷戈戟。
南防 草鎮慘、霑濕 赴遠役。

羣盜 下辟山、總戎 備強敵。
水深 雲光廓、鳴鱗 各有適。
漁艇 息悠悠、夷歌 負樵客。
留滯 一老翁、書時 記朝夕。

〔0919_江上〕（五律）

江上 日多雨、蕭蕭 荊楚秋。
高風 下木葉、永夜 攬貂裘。
勳業 頻看鏡、行藏 獨倚樓。
時危 思報主、衰謝 不能休。

〔0920_雨晴〕（五律）

雨時 山不改、晴罷 峽如新。
天路 看殊俗、秋江 思殺人。
有猿 揮淚盡、無犬 附書頻。
故國 愁眉外、長歌 欲損神。

〔0921_雨不絕〕（七律）

鳴雨 既過 漸細微、映空 搖颺 如絲飛。
階前 短草 泥不亂、院裏 長條 風乍稀。
舞石 旋應 將乳子、行雲 莫自 濕仙衣。
眼邊 江舸 何匆促、未待 安流 逆浪歸。

〔0922_晚晴〕（五律）

返照 斜初徹、浮雲 薄未歸。
江虹 明遠飲、峽雨 落餘飛。
鳬雁 終高去、熊羆 覺自肥。
秋分 客尚在、竹露 夕微微。

〔0923_雨（萬木）〕（五律）

萬木 雲深隱、連山 雨未開。
風扉 掩不定、水鳥 過仍迴。
蛟館 如鳴杼、樵舟 豈伐枚。
清涼 破炎毒、衰意 欲登臺。

〔0924_奉漢中王手札〕（五排）

國有 乾坤大、王今 叔父尊。
剖符 來蜀道、歸蓋 取荊門。
峽險 通舟峻、江長 注海奔。
主人 留上客、避暑 得名園。
前後 緘書報、分明 饌玉恩。
天雲 浮絕壁、風竹 在華軒。
已覺 良宵永、何看 駭浪翻。
入期 朱邸雪、朝傍 紫微垣。
枚乘 文章老、河間 禮樂存。

悲秋 宋玉宅、失路 武陵源。
淹泊 俱崖口、東西 異石根。
夷音 迷咫尺、鬼物 倚朝昏。
犬馬 誠為戀、狐狸 不足論。
從容 草奏罷、宿昔 奉清樽。

『0925_返照』（七律）

楚王 宮北 正黃昏、白帝 城西 過雨痕。
返照 入江 翻石壁、歸雲 擁樹 失山村。
衰年 病肺 惟高枕、絕塞 愁時 早閉門。
不可 久留 豺虎亂、南方 實有 未招魂。

『晴二首』

0926 其一（五律）

久雨 巫山暗、新晴 錦繡文。
碧知 湖外草、紅見 海東雲。
竟日 鶯相和、摩霄 鶴數羣。
野花 乾更落、風處 急紛紛。

0927 其二（五律）

啼鳥 爭引子、鳴鶴 不歸林。
下食 遭泥去、高飛 恨久陰。
雨聲 衝塞盡、日氣 射江深。
回首 周南客、驅馳 魏闕心。

『0928_雨（始賀）』（五律）

始賀 天休雨、還嗟 地出雷。
驟看 浮峽過、密作 渡江來。
牛馬 行無色、蛟龍 鬪不開。
干戈 盛陰氣、未必 自陽臺。

『0929_殿中楊監見示張旭草書圖』（五古）

斯人 已云亡、草聖 秘難得。
及茲 煩見示、滿目 一悽惻。
悲風 生微綃、萬里 起古色。
鏘鏘 鳴玉動、落落 羣松直。
連山 蟠其間、溟漲 與筆力。
有練 實先書、臨池 真盡墨。
俊拔 為之主、暮年 思轉極。
未知 張王後、誰並 百代則。
嗚呼 東吳精、逸氣 感清識。
楊公 拂篋笥、舒卷 忘寢食。
念昔 揮毫端、不獨 觀酒德。

『0930_楊監又出畫鷹十二扇』（五古）

近時 馮紹正、能畫 鷲鳥樣。

明公 出此圖、無乃 傳其狀。
殊姿 各獨立、清絕 心有向。
疾禁 千里馬、氣敵 萬人將。
憶昔 驪山宮、冬移 含元仗。
天寒 大羽獵、此物 神俱王。
當時 無凡材、百中 皆用壯。
粉墨 形似間、識者 一惆悵。
干戈 少暇日、真骨 老崖嶂。
為君 除狡兔、會是 翻韞上。

『0931_送殿中楊監赴蜀見相公』（五古）

去水 絕還波、洩雲 無定姿。
人生 在世間、聚散 亦暫時。
離別 重相逢、偶然 豈足期。
送子 清秋暮、風物 長年悲。
豪俊 貴勳業、邦家 頻出師。
相公 鎮梁益、軍事 無子遺。
解榻 再見今、用才 復擇誰。
況子 已高位、為郡 得固辭。
難拒 供給費、慎哀 漁奪私。
干戈 未甚息、綱紀 正所持。
汎舟 巨石橫、登陸 草露滋。
山門 日易夕、當念 居者思。

『0932_贈李十五丈別』（五古）

峽人 鳥獸居、其室 附層巔。
下臨 不測江、中有 萬里船。
多病 紛倚薄、少留 改歲年。
絕域 誰慰懷、開顏 喜名賢。
孤陋 忝末親、等級 敢比肩。
人生 意氣合、相與 襟袂連。
一日 兩遣僕、三日 一共筵。
揚論 展寸心、壯筆 過飛泉。
玄成 美價存、子山 舊業傳。
不聞 八尺軀、常受 衆目憐。
且為 辛苦行、蓋被 生事牽。
北迴 白帝棹、南入 黔陽天。
汧公 制方隅、迴出 諸侯先。
封內 如太古、時危 獨蕭然。
清高 金掌露、正直 朱絲絃。
昔在 堯四岳、今之 黃潁川。
于邁 恨不同、所思 無由宣。
山深 水增波、解榻 秋露懸。
客遊 雖云久、主要 月再圓。
晨集 風渚亭、醉操 雲嶠篇。

丈夫 貴知己、歡罷 念歸旋。

〔0933_種萵苣[并序]〕（五古）

陰陽 一錯亂、驕蹇 不復理。
枯旱 于其中、炎方 慘如燬。
植物 半蹉跎、嘉生 將已矣。
雲雷 欸奔命、師伯 集所使。
指揮 赤白日、溟洞 青光起。
雨聲 先以風、散足 盡西靡。
山泉 落滄江、霹靂 猶在耳。
終朝 紆颯沓、信宿 罷瀟灑。
堂下 可以畦、呼童 對經始。
萵兮 蔬之常、隨事 蓺其子。
破塊 數席間、荷鋤 功易止。
兩旬 不甲拆、空惜 埋泥滓。
野菟 迷汝來、宗生 實於此。
此輩 豈無秋、亦蒙 寒露委。
翻然 出地速、滋蔓 戶庭毀。
因知 邪干正、掩抑 至沒齒。
賢良 雖得祿、守道 不封己。
擁塞 敗芝蘭、衆多 盛荊杞。
中園 陷蕭艾、老圃 永為恥。
登於 白玉盤、藉以 如霞綺。
菟也 無所施、胡顏 入筐篚。

〔0934_白帝〕（七律）

白帝 城中 雲出門、白帝 城下 雨翻盆。
高江 急峽 雷霆鬬、翠木 蒼藤 日月昏。
戎馬 不如 歸馬逸、千家 今有 百家存。
哀哀 寡婦 誅求盡、慟哭 秋原 何處村。

〔0935_黃草〕（七律）

黃草 峽西 船不歸、赤甲 山下 人行稀。
秦中 驛使 無消息、蜀道 兵戈 有是非。
萬里 秋風 吹錦水、誰家 別淚 濕羅衣。
莫愁 劍閣 終堪據、聞道 松州 已被圍。

〔0936_白鹽山〕（五律）

卓立 羣峰外、蟠根 積水 邊。
他皆 任厚地、爾獨 近高天。
白榜 千家 邑、清秋 萬估船。
詞人 取佳句、刻畫 竟誰傳。

〔0937_謁先主廟〕（五排）

慘澹 風雲會、乘時 各有人。

力侔分社稷、志屈偃經綸。
 復漢留長策、中原仗老臣。
 雜耕心未已、歐血事酸辛。
 霸氣西南歇、雄圖曆數屯。
 錦江元過楚、劍閣復通秦。
 舊俗存祠廟、空山立鬼神。
 虛簷交鳥道、枯木半龍鱗。
 竹送清溪月、苔移玉座春。
 閭閻兒女換、歌舞歲時新。
 絕域歸舟遠、荒城繫馬頻。
 如何對搖落、況乃久風塵。
 孰與關張並、功臨耿鄧親。
 應天才不小、得士契無鄰。
 遲暮堪帷幄、飄零且釣繒。
 向來憂國淚、寂寞灑衣巾。

〔0938_古柏行〕（七古）

孔明廟前有老柏、柯如青銅根如石。
 霜皮溜雨四十圍、黛色參天二千尺。
 雲來氣接巫峽長、月出寒通雪山白。
 君臣已與時際會、樹木猶為人愛惜。
 憶昨路繞錦亭東、先主武侯同閔宮。
 崔嵬枝幹郊原古、窈窕丹青戶牖空。
 落落盤踞雖得地、冥冥孤高多烈風。
 扶持自是神明力、正直元因造化功。
 大廈如傾要梁棟、萬牛迴首丘山重。
 不露文章世已驚、未辭剪伐誰能送。
 苦心豈免容螻蟻、香葉終經宿鸞鳳。
 志士幽人莫怨嗟、古來材大難為用。

〔諸將五首〕

0939 其一（七律）

漢朝陵墓對南山、胡虜千秋尚入關。
 昨日玉魚蒙葬地、早時金碗出人間。
 見愁汗馬西戎逼、曾閃朱旗北斗殷。
 多少材官守涇渭、將軍且莫破愁顏。

0940 其二（七律）

韓公本意築三城、擬絕天驕拔漢旌。
 豈謂盡煩回紇馬、翻然遠救朔方兵。
 胡來不覺潼關隘、龍起猶聞晉水清。
 獨使至尊憂社稷、諸君何以答升平。

0941 其三（七律）

洛陽宮殿化為烽、休道秦關百二重。
 滄海未全歸禹貢、薊門何處盡堯封。
 朝廷衰職誰爭補、天下軍儲不自供。

稍喜 臨邊 王相國、肯銷 金甲 事春農。

0942 其四(七律)

迴首 扶桑 銅柱標、冥冥 氛祲 未全銷。

越裳 翡翠 無消息、南海 明珠 久寂寥。

殊錫 曾為 大司馬、總戎 皆插 侍中貂。

炎風 朔雪 天王地、只在 忠臣 翊聖朝。

0943 其五(七律)

錦江 春色 逐人來、巫峽 清秋 萬壑哀。

正憶 往時 嚴僕射、共迎 中使 望鄉臺。

主恩 前後 三持節、軍令 分明 數舉杯。

西蜀 地形 天下險、安危 須仗 出羣材。

『八哀詩／贈司空王公思禮・故司徒李公光弼・贈左僕射鄭國公嚴公武・贈太子太師汝陽郡王璵・贈秘書監江夏李公邕・故秘書少監武功蘇公源明・故著作郎貶台州司戶滎陽鄭公虔・故右僕射相國曲江張公九齡』

0944 其一／贈司空王公思禮(五古)

司空 出東夷、童稚 刷勁翮。

追隨 幽薊兒、穎銳 物不隔。

服事 哥舒翰、意無 流沙磧。

未甚 拔行間、犬戎 大充斥。

短小 精悍姿、屹然 強寇敵。

貫穿 百萬衆、出入 由咫尺。

馬鞍 懸將首、甲外 控鳴鏑。

洗劍 青海水、刻銘 天山石。

九曲 非外蕃、其王 轉深壁。

飛兔 不近駕、鸞鳥 資遠擊。

曉達 兵家流、飽聞 春秋癖。

胸襟 日沈靜、肅肅 自有適。

潼關 初潰散、萬乘 猶辟易。

偏裨 無所施、元帥 見手格。

太子 入朔方、至尊 狩梁益。

胡馬 纏伊洛、中原 氣甚逆。

肅宗 登寶位、塞望 勢敦迫。

公時 徒步至、請罪 將厚責。

際會 清河公、間道 傳玉冊。

天王 拜跪畢、讜論 果冰釋。

翠華 卷飛雪、熊虎 互阡陌。

屯兵 鳳凰山、帳殿 涇渭關。

金城 賊咽喉、詔鎮 雄所搃。

禁暴 靖無雙、爽氣 春淅瀝。

巷有 從公歌、野多 青青麥。

及夫 哭廟後、復領 太原役。

恐懼 祿位高、悵望 王土窄。

不得 見清時、嗚呼 就窀穸。

永繫 五湖舟、悲甚 田橫客。

千秋 汾晉間、事與 雲水白。
昔觀 文苑傳、豈述 廉頗績。
嗟嗟 鄧大夫、士卒 終倒戟。

0945 其二／故司徒李公光弼（五古）

司徒 天寶末、北收 晉陽甲。
胡騎 攻吾城、愁寂 意不愜。
人安 若泰山、薊北 斷右脅。
朔方 氣乃蘇、黎首 見帝業。
二宮 泣西郊、九廟 起頽壓。
未散 河陽卒、思明 偽臣妾。
復自 碣石來、火焚 乾坤獵。
高視 笑祿山、公又 大獻捷。
異王 冊崇勳、小敵 信所怯。
擁兵 鎮汴河、千里 初妥貼。
青蠅 紛營營、風雨 秋一葉。
內省 未入朝、死淚 終映睫。
大屋 去高棟、長城 掃遺堞。
平生 白羽扇、零落 蛟龍匣。
雅望 與英姿、悽愴 槐里接。
三軍 晦光彩、烈士 痛稠疊。
直筆 在史臣、將來 洗筐篋。
吾思 哭孤冢、南紀 阻歸楫。
扶顛 永蕭條、未濟 失利涉。
疲茶 竟何人、灑淚 巴東峽。

0946 三・贈左僕射鄭國公嚴公武（五古）

鄭公 瑚璉器、華岳 金天晶。
昔在 童子日、已聞 老成名。
嶷然 大賢後、復見 秀骨清。
開口 取將相、小心 事友生。
閱書 百氏盡、落筆 四座驚。
歷職 匪父任、嫉邪 嘗力爭。
漢儀 尚整肅、胡騎 忽縱橫。
飛傳 自河隴、逢人 問公卿。
不知 萬乘出、雪涕 風悲鳴。
受辭 劍閣道、謁帝 蕭關城。
寂寞 雲臺仗、飄飆 沙塞旌。
江山 少使者、笳鼓 凝皇情。
壯士 血相視、忠臣 氣不平。
密論 貞觀體、揮發 岐陽征。
感激 動四極、聯翩 收二京。
西郊 牛酒再、原廟 丹青明。
匡汲 俄寵辱、衛霍 竟哀榮。
四登 會府地、三掌 華陽兵。

京兆 空柳色、尚書 無履聲。
羣鳥 自朝夕、白馬 休橫行。
諸葛 蜀人愛、文翁 儒化成。
公來 雪山重、公去 雪山輕。
記室 得何遜、韜鈴 延子荆。
四郊 失壁壘、虛館 開逢迎。
堂上 指圖畫、軍中 吹玉笙。
豈無 成都酒、憂國 只細傾。
時觀 錦水釣、問俗 終相并。
意待 犬戎滅、人藏 紅粟盈。
以茲 報主願、庶獲 裨世程。
炯炯 一心在、沈沈 二豎嬰。
顏回 竟短折、賈誼 徒忠貞。
飛旄 出江漢、孤舟 轉荊衡。
虛橫 馬融笛、悵望 龍驤塋。
空餘 老賓客、身上 愧簪纓。

0947 其四／贈太子太師汝陽王璿（五古）

汝陽 讓帝子、眉宇 真天人。
虬髯 似太宗、色映 塞外春。
往者 開元中、主恩 視遇頻。
出入 獨非時、禮異 見羣臣。
愛其 謹潔極、倍此 骨肉親。
從容 聽朝後、或在 風雪晨。
忽思 格猛獸、苑囿 騰清塵。
羽旗 動若一、萬馬 肅駢駢。
詔王 來射雁、拜命 已挺身。
箭出 飛鞚內、上又 回翠麟。
翻然 紫塞翻、下拂 明月輪。
從人 雖獲多、天笑 不為新。
王每 中一物、手自 與金銀。
袖中 諫獵書、扣馬 久上陳。
竟無 銜橛虞、聖聰 矧多仁。
官免 供給費、水有 在藻鱗。
匪惟 帝老大、皆是 王忠勤。
晚年 務置醴、門引 申白賓。
道大 容無能、永懷 侍芳茵。
好學 尚貞烈、義形 必霑巾。
揮翰 綺繡揚、篇什 若有神。
川廣 不可泝、墓久 狐兔鄰。
宛彼 漢中郡、文雅 見天倫。
何以 慰我悲、泛舟 俱遠津。
溫溫 昔風味、少壯 已書紳。
舊游 易磨滅、哀謝 增酸辛。

0948 其五／贈秘書監江夏李公邕（五古）

長嘯 宇宙間、高才 日陵替。
古人不可見、前輩復誰繼。
憶昔 李公存、詞林 有根柢。
聲華當健筆、灑落 富清製。
風流 散金石、追琢 山岳銳。
情窮 造物理、學貫 天人際。
干謁 走其門、碑版 照四裔。
各滿 深望還、森然 起凡例。
蕭蕭 白楊路、洞徹 寶珠惠。
龍宮 塔廟湧、浩劫 浮雲衛。
宗儒 俎豆事、故吏 去思計。
眄眄 已皆虛、跋涉 曾不泥。
向來 映當時、豈獨 勸後世。
豐屋 珊瑚鉤、麒麟 織成罽。
紫駟 隨劍几、義取 無虛歲。
分宅 脫驂間、感激 懷未濟。
衆歸 賙給美、擺落 多藏穢。
獨步 四十年、風聽 九皋唳。
嗚呼 江夏姿、竟掩 宣尼袂。
往者 武后朝、引用 多寵嬖。
否臧 太常議、面折 二張勢。
衰俗 凜生風、排蕩 秋旻霽。
忠貞 負冤恨、宮闕 深旒綴。
放逐 早聯翩、低垂 困炎燭。
日斜 鵬鳥入、魂斷 蒼梧帝。
榮枯 走不暇、星駕 無安稅。
幾分 漢庭竹、夙擁 文侯箠。
終悲 洛陽獄、事近 小臣斃。
禍階 初負謗、易力 何深嗜。
伊昔 臨淄亭、酒酣 託末契。
重敘 東都別、朝陰 改軒砌。
論文 到崔蘇、指盡 流水逝。
近伏 盈川雄、未甘 特進麗。
是非 張相國、相扼 一危脆。
爭名 古豈然、關鍵 欵不閉。
例及 吾家詩、曠懷 掃氛翳。
慷慨 嗣真作、咨嗟 玉山桂。
鐘律 儼高懸、鯤鯨 噴迢遞。
坡陀 青州血、燕沒 汶陽瘞。
哀贈 竟蕭條、恩波 延揭厲。
子孫 存如線、舊客 舟凝滯。
君臣 尚論兵、將帥 接燕薊。
朗詠 六公篇、憂來 豁蒙蔽。

0949 其六／故秘書少監武功蘇公源明

武功 少也孤、徒步 客徐兗。
讀書 東嶽中、十載 考墳典。
時下 萊蕪郭、忍饑 浮雲巘。
負米 晚為身、每食 臉必泫。
夜字 照熬薪、垢衣 生碧蘚。
庶以 勤苦志、報茲 劬勞願。
學蔚 醇儒姿、文包 舊史善。
灑落 辭幽人、歸來 潛京輦。
射君 東堂策、宗匠 集精選。
制可 題未乾、乙科 已大闡。
文章 日自負、掾吏 亦纍踐。
晨趨 閭闔內、足踏 宿昔趼。
一麾 出守還、黃屋 朔風卷。
不暇 陪八駿、虜庭 悲所遣。
平生 滿樽酒、斷此 朋知展。
憂憤 病二秋、有恨 石可轉。
肅宗 復社稷、得無 順逆辨。
范曄 顧其兒、李斯 憶黃犬。
秘書 茂松色、再扈 祠壇墀。
前後 百卷文、枕藉 皆禁臠。
篆刻 揚雄流、溟漲 本末淺。
青瑩 芙蓉劍、犀兕 豈獨剗。
反為 後輩褻、予實 苦懷緬。
煌煌 齋房芝、事絕 萬手攀。
垂之 俟來者、正始 徵勸勉。
不要 懸黃金、胡爲 投乳贐。
結交 三十載、吾與 誰游衍。
滎陽 復冥寞、罪罟 已橫冒。
嗚呼 子逝日、始泰 則終蹇。
長安 米萬錢、凋喪 盡餘喘。
戰伐 何當解、歸帆 阻清沔。
尚纏 漳水疾、永負 蒿里餞。

0950 其七／故著作郎貶台州司戶滎陽鄭公虔（五古）

鷄居 至魯門、不識 鐘鼓饗。
孔翠 望赤霄、愁思 雕籠養。
滎陽 冠衆儒、早聞 名公賞。
地崇 士大夫、況乃 氣精爽。
天然 生知資、學立 游夏上。
神農 或闕漏、黃石 愧師長。
藥纂 西極名、兵流 指諸掌。
貫穿 無遺恨、蒼葢 何技癢。
圭臬 星經奧、蟲篆 丹青廣。
子雲 窺未遍、方朔 諧太枉。

神翰 顧不一、體變 鍾兼兩。
文傳 天下口、大字 猶在榜。
昔獻 書畫圖、新詩 亦俱往。
滄洲 動玉陛、寡鶴 誤一響。
三絕 自御題、四方 尤所仰。
嗜酒 益疏放、彈琴 視天壤。
形骸 實土木、親近 惟几杖。
未曾 寄官曹、突兀 倚書幌。
晚就 芸香閣、胡塵 昏垓莽。
反覆 歸聖朝、點染 無滌盪。
老蒙 台州掾、遐泛 浙江槳。
履穿 四明雪、饑拾 檣溪橡。
空聞 紫芝歌、不見 杏壇丈。
天長 眺東南、秋色 餘魍魎。
別離 慘至今、斑白 徒懷曩。
春深 秦山秀、葉墜 清渭朗。
劇談 王侯門、野稅 林下鞅。
操紙 終夕酣、時物 集遐想。
詞場 竟疏闊、平昔 濫推獎。
百年 見存歿、牢落 吾安放。
蕭條 阮咸在、出處 同世網。
他日 訪江樓、含悽 述飄蕩。

0951 其八／故右僕射相國曲江張公九齡（五古）

相國 生南紀、金璞 無留礦。
仙鶴 下人間、獨立 霜毛整。
矯然 江海思、復與 雲路永。
寂寞 想土階、未遑 等箕穎。
上君 白玉堂、倚君 金華省。
碣石 歲崢嶸、天池 日蛙黽。
退食 吟大庭、何心 記榛梗。
骨驚 畏曩哲、鬢變 負人境。
雖蒙 換蟬冠、右地 慙多幸。
敢忘 二疏歸、痛迫 蘇耽井。
紫綬 映暮年、荊州 謝所領。
庾公 興不淺、黃霸 鎮每靜。
賓客 引調同、諷詠 在務屏。
詩罷 地有餘、篇終 語清省。
一陽 發陰管、淑氣 含公鼎。
乃知 君子心、用才 文章境。
散帙 起翠螭、倚薄 巫廬並。
綺麗 玄暉擁、賤誅 任昉騁。
自我 一家則、未闕 隻字警。
千秋 滄海南、名繫 朱鳥影。
歸老 守故林、戀闕 悄延頸。

波濤 良史筆、蕪絕 大庾嶺。
向時 禮數隔、制作 難上請。
再讀 徐孺碑、猶思 理煙艇。

『0952_夔府書懷四十韻』（五排）

昔罷 河西尉、初興 薊北師。
不才 名位晚、敢恨 省郎遲。
扈聖 崆峒日、端居 滌滌時。
萍流 仍汲引、樗散 尚恩慈。
遂阻 雲臺宿、常懷 湛露詩。
翠華 森遠矣、白首 颯淒其。
拙被 林泉滯、生逢 酒賦欺。
文園 終寂寞、漢閣 自磷緇。
病隔 君臣議、慚紆 德澤私。
揚鑣 驚主辱、拔劍 撥年衰。
杜稷 經綸地、風雲 際會期。
血流 紛在眼、涕灑 亂交頤。
四瀆 樓船汎、中原 鼓角悲。
賊壕 連白翟、戰瓦 落丹墀。
先帝 嚴靈寢、宗臣 切受遺。
恆山 猶突騎、遼海 競張旗。
田父 嗟膠漆、行人 避蒺藜。
總戎 存大體、降將 飾卑詞。
楚貢 何年絕、堯封 舊俗疑。
長吁 翻北寇、一望 卷西夷。
不必 陪玄圃、超然 待具茨。
凶兵 鑄農器、講殿 闢書帷。
廟算 高難測、天憂 實在茲。
形容 真潦倒、答效 莫支持。
使者 分王命、群公 各典司。
恐乖 均賦斂、不似 問瘡痍。
真里 煩供給、孤城 最怨思。
綠林 寧小患、雲夢 欲難追。
即事 須嘗膽、蒼生 可察眉。
議堂 猶集鳳、貞觀 是元龜。
處處 喧飛檄、家家 急競錐。
蕭車 安不定、蜀使 下何之。
釣瀨 疏墳籍、耕巖 進弈棋。
地蒸 餘破扇、冬暖 更織絁。
豺遘 哀登楚、麟傷 泣象尼。
衣冠 迷適越、藻繪 憶遊睢。
賞月 延秋桂、傾陽 逐露葵。
大庭 終反撲、京觀 且僵屍。
高枕 虛眠晝、哀歌 欲和誰。
南宮 載勲業、凡百 慎交綏。

『 0953_往在』(五古)

往在 西京日、胡來 滿彤宮。
中宵 焚九廟、雲漢 為之紅。
解瓦 飛十里、總帷 紛曾空。
疚心 惜木主、一一 灰悲風。
合昏 排鐵騎、清曉 散錦幃。
賊臣 表逆節、相賀 以成功。
是時 妃嬪戮、連為 糞土叢。
當宁 陷玉座、白間 剝畫蟲。
不知 二聖處、私泣 百歲翁。
車駕 既云還、楹桷 歎穹崇。
故老 復涕泗、祠官 樹椅桐。
宏壯 不如初、已見 帝力雄。
前春 禮郊廟、祀事 親聖躬。
微軀 忝近臣、景從 陪群公。
登階 捧玉冊、峨冕 聆金鐘。
侍祠 惡先路、掖垣 邇濯龍。
天子 惟孝孫、五雲 起九重。
鏡奩 換粉黛、翠羽 猶蔥蔥。
前者 厭羯胡、後來 遭犬戎。
俎豆 腐羶肉、罍罍 行角弓。
安得 自西極、申命 空山東。
盡驅 詣闕下、士庶 塞關中。
主將 曉逆順、元元 歸始終。
一朝 自罪己、萬里 車書通。
鋒鏑 供鋤犁、征戍 聽所從。
冗官 各復業、土著 還力農。
君臣 節儉足、朝野 歡呼同。
中興 似國初、繼體 如太宗。
端拱 納諫諍、和風 日沖融。
赤墀 櫻桃枝、隱映 銀絲籠。
千春 薦靈寢、永永 垂無窮。
京都 不再火、涇渭 開愁容。
歸號 故松柏、老去 苦飄蓬。

『 0954_昔遊 (昔者) 』(五古)

昔者 與高李、晚登 單父臺。
寒蕪 際碣石、萬里 風雲來。
桑柘 葉如雨、飛藿 去徘徊。
清霜 大澤凍、禽獸 有餘哀。
是時 倉廩實、洞達 寰區開。
猛士 思滅胡、將帥 望三台。
君王 無所惜、駕馭 英雄材。
幽燕 盛用武、供給 亦勞哉。

吳門 轉粟帛、泛海 陵蓬萊。
肉食 三十萬、獵射 起黃埃。
隔河 憶長眺、青歲 已摧頹。
不及 少年日、無復 故人杯。
賦詩 獨流涕、亂世 想賢才。
有能 市駿骨、莫恨 少龍媒。
商山 議得失、蜀主 脫嫌猜。
呂尚 封國邑、傳說 已鹽梅。
景晏 楚山深、水鶴 去低迴。
龐公 任本性、攜子 臥蒼苔。

『0955_壯遊』（五古）

往者 十四五、出遊 翰墨場。
斯文 崔魏徒、以我 似班揚。
七齡 思即壯、開口 詠鳳凰。
九齡 書大字、有作 成一囊。
性豪 業嗜酒、嫉惡 懷剛腸。
脫落 小時輩、結交 皆老蒼。
飲酣 視八極、俗物 多茫茫。
東下 姑蘇臺、已具 浮海航。
到今 有遺恨、不得 窮扶桑。
王謝 風流遠、闔閭 丘墓荒。
劍池 石壁仄、長洲 芰荷香。
嵯峨 閭門北、清廟 映迴塘。
每趨 吳太伯、撫事 淚浪浪。
枕戈 憶勾踐、渡浙 想秦皇。
蒸魚 聞匕首、除道 晒要章。
越女 天下白、鑑湖 五月涼。
剡溪 蘊秀異、欲罷 不能忘。
歸帆 拂天姥、中歲 貢舊鄉。
氣劇 屈賈壘、目短 曹劉牆。
忤下 考功第、獨辭 京尹堂。
放蕩 齊趙間、裘馬 頗清狂。
春歌 叢臺上、冬獵 青丘旁。
呼鷹 阜樞林、逐獸 雲雪岡。
射飛 曾縱鞚、引臂 落驚鷗。
蘇侯 據鞍喜、忽如 攜葛疆。
快意 八九年、西歸 到咸陽。
許與 必詞伯、賞遊 實賢王。
曳裾 置醴地、奏賦 入明光。
天子 廢食召、辭公 會軒裳。
脫身 無所愛、痛飲 信行藏。
黑貂 寧免敝、斑鬢 兀稱觴。
杜曲 晚耆舊、四郊 多白楊。
坐深 鄉黨敬、日覺 死生忙。

朱門任傾奪、赤族迭罹殃。
國馬竭粟豆、官雞輸稻粱。
舉隅見煩費、引古惜興亡。
河朔風塵起、岷山行幸長。
兩宮各警蹕、萬里遙相望。
崆峒殺氣黑、少海旌旗黃。
禹功亦命子、涿鹿親戎行。
翠華擁吳岳、獬豸噉豺狼。
爪牙一不中、胡兵更陸梁。
大軍載草草、凋瘵滿膏肓。
備員竊補袞、憂憤心飛揚。
上感九廟焚、下憫萬民瘡。
斯時伏青蒲、廷爭守御床。
君辱敢愛死、赫怒幸無傷。
聖哲體仁恕、宇縣復小康。
哭廟灰燼中、鼻酸朝未央。
小臣議論絕、老病客殊方。
鬱鬱苦不展、羽翮困低昂。
秋風動哀壑、碧蕙捐微芳。
之推避賞從、漁父濯滄浪。
榮華敵勳業、歲暮有嚴霜。
吾觀鴟夷子、才格出尋常。
羣兇逆未定、側佇英俊翔。

『0956_遣懷』（五古）

昔我遊宋中、惟梁孝王都。
名今陳留亞、劇則貝魏俱。
邑中九萬家、高棟照通衢。
舟車半天下、主客多歡娛。
白刃讎不義、黃金傾有無。
殺人紅塵裏、報答在斯須。
憶與高李輩、論交入酒壚。
兩公壯藻思、得我色敷腴。
氣酣登吹臺、懷古視平蕪。
芒碭雲一去、雁鵠空相呼。
先帝正好武、寰海未凋枯。
猛將收西域、長戟破林胡。
百萬攻一城、獻捷不云輸。
組練去如泥、尺土負百夫。
拓境功未已、元和辭大壚。
亂離朋友盡、合沓歲月徂。
吾衰將焉託、存歿再嗚呼。
蕭條益堪愧、獨在天一隅。
乘黃已去矣、凡馬徒區區。
不復見顏鮑、繫舟臥荊巫。

臨餐 吐更食、常恐 違撫孤。

『0957_奉漢中王手札報韋侍御蕭尊師亡』(五排)

秋日 蕭韋逝、淮王 報峽中。

少年 疑**往史**、多術 怪仙公。

不但 **時人**惜、**祇應** **吾道**窮。

一哀 侵疾病、**相識** 自**兒童**。

處處 **鄰家**笛、**飄飄** **客子**蓬。

強吟 懷舊賦、已作 白頭翁。

『存歿口號二首』

0958 其一(七絕)

席謙 **不見** 近彈棋、畢耀 仍傳 舊小詩。

玉局 **他年** **無限**事、**白楊** **今日** **幾人**悲。

0959 其二(七絕)

鄭公 粉繪 隨長夜、曹霸 **丹青** 已**白頭**。

天下 **何曾** 有**山水**、**人間** **不解** 重**驂騑**。

『0960_贈李八秘書別三十韻』(五排)

往時 中補右、扈蹕 上元初。

反氣 凌**行在**、**妖星** 下**直廬**。

六龍 瞻漢殿、萬騎 略姚墟。

玄朔 迴**天步**、神都 憶帝車。

一戎 纔**汗馬**、**百姓** 免**爲魚**。

通籍 蟠螭印、差肩 列鳳輿。

事殊 迎代邸、喜異 賞朱虛。

喜遷 方歸順、**乾坤** 欲宴如。

不才 同補袞、**奉詔** 許牽裾。

禁籞 叨雲閣、**麒麟** 滯石渠。

文園 **多病**後、**中散** 舊交疏。

飄泊 哀**相見**、**平生** 意**有餘**。

風煙 **巫峽**遠、**臺榭** **聲宮**虛。

觸目 非論故、**新文** 尚起予。

清秋 凋**碧柳**、**別浦** 落**紅蕖**。

消息 多旗幟、**經過** 歎里閭。

戰連 唇齒國、軍急 **羽毛**書。

幕府 籌頻問、**山家** 藥正鋤。

台星 入**朝謁**、**使節** 有**吹噓**。

西蜀 災長弭、**南翁** 憤始攄。

對黜 抗**士卒**、乾沒 費倉儲。

勢藉 兵須用、功無 禮忽諸。

御鞍 金騶褭、宮硯 玉蟾蜍。

拜舞 **銀鉤**合、**恩波** 錦帕舒。

此行 非不濟、良友 昔**相於**。

去掉 依**顏色**、沿流 想疾徐。

沈綿 疲井臼、倚薄 似樵漁。
乞米 煩佳客、鈔詩 聽小胥。
杜陵 斜晚照、涵水 帶寒淤。
莫話 清溪髮、蕭蕭 白映梳。

〔0961_中夜〕（五律）

中夜 江山靜、危樓 望北辰。
長爲 萬里客、有愧 百年身。
故國 風雲氣、高堂 戰伐塵。
胡雛 負恩澤、嗟爾 太平人。

〔0962_垂白〕（五律）

垂白 馮唐老、清秋 宋玉悲。
江喧 長少睡、樓迴 獨移時。
多難 身何補、無家 病不辭。
甘從 千日醉、未許 七哀詩。

〔0963_中宵〕（五律）

西閣 百尋餘、中宵 步綺疏。
飛星 過水白、落月 動沙虛。
擇木 知幽鳥、潛波 想巨魚。
親朋 滿天地、兵甲 少來書。

〔0964_不寐〕（五律）

瞿塘 夜水黑、城內 改更籌。
翳翳 月沈霧、輝輝 星近樓。
氣衰 甘少寐、心弱 恨容愁。
多壘 滿山谷、桃源 何處求。

〔0965_送十五弟侍御使蜀〕（五律）

喜弟 文章進、添余 別興牽。
數杯 巫峽酒、百丈 內江船。
未息 豺狼鬪、空催 犬馬年。
歸朝 多便道、搏擊 望秋天。

〔0966_江月〕（五律）

江月 光於水、高樓 思殺人。
天邊 長作客、老去 一霑巾。
玉露 團清影、銀河 沒半輪。
誰家 挑錦字、燭滅 翠眉顰。

〔0967_月圓〕（五律）

孤月 當樓滿、寒江 動夜扉。
委波 金不定、照席 綺逾依。
未缺 空山靜、高懸 列宿稀。

故園 松桂發、萬里 共清輝。

〔0968_夜〕（七律）

露下 天高 秋水清、空山 獨夜 旅魂驚。
疏燈 自照 孤帆宿、新月 猶懸 雙杵鳴。
南菊 再逢 人臥病、北書 不至 雁無情。
步簷 倚仗 看牛斗、銀漢 遙應 接鳳城。

〔0969_草閣〕（五律）

草閣 臨無地、柴扉 永不關。
魚龍 迴夜水、星月 動秋山。
久露 晴初濕、高雲 薄未還。
泛舟 慚小婦、飄泊 損紅顏。

〔0970_宿江邊閣〕（五律）

暝色 延山徑、高齋 次水門。
薄雲 巖際宿、孤月 浪中翻。
鸛鶴 追飛靜、豺狼 得食喧。
不眠 憂戰伐、無力 正乾坤。

〔0971_吹笛〕（七律）

吹笛 秋山 風月清、誰家 巧作 斷腸聲。
風飄 律呂 相和切、月傍 關山 幾處明。
胡騎 中宵 堪北走、武陵 一曲 想南征。
故園 楊柳 今搖落、何得 愁中 卻盡生。

〔0972_西閣雨望〕（五律）

樓雨 霑雲幔、山寒 著水城。
逕添 沙面出、湍減 石稜生。
菊蕊 淒疏放、松林 駐遠情。
滂沱 朱檻濕、萬慮 倚簷楹。

〔0973_西閣三度期、大昌嚴明府同宿、不到〕（五律）

問子 能來宿、今疑 索故要。
匣琴 虛夜夜、手板 自朝朝。
金吼 霜鐘徹、花催 蠟炬銷。
早覺 江檻底、雙影 謾飄飄。

〔西閣二首〕

0974 其一（五排）

巫山 小搖落、碧色 見松林。
百鳥 各相命、孤雲 無自心。
層軒 俯江壁、要路 亦高深。
朱紱 猶紗帽、新詩 近玉琴。
功名 不早立、衰疾 謝知音。

哀世 非王粲、終然 學越吟。

0975 其二(五排)

懶心 似江水、日夜 向滄洲。

不道 含香賤、其如 鑷白休。

經過 凋碧柳、蕭瑟 倚朱樓。

畢娶 何時竟、消中 得自由。

豪華 看古往、服食 寄冥搜。

詩盡 人間興、兼須 入海求。

〔0976_西閣夜〕(五律)

恍惚 寒江暮、透迥 白霧昏。

山虛 風落石、樓靜 月侵門。

擊柝 可憫子、無衣 何處村。

時危 關百慮、盜賊 爾猶存。

〔0977_月〕(五律)

四更 山吐月、殘夜 水明樓。

塵匣 元開鏡、風簾 自上鉤。

兔應 疑鶴髮、蟾亦 戀貂裘。

斟酌 姮娥寡、天寒 奈九秋。

〔0978_宗武生日〕(五排)

小子 何時見、高秋 此日生。

自從 都邑語、已伴 老夫名。

詩是 吾家事、人傳 世上情。

熟精 文選理、休覓 彩衣輕。

凋瘵 筵初秩、敲斜 坐不成。

流霞 分片片、涓滴 就徐傾。

〔第五弟豐、獨在江左、近三四載、寂無消息、覓使寄此、二首〕

0979 其一(五律)

亂後 嗟吾在、羈棲 見汝難。

草黃 騏驎病、沙晚 鵲鴿寒。

楚設 關城險、吳吞 水府寬。

十年 朝夕淚、衣袖 不曾乾。

0980 其二(五律)

聞汝 依山寺、杭州 定越州。

風塵 淹別日、江漢 失清秋。

影著 啼猿樹、魂飄 結蜃樓。

明年 下春水、東盡 白雲求。

〔0981_聽楊氏歌〕(五古)

佳人 絕代歌、獨立 發皓齒。

滿堂 慘不樂、響下 清虛裏。

江城 帶素月、況乃 清夜起。

老夫 悲暮年、壯士 淚如水。
玉杯 久寂寞、金管 迷宮徵。
勿云 聽者疲、愚智 心盡死。
古來 傑出土、豈特 一知己。
吾聞 昔秦青、傾倒 天下耳。

『秋風二首』

0982 其一（七古）

秋風 淅淅 吹巫山、上牢 下牢 修水關。
吳檣 楚舵 牽百丈、暖向 成都 寒未還。
要路 何日 罷長戟、戰自 青羌 連白蠻。
中巴 不得 消息好、暝傳 戍鼓 長雲間。

0983 其二（七古）

秋風 淅淅 吹我衣、東流 之外 西日微。
天清 小城 搗練急、石古 細路 行人稀。
不知 明月 爲誰好、早晚 孤帆 他夜歸。
會將 白髮 倚庭樹、故園 池臺 今是非。

『0984 九日諸人集於林[登高諸人]』（五律）

九日 明朝是、相要 舊俗非。
老翁 難早出、賢客 幸知歸。
舊采 黃花 賸、新梳 白髮 微。
漫看 年少樂、忍淚 已沾衣。

『秋興八首』

0985 其一（七律）

玉露 凋傷 楓樹林、巫山 巫峽 氣蕭森。
江間 波浪 兼天湧、塞上 風雲 接地陰。
叢菊 兩開 他日淚、孤舟 一繫 故園心。
寒衣 處處 催刀尺、白帝 城高 急暮砧。

0986 其二（七律）

夔府 孤城 落日斜、每依 北斗 望京華。
聽猿 實下 三聲淚、奉使 虛隨 八月槎。
畫省 香爐 違伏枕、山樓 粉堞 隱悲笳。
請看 石上 藤蘿月、已映 洲前 蘆荻花。

0987 其三（七律）

千家 山郭 靜朝暉、日日 江樓 坐翠微。
信宿 漁人 還汎汎、清秋 燕子 故飛飛。
匡衡 抗疏 功名薄、劉向 傳經 心事違。
同學 少年 多不賤、五陵 衣馬 自輕肥。

0988 其四（七律）

聞道 長安 似弈棋、百年 世事 不勝悲。
王侯 第宅 皆新主、文武 衣冠 異昔時。
直北 關山 金鼓震、征西 車馬 羽書馳。
魚龍 寂寞 秋江冷、故國 平居 有所思。

0989 其五(七律)

蓬萊 高闕 對南山、承露 金莖 霄漢間。
西望 瑤池 降王母、東來 紫氣 滿函關。
雲移 雉尾 開宮扇、日繞 龍鱗 識聖顏。
一臥 滄江 驚歲晚、幾回 青瑣 點朝班。

0990 其六(七律)

瞿塘 峽口 曲江頭、萬里 風煙 接素秋。
花萼 夾城 通御氣、芙蓉 小苑 入邊愁。
珠簾 繡柱 圍黃鵠、錦纜 牙樯 起白鷗。
回首 可憐 歌舞地、秦中 自古 帝王州。

0991 其七(七律)

昆明 池水 漢時功、武帝 旌旗 在眼中。
織女 機絲 虛夜月、石鯨 鱗甲 動秋風。
波漂 菰米 沈雲黑、露冷 蓮房 墜粉紅。
關塞 極天 唯鳥道、江湖 滿地 一漁翁。

0992 其八(七律)

昆吾 御宿 自逶迤、紫閣 峰陰 入漢陂。
香稻 啄殘 薏苡粒、碧梧 棲老 鳳凰枝。
佳人 拾翠 春相問、仙侶 同舟 晚更移。
綵筆 昔曾 干氣象、白頭 今望 苦低垂。

『詠懷古跡五首』

0993 其一(七律)

支離 東北 風塵際、漂泊 西南 天地間。
三峽 樓臺 淹日月、五溪 衣服 共雲山。
羯胡 事主 終無賴、詞客 哀時 且未還。
庾信 平生 最蕭瑟、暮年 詩賦 動江關。

0994 其二(七律)

搖落 深知 宋玉悲、風流 儒雅 亦吾師。
悵望 千秋 一灑淚、蕭條 異代 不同時。
江山 故宅 空文藻、雲雨 荒臺 豈夢思。
最是 楚宮 俱泯滅、舟人 指點 到今疑。

0995 其三(七律)

羣山 萬壑 赴荆門、生長 明妃 尚有村。
一去 紫臺 連朔漠、獨留 青塚 向黃昏。
畫圖 省識 春風面、環珮 空歸 夜月魂。
千載 琵琶 作胡語、分明 怨恨 曲中論。

0996 其四(七律)

蜀主 窺吳 幸三峽、崩年 亦在 永安宮。
翠華 想像 空山裏、玉殿 虛無 野寺中。
古廟 杉松 巢水鶴、歲時 伏臘 走村翁。
武侯 祠屋 長鄰近、一體 君臣 祭祀同。

0997 其五(七律)

諸葛 大名 垂宇宙、宗臣 遺像 肅清高。
三分 割據 紆籌策、萬古 雲霄 一羽毛。

伯仲 之間 見伊呂、指揮 若定 失蕭曹。
運移 漢祚 終難復、志決 身殲 軍務勞。

『0998_寄韓諫議注』（七古）

今我 不樂 思岳陽、身欲 奮飛 病在床。
美人 娟娟 隔秋水、濯足 洞庭 望八荒。
鴻飛 冥冥 日月白、青楓 葉赤 天雨霜。
玉京 群帝 集北斗、或騎 騏驎 翳鳳凰。
芙蓉 旌旗 煙霧落、影動 倒景 搖瀟湘。
星宮 之君 醉瓊漿、羽人 稀少 不在旁。
似聞 昨者 赤松子、恐是 漢代 韓張良。
昔隨 劉氏 定長安、帷幄 未改 神慘傷。
國家 成敗 吾豈敢、色難 腥腐 餐楓香。
周南 留滯 古所惜、南極 老人 應壽昌。
美人 胡為 隔秋水、焉得 置之 貢玉堂。

『解悶十二首』

0999 其一（七絕）

草閣 柴扉 星散居、浪翻 江黑 雨飛初。
山禽 引子 哺紅果、溪女 得錢 留白魚。

1000 其二（七絕）

商胡 離別 下揚州、憶上 西陵 故驛樓。
為問 淮南 米貴賤、老夫 乘興 欲東遊。

1001 其三（七絕）

一辭 故國 十經秋、每見 秋瓜 憶故丘。
今日 南湖 采薇蕨、何人 為覓 鄭瓜州。

1002 其四（七絕）

沈范 早知 何水部、曹劉 不待 薛郎中。
獨當 省署 開文苑、兼泛 滄浪 學釣翁。

1003 其五（七絕）

李陵 蘇武 是吾師、孟子 論文 更不疑。
一飯 未曾 留俗客、數篇 今見 古人詩。

1004 其六（七絕）

復憶 襄陽 孟浩然、清詩 句句 盡堪傳。
即今 耆舊 無新語、漫釣 槎頭 縮頸鱸。

1005 其七（七絕）

陶冶 性靈 存底物、新詩 改罷 自長吟。
熟知 二謝 將能事、頗學 陰何 苦用心。

1006 其八（七絕）

不見 高人 王右丞、藍田 丘壑 蔓寒藤。
最傳 秀句 寰區滿、未絕 風流 相國能。

1007 其九（七絕）

先帝 貴妃 今寂寞、荔枝 還復 入長安。
炎方 每續 朱櫻獻、玉座 應悲 白露團。

1008 其十（七絕）

憶過 瀘戎 摘荔枝、青楓 隱映 石逶迤。
京華 應見 無顏色、紅顆 酸甜 只自知。

1009 其十一(七絕)

翠瓜 碧李 沈玉甃、赤梨 蒲萄 寒露成。
可憐 先不 異枝蔓、此物 娟娟 長遠生。

1010 其十二(七絕)

側生 野岸 及江蒲、不熟 丹宮 滿玉壺。
雲壑 布衣 駘背死、勞人 害馬 翠眉須。

〔 1011_洞房 〕(五律)

洞房 環珮冷、玉殿 起秋風。
秦地 應新月、龍池 滿舊宮。
繫舟 今夜遠、清漏 往時同。
萬里 黃山北、園陵 白露中。

〔 1012_宿昔 〕(五律)

宿昔 青門裏、蓬萊 仗數移。
花嬌 迎雜樹、龍喜 出平池。
落日 留王母、微風 倚少兒。
宮中 行樂秘、少有 外人知。

〔 1013_能畫 〕(五律)

能畫 毛延壽、投壺 郭舍人。
每蒙 天一笑、復似 物皆春。
政化 平如水、皇明 斷若神。
時時 用抵戲、亦未 雜風塵。

〔 1014_鬪雞 〕(五律)

鬪雞 初賜錦、舞馬 既登床。
簾下 宮人出、樓前 御曲長。
仙遊 終一閱、女樂 久無香。
寂寞 驪山道、清秋 草木黃。

〔 1015_歷歷 〕(五律)

歷歷 開元事、分明 在眼前。
無端 盜賊起、忽已 歲時遷。
巫峽 西江外、秦城 北斗邊。
爲郎 從白首、臥病 數秋天。

〔 1016_洛陽 〕(五律)

洛陽 昔陷沒、胡馬 犯潼關。
天子 初愁思、都人 慘別顏。
清笳 去宮闕、翠蓋 出關山。
故老 仍流涕、龍髯 幸再攀。

〔1017_驪山〕（五律）

驪山 絕望幸、花萼 罷登臨。
地下 無朝燭、人間 有賜金。
鼎湖 龍去遠、銀海 雁飛深。
萬歲 蓬萊日、長懸 舊羽林。

〔1018_提封〕（五律）

提封 漢天下、萬國 尚同心。
懽懽 懸車守、何如 儉德臨。
時微 俊乂入、莫慮 犬羊侵。
願戒 兵猶火、恩加 四海深。

〔1019_鸚鵡〕（五律）

鸚鵡 含愁思、聰明 憶別離。
翠衿 渾短盡、紅嘴 漫多知。
未有 開籠日、空殘 舊宿枝。
世人 憐復損、何用 羽毛奇。

〔1020_孤雁〕（五律）

孤雁 不飲啄、飛鳴 聲念羣。
誰憐 一片影、相失 萬重雲。
望盡 似猶見、哀多 如更聞。
野鴉 無意緒、鳴噪 亦紛紛。

〔1021_鷗〕（五律）

江浦 寒鷗戲、無他 亦自饒。
卻思 翻玉羽、隨意 點青苗。
雪暗 還須浴、風生 一任飄。
幾羣 滄海上、清影 日蕭蕭。

〔1022_猿〕（五律）

裊裊 啼虛壁、蕭蕭 掛冷枝。
艱難 人不免、隱見 爾如知。
慣習 元從衆、全生 或用奇。
前林 騰每及、父子 莫相離。

〔1023_麋〕（五律）

永與 清溪別、蒙將 玉饌俱。
無才 逐仙隱、不敢 恨庖廚。
亂世 輕全物、微聲 及禍樞。
衣冠 兼盜賊、饕餮 用斯須。

〔1024_雞〕（五律）

紀德 名標五、初鳴 度必三。
殊方 聽有異、失次 曉無慚。

問俗 人情似、充庖 爾輩堪。
氣交 亭育際、巫峽 漏司南。

〔1025_黃魚〕（五律）

日見 巴東峽、黃魚 出浪新。
脂膏 兼飼犬、長大 不容身。
筒桶 相沿久、風雷 肯為伸。
泥沙 卷涎沫、回首 怪龍鱗。

〔1026_白小〕（五律）

白小 羣分命、天然 二寸魚。
細微 霑水族、風俗 當園蔬。
入肆 銀花亂、傾筐 雪片虛。
生成 猶拾卵、盡取 義何如。

〔1027_哭王彭州掄〕（五排）

執友 驚淪沒、斯人 已寂寥。
新文 生沈謝、異骨 降松喬。
北部 初高選、東床 早見招。
蛟龍 纏倚劍、鸞鳳 夾吹簫。
歷職 漢庭久、中年 胡馬驕。
兵戈 闇兩觀、寵辱 自三朝。
蜀路 江干窄、彭門 地里遙。
解龜 生碧草、諫獵 阻青霄。
頃壯 戎麾出、叨陪 幕府要。
將軍 臨氣候、猛士 塞風飈。
井渫 泉誰汲、烽疏 火不燒。
前籌 自多暇、隱几 接終朝。
翠石 俄雙表、寒松 竟後凋。
贈詩 焉敢墜、染翰 欲無聊。
再哭 經過罷、離魂 去住銷。
之官 方玉折、寄葬 與萍漂。
曠望 渥洼道、霏微 河漢橋。
夫人 先即世、令子 各清標。
巫峽 長雲雨、秦城 近斗杓。
馮唐 毛髮白、歸興 日蕭蕭。

〔1028_偶題〕（五排）

文章 千古事、得失 寸心知。
作者 皆殊列、名聲 豈浪垂。
騷人 嗟不見、漢道 盛於斯。
前輩 飛騰入、餘波 綺麗為。
後賢 兼舊制、歷代 各清規。
法自 儒家有、心從 弱歲疲。
永懷 江左逸、多病 鄴中奇。

駉驥 皆良馬、騏驎 帶好兒。
車輪 徒已斲、堂構 惜仍虧。
漫作 潛夫論、虛傳 幼婦碑。
緣情 慰漂蕩、抱疾 屢遷移。
經濟 慚長策、飛棲 假一枝。
塵沙 傍蜂蠆、江峽 繞蛟螭。
蕭瑟 唐虞遠、聯翩 楚漢危。
聖朝 兼盜賊、異俗 更喧卑。
鬱鬱 星辰劍、蒼蒼 雲雨池。
兩都 開幕府、萬宇 插軍麾。
南海 殘銅柱、東風 避月支。
音書 恨烏鵲、號怒 怪熊羆。
稼穡 分詩興、柴荆 學士宜。
故山 迷白閣、秋水 憶黃陂。
不敢 要佳句、愁來 賦別離。

〔1029_君不見簡蘇侯〕（七古）

君不見 道邊 廢棄池、君不見 前者 摧折桐。
百年 死樹 中琴瑟、一斛 舊水 藏蛟龍。
丈夫 蓋棺 事始定、君今 幸未 成老翁、何恨 憔悴 在山中。
深山 窮谷 不可處、霹靂 魍魎 兼狂風。

〔1030_贈蘇四侯〕（五古）

異縣 昔同遊、各云 厭轉蓬。
別離 已五年、尚在 行李中。
戎馬 日衰息、乘輿 安九重。
有才 何棲棲、將老 委所窮。
為郎 未為賤、其奈 疾病攻。
子何 面黧黑、焉得 豁心胸。
巴蜀 倦剽劫、下愚 成土風。
幽薊 已削平、荒徼 尚彎弓。
斯人 脫身來、豈非 吾道東。
乾坤 雖寬大、所適 裝囊空。
肉食 哂菜色、少壯 欺老翁。
況乃 主客間、古來 偏側同。
君今 下荊揚、獨帆 如飛鴻。
二州 豪俠場、人馬 皆自雄。
一請 甘饑寒、再請 甘養蒙。

〔1031_別蘇侯〕（五排）

故人 有遊子、棄擲 傍天隅。
他日 憐才命、居然 屈壯圖。
十年 猶塌翼、絕倒 為驚呼。
消渴 今如此、提攜 愧老夫。
豈知 臺閣舊、先拂 鳳凰雛。

得實 翻蒼竹、棲枝 把翠梧。
北辰 當宇宙、南嶽 據江湖。
國帶 煙塵色、兵張 虎豹符。
數論 封內事、揮發 府中趨。
贈爾 秦人策、莫鞭 轅下駒。

〔1032_李潮八分小篆歌〕（雜古）

蒼頡 鳥跡 既茫昧、字體 變化 如浮雲。
陳倉 石鼓 又已訛、大小 二篆 生八分。
秦有 李斯 漢蔡邕、中間 作者 絕不聞。
嶧山 之碑 野火焚、棗木 傳刻 肥失真。
苦縣 光和 尚骨立、書貴 瘦硬 方通神。
惜哉 李蔡 不復得、吾甥 李潮 下筆親。
尚書 韓擇木、騎曹 蔡有鄰。
開元 已來 數八分、潮也 奄有 二子 成三人。
況潮 小篆 逼秦相、快劍 長戟 森相向。
八分 一字 直百金、蛟龍 盤拿 肉屈強。
吳郡 張顛 誇草書、草書 非古 空雄壯。
豈如 吾甥 不流宕、丞相 中郎 丈人行。
巴東 逢李潮、逾月 求我歌。
我今 衰老 才力薄、潮乎 潮乎 奈汝何。

〔峽口二首〕

1033 其一（五律）

峽口 大江間、西南 控百蠻。
城鼓 連粉堞、岸斷 更青山。
開關 當天險、防隅 一水關。
亂離 聞鼓角、秋氣 動衰顏。

1034 其二（五律）

時清 關失險、世亂 戟如林。
去矣 英雄事、荒哉 割據心。
蘆花 留客晚、楓樹 坐猿深。
疲茶 煩親故、諸侯 數賜金。

〔1035_南極〕（五排）

南極 青山衆、西江 白谷分。
古城 疏落木、荒戍 密寒雲。
歲月 蛇常見、風飆 虎忽聞。
近身 皆鳥道、殊俗 自人群。
睥睨 登哀柝、蜚弧 照夕曛。
亂離 多醉尉、愁殺 李將軍。

〔1036_瞿塘兩崖〕（五律）

三峽 傳何處、雙崖 壯此門。
入天 猶石色、穿水 忽雲根。

猱獬 鬚髯古、蛟龍 窟宅尊。
羲和 冬馭近、愁畏 日車翻。

〔1037_瞿塘懷古〕（五律）
西南 萬壑注、勁敵 兩崖開。
地與 山根裂、江從 月窟來。
削成 當白帝、空曲 隱陽臺。
疏鑿 功雖美、陶鈞 力大哉。

〔1038_夜宿西閣、曉、呈元二十一曹長〕（五律）
城暗 更籌急、樓高 雨雪微。
稍通 綃幕霽、遠帶 玉繩稀。
門鵲 晨光起、檣烏 宿處飛。
寒流 江甚細、有意 待人歸。

〔1039_西閣口號、呈元二十一〕（五律）
山木 抱雲稠、寒空 繞上頭。
雪崖 纔變石、風幔 不依樓。
社稷 堪流涕、安危 在運籌。
看君 話王室、感動 幾銷憂。

〔1040_閣夜〕（七律）
歲暮 陰陽 催短景、天涯 霜雪 霽寒宵。
五更 鼓角 聲悲壯、三峽 星河 影動搖。
野哭 千家 聞戰伐、夷歌 幾處 起漁樵。
臥龍 躍馬 終黃土、人事 音書 漫寂寥。

〔1041_瀘西寒望〕（五律）
水色 含羣動、朝光 切太虛。
年侵 頻悵望、興遠 一蕭疏。
猿掛 時相學、鷗行 炯自如。
瞿塘 春欲至、定卜 瀘西居。

〔1042_西閣曝日〕（五古）
凜冽 倦玄冬、負暄 嗜飛閣。
羲和 流德澤、顓頊 愧倚薄。
毛髮 具自和、肌膚 潛沃若。
太陽 信深仁、衰氣 歟有託。
鼓傾 煩注眼、容易 收病脚。
流離 木杪猿、翩躚 山巔鶴。
朋知 苦聚散、哀樂 日已作。
即事 會賦詩、人生 忽如昨。
古來 遭喪亂、賢聖 盡蕭索。
胡為 將暮年、憂世 心力弱。

『不離西閣二首』

1043 其一(五律)

江柳 非時發、江花 冷色頻。
地偏 應有瘴、臘近 已含春。
失學 從愚子、無家 任老身。
不知 西閣意、肯別 定留人。

1044 其二(五律)

西閣 從人別、人今 亦故亭。
江雲 飄素練、石壁 斷空青。
滄海 先迎日、銀河 倒列星。
平生 耽勝事、吁駭 始初經。

『1045_縛雞行』(七古)

小奴 縛雞 向市賣、雞被 縛急 相喧爭。
家中 厭雞 食蟲蟻、不知 雞賣 還遭烹。
蟲雞 於人 何厚薄、吾叱 奴人 解其縛。
雞蟲 得失 無了時、注目 寒江 倚山閣。

『1046_小至』(七律)

天時 人事 日相催、冬至 陽生 春又來。
刺繡 五紋 添弱線、吹葭 六琯 動飛灰。
岸容 待臘 將舒柳、山意 衝寒 欲放梅。
雲物 不殊 鄉國異、教兒 且覆 掌中杯。

『1047_寄柏學士林居』(七古)

自胡 之反 持干戈、天下 學士 亦奔波。
嘆彼 幽棲 載典籍、蕭然 暴露 依山阿。
青山 萬重 靜散地、白雨 一洗 空垂蘿。
亂代 飄零 予到此、古人 成敗 子如何。
荊揚 冬春 異風土、巫峽 日夜 多雲雨。
赤葉 楓林 百舌鳴、黃花 野岸 天雞舞。
盜賊 縱橫 甚密邇、形神 寂寞 甘辛苦。
幾時 高議 排金門、各使 蒼生 有環堵。

『1048_折檻行』(七古)

嗚呼 房魏 不復見、秦王 學士 時難羨。
青衿 胄子 困泥塗、白馬 將軍 若雷電。
千載 少似 朱雲人、至今 折檻 空嶙峋。
婁公 不語 宋公語、尚憶 先皇 容直臣。

『1049_覽柏中丞兼子姪數人除官制詞因述父子兄弟四美載歌絲綸[柏中允兼]』(五排)

紛然 喪亂際、見此 忠孝門。
蜀中 寇亦甚、柏氏 功彌存。
深誠 補王室、戮力 自元昆。
三止 錦江沸、獨清 玉壺昏。

高名 入竹帛、新渥 照乾坤。
子弟 先卒伍、芝蘭 疊璵璠。
同心 注師律、灑血 在戎軒。
絲綸 實具載、紱冕 已殊恩。
奉公 舉骨肉、誅叛 經寒溫。
金甲 雪猶凍、朱旗 塵不翻。
每聞 戰場說、欵激 懦氣奔。
聖主 國多盜、賢臣 官則尊。
方當 節鉞用、必絕 祿沴根。
吾病 日迴首、雲臺 誰再論。
作歌 挹盛事、推轂 期孤鶩。

〔1050_覽鏡呈柏中丞〕（五律）

渭水 流關內、終南 在日邊。
膽銷 豺虎窟、淚入 犬羊天。
起晚 堪從事、行遲 更學仙。
鏡中 衰謝色、萬一 故人憐。

〔陪柏中丞觀宴將士二首〕

1051 其一（五律）

極樂 三軍士、誰知 百戰場。
無私 齊綺饌、久坐 密金章。
醉客 霑鸞鷟、佳人 指鳳凰。
幾時 來翠節、特地 引紅妝。

1052 其二（五律）

繡段 裝簷額、金花 帖鼓腰。
一夫 先舞劍、百戲 後歌樵。
江樹 城孤遠、雲臺 使寂寥。
漢朝 頻選將、應拜 霍嫖姚。

〔1053_奉送蜀州柏二別駕、將中丞命、赴江陵、起居衛尚書太夫人。因示從弟行軍司馬位〕（七律）

中丞 問俗 畫熊頻、愛弟 傳書 綵鷁新。
遷轉 五州 防禦使、起居 八座 太夫人。
楚宮 臘送 荊門水、白帝 雲偷 碧海春。
與報 惠連 詩不惜、知吾 斑鬢 總如銀。

〔1054_送鮮于萬州遷巴州〕（五律）

京兆 先時傑、琳瑯 照一門。
朝廷 偏注意、接近 與名藩。
祖帳 排舟數、寒江 觸石喧。
看君 妙為政、他日 有殊恩。

〔1055_奉送十七舅下邵桂〕（五律）

絕域 三冬暮、浮生 一病身。
感深 辭舅氏、別後 見何人。

縹緲 蒼梧帝、推遷 孟母鄰。
昏昏 阻雲水、側望 苦傷神。

〔1056_荊南兵馬使太常卿趙公大食刀歌〕（七古）

太常 樓船 聲嗷嘈、問兵 刮寇 趨下牢。
牧出 令奔 飛百艘、猛蛟 突獸 紛騰逃。
白帝 寒城 駐錦袍、玄冬 示我 胡國刀。
壯士 短衣 頭虎毛、憑軒 拔鞘 天為高。
翻風 轉日 木怒號、冰翼 雪澹 傷哀猱。
鐫錯 碧甕 鷺鵲膏、鉞鏑 已瑩 虛秋濤。
鬼物 撇捩 辭坑壕、蒼水 使者 捫赤條。
龍伯 國人 罷釣鼈、芮公 迴首 顏色勞。
分閭 救世 用賢豪、趙公 玉立 高歌起。
攬環 結佩 相終始、萬歲 持之 護天子。
得君 亂絲 與君理、蜀江 如線 針如水。
荊岑 彈丸 心未已、賊臣 惡子 休干紀。
魑魅 魍魎 徒為耳、妖腰 亂領 敢欣喜。
用之 不高 亦不庫、不似 長劍 須天倚。
吁嗟 光祿 英雄弭、大食 寶刀 聊可比。
丹青 宛轉 麒麟裏、光芒 六合 無泥滓。

〔1057_王兵馬使二角鷹〕（七古）

悲臺 蕭瑟 石龍從、哀壑 杈枒 浩呼洶。
中有 萬里 之長江、迴風 滔日 孤光動。
角鷹 倒翻 壯士臂、將軍 玉帳 軒翠氣。
二鷹 猛腦 條徐墜、目如 愁胡 視天地。
杉雞 竹兔 不 自惜、溪虎 野羊 俱辟易。
韞上 鋒稜 十二翮、將軍 勇銳 與之敵。
將軍 樹勳 起安西、崑崙 虞泉 入馬蹄。
白羽 曾肉 三狡狴、敢決 豈不 與之齊。
荊南 芮公 得將軍、亦如 角鷹 下翔雲。
惡鳥 飛飛 啄金屋、安得 爾輩 開其羣、
驅出 六合 梟鸞分。

〔見王監兵馬使說、近山有白黑二鷹、羅者久取、竟未能得、王以為毛骨有異他鷹、恐臘後春生、鸞飛避暖、勁翮思秋之甚、眇不可見、請余賦詩、二首〕

1058 其一（七律）

雪飛 玉立 盡清秋、不惜 奇毛 恣遠遊。
在野 只教 心力破、于人 何事 網羅求。
一生 自獵 知無敵、百中 爭能 恥下韝。
鵬礙 九天 須卻避、兔藏 三窟 莫深憂。

1059 其二（七律）

黑鷹 不省 人間有、度海 疑從 北極來。
正翮 搏風 超紫塞、玄冬 幾夜 宿陽臺。
虞羅 自覺 虛施巧、春雁 同歸 必見猜。

萬里 寒空 祇一日、金眸 玉爪 不凡材。

〔1060_玉腕騶〕（五古）

聞說 荊南馬、尚書 玉腕騶。
驂驪 飄赤汗、踟躕 顧長楸。
胡虜 三年入、乾坤 一戰收。
舉鞭 如有問、欲伴 習池遊。

〔1061_醉為馬墜諸公攜酒相看〕（七古）

甫也 諸侯 老賓客、罷酒 酣歌 拓金戟。
騎馬 忽憶 少年時、散蹄 迸落 瞿塘石。
白帝 城門 水雲外、低身 直下 八千尺。
粉堞 電轉 紫游韁、東得 平岡 出天壁。
江村 野堂 爭入眼、垂鞭 鞞鞞 凌紫陌。
向來 皓首 驚萬人、自倚 紅顏 能騎射。
安知 決臆 追風足、朱汗 驂驪 猶噴玉。
不虞 一蹶 終損傷、人生 快意 多所辱。
職當 憂戚 伏衾枕、況乃 遲暮 加煩促。
朋知 來問 腆我顏、杖藜 強起 依僮僕。
語盡 還成 開口笑、提攜 別掃 清溪曲。
酒肉 如山 又一時、初筵 哀絲 動豪竹。
共指 西日 不相貸、喧呼 且覆 杯中渌。
何必 走馬 來為問、君不見 嵇康 養生 遭殺戮。

〔覆舟二首〕

1062 其一（五律）

巫峽 盤渦曉、黔陽 貢物秋。
丹砂 同隕石、翠羽 共沈舟。
羈使 空斜影、龍宮 閤積流。
篙工 幸不溺、俄頃 逐輕鷗。

1063 其二（五律）

竹宮 時望拜、桂館 或求仙。
姹女 凌波日、神光 照夜年。
徒聞 斬蛟劍、無復 爨犀船。
使者 隨秋色、迢迢 獨上天。

〔1064_送李功曹之荊州、充鄭侍御判官、重贈〕（五律）

曾聞 宋玉宅、每欲 到荊州。
此地 生涯晚、遙悲 水國秋。
孤城 一柱觀、落日 九江流。
使者 雖光彩、青楓 遠自愁。

〔1065_送王十六判官〕（五律）

客下 荊南盡、君今 復入舟。
買薪 猶白帝、鳴櫓 已沙頭。

衡霍 生春早、瀟湘 共海浮。
荒林 庾信宅、為仗 主人留。

〔1066_別崔湜、因寄薛據·孟雲卿〕（五律）

志士 惜妄動、知深 難固辭。
何如 久磨礪、但取 不磷緇。
夙夜 聽憂主、飛騰 急濟時。
荊州 遇薛孟、為報 欲論詩。

〔1067_寄杜位〕（五律）

寒日 經簷短、窮猿 失木悲。
峽中 為客久、江上 憶君時。
天地 身何在、風塵 病敢辭。
封書 兩行淚、霑灑 裏新詩。

〔1068_立春〕（七律）

春日 春盤 細生菜、忽憶 兩京 梅發時。
盤出 高門 行白玉、菜傳 纖手 送青絲。
巫峽 寒江 那對眼、杜陵 遠客 不勝悲。
此身 未知 歸定處、呼兒 覓紙 一題詩。

〔1069_江梅〕（五律）

梅蕊 臘前破、梅花 年後多。
絕知 春意好、最奈 客愁何。
雪樹 元同色、江風 亦自波。
故園 不可見、巫岫 鬱嵯峨。

〔1070_庭草〕（五律）

楚草 經寒碧、庭春 入眼濃。
舊低 收葉舉、新掩 卷牙重。
步履 宜輕過、開筵 得屢供。
看花 隨節序、不敢 強為容。

〔1071_愁〕（七律）

江草 日日 喚愁生、巫峽 泠泠 非世情。
盤渦 驚浴 底心性、獨樹 花發 自分明。
十年 戎馬 暗南國、異域 賓客 老孤城。
渭水 秦山 得見否、人今 罷病 虎縱橫。

〔1072_王十五前閣會〕（五律）

楚岸 收新雨、春臺 引細風。
情人 來石上、鮮膾 出江中。
鄰舍 煩書札、肩輿 強老翁。
病身 虛俊味、何幸 飫兒童。

〔1073_崔評事弟許相迎不到應慮老夫見泥雨怯出必愆佳期走筆戲簡〕（七律）

江閣 邀賓 許馬迎、午時 起坐 自天明。
浮雲 不負 青春色、細雨 何孤 白帝城。
身過 花間 霑濕好、醉於 馬上 往來輕。
虛疑 皓首 衝泥怯、實少 銀鞍 傍險行。

〔1074_遣悶戲呈路十九曹長〕（七律）

江浦 雷聲 喧昨夜、春城 雨色 動微寒。
黃鸝 並坐 交愁濕、白鷺 羣飛 太劇乾。
晚節 漸於 詩律細、誰家 數去 酒杯寬。
唯君 最愛 清狂客、百遍 相過 意未闌。

〔1075_晝夢〕（七律）

二月 饒睡 昏昏然、不獨 夜短 晝分眠。
桃花 氣暖 眼自醉、春渚 日落 夢相牽。
故鄉 門巷 荊棘底、中原 君臣 豺虎邊。
安得 務農 息戰鬪、普天 無吏 橫索錢。

〔1076_暮春〕（七律）

臥病 擁塞 在峽中、瀟湘 洞庭 虛映空。
楚天 不斷 四時雨、巫峽 常吹 襄陽風。
沙上 草閣 柳新閣、城邊 野池 蓮欲紅。
暮春 鴛鴦 立洲渚、挾子 翻飛 還一叢。

〔1077_即事（暮春三月）〕（七律）

暮春 三月 巫峽長、晶晶 行雲 浮日光。
雷聲 忽送 千峰雨、花氣 渾如 百和香。
黃鶯 過水 翻迴去、燕子 銜泥 濕不妨。
飛閣 卷簾 圖畫裏、虛無 只少 對瀟湘。

〔1078_懷灞上遊〕（五律）

悵望 東陵道、平生 灞上遊。
春濃 停野騎、夜敞 宿雲樓。
離別 人誰在、經過 老自休。
眼前 今古意、江漢 一歸舟。

〔入宅三首〕

1079 其一（五律）

奔峭 背赤甲、斷崖 當白鹽。
客居 愧遷次、春色 漸多添。
花亞 欲移竹、鳥窺 新捲簾。
衰年 不敢恨、勝概 欲相兼。

1080 其二（五律）

亂後 居難定、春歸 客未還。
水生 魚復浦、雲暖 麝香山。

半頂梳頭白、過眉拄杖斑。
相看多使者、一一問函關。

1081 其三(五律)

宋玉歸州宅、雲通白帝城。
吾人淹老病、旅食豈才名。
峽口風常急、江流氣不平。
只應與兒子、飄轉任浮生。

〔1082_赤甲〕(七律)

卜居赤甲遷居新、兩見巫山楚水春。
炙背可以獻天子、美芹由來知野人。
荊州鄭薛寄詩近、蜀客郗岑非我鄰。
笑接郎中評事飲、病從深酌道吾真。

〔1083_卜居〕(五律)

歸羨遼東鶴、吟同楚執珪。
未成遊碧海、著處覓丹梯。
雲嶂寬江北、春耕破瀼西。
桃紅客若至、定似昔人迷。

〔暮春題瀼西新賃草屋五首〕

1084 其一(五律)

久嗟三峽客、再與暮春期。
百舌欲無語、繁花能幾時。
谷虛雲氣薄、波亂日華遲。
戰伐何由定、哀傷不在茲。

1085 其二(五律)

此邦千樹橘、不見比封君。
養拙干戈際、全生麋鹿羣。
畏人江北草、旅食瀼西雲。
萬里巴渝曲、三年實飽聞。

1086 其三(五律)

綵雲陰復白、錦樹曉來青。
身世雙蓬鬢、乾坤一草亭。
哀歌時自短、醉舞為誰醒。
細雨荷鋤立、江猿吟翠屏。

1087 其四(五律)

壯年學書劍、他日委泥沙。
事主非無祿、浮生即有涯。
高齋依藥餌、絕域改春華。
喪亂丹心破、王臣未一家。

1088 其五(五律)

欲陳濟世策、已老尚書郎。
不息豺狼鬪、空慚鴛鷺行。
時危人事急、風逆羽毛傷。

落日 悲江漢、中宵 淚滿床。

〔1089_寄從孫崇簡〕（七排）

嵯峨 白帝 城東西、南有 龍湫 北虎溪。
吾孫 騎曹 不記馬、業學 尸鄉 多養雞。
龐公 隱時 盡室去、武陵 春樹 他人迷。
與汝 林居 未相失、近身 藥裹 酒常攜。
牧豎 樵童 亦無賴、莫令 斬斷 青雲梯。

〔1090_江雨有懷鄭典設〕（七律）

春雨 闇闇 塞峽中、早晚 來自 楚王宮。
亂波 紛披 已打岸、弱雲 狼藉 不禁風。
寵光 蕙葉 與多碧、點注 桃花 舒小紅。
谷口 子真 正憶汝、岸高 灤滑 限西東。

〔1091_熟食日示宗文宗武〕（五律）

消渴 遊江漢、羈棲 尚甲兵。
幾年 逢熟食、萬里 逼清明。
松柏 邛山路、風花 白帝城。
汝曹 催我老、回首 淚縱橫。

〔1092_又示兩兒〕（五律）

令節 成吾老、他時 見汝心。
浮生 看物變、為恨 與年深。
長葛 書難得、江州 涕不禁。
團圓 思弟妹、行坐 白頭吟。

〔1093_得舍弟觀書。自中都已達江陵、今茲暮春月末、行李合到夔州。悲喜相兼、團圓可待。賦詩即事、情見乎詞〕（五律）

爾過 江陵府、何時 到峽州。
亂離 生有別、聚集 病應瘳。
颯颯 開啼眼、朝朝 上水樓。
老身 須付託、白骨 更何憂。

〔喜觀即到復題短篇二首〕

1094 其一（五律）

巫峽 千山暗、終雨 萬里春。
病中 吾見弟、書到 汝為人。
意答 兒童問、來經 戰伐新。
泊船 悲喜後、款款 話歸秦。

1095 其二（五律）

待爾 噴烏鵲、拋書 示鸛鵒。
枝間 喜不去、原上 急曾經。
江閣 嫌津柳、風帆 數驛亭。
應論 十年事、愁絕 始惺惺。

『1096_晚登灊上堂』（五古）

故躋 灊岸高、頗免 崖石擁。
開襟 野堂豁、繫馬 林花動。
雉堞 粉如雲、山田 麥無隴。
春氣 晚更生、江流 靜猶湧。
四序 嬰我懷、羣盜 久相踵。
黎民 困逆節、天子 渴垂拱。
所思 注東北、深峽 轉修聳。
衰老 自成病、郎官 未為冗。
淒其 望呂葛、不復 夢周孔。
濟世 數嚮時、斯人 各枯冢。
楚星 南天黑、蜀月 西霧重。
安得 隨鳥翎、迫此 懼將恐。

『1097_寄薛三郎中璩』（五古）

人生 無賢愚、飄飈 若埃塵。
自非 得神仙、誰克 免其身。
與子 俱白頭、役役 常苦辛。
雖為 尚書郎、不及 村野人。
憶昔 村野人、其樂 難具陳。
藹藹 桑麻交、公侯 為等倫。
天未 厭戎馬、我輩 本常貧。
子尚 客荊州、我亦 滯江濱。
峽中 一臥病、瘡癘 終冬春。
春復 加肺氣、此病 蓋有因。
早歲 與蘇鄭、痛飲 情相親。
二公 化為土、嗜酒 不失真。
余今 委修短、豈得 恨命屯。
聞子 心甚壯、所過 信席珍。
上馬 不用扶、每扶 必怒瞋。
賦詩 賓客間、揮灑 動八垠。
乃知 蓋代手、才力 老益神。
青草 洞庭湖、東浮 滄海濤。
君山 可避暑、況足 采白蘋。
子豈 無扁舟、往復 江漢津。
我未 下瞿塘、空念 禹功勤。
聽說 松門峽、吐藥 攬衣巾。
高秋 卻束帶、鼓枻 視青旻。
鳳池 日澄碧、濟濟 多士新。
余病 不能起、健者 勿逡巡。
上有 明哲君、下有 行化臣。

『1098_送惠二歸故居』（五律）

惠子 白駒瘦、歸溪 唯病身。

皇天 無老眼、空谷 滯斯人。
崖蜜 松花熟、山杯 竹葉新。
柴門 了無事、黃綺 未稱臣。

『承聞河北諸道節度入朝歡喜口號絕句十二首』

1099 其一(七絕)

祿山 作逆 降天誅、更有 思明 亦已無。
洶洶 人實 猶不定、時時 戰鬪 欲何須。

1100 其二(七絕)

社稷 蒼生 計必安、蠻夷 雜種 錯相干。
周宣 漢武 今王是、孝子 忠臣 後代看。

1101 其三(七絕)

喧喧 道路 好童謠、河北 將軍 盡入朝。
自是 乾坤 王室正、卻教 江漢 客魂銷。

1102 其四(七絕)

不道 諸公 無表來、茫茫 庶事 遣人猜。
擁兵 相學 干戈銳、使者 徒勞 萬里迴。

1103 其五(七絕)

鳴玉 鏘金 盡正臣、修文 偃武 不無人。
興王 會靜 妖氛氣、聖壽 宜過 一萬春。

1104 其六(七絕)

英雄 見事 若通神、聖哲 為心 小一身。
燕趙 休矜 出佳麗、宮闈 不擬 選才人。

1105 其七(七絕)

抱病 江天 白首郎、空山 樓閣 暮春光。
衣冠 是日 朝天子、草奏 何時 入帝鄉。

1106 其八(七絕)

澶漫 山東 一百州、削成 如案 抱青丘。
包茅 重入 歸關內、王祭 還供 盡海頭。

1107 其九(七絕)

東逾 遼水 北溟沱、星象 風雲 喜共和。
紫氣 關臨 天地闊、黃金 臺貯 俊賢多。

1108 其十(七絕)

漁陽 突騎 邯鄲兒、酒酣 並轡 金鞭垂。
意氣 即歸 雙闕舞、雄豪 復遣 五陵知。

1109 其十一(七絕)

李相 將軍 擁薊門、白頭 惟有 赤心存。
竟能 盡說 諸侯入、知有 從來 天子尊。

1110 其十二(七絕)

十二 年來 多戰場、天威 已息 陣堂堂。
神靈 漢代 中興主、功業 汾陽 異姓王。

『月三首』

1111 其一(五律)

斷續 巫山雨、天河 此夜新。

若無青嶂月、愁殺白頭人。
𦵏𦵏移深樹、蝦蟆沒半輪。
故園當北斗、直想照西秦。

1112 其二（五律）

併照巫山出、新窺楚水清。
羈棲愁裏見、二十四迴明。
必驗升沈體、如知進退情。
不違銀漢落、亦伴玉繩橫。

1113 其三（五律）

萬里瞿塘月、春來六上弦。
時時開暗室、故故滿青天。
爽合風襟靜、高當淚臉懸。
南飛有烏鵲、夜久落江邊。

〔1114_晨雨〕（五律）

小雨晨光內、初來葉上聞。
霧交纔灑地、風折旋隨雲。
暫起柴荆色、輕霑鳥獸羣。
麝香山一半、亭午未全分。

〔1115_過客相尋〕（五律）

窮老真無事、江山已定居。
地幽忘盥櫛、客至罷琴書。
掛壁移筐果、呼兒問煮魚。
時聞繫舟楫、及此問吾廬。

〔1116_豎子至〕（五律）

榼梨纔綴碧、梅杏半傳黃。
小子幽園至、輕籠熟柰香。
山風猶滿把、野露及新嘗。
敲枕江湖客、提攜日月長。

〔1117_園〕（五律）

仲夏流多水、清晨向小園。
碧溪搖艇闊、朱果爛枝繁。
始為江山靜、終防市井喧。
畦蔬繞茅屋、自足媚盤飧。

〔1118_歸〕（五律）

束帶還騎馬、東西卻渡船。
林中才有地、峽外絕無天。
虛白高人靜、喧卑俗彙牽。
他鄉閱遲暮、不敢廢詩篇。

〔1119_園官送菜<并序>〕（五古）

清晨 蒙菜把、常荷 地主恩。
守者 愆實數、略有 其名存。
苦苣 刺如針、馬齒 葉亦繁。
青青 嘉蔬色、埋沒 在中園。
園吏 未足怪、世事 固堪論。
嗚呼 戰伐久、荊棘 暗長原。
乃知 苦苣輩、傾奪 蕙草根。
小人 塞道路、為態 何喧喧。
又如 馬齒盛、氣擁 葵荏昏。
點染 不易虞、絲麻 雜羅紈。
一經 器物內、永挂 粗刺痕。
志士 采紫芝、放歌 避戎軒。
畦丁 負籠至、感動 百慮端。

〔1120_園人送瓜〕（五古）

江間 雖炎瘴、瓜熟 亦不早。
柏公 鎮夔國、滯務 茲一掃。
食新 先戰士、共少 及溪老。
傾筐 蒲鵲青、滿眼 顏色好。
竹竿 接嵌竇、引注 來鳥道。
沈浮 亂水玉、愛惜 如芝草。
落刃 嚼冰霜、開懷 慰枯槁。
許以 秋蒂除、仍看 小童抱。
東陵 跡蕪絕、楚漢 休征討。
園人 非故侯、種此 何草草。

〔1121_課伐木[并序]〕（五古）

長夏 無所為、客居 課童僕。
清晨 飯其腹、持斧 入白谷。
青冥 曾巔後、十里 斬陰木。
人肩 四根已、亭午 下山麓。
尚聞 丁丁聲、功課 日各足。
蒼皮 成委積、素節 相照燭。
藉汝 跨小籬、當仗 苦虛竹。
空荒 咆熊羆、乳獸 待人肉。
不示 知禁情、豈惟 干戈哭。
城中 賢府主、處貴 如白屋。
蕭蕭 理體淨、蜂蠆 不敢毒。
虎穴 連里閭、隄防 舊風俗。
泊舟 滄江岸、久客 慎所觸。
舍西 崖嶠壯、雷雨 蔚含蓄。
牆宇 資屢修、衰年 怯幽獨。
爾曹 輕執熱、爲我 忍煩促。
秋光 近青岑、季月 當泛菊。
報之 以微寒、共給 酒一斛。

『1122_柴門』（五古）

泛舟 登漢西、迴首 望兩崖。
東城 乾旱天、其氣 如焚柴。
長影 沒窈窕、餘光 散澗硤。
大江 蟠嵌根、歸海 成一家。
下衝 割坤軸、竦壁 攢鏌邪。
蕭颯 灑秋色、氛昏 霾日車。
峽門 自此始、最窄 容浮查。
禹功 翊造化、疏鑿 就岐斜。
巴渠 決太古、衆水 為長蛇。
風煙 渺吳蜀、舟楫 通鹽麻。
我今 遠遊子、飄轉 混泥沙。
萬物 附本性、約身 不願奢。
茅棟 蓋一床、清池 有餘花。
濁醪 與脫粟、在眼 無咨嗟。
山荒 人民少、地僻 日夕佳。
貧賤 固其常、富貴 任生涯。
老于 干戈際、宅幸 蓬蒿遮。
石亂 上雲氣、杉清 延日華。
賞妍 又分外、理愜 夫何誇。
足了 垂白年、敢居 高士差。
書此 豁平昔、迴首 猶暮霞。

『1123_槐葉冷淘』（五古）

青青 高槐葉、采掇 付中廚。
新麵 來近市、汁滓 宛相俱。
入鼎 資過熟、加餐 愁欲無。
碧鮮 俱照筯、香飯 兼苞蘆。
經齒 冷於雪、勸人 投此珠。
願隨 金騶裏、走置 錦屠蘇。
路遠 思恐泥、興深 終不渝。
獻芹 則小小、薦藻 明區區。
萬里 露寒殿、開冰 清玉壺。
君王 納涼晚、此味 亦時須。

『1124_上後園山脚』（五古）

朱夏 熱所嬰、清旭 步北林。
小園 背高岡、挽葛 上崎嶇。
曠望 延駐目、飄飄 散疏襟。
潛鱗 恨水壯、去翼 依雲深。
勿謂 地無疆、劣於 山有陰。
石櫟 遍天下、水陸 兼浮沈。
自我 登隴首、十年 經碧岑。
劍門 來巫峽、薄倚 浩至今。

故園 暗戎馬、骨肉 失追尋。
時危 無消息、老去 多歸心。
志士 惜白日、久客 藉黃金。
敢為 蘇門嘯、庶作 梁父吟。

〔1125_季夏、送鄉弟韶、陪黃門從叔、朝謁〕（七律）

令弟 尚爲 蒼水使、名家 莫出 杜陵人。
比來 相國 兼安蜀、歸赴 朝廷 已入秦。
捨舟 策馬 論兵地、拖玉 腰金 報主身。
莫度 清秋 吟蟋蟀、早聞 黃閣 畫麒麟。

〔1126_灤潁〕（七律）

灤潁 既沒 孤根深、西來 水多 愁太陰。
江天 漠漠 鳥雙去、風雨 時時 龍一吟。
舟人 漁子 歌回首、估客 胡商 淚滿襟。
寄語 舟航 惡年少、休翻 鹽井 擲黃金。

〔七月一日、題終明府水樓、二首〕

1127 其一（七律）

高棟 曾軒 已自涼、秋風 此日 灑衣裳。
愴然 欲下 陰山雪、不去 非無 漢署香。
絕壁 過雲 開錦繡、疏松 夾水 奏笙簧。
看君 宜著 王喬履、真賜 還疑 出尚方。

1128 其二（七律）

慮子 彈琴 邑宰日、終軍 棄繻 英妙時。
承家 節操 尚不泯、爲政 風流 今在茲。
可憐 賓客 盡傾蓋、何處 老翁 來賦詩。
楚江 巫峽 半雲雨、清簾 疏簾 看弈棋。

〔1129_行宮張望、補稻畦水、歸〕（五古）

東屯 大江北、百頃 平若案。
六月 青稻多、千畦 碧泉亂。
插秧 適云已、引溜 加溉灌。
更僕 往方塘、決渠 當斷岸。
公私 各地著、浸潤 無天旱。
主守 問家臣、分明 見溪畔。
芊芊 炯翠羽、剌剌 生銀漢。
鷗鳥 鏡裏來、關山 雪邊看。
秋菰 成黑米、精鑿 傳白粲。
玉粒 足晨炊、紅鮮 任霞散。
終然 添旅食、作苦 期壯觀。
遺穗 及衆多、我倉 戒滋漫。

〔1130_秋、行宮張望、督促東渚耗稻、向畢、清晨、遣女奴阿稽・豎子阿段、往問〕（五古）

東渚 雨今足、佇聞 粳稻香。

上天 無偏頗、蒲稗 各自長。
人情 見非類、田家 戒其荒。
功夫 競搢搢、除草 置岸旁。
穀者 命之本、客居 安可忘。
青春 具所務、勤墾 免亂常。
吳牛 力容易、並驅 紛遊場。
豐苗 亦已概、雲水 照方塘。
有生 固蔓延、靜一 資隄防。
督領 不無人、提攜 頗在綱。
荊揚 風土暖、肅肅 候微霜。
尚恐 主守疏、用心 未甚臧。
清朝 遣婢僕、寄語 踰崇岡。
西成 聚必散、不獨 陵我倉。
豈要 仁里譽、感此 亂世忙。
北風 吹蒹葭、蟋蟀 近中堂。
荏苒 百工休、鬱紆 遲暮傷。

〔1131_阻雨、不得歸、灤西甘林〕（五古）

三伏 適已過、驕陽 化為霖。
欲歸 灤西宅、阻此 江浦深。
壞舟 百板圻、峻岸 復萬尋。
篙工 初一棄、恐泥 勞寸心。
佇立 東城隅、悵望 高飛禽。
草堂 亂玄圃、不隔 崑崙岑。
昏渾 衣裳外、曠絕 同曾陰。
園甘 長成時、三寸 如黃金。
諸侯 舊上計、厥貢 傾千林。
邦人 不足重、所迫 豪吏侵。
客居 暫封殖、日夜 偶瑤琴。
虛徐 五株態、側塞 煩胸襟。
安得 輟雨足、杖藜 出嶇嶽。
條流 數翠實、偃息 歸碧潯。
拂拭 烏皮几、喜聞 樵牧音。
令兒 快搔背、脫我 頭上簪。

〔1132_又上後園山脚〕（五古）

昔我 遊山東、憶戲 東嶽陽。
窮秋 立日觀、矯首 望八荒。
朱崖 著毫髮、碧海 吹衣裳。
蓐收 困用事、玄冥 蔚強梁。
逝水 自朝宗、鎮石 各其方。
平原 獨憔悴、農力 廢耕桑。
非關 風露凋、曾是 戍役傷。
於時 國用富、足以 守邊疆。
朝廷 任猛將、遠奪 戎馬場。

到今 事反覆、故老 淚萬行。
龜蒙 不可見、況乃 懷故鄉。
肺萎 屬久戰、骨出 熱中腸。
憂來 杖匣劍、更上 林北岡。
瘴毒 猿鳥落、峽乾 南日黃。
秋風 亦已起、江漢 始如湯。
登高 欲有往、蕩析 川無梁。
哀彼 遠征人、去家 死路旁。
不及 祖父塋、纍纍 塚相當。

〔1133_奉送王信州峯北歸〕（五排）

朝廷 防盜賊、供給 愍誅求。
下詔 遷郎署、傳聲 典信州。
蒼生 今日困、天子 嚮時憂。
井屋 有煙起、瘡痍 無血流。
壤歌 唯海甸、畫角 自山樓。
白髮 寐常早、荒榛 農復秋。
解龜 踰臥轍、遣騎 覓扁舟。
徐榻 不知倦、潁川 何以酬。
塵生 彤管筆、寒膩 黑貂裘。
高義 終焉在、斯文 去矣休。
別離 同雨散、行止 各雲浮。
林熱 鳥開口、江渾 魚掉頭。
尉佗 雖北拜、太史 尚南留。
軍旅 應都息、寰區 要盡收。
九重 思諫諍、八極 念懷柔。
徙倚 瞻王室、從容 仰廟謀。
故人 持雅論、絕塞 豁窮愁。
復見 陶唐理、甘為 汗漫遊。

〔1134_驅豎子、摘蒼耳〕（五古）

江上 秋已分、林中 瘴猶劇。
畦丁 告勞苦、無以 供日夕。
蓬莠 獨不焦、野蔬 暗泉石。
卷耳 況療風、童兒 且時摘。
侵星 驅之去、爛熳 任遠適。
放筐 亭午際、洗剝 相蒙翳。
登床 半生熟、下筯 還小益。
加點 瓜薤間、依稀 橘奴跡。
亂世 誅求急、黎民 糠粃窄。
飽食 亦何心、荒哉 膏粱客。
富家 廚肉臭、戰地 骸骨白。
寄語 惡少年、黃金 且休擲。

〔1135_甘林[柑林]〕（五古）

捨舟 越西岡、入林 解我衣。
青芻 適馬性、好鳥 知人歸。
晨光 映遠岫、夕露 見日稀。
遲暮 少寢食、清曠 喜荆扉。
經過 倦俗態、在野 無所違。
試問 甘藜藿、未肯 羨輕肥。
喧靜 不同科、出處 各天機。
勿矜 朱門是、陋此 白屋非。
明朝 步鄰里、長老 可以依。
時危 賦斂數、脫粟 為爾揮。
相攜 行豆田、秋花 靄菲菲。
子實 不得喫、貨市 送王畿。
盡添 軍旅用、迫此 公家威。
主人 長跪問、戎馬 何時稀。
我衰 易悲傷、屈指 數賊圍。
勸其 死王命、慎莫 遠奮飛。

『1136_暇日、小園散病、將種秋菜、督勒耕牛、兼書觸目』（五古）

不愛 入州府、畏人 嫌我真。
及乎 歸茅宇、旁舍 未曾嗔。
老病 忌拘束、應接 喪精神。
江村 意自放、林木 心所欣。
秋耕 屬地濕、山雨 近甚勻。
冬菁 飯之半、牛力 晚來新。
深耕 種數畝、未甚 後四鄰。
嘉蔬 既不一、名數 頗具陳。
荊巫 非苦寒、采擷 接青春。
飛來 兩白鶴、暮啄 泥中芹。
雄者 左翮垂、損傷 已露筋。
一步 再流血、尚經 矰繳勤。
三步 六號叫、志屈 悲哀頻。
鸞皇 不相待、側頸 訴高旻。
杖藜 俯沙渚、為汝 鼻酸辛。

『1137_雨（山雨）』（五古）

山雨 不作泥、江雲 薄為霧。
晴飛 半嶺鶴、風亂 平沙樹。
明滅 洲景微、隱見 巖姿露。
拘悶 出門遊、曠絕 經目趣。
消中 日伏枕、臥久 塵及屨。
豈無 平肩輿、莫辨 望鄉路。
兵戈 浩未息、蛇虺 反相顧。
悠悠 邊月破、杳杳 流年度。
針灸 阻朋曹、糠粃 對童孺。
一命 須屈色、新知 漸成故。

窮荒 益自卑、飄泊 欲誰訴。
尪羸 愁應接、俄頃 恐違迂。
浮俗 何萬端、幽人 有獨步。
龐公 竟獨往、尚子 終罕遇。
宿留 洞庭秋、天寒 瀟湘素。
杖策 可入舟、送此 齒髮暮。

〔1138_溪上〕（五律）

峽內 淹留客、溪邊 四五家。
古苔 生迤地、秋竹 隱疏花。
塞俗 人無井、山田 飯有沙。
西江 使船至、時復 問京華。

〔1139_樹間〕（五律）

岑寂 雙柑樹、婆娑 一院香。
交柯 低几杖、垂實 礙衣裳。
滿歲 如松碧、同時 待菊黃。
幾迴 霑葉露、乘月 坐胡床。

〔1140_白露〕（五律）

白露 團甘子、清晨 散馬蹄。
圍開 連石樹、船渡 入江溪。
憑几 看魚樂、回鞭 急鳥棲。
漸知 秋實美、幽徑 恐多蹊。

〔1141_諸葛廟〕（五排）

久遊 巴子國、屢入 武侯祠。
竹日 斜虛寢、溪風 滿薄帷。
君臣 當共濟、賢聖 亦同時。
翊戴 歸先主、并吞 更出師。
蟲蛇 穿畫壁、巫覡 醉蛛絲。
欸憶 吟梁父、躬耕 也未遲。

〔1142_見螢火〕（七律）

巫山 秋夜 螢火飛、疏簾 巧入 坐人衣。
忽驚 屋裏 琴書冷、復亂 簷前 星宿稀。
卻繞 井欄 添箇箇、偶經 花蕊 弄輝輝。
滄江 白髮 愁看汝、來歲 如今 歸未歸。

〔1143_夜雨〕（五律）

小雨 夜復密、迴風 吹早秋。
野涼 侵閉戶、江滿 帶維舟。
通籍 恨多病、爲郎 忝薄遊。
天寒 出巫峽、醉別 仲宣樓。

〔1144_更題〕（五律）

只應 踏初雪、騎馬 發荊州。
直怕 巫山雨、真傷 白帝秋。
薛公 蒼玉佩、天子 翠雲裘。
同舍 晨趨侍、胡為 淹此留。

〔舍弟觀歸藍田迎新婦、送示、二首〕

1145 其一（五律）

汝去 迎妻子、高秋 念卻回。
即今 螢已亂、好與 雁同來。
東望 西江水、南遊 北戶開。
卜居 期靜處、會有 故人杯。

1146 其二（五律）

楚塞 難為路、藍田 莫滯留。
衣裳 判白露、鞍馬 信清秋。
滿峽 重江水、開帆 八月舟。
此時 同一醉、應在 仲宣樓。

〔1147_別李秘書始興寺所居〕（七古）

不見 秘書 心若失、及見 秘書 失心疾。
安為 動主 理信然、我獨 覺子 神充實。
重聞 西方 止觀經、老身 古寺 風泠泠。
妻兒 待米 且歸去、他日 杖藜 來細聽。

〔1148_送李八秘書赴杜相公幕[李八校書]〕（七律）

青簾 白舫 益州來、巫峽 秋濤 天地迴。
石出 倒聽 楓葉下、櫓搖 背指 菊花開。
貪趨 相府 今晨發、恐失 佳期 後命催。
南極 一星 朝北斗、五雲 多處 是三台。

〔1149_巫峽敝廬、奉贈、侍御四舅、別之澧朗〕（五律）

江城 秋日落、山鬼 閉門中。
行李 淹吾舅、誅茅 問老翁。
赤眉 猶世亂、青眼 只途窮。
傳語 桃源客、人今 出處同。

〔1150_孟氏〕（五律）

孟氏 好兄弟、養親 惟小園。
承顏 胼手足、坐客 強盤飧。
負米 夕葵外、讀書 秋樹根。
卜鄰 慚近舍、訓子 學誰門。

〔1151_吾宗〕（五律）

吾宗 老孫子、質朴 古人風。
耕鑿 安時論、衣冠 與世同。

在家 常早起、憂國 願年豐。
語及 君臣際、經書 滿腹中。

〔1152_奉酬薛十二丈判官見贈〕（五古）

忽忽 峽中睡、悲風 方一醒。
西來 有好鳥、為我 下青冥。
羽毛 淨白雪、慘澹 飛雲汀。
既蒙 主人顧、舉翮 唳孤亭。
持以 比佳士、及此 慰揚舲。
清文 動哀玉、見道 發新硎。
欲學 鷗夷子、待勒 燕山銘。
誰重 斷蛇劍、致君 君未聽。
志在 麒麟閣、無心 雲母屏。
卓氏 近新寡、豪家 朱門扃。
相如 才調逸、銀漢 會雙星。
客來 洗粉黛、日暮 拾流螢。
不是 無膏火、勸郎 勤六經。
老夫 自汲澗、野水 日泠泠。
我嘆 黑頭白、君看 銀印青。
臥病 識山鬼、爲農 知地形。
誰矜 坐錦帳、苦厭 食魚腥。
東西 兩岸坼、橫水 注滄溟。
碧色 忽惆悵、風雷 搜百靈。
空中 右白虎、赤節 引娉婷。
自云 帝季女、嚳雨 鳳凰翎。
襄王 薄行跡、莫學 令威丁。
千秋 一拭淚、夢覺 有微馨。
人生 相感動、金石 兩青熒。
丈人 但安坐、休辯 渭與涇。
龍蛇 尚格鬪、灑血 暗郊坰。
吾聞 聰明主、治國 用輕刑。
銷兵 鑄農器、今古 歲方寧。
天王 日儉德、俊乂 始盈庭。
榮華 貴少壯、豈食 楚江萍。

〔1153_寄狄明府博濟〕（七古）

梁公 曾孫 我姨弟、不見 十年 官濟濟。
大賢 之後 竟陵遲、浩蕩 古今 同一體。
比看 伯叔 四十人、有才 無命 百僚底。
今者 兄弟 一百人、幾人 卓絕 秉周禮。
在汝 更用 文章為、長兄 白眉 復天啓。
汝門 請從 曾翁說、太后 當朝 多巧詆。
狄公 執政 在末年、濁河 終不 污清濟。
國嗣 初將 付諸武、公獨 廷諍 守丹陛。
禁中 決策 請房陵、前朝 長老 皆流涕。

太宗 社稷 一朝正、漢官 威儀 重昭洗。
時危 始識 不世才、誰謂 荼苦 甘如薺。
汝曹 又宜 列鼎食、身使 門戶 多旌棨。
胡為 飄泊 岷漢間、干謁 侯王 頗歷抵。
況乃 山高 水有波、秋風 蕭蕭 露泥泥。
虎之飢、下巉巖。蛟之橫、出清泚。
早歸來、黃土 污衣 眼易眯。

〔1154_同元使君春陵行[有序]〕（五古）

遭亂 髮盡白、轉衰 病相嬰。
沈綿 盜賊際、狼狽 江漢行。
嘆時 藥力薄、為客 羸瘵成。
吾人 詩家秀、博采 世上名。
粲粲 元道州、前聖 畏後生。
觀乎 春陵作、歎見 俊哲情。
復覽 賊退篇、結也 實國楨。
賈誼 昔流慟、匡衡 嘗引經。
道州 憂黎庶、詞氣 浩縱橫。
兩章 對秋月、一字 偕華星。
致君 唐虞際、淳朴 憶大庭。
何時 降璽書、用爾 為丹青。
獄訟 永衰息、豈惟 偃甲兵。
悽惻 念誅求、薄斂 近休明。
乃知 正人意、不苟 飛長纓。
涼飈 振南嶽、之子 寵若驚。
色沮 金印大、興含 滄浪清。
我多 長卿病、日夕 思朝廷。
肺枯 渴太甚、漂泊 公孫城。
呼兒 具紙筆、隱几 臨軒楹。
作詩 呻吟內、墨淡 字欹傾。
感彼 危苦詞、庶幾 知者聽。

〔1155_秋日夔府詠懷奉寄鄭監李賓客一百韻〕（五排）

絕塞 烏鵲北、孤城 白帝邊。
飄零 仍百里、消渴 已三年。
雄劍 鳴開匣、群書 滿繫船。
亂離 心不展、衰謝 日蕭然。
筋力 妻孥問、菁華 歲月遷。
登臨 多物色、陶冶 賴詩篇。
峽束 滄江起、巖排 古樹圓。
拂雲 羅楚氣、朝海 蹴吳天。
煮井 為鹽速、燒畬 度地偏。
有時 驚疊嶂、何處 覓平川。
鸛鵲 雙雙舞、獼猴 壘壘懸。
碧蘿 長似帶、錦石 小如錢。

春草 何曾歇、寒花 亦可憐。
獵人 吹戍火、野店 引山泉。
喚起 搔頭急、扶行 幾屐穿。
兩京 猶薄產、四海 絕隨肩。
幕府 初交辟、郎官 幸備員。
瓜時 猶旅寓、萍泛 苦夤緣。
藥餌 虛狼藉、秋風 灑靜便。
開襟 驅瘴癘、明目 掃雲煙。
高宴 諸侯禮、佳人 上客前。
哀箏 傷老大、華屋 艷神仙。
南內 開元曲、當時 弟子傳。
法歌 聲變轉、滿座 涕潺湲。
弔影 夔州僻、回腸 杜曲煎。
即今 龍廢水、莫帶 犬戎羶。
耿賈 扶王室、蕭曹 拱御筵。
乘威 滅蜂蠆、戮力 效鷹鷂。
舊物 森猶在、凶徒 惡未悛。
國須 行戰伐、人憶 止戈鋌。
奴僕 何知禮、恩榮 錯與權。
胡星 一彗孛、黔首 遂拘攣。
哀痛 絲綸切、煩苛 法令蠲。
業成 陳始王、兆喜 出於畋。
宮禁 經綸密、台階 翊戴全。
熊羆 載呂望、鴻雁 美周宣。
側聽 中興主、長吟 不世賢。
音徽 一柱數、道里 下牢千。
鄭李 光時論、文章 並我先。
陰何 尚清省、沈宋 欵聯翩。
律比 崑崙竹、音知 燥濕絃。
風流 俱善價、愜當 久忘筌。
置驛 常如此、登龍 蓋有焉。
雖云 隔蓬萊、不敢 墜綢旃。
高視 收人表、虛心 味道玄。
馬來 皆汗血、鶴唳 必青田。
羽翼 南山起、蓬萊 漠閣連。
管寧 紗帽淨、江令 錦袍鮮。
東郡 時題壁、南湖 日扣舷。
遠遊 凌絕境、佳句 染華箋。
每欲 孤飛去、徒為 百慮牽。
生涯 已寥落、國步 尚迍邐。
衾枕 成蕪沒、池塘 作棄捐。
別離 憂怛怛、伏臘 涕漣漣。
露菊 斑豐鎬、秋蔬 影澗瀾。
共誰 論昔事、幾處 有新阡。
富貴 空回首、喧爭 懶著鞭。

兵戈塵漠漠、江漢月娟娟。
 局促看秋燕、蕭疏聽晚蟬。
 雕蟲蒙記憶、烹鯉問沈綿。
 卜羨君平杖、偷存子敬氈。
 囊虛把釵釧、米盡拆花鈿。
 甘子陰涼葉、茅齋八九椽。
 陣圖沙北岸、市暨漢西巔。
 羈絆心常折、棲遲病即痊。
 紫收岷嶺芋、白種陸池蓮。
 色好梨勝頰、穰多栗過拳。
 敕廚惟一味、求飽或三鱸。
 俗異鄰鮫室、朋來坐馬羈。
 縛柴門窄窄、通竹溜涓涓。
 塹抵公畦稜、村依野廟壩。
 缺籬將棘拒、倒石賴藤纏。
 樽酒頻朝謁、何如穩醉眠。
 誰云行不逮、自覺坐能堅。
 霧雨銀章澀、馨香粉署妍。
 紫鸞無近遠、黃雀任翩翾。
 困學違從衆、明公各勉旃。
 聲華夾宸極、早晚到星躔。
 懇諫留匡鼎、諸儒引服虔。
 不過輸鯁直、會是正陶甄。
 宵旰憂虞軫、黎元疾苦駢。
 雲臺終日畫、青簡爲誰編。
 行路難何有、招尋興已專。
 由來具飛檝、暫擬控鳴弦。
 身許雙峰寺、門求七祖禪。
 落帆追宿昔、衣褐向真詮。
 安石名高晉、昭王客赴燕。
 途中非阮籍、查上似張騫。
 披拂雲寧在、淹留景不延。
 風期終破浪、水怪莫飛涎。
 他日辭神女、傷春怯杜鵑。
 淡交隨聚散、澤國遶迴旋。
 本自依迦葉、何曾藉偃僊。
 爐峰生轉眄、橘井尚高褰。
 東走窮歸鶴、南征盡跼鵝。
 晚聞多妙教、卒踐塞前愆。
 顧愷丹青列、頭陀琬琰鐫。
 衆香深黯黯、幾地肅芊芊。
 勇猛爲心極、清羸任體孱。
 金篦空刮眼、鏡象未離銓。

〔1156_寄劉峽州伯華使君四十韻〕（五排）

峽內多雲雨、秋來尚鬱蒸。
 遠山朝白帝、深水謁夷陵。
 遲暮嗟爲客、西南喜得朋。
 哀猿更起坐、落雁失飛騰。
 伏枕思瓊樹、臨軒對玉繩。
 青松寒不落、碧海闊逾澄。
 昔歲文為理、群公價盡增。
 家聲同令聞、時論以儒稱。
 太后當朝肅、多才接跡昇。
 翠虛捎颺颺、丹極上鯤鵬。
 宴引春壺酒、恩分夏簟冰。
 雕章五色筆、紫殿九華燈。
 學並盧王敏、書偕褚薛能。
 老兄真不墜、小子獨無承。
 近有風流作、聊從月竈徵。
 放蹄知赤驥、振翅服蒼鷹。
 卷軸來何晚、襟懷庶可憑。
 會期吟諷數、益破旅愁凝。
 雕刻初誰料、纖毫欲自矜。
 神融躡飛動、戰勝洗侵陵。
 妙取筌蹄棄、高宜百萬層。
 白頭遺恨在、青竹幾人登。
 回首追談笑、勞歌跼寢興。
 年華紛已矣、世故莽相仍。
 刺史諸侯貴、郎官列宿應。
 潘生雲閣遠、黃霸璽書增。
 乳贇號攀石、飢鼯訴落藤。
 藥囊親道士、灰劫問胡僧。
 憑久烏皮拆、簪稀白帽稜。
 林居看蟻穴、野食待魚罾。
 筋力交彫喪、飄零免戰兢。
 皆為百里宰、正似六安丞。
 姪女縈新裹、丹砂冷舊秤。
 但求椿壽永、莫慮杞天崩。
 鍊骨調情性、張兵撓棘矜。
 養生終自惜、伐叛必全懲。
 政術甘疏誕、詞場愧服膺。
 展懷詩誦魯、割愛酒如澠。
 咄咄寧書字、冥冥欲避矰。
 江湖多白鳥、天地有青蠅。

〔1157_秋清〕（五律）

高秋蘇肺氣、白髮自能梳。
 藥餌憎加減、門庭悶掃除。
 杖藜還客拜、愛竹遣兒書。

十月 江平穩、輕舟 進所如。

〔1158_秋峽〕（五律）

江濤 萬古峽、肺氣 久衰翁。
不寐 防巴虎、全生 狎楚童。
衣裳 垂素髮、門巷 落丹楓。
常怪 商山老、兼存 翊贊功。

〔1159_搖落〕（五律）

搖落 巫山暮、寒江 東北流。
煙塵 多戰鼓、風浪 少行舟。
鵝費 羲之墨、貂餘 季子裘。
長懷 報明主、臥病 復高秋。

〔1160_峽隘〕（五律）

聞說 江陵府、雲沙 靜眇然。
白魚 如切玉、朱橘 不論錢。
水有 遠湖樹、人今 何處船。
青山 各在眼、卻望 峽中天。

〔秋日寄題鄭監湖上亭三首〕

1161 其一（五律）

碧草 遶春意、沅湘 萬里秋。
池要 山簡馬、月淨 庾公樓。
磨滅 餘篇翰、平生 一釣舟。
高唐 寒浪減、髣髴 識昭丘。

1162 其二（五律）

新作 湖邊宅、還聞 賓客過。
自須 開竹徑、誰道 避雲蘿。
官序 潘生拙、才名 賈傳多。
捨舟 應卜地、鄰接 意如何。

1163 其三（五律）

暫阻 蓬萊閣、終為 江海人。
揮金 應物理、拖玉 豈吾身。
羹煮 秋蓴滑、杯凝 露菊新。
賦詩 分氣象、佳句 莫頻頻。

〔秋野、五首〕

1164 其一（五律）

秋野 日疏蕪、寒江 動碧虛。
繫舟 蠻井絡、卜宅 楚村墟。
棗熟 從人打、葵荒 欲自鋤。
盤餐 老夫食、分減 及溪魚。

1165 其二（五律）

易識 浮生理、難教 一物違。

水濱魚極樂、林茂鳥知歸。
衰老甘貧病、榮華有是非。
秋風吹几杖、不厭北山薇。

1166 其三(五律)

禮樂攻吾短、山林引興長。
掉頭紗帽側、曝背竹書光。
風落收松子、天寒割蜜房。
稀疏小紅翠、駐屐近微香。

1167 其四(五律)

遠岸秋沙白、連山晚照紅。
潛鱗輸駭浪、歸翼會高風。
砧響家家發、樵聲箇箇同。
飛霜任青女、賜被隔南宮。

1168 其五(五律)

身許鱗鱗畫、年衰鬢鬢羣。
大江秋易盛、空峽夜多聞。
徑隱千重石、帆留一片雲。
兒童解蠻語、不必作參軍。

『課小豎、鋤斫舍北果林枝蔓、荒穢淨訖、移床三首』 〈秋日閒居三首〉

1169 其一(五律)

病枕依茅棟、荒鉏淨果林。
背堂資僻遠、在野興清深。
山雉防求敵、江猿應獨吟。
洩雲高不去、隱几亦無心。

1170 其二(五律)

衆壑生寒早、長林卷霧齊。
青蟲懸就日、朱果落封泥。
薄俗防人面、全身學馬蹄。
吟詩重迴首、隨意葛巾低。

1171 其三(五律)

籬弱門何向、沙虛岸只摧。
日斜魚更食、客散鳥還來。
寒水光難定、秋山響易哀。
天涯稍曛黑、倚杖獨徘徊。

『1172_返照』(五律)

反照開巫峽、寒空半有無。
已低魚腹暗、不盡白鹽孤。
荻岸如秋水、松門似畫圖。
牛羊識僮僕、既夕應傳呼。

『1173_向夕』(五律)

畎畝孤城外、江村亂水中。
深山催短景、喬木易高風。

鶴下 雲汀近、雞棲 草屋同。
琴書 散明燭、長夜 始堪終。

〔1174_天池〕（五排）

天池 馬不到、嵐壁 鳥纔通。
百頃 青雲杪、曾波 白石中。
鬱紆 騰秀氣、蕭瑟 浸寒空。
直對 巫山峽、兼疑 夏禹功。
魚龍 翻鱗有、菱芡 古今同。
聞道 奔雷黑、初看 浴日紅。
飄零 神女雨、斷續 楚王風。
欲問 支機石、如臨 獻寶宮。
九秋 驚雁序、萬里 狎漁翁。
更是 無人處、誅茅 任薄躬。

〔復愁十二首〕

1175 其一（五絕）

人煙 生處僻、虎跡 過新蹄。
野鶻 翻窺草、村船 逆上溪。

1176 其二（五絕）

釣艇 收緝盡、昏鴉 接翅稀。
月生 初學扇、雲細 不成衣。

1177 其三（五絕）

萬國 尚戎馬、故園 今若何。
昔歸 相識少、早已 戰場多。

1178 其四（五絕）

身覺 省郎在、家須 農事歸。
年深 荒草徑、老恐 失柴扉。

1179 其五（五絕）

金絲 鏤箭鏃、阜尾 制旗竿。
一自 風塵起、猶嗟 行路難。

1180 其六（五絕）

胡虜 何曾盛、干戈 不肯休。
閭閻 聽小子、談笑 覓封侯。

1181 其七（五絕）

貞觀 銅牙弩、開元 錦獸張。
花門 小箭好、此物 棄沙場。

1182 其八（五絕）

今日 翔麟馬、先宜 駕鼓車。
無勞 問河北、諸將 角榮華。

1183 其九（五絕）

任轉 江淮粟、休添 苑囿兵。
由來 貔虎士、不滿 鳳凰城。

1184 其十（五絕）

江上 亦秋色、火雲 終不移。

巫山 猶錦樹、南國 且黃鸝。

1185 其十一(五絕)

每恨 陶彭澤、無錢 對菊花。

如今 九日至、自覺 酒須賒。

1186 其十二(五絕)

病減 詩仍拙、吟多 意有餘。

莫看 江總老、猶被 賞時魚。

〔自瀘西荊扉且移居東屯茅屋、四首〕

1187 其一(五律)

白巖 危嶠北、赤甲 古城東。

平地 一川穩、高山 四面同。

煙霜 淒野日、秔稻 熟天風。

人事 傷蓬轉、吾將 守桂叢。

1188 其二(五律)

東屯 復瀘西、一種 住清溪。

來往 皆茅屋、淹留 為稻畦。

市喧 宜近利、林僻 此無蹊。

若訪 衰翁語、須令 賸客迷。

1189 其三

道北 馮都使、高齋 見一川。

子能 渠細石、吾亦 沼清泉。

枕帶 還相似、柴荆 即有焉。

斫畬 應費日、解纜 不知年。

1190 其四(五律)

牢落 西江外、參差 北斗間。

久遊 巴子國、臥病 楚人山。

幽獨 移佳境、清深 隔遠關。

寒空 見鴛鴦、迴首 憶朝班。

〔社日兩篇〕

1191 其一(五律)

九農 成德業、百祀 發光輝。

報效 神如在、馨香 舊不違。

南翁 巴曲醉、北雁 塞聲微。

尚想 東方朔、詼諧 割肉歸。

1192 其二(五律)

陳平 亦分肉、太史 竟論功。

今日 江南老、他時 渭北童。

歡娛 看絕塞、涕淚 落秋風。

鴛鴦 迴金闕、誰憐 病峽中。

〔八月十五夜月二首〕

1193 其一(五律)

滿目 飛明鏡、歸心 折大刀。

疎簾行地遠、欒桂仰天高。
水路疑霜雪、林棲見羽毛。
此時瞻白兔、直欲數秋毫。

1194 其二(五律)

稍下巫山峽、猶銜白帝城。
氣沈全浦暗、輪仄半樓明。
刁斗皆催曉、蟾蜍且自傾。
張弓倚殘魄、不獨漢家營。

〔1195_十六夜玩月〕(五律)

舊挹金波爽、皆傳玉露秋。
關山隨地闊、河漢近人流。
谷口樵歸唱、孤城笛起愁。
巴童渾不寐、半夜有行舟。

〔1196_十七夜對月〕(五律)

秋月仍圓夜、江村獨老身。
捲簾還照客、倚杖更隨人。
光射潛虬動、明翻宿鳥頻。
茅齋依橘柚、清切露華新。

〔1197_曉望〕(五律)

白帝更聲盡、陽臺曙色分。
高峰寒上日、疊嶺宿霾雲。
地坼江帆隱、天清木葉聞。
荊扉對麋鹿、應共爾為羣。

〔1198_日暮〕(五律)

牛羊下來久、各已閉柴門。
風月自清夜、江山非故園。
石泉流暗壁、草露滴秋根。
頭白燈明裏、何須花燼繁。

〔1199_暝〕(五律)

日下四山陰、山庭嵐氣侵。
牛羊歸徑險、鳥雀聚枝深。
正枕當星劍、收書動玉琴。
半扉開燭影、欲掩見清砧。

〔1200_晚〕(五律)

杖藜尋巷晚、炙背近牆暄。
人見幽居僻、吾知拙養尊。
朝廷問府主、耕稼學山村。
歸翼飛棲定、寒燈亦閉門。

〔1201_夜〕（五律）

絕岸 風威動、寒房 燭影微。
嶺猿 霜外宿、江鳥 夜深飛。
獨坐 親雄劍、哀歌 歎短衣。
煙塵 繞閭闔、白首 壯心違。

〔1202_九月一日、過孟十二倉曹・十四主簿兄弟〕（五律）

藜杖 侵寒露、蓬門 起曙煙。
力稀 經樹歇、老困 撥書眠。
秋覺 迫隨盡、來因 孝友偏。
清談 見滋味、爾輩 可忘年。

〔1203_孟倉曹步趾領新酒醬二物滿器見遺老夫〕（五律）

楚岸 通秋屐、胡床 面夕畦。
籍糟 分汁滓、甕醬 落提攜。
飯糲 添香味、朋來 有醉泥。
理生 那免俗、方法 報山妻。

〔1204_送孟十二倉曹赴東京選〕（五律）

君行 別老親、此去 苦家貧。
藻鏡 留連客、江山 憔悴人。
秋風 楚竹冷、夜雪 鞏梅春。
朝夕 高堂念、應宜 綵服新。

〔1205_憑孟倉曹將書覓土妻舊莊〕（五律）

平居 喪亂後、不到 洛陽岑。
為歷 雲山問、無辭 荊棘深。
北風 黃葉下、南浦 白頭吟。
十載 江湖客、茫茫 遲暮心。

〔1206_簡吳郎司法〕（七律）

有客 乘舸 自忠州、遣騎 安置 瀘西頭。
古堂 本買 藉疏豁、借汝 遷居 停宴遊。
雲石 熒熒 高葉曙、風江 颯颯 亂帆秋。
卻為 姻婭 過逢地、許坐 曾軒 數散愁。

〔1207_又呈吳郎〕（七律）

堂前 撲棗 任西鄰、無食 無兒 一婦人。
不為 困窮 寧有此、祇緣 恐懼 轉須親。
即防 遠客 雖多事、便插 疏籬 卻甚真。
已訴 徵求 貧到骨、正思 戎馬 淚盈巾。

〔1208_晚晴吳郎見過北舍〕（五律）

圃畦 新雨潤、愧子 廢鉏來。
竹杖 交頭拄、柴扉 掃徑開。

欲棲 羣鳥亂、未去 小童催。
明日 重陽酒、相迎 自醞醅。

〔九日五首〕

1209 其一（七律）

重陽 獨酌 杯中酒、抱病 起登 江上臺。
竹葉 於人 既無分、菊花 從此 不須開。
殊方 日落 玄猿哭、舊國 霜前 白雁來。
弟妹 蕭條 各何在、干戈 衰謝 兩相催。

1210 其二（五律）

舊日 重陽日、傳杯 不放杯。
即今 蓬鬢改、但愧 菊花開。
北闕 心長戀、西江 首獨迴。
茱萸 賜朝士、難得 一枝來。

1211 其三（五律）

舊與 蘇司業、兼隨 鄭廣文。
采花 香泛泛、坐客 醉紛紛。
野樹 敲還倚、秋砧 醒卻聞。
歡娛 兩冥漠、西北 有孤雲。

1212 其四（五排）

故里 樊川菊、登高 素滄源。
他時 一笑後、今日 幾人存。
巫峽 蟠江路、終南 對國門。
繁杓 身萬里、伏枕 淚雙痕。
爲客 裁烏帽、從兒 具綠樽。
佳辰 對羣盜、愁絕 更堪論。

〔1213_登高〕（七律）

風急 天高 猿嘯哀、渚清 沙白 鳥飛迴。
無邊 落木 蕭蕭下、不盡 長江 滾滾來。
萬里 悲秋 常作客、百年 多病 獨登臺。
艱難 苦恨 繁霜鬢、潦倒 新停 濁酒杯。

〔1214_單山人隱居〕（七律）

南極 老人 自有星、北山 移文 誰勒銘。
徵君 已去 獨松菊、哀壑 無光 留戶庭。
予見 亂離 不得已、子知 出處 必須經。
高車 駟馬 帶傾覆、悵望 秋天 虛翠屏。

〔1215_東屯月夜〕（五排）

抱疾 漂萍老、防邊 舊穀屯。
春農 親異俗、歲月 在衡門。
青女 霜楓重、黃牛 峽水喧。
泥留 虎鬬跡、月挂 客愁村。
喬木 澄稀影、輕雲 倚細根。

數驚聞雀噪、暫睡想猿蹲。
日轉東方白、風來北斗昏。
天寒不成寢、無夢寄歸魂。

〔1216_東屯北嶠〕（五律）
盜賊浮生困、誅求異俗貧。
空村唯見鳥、落日未逢人。
步壑風吹面、看松露滴身。
遠山回白首、戰地有黃塵。

〔從驛次草堂、復至東屯茅屋、二首〕

1217 其一（五律）
峽內歸田客、江邊借馬騎。
非尋戴安道、似向習家池。
山險風煙僻、天寒橘柚垂。
築場看斂積、一學楚人為。

1218 其二（五律）
短景難高臥、衰年強此身。
山家蒸栗暖、野飯射麋新。
世路知交薄、門庭畏客頻。
牧童斯在眼、田父實爲鄰。

〔1219_暫往白帝、復還東屯〕（五律）

復作歸田去、猶殘穫稻功。
築場憐穴蟻、拾穗許村童。
落杵光輝白、除芒子粒紅。
加餐可扶老、倉廩慰飄蓬。

〔茅堂檢校收稻二首〕

1220 其一（五律）
香稻三秋末、平田百頃間。
喜無多屋宇、幸不礙雲山。
御裋侵寒氣、嘗新破旅顏。
紅鮮終日有、玉粒未吾慳。

1221 其二（五律）
稻米炊能白、秋葵煮復新。
誰云滑易飽、老藉軟俱勻。
種幸房州熟、苗同伊闕春。
無勞映渠碗、自有色如銀。

〔1222_刈稻了詠懷〕（五律）

稻穫空雲水、川平對石門。
寒風疏草木、旭日散雞豚。
野哭初聞戰、樵歌稍出村。
無家問消息、作客信乾坤。

〔季秋、蘇五弟纓、江樓夜宴、崔十三評事、韋少府姪、三首〕

1223 其一(五律)

峽險 江驚急、樓高 月迴明。
一時 今夕會、萬里 故鄉情。
星落 黃姑渚、秋辭 白帝城。
老人 因酒病、堅坐 看君傾。

1224 其二(五律)

對月 那無酒、登樓 況有江。
聽歌 驚白鬢、笑舞 拓秋窗。
樽蟻 添相續、沙鷗 並一雙。
盡憐 君醉倒、更覺 片心降。

1225 其三(五律)

明月 生長好、浮雲 薄漸遮。
悠悠 照遠塞、悄悄 憶京華。
清動 杯中物、高隨 海上槎。
不眠 瞻白兔、百過 落烏鴉。

〔1226_戲寄、崔評事表姪、蘇五表弟、韋大少府諸姪〕(五律)

隱豹 深愁雨、潛龍 故起雲。
泥多 仍徑曲、心醉 沮賢羣。
忍對 江山麗、還披 鮑謝文。
高樓 憶疏豁、秋興 坐氤氲。

〔1227_季秋江村〕(五律)

喬木 村墟古、疏籬 野蔓懸。
素琴 將暇日、白首 望霜天。
登俎 黃甘重、支床 錦石圓。
遠遊 雖寂寞、難見 此山川。

〔1228_小園〕(五律)

由來 巫峽水、本是 楚人家。
客病 留因藥、春深 買為花。
秋庭 風落果、灤岸 雨頽沙。
問俗 營寒事、將詩 待物華。

〔1229_寒雨朝行視園樹〕(七排)

柴門 擁樹 向千株、丹橘 黃甘 此地無。
江上 今朝 寒雨歇、籬中 秀色 畫屏舒。
桃蹊 李徑 年雖古、梔子 紅椒 艷復殊。
鎖石 藤梢 元自落、倚天 松骨 見來枯。
林香 出實 垂將盡、葉蒂 辭枝 不重蘇。
愛日 恩光 蒙借貸、清霜 殺氣 得憂虞。
衰顏 動覓 藜床坐、緩步 仍須 竹杖扶。
散騎 未知 雲閣處、啼猿 僻在 楚山隅。

〔1230_傷秋〕（五排）

村僻 來人少、山長 去鳥微。
高秋 收畫扇、久客 掩柴扉。
懶慢 頭時櫛、艱難 帶減圍。
將軍 思汗馬、天子 尚戎衣。
白蔣 風颯脆、殷檉 曉夜稀。
何年 滅豺虎、似有 故園歸。

〔1231_即事<天畔>〕（七律）

天畔 羣山 孤草亭、江中 風浪 雨冥冥。
一雙 白魚 不受釣、三寸 黃甘 猶自青。
多病 馬卿 無日起、窮途 阮籍 幾時醒。
未聞 細柳 散金甲、腸斷 秦川 流濁涇。

〔1232_耳聾〕（五律）

生年 鵲冠子、歎世 鹿皮翁。
眼復 幾時暗、耳從 前月聾。
猿鳴 秋淚缺、雀噪 晚愁空。
黃落 驚山樹、呼兒 問朔風。

〔獨坐二首〕

1233 其一（五律）

竟日 雨冥冥、雙崖 洗更青。
水花 寒落岸、山鳥 暮過庭。
暖老 思燕玉、充饑 憶楚萍。
胡笳 在樓上、哀怨 不堪聽。

1234 其二（五律）

白狗 斜臨北、黃牛 更在東。
峽雲 常照夜、江日 會兼風。
藥 安垂老、門 試小童。
亦知 行不逮、苦恨 耳多聾。

〔1235_雲〕（五律）

龍以 雲壙會、江依 白帝深。
終年 常起峽、每夜 必通林。
收穫 辭霜渚、分明 在夕岑。
高齋 非一處、秀氣 豁煩襟。

〔1236_大曆二年九月三十日〕（五律）

爲客 無時了、悲秋 向夕終。
瘴餘 夔子國、霜薄 楚王宮。
草敵 虛嵐翠、花禁 冷葉紅。
年年 小搖落、不與 故園同。

〔1237_十月一日〕（五律）

有瘴 非全歇、為冬 亦不難。
夜郎 溪日暖、白帝 峽風寒。
蒸裹 如千室、焦糖 幸一杆。
茲辰 南國重、舊俗 自相歡。

〔1238_孟冬〕（五律）

殊俗 還多事、方冬 變所為。
破甘 霜落爪、嘗稻 雪翻匙。
巫峽 寒都薄、黔溪 瘴遠隨。
終然 減灘瀨、暫喜 息蛟螭。

〔1239_雷〕（五律）

巫峽 中宵動、滄江 十月雷。
龍蛇 不成蟄、天地 劃爭迴。
卻碾 空山過、深蟠 絕壁來。
何須 妒雲雨、霹靂 楚王臺。

〔1240_悶〕（五律）

瘴癘 浮三蜀、風雲 暗百蠻。
卷簾 唯白水、隱几 亦青山。
猿捷 長難見、鷗輕 故不還。
無錢 從滯客、有鏡 巧催顏。

〔夜二首〕

1241 其一（五律）

向夜 月休弦、燈花 半委眠。
號山 無定鹿、落樹 有驚蟬。
暫憶 江東鱸、兼懷 雪下船。
蠻歌 犯星起、空覺 在天邊。

1242 其二（五律）

城郭 悲笳暮、村墟 過翼稀。
甲兵 年數久、賦斂 夜深歸。
暗樹 依巖落、明河 繞塞微。
斗斜 人更望、月細 鵲休飛。

〔朝二首〕

1243 其一（五律）

清旭 楚宮南、霜空 萬嶺含。
野人 時獨往、雲木 曉相參。
俊鶻 無聲過、饑鳥 下食貪。
病身 終不動、搖落 任江潭。

1244 其二（五律）

浦帆 晨初發、郊扉 冷未開。
林疏 黃葉墜、野靜 白鷗來。

礎潤 休全濕、雲晴 欲半迴。
巫山 冬可怪、昨夜 有奔雷。

〔戲作俳諧體遣悶、二首〕

1245 其一（五律）

異俗 吁可怪、斯人 難並居。
家家 養烏鬼、頓頓 食黃魚。
舊識 能為態、新知 已暗疏。
治生 且耕鑿、只有 不關渠。

1246 其二（五律）

西歷 青羌板、南留 白帝城。
於菟 侵客恨、粃糲 作人情。
瓦卜 傳神語、畚田 費火耕。
是非 何處定、高枕 笑浮生。

〔1247_昔遊（昔謁）〕（五古）

昔謁 華蓋君、深求 洞宮脚。
玉棺 已上天、白日 亦寂寞。
暮升 艮岑頂、巾几 猶未卻。
弟子 四五人、入來 淚俱落。
余時 遊名山、發軔 在遠壑。
良覲 違夙願、含悽 向寥廓。
林昏 罷幽磬、竟夜 伏石閣。
王喬 下天壇、微月 映皓鶴。
晨溪 響虛駛、歸徑 行已昨。
豈辭 青鞋舐、悵望 金匕藥。
東蒙 赴舊隱、尚憶 同志樂。
伏事 董先生、於今 獨蕭索。
胡為 客關塞、道意 久衰薄。
妻子 亦何人、丹砂 負前諾。
雖悲 髮鬢變、未憂 筋力弱。
杖藜 望清秋、有興 入廬霍。

〔雨四首〕

1248 其一（五律）

微雨 不滑道、斷雲 疏復行。
紫崖 奔處黑、白鳥 去邊明。
秋日 新霑影、寒江 舊落聲。
柴扉 臨野碓、半得 搗香粳。

1249 其二（五律）

江雨 舊無時、天晴 忽散絲。
暮秋 霑物冷、今日 過雲遲。
上馬 迴休出、看鷗 坐不移。
高軒 當灑澗、潤色 靜書帷。

1250 其三（五律）

物色 歲將晏、天隅 人未歸。
朔風 鳴淅淅、寒雨 下霏霏。
多病 久加飯、衰容 新授衣。
時危 覺凋喪、故舊 短書稀。

1251 其四（五律）

楚雨 石苔滋、京華 消息遲。
山寒 青兕叫、江晚 白鷗飢。
神女 花鈿落、鮫人 織杼悲。
繁憂 不自整、終日 灑如絲。

〔1252_大覺高僧蘭若〕（七古）

巫山 不見 廬山遠、松林 蘭若 秋風晚。
一老 猶鳴 日暮鐘、諸僧 但乞 齋時飯。
香爐 峰色 隱晴湖、種杏 仙家 近白榆。
飛錫 去年 啼邑子、獻花 何日 許門徒。

〔1253_謁真諦寺禪師〕（五律）

蘭若 山高處、煙霞 嶂幾重。
凍泉 依細石、晴雪 落長松。
問法 看詩妄、觀身 向酒慵。
未能 割妻子、卜宅 近前峰。

〔1254_上卿翁請修武侯廟遺像缺落、時崔卿權夔州〕（七絕）

大賢 為政 即多聞、刺史 真符 不必分。
尚有 西郊 諸葛廟、臥龍 無首 對江濱。

〔1255_奉送卿二翁統節度鎮軍還江陵〕（五律）

火旗 還錦纜、白馬 出江城。
嘹唳 吟笳發、蕭條 別浦清。
寒空 巫峽曙、落日 渭陽情。
留滯 嗟衰疾、何時 見息兵。

〔1256_久雨期王將軍不至〕（七古）

天雨 蕭蕭 滯茅屋、空山 無以 慰幽獨。
銳頭 將軍 來何遲、令我 心中 苦不足。
數看 黃霧 亂玄雲、時聽 嚴風 折喬木。
泉源 泔泔 雜猿狖、泥濘 漠漠 飢鴻鵠。
歲暮 窮陰 耿未已、人生 會面 難再得。
憶爾 腰下 鐵絲箭、射殺 林中 雪色鹿。
前者 坐皮 因問毛、知子 歷險 人馬勞。
異獸 如飛 星宿落、應弦 不礙 蒼山高。
安得 突騎 只五千、峯然 眉骨 皆爾曹。
走平 亂世 相催促、一豁 明主 正鬱陶。
恨昔 范增 碎玉斗、未使 吳兵 著白袍。
昏昏 閭闔 閉氛祲、十月 荊南 雷怒號。

〔1257_虎牙行〕（七古）

秋風 欵吸 吹南國、天地 慘慘 無顏色。
洞庭 揚波 江漢迴、虎牙 銅柱 皆傾側。
巫峽 陰岑 朔漠氣、峰巒 窈窕 溪谷黑。
杜鵑 不來 猿狖寒、山鬼 幽陰 霜雪逼。
楚老 長嗟 憶炎瘴、三尺 角弓 兩斛力。
壁立 石城 橫塞起、金錯 旌竿 滿雲直。
漁陽 突騎 獵青丘、犬戎 鎖甲 圍丹極。
八荒 十年 防盜賊、征戍 誅求 寡妻哭、
遠客 中宵 淚霑臆。

〔1258_錦樹行〕（七古）

今日 苦短 昨日休、歲云 暮矣 增離憂。
霜凋 碧樹 作錦樹、萬壑 東逝 無停留。
荒戍 之城 石色古、東郭 老人 住青丘。
飛書 白帝 營斗粟、琴瑟 几杖 柴門幽。
青草 萋萋 盡枯死、天馬 跛足 隨犂牛。
自古 聖賢 多薄命、姦雄 惡少 皆封侯。
故國 三年 一消息、終南 渭水 寒悠悠。
五陵 豪貴 反顛倒、鄉里 小兒 狐白裘。
生男 墮地 要膂力、一生 富貴 傾邦國。
莫愁 父母 少黃金、天下 風塵 兒亦得。

〔1259_自平〕（七古）

自平 中官 呂太一、收珠 南海 千餘日。
近供 生犀 翡翠稀、復恐 征戍 干戈密。
蠻溪 豪族 小動搖、世封 刺史 非時朝。
蓬萊 殿前 諸主將、才如 伏波 不得驕。

〔1260_寄裴施州〕（七古）

廊廟 之具 裴施州、宿昔 一逢 無此流。
金鐘 大鑪 在東序、冰壺 玉衡 懸清秋。
自從 相遇 感多病、三歲 為客 寬邊愁。
堯有 四岳 明至理、漢二 千石 真分憂。
幾度 寄書 白鹽北、苦寒 贈我 青羔裘。
霜雪 迴光 避錦袖、龍蛇 動篋 蟠銀鉤。
紫衣 使者 辭復命、再拜 故人 謝佳政。
將老 已失 子孫憂、後來 況接 才華盛。

〔1261_鄭典設自施州歸〕（五古）

吾憐 滎陽秀、冒暑 初有適。
名賢 慎出處、不肯 妄行役。
旅茲 殊俗遠、竟以 屢空迫。
南謁 裴施州、氣合 無險僻。

攀援 懸根木、**登頓** 入**天石**。
青山 自一川、城郭 洗憂戚。
聽子 話此邦、令我 心悅懌。
其俗 則淳樸、不知 有主客。
溫溫 諸侯門、禮亦 如古昔。
敕廚 倍常羞、杯盤 頗狼藉。
時雖 屬喪亂、事貴 當匹敵。
中宵 愜良會、裴鄭 非遠戚。
羣書 一萬卷、博涉 供務隙。
他日 辱銀鉤、森疏 見矛戟。
倒屣 喜旋歸、畫地 求所歷。
乃聞 風土質、又重 田疇關。
刺史 似**寇恂**、**列郡** 宜競借。
北風 吹瘴癘、羸老 思散策。
渚拂 蒹葭寒、嶠穿 蘿蔦冪。
此身 仗兒僕、高興 潛有激。
孟冬 方首路、強飯 取崖壁。
歎爾 疲駑駘、汗溝 血不赤。
終然 備外飾、駕馭 何所益。
我有 平肩輿、前途 猶準的。
翩翩 入鳥道、庶脫 蹉跌厄。

〔1262_觀公孫大娘弟子舞劍器行[并序]〕（七古）

昔有 佳人 公孫氏、一舞 劍氣 動四方。
觀者 如山 色沮喪、天地 為之 久低昂。
燿如 羿射 **九日**落、矯如 **群帝** 驂龍翔。
來如 **雷霆** 收震怒、罷如 **江海** 凝**清光**。
絳脣 珠袖 兩寂寞、晚有 弟子 傳芬芳。
臨穎 美人 在白帝、妙舞 此曲 神揚揚。
與余 問答 既有以、感時 撫事 增惋傷。
先帝 侍女 八千人、公孫 劍器 初第一。
五十 年間 似反掌、風塵 湏洞 昏王室。
梨園 **弟子** 散如煙、女樂 餘姿 映**寒日**。
金粟 堆南 木已拱、**瞿塘** **石城** 草**蕭瑟**。
玳筵 急管 曲復終、樂極 哀來 月東出。
老夫 不知 其所往、足繭 荒山 轉愁疾。

〔寫懷二首〕

1263 其一（五古）

勞生 共**乾坤**、**何處** 異**風俗**。
冉冉 自趨競、**行行** 見**羈束**。
無貴 賤不悲、無富 貧亦足。
萬古 一骸骨、鄰家 遞歌哭。
鄙夫 到巫峽、三歲 如轉燭。
全命 甘**留滯**、忘情 任榮辱。

朝班 及暮齒、日給 還脫粟。
編蓬 石城東、采藥 山北谷。
用心 霜雪間、不必 條蔓綠。
非爾 故安排、曾是 順幽獨。
達士 如弦直、小人 似鉤曲。
曲直 吾不知、負暄 候樵牧。

1264 其二(五古)

夜深 坐南軒、明月 照我膝。
驚風 翻河漢、梁棟 日已出。
羣生 各一宿、飛動 自儔匹。
吾亦 驅其兒、營營 為私實。
天寒 行旅稀、歲暮 日月疾。
榮名 忽中人、世亂 如蟣蝨。
古者 三皇前、滿腹 志願畢。
胡為 有結繩、陷此 膠與漆。
禍首 燧人氏、厲階 董狐筆。
君看 燈燭張、轉使 飛蛾密。
放神 八極外、俛仰 俱蕭瑟。
終然 契真如、得匪 金仙術。

〔1265_冬至〕(七律)

年年 至日 長為客、忽忽 窮愁 泥殺人。
江上 形容 吾獨老、天涯 風俗 自相親。
杖藜 雪後 臨丹壑、鳴玉 朝來 散紫宸。
心折 此時 無一寸、路迷 何處 是三秦。

〔1266_柳司馬至〕(五排)

有客 歸三峽、相過 問兩京。
函關 猶出將、渭水 更屯兵。
設備 邯鄲道、和親 邏些城。
幽燕 唯鳥去、商洛 少人行。
衰謝 身何補、蕭條 病轉嬰。
霜天 到宮闕、戀主 寸心明。

〔1267_別李義〕(五古)

神堯 十八子、十七 王其門。
道國 泊舒國、實維 親弟昆。
中外 貴賤殊、余亦 忝諸孫。
丈人 嗣三葉、之子 白玉溫。
道國 繼德業、請從 丈人論。
丈人 領宗卿、肅睦 古制敦。
先朝 納諫諍、直氣 橫乾坤。
子建 文章壯、河間 經術存。
爾克 富詩禮、骨清 慮不喧。
洗然 遇知己、談論 淮湖奔。

憶昔 初見時、小襦 繡芳蓀。
長成 忽會面、慰我 久疾魂。
三峽 春冬交、江山 雲霧昏。
正宜 且聚集、恨此 當離樽。
莫怪 執杯遲、我衰 涕唾煩。
重問 子何之、西上 岷江源。
願子 少干謁、蜀都 足戎軒。
誤失 將帥意、不如 親故恩。
少年 早歸來、梅花 已飛翻。
努力 慎風水、豈惟 數盤餐。
猛虎 臥在岸、蛟螭 出無痕。
王子 自愛惜、老夫 困石根。
生別 古所嗟、發聲 為爾吞。

〔1268_送高司直尋封閬州〕（五古）

丹雀 銜書來、暮棲 何鄉樹。
驂騑 事天子、辛苦 在道路。
司直 非冗官、荒山 甚無趣。
借問 泛舟人、胡為 入雲霧。
與子 姻婭間、既親 亦有故。
萬里 長江邊、邂逅 亦相遇。
長卿 消渴再、公幹 沈綿屢。
清談 慰老夫、開卷 得佳句。
時見 文章士、欣然 談情素。
伏枕 聞別離、疇能 忍漂寓。
良會 苦短促、溪行 水奔注。
熊羆 咆空林、遊子 慎馳驚。
西謁 巴中侯、艱險 如跬步。
主人 不世才、先帝 常特顧。
拔為 天軍佐、崇大 王法度。
淮海 生清風、南翁 尚思慕。
公宮 造廣廈、木石 乃無數。
初聞 伐松柏、猶臥 天一柱。
我病 書不成、成字 讀亦誤。
為我 問故人、勞心 練征戍。

〔1269_可歎〕（七古）

天上 浮雲 似白衣、斯須 改變 如蒼狗。
古往 今來 共一時、人生 萬事 無不有。
近者 扶眼 去其夫、河東 女兒 身姓柳。
丈夫 正色 動引經、酆城 客子 王季友。
群書 萬卷 常暗誦、孝經 一通 看在手。
貧窮 老瘦 家賣屨、好事 就之 為攜酒。
豫章 太守 高帝孫、引為 賓客 敬頗久。
聞道 三年 未曾語、小心 恐懼 閉其口。

太守 得之 更不疑、人生 反覆 看已醜。
明月 無瑕 豈容易、紫氣 鬱鬱 猶衝斗。
時危 可仗 真豪俊、二人 得置 君側否。
太守 頃者 領山南、邦人 思之 比父母。
王生 早曾 拜顏色、高山 之外 皆培塿。
用為 義和 天為成、用平 水土 地為厚。
王也 論道 阻江湖、李也 疑丞 曠前後。
死為 星辰 終不滅、致君 堯舜 焉肯朽。
吾輩 碌碌 飽飯行、風后 力牧 長迴首。

〔1270_奉賀陽城郡王太夫人恩命加鄧國太夫人〕（五排）

衛幕 銜恩重、潘輿 送喜頻。
濟時 瞻上將、錫號 戴慈親。
富貴 當如此、尊榮 邁等倫。
郡依 封土舊、國與 大名新。
紫誥 鸞迴紙、清朝 燕賀人。
遠傳 冬筍味、更覺 彩衣春。
奕葉 班姑史、芬芳 孟母鄰。
義方 兼有訓、詞翰 兩如神。
委曲 承顏體、鸞飛 報主身。
可憐 忠與孝、雙美 畫麒麟。

〔1271_送田四弟將軍將夔州柏中丞命起居江陵節度使陽城郡王衛公幕〕（五律）

離筵 罷多酒、起舵 發寒塘。
回首 中丞座、馳箋 異姓王。
燕辭 楓樹日、雁度 麥城霜。
定醉 山翁酒、遙憐 似葛疆。

〔1272_柏學士茅屋〕（七律）

碧山 學士 焚銀魚、白馬 卻走 身巖居。
古人 已用 三冬足、年少 今開 萬卷餘。
晴雲 滿戶 團傾蓋、秋水 浮階 溜決渠。
富貴 必從 勤苦得、男兒 須讀 五車書。

〔題柏大兄弟山居屋壁二首〕

1273 其一（五律）

叔父 朱門貴、郎君 玉樹高。
山居 精典籍、文雅 涉風騷。
江漢 終吾老、雲林 得爾曹。
哀絃 繞白雪、未與 俗人操。

1274 其二（五律）

野屋 流寒水、山籬 帶薄雲。
靜應 連虎穴、喧已 去人群。
筆架 霑窗雨、書籤 映隙曛。
蕭蕭 千里足、個個 五花文。

〔1275_白帝樓〕（五律）

漠漠 虛無裏、連連 睥睨侵。
樓光 去日遠、峽影 入江深。
臘破 思端綺、春歸 待一金。
去年 梅柳意、還欲 攪邊心。

〔1276_白帝城樓〕（五律）

江度 寒山閣、城高 絕塞樓。
翠屏 宜晚對、白谷 會深遊。
急急 能鳴雁、輕輕 不下鷗。
夷陵 春色起、漸擬 放扁舟。

〔1277_有歎〕（五律）

壯心 久零落、白首 寄人間。
天下 兵常鬪、江東 客未還。
窮猿 號雨雪、老馬 怯關山。
武德 開元際、蒼生 豈重攀。

〔舍弟觀赴藍田取妻子到江陵喜寄三首〕

1278 其一（七律）

汝迎 妻子 達荊州、消息 真傳 解我憂。
鴻雁 影來 連峽內、鵲鵲 飛急 到沙頭。
峽關 險路 今虛遠、禹鑿 寒江 正穩流。
朱紱 即當 隨彩鷁、青春 不假 報黃牛。

1279 其二（七律）

馬度 秦山 雪正深、北來 肌骨 苦寒侵。
他鄉 就我 生春色、故國 移居 見客心。
歡劇 提攜 如意舞、喜多 行坐 白頭吟。
巡簷 索共 梅花笑、冷蕊 疏枝 半不禁。

1280 其三（七律）

庾信 羅含 俱有宅、春來 秋去 作誰家。
短牆 若在 從殘草、喬木 如存 可假花。
卜築 應同 蔣詡徑、為園 須似 邵平瓜。
比年 病酒 開涓滴、弟勸 兄酬 何怨嗟。

〔1281_夜歸〕（七古）

夜半 歸來 衝虎過、山黑 家中 已眠臥。
傍見 北斗 向江低、仰看 明星 當空大。
庭前 把燭 噀兩炬、峽口 驚猿 聞一個。
白頭 老罷 舞復歌、杖藜 不睡 誰能那。

〔前苦寒行二首〕

1282 其一（七古）

漢時 長安 雪一丈、牛馬 毛寒 縮如蝟。

楚江 巫峽 冰入懷、虎豹 哀號 又堪記。
秦城 老翁 荊揚客、慣習 炎蒸 歲絺綌。
玄冥 祝融 氣或交、手持 白羽 未敢釋。

1283 其二(七古)

去年 **白帝** 雪**在山**、**今年** **白帝** 雪在地。
凍埋 **蛟龍** **南浦**縮、寒刮 **肌膚** **北風**利。
楚人 **四時** 皆麻衣、**楚天** **萬里** 無晶輝。
三足 之鳥 足恐斷、羲和 送之 將安歸。

〔1284_晚晴〕(七古)

高唐 暮冬 雪壯哉、舊瘴 無復 似塵埃。
崖沈 谷沒 白皚皚、江石 缺裂 青楓摧。
南天 三旬 苦霧開、赤日 照耀 從西來。
六龍 寒急 光徘徊、照我 衰顏 忽落地。
口雖 吟詠 心中哀、未怪 及時 少年子。
揚眉 結義 黃金臺、汨乎 吾生 何飄零。
支離 委絕 同死灰。

〔1285_復陰〕(七古)

方冬 合沓 玄陰塞、昨日 晚晴 今日黑。
萬里 **飛蓬** 映天過、**孤城** 樹羽 揚風直。
江濤 簸岸 **黃沙**走、**雲雪** 埋山 蒼兕吼。
君不見 夔子 之國 杜陵翁、牙齒 半落 左耳聾。

〔後苦寒行二首〕

1286 其一(七古)

南紀 巫廬 瘴不絕、太古 以來 無尺雪。
蠻夷 長老 畏**苦寒**、**崑崙** 天關 凍應折。
玄猿 口噤 不能嘯、**白鵠** 翅垂 眼**流血**、
安得 春泥 補地裂。

1287 其二(七古)

晚來 江門 失大木、猛風 中夜 吹白屋。
天兵 斬斷 青海戎、殺氣 南行 動坤軸。
不爾 苦寒 何太酷、巴東 之峽 生凌澌、
彼蒼 迴斡 人得知。

〔1288_元日示宗武〕(五排)

汝啼 吾手戰、吾笑 **汝身**長。
處處 逢**正月**、**迢迢** 滯**遠方**。
飄零 還柏酒、**衰病** 只**藜床**。
訓諭 **青衿**子、名慚 **白首**郎。
賦詩 猶**落筆**、獻壽 更**稱觴**。
不見 江東弟、高歌 淚數行。

〔1289_又示宗武〕(五排)

覓句 新知律、攤書 解滿床。
試吟 青玉案、莫羨 紫羅囊。
暇日 從時飲、明年 共我長。
應須 飽經籍、已似 愛文章。
十五 男兒志、三千 弟子行。
曾參 與游夏、達者 得升堂。

〔1290_遠懷舍弟穎觀等〕（五排）

陽翟 空知處、荊南 近得書。
積年 仍遠別、多難 不安居。
江漢 春風起、冰霜 昨夜除。
雲天 猶錯莫、花萼 尚蕭疏。
對酒 都疑夢、吟詩 正憶渠。
舊時 元日會、鄉黨 羨吾廬。

〔1291_續得觀書迎就當陽居止正月中旬定出三峽〕（五排）

自汝 到荊府、書來 數喚吾。
頌椒 添諷詠、禁火 卜歡娛。
舟楫 因人動、形骸 用杖扶。
天旋 夔子峽、春近 岳陽湖。
發日 排南喜、傷神 散北吁。
飛鳴 還接翅、行序 密銜蘆。
俗薄 江山好、時危 草木蘇。
馮唐 雖晚達、終覬 在皇都。

〔1292_太歲日〕（五排）

楚岸 行將老、巫山 坐復春。
病多 猶是客、謀拙 竟何人。
閭闔 開黃道、衣冠 拜紫宸。
榮光 懸日月、賜予 出金銀。
愁寂 鴛行斷、參差 虎穴鄰。
西江 元下蜀、北斗 故臨秦。
散地 逾高枕、生涯 脫要津。
天邊 梅柳樹、相見 幾回新。

〔人日二首〕

1293 其一（五律）

元日 到人日、未有 不陰時。
冰雪 鶯難至、春寒 花較遲。
雲隨 白水落、風振 紫山悲。
蓬鬢 稀疏久、無勞 比素絲。

1294 其二（七律）

此日 此時 人共得、一談 一笑 俗相看。
樽前 柏葉 休隨酒、勝裏 金花 巧耐寒。
佩劍 衝星 聊暫拔、匣琴 流水 自須彈。

早春 重引 江湖興、直道 無憂 行路難。

〔喜聞盜賊總退口號五首〕

1295 其一(七絕)

蕭關 隴水 入官軍、青海 黃河 卷塞雲。
北極 轉愁 龍虎氣、西戎 休縱 犬羊羣。

1296 其二(七絕)

贊普 多教 使入秦、數通 和好 止煙塵。
朝廷 忽用 哥舒將、殺伐 虛悲 公主親。

1297 其三(七絕)

崆峒 西極 過崑崙、駝馬 由來 擁國門。
逆氣 數年 吹路斷、蕃人 聞道 漸星奔。

1298 其四(七絕)

勃律 天西 采玉河、堅昆 碧碗 最來多。
舊隨 漢使 千堆寶、少答 胡王 萬匹羅。

1299 其五(七絕)

今春 喜氣 滿乾坤、南北 東西 拱至尊。
大曆 三年 調玉燭、玄元 皇帝 聖雲孫。

〔1300_送大理封主簿五郎、親事不合、卻赴通州、主簿前閬州賢子、余與主簿、平章鄭氏女子、垂欲納采、鄭氏伯父京書至、女子已許他族、親事遂停〕(五排)

禁纓 去東床、趨庭 赴北堂。
風波 空遠涉、琴瑟 幾虛張。
渥水 出騏驎、崑山 生鳳凰。
兩家 誠款款、中道 許蒼蒼。
頗謂 秦晉匹、從來 王謝郎。
青春 動才調、白首 缺輝光。
玉潤 終孤立、珠明 得暗藏。
餘寒 拆花卉、恨別 滿江鄉。

〔1301_將別巫峽贈南卿兄、襄西果園、四十畝〕(五排)

苔竹 素所好、萍蓬 無定居。
遠遊 長兒子、幾地 別林廬。
雜蕊 紅相對、他時 錦不如。
具舟 將出峽、巡圃 念攜鋤。
正月 喧鶯未、茲辰 放鷁初。
雪籬 梅可折、風榭 柳微舒。
託贈 卿家有、因歌 野興疏。
殘生 逗江漢、何處 狎樵漁。

〔1302_巫山縣汾州唐使君十八弟宴別兼諸公攜酒樂相送率題小詩留於屋壁〕(五律)

臥病 巴東久、今年 強作歸。
故人 猶遠謫、茲日 倍多違。
接宴 身兼杖、聽歌 淚滿衣。
諸公 不相棄、擁別 借光輝。

『1303_敬寄族弟唐十八使君』（五古）

與君 陶唐後、盛族 多其人。
聖賢 冠史籍、枝派 羅源津。
在今 氣磊落、巧偽 莫敢親。
介立 實吾弟、濟時 肯殺身。
物白 諱受玷、行高 無污真。
得罪 永泰末、放之 五溪濱。
鸞鳳 有鍛翮、先儒 曾抱麟。
雷霆 劈長松、骨大 卻生筋。
一失 不足傷、念子 孰自珍。
泊舟 楚宮岸、戀闕 浩酸辛。
除名 配清江、厥土 巫峽鄰。
登陸 將首途、筆札 枉所申。
歸朝 跼病肺、敘舊 思重陳。
春風 洪濤壯、谷轉 頗彌旬。
我能 泛中流、唐突 鼉獪嗔。
長年 已省舵、慰此 貞良臣。

『1304_春夜峽州田侍御長史津亭留宴[得筵字]』（五律）

北斗 三更席、西江 萬里船。
杖藜 登水榭、揮翰 宿春天。
白髮 煩多酒、明星 惜此筵。
始知 雲雨峽、忽盡 下牢邊。

『1305_大曆三年春、白帝城、放船出瞿塘峽、久居夔府、將適江陵、漂泊有詩、凡四十韻』（五排）

老向 巴人裏、今辭 楚塞隅。
入舟 翻不樂、解纜 獨長吁。
窄轉 深啼狖、虛隨 亂浴鼯。
石苔 凌几杖、空翠 撲肌膚。
疊壁 排霜劍、奔泉 濺水珠。
杳冥 藤上下、濃淡 樹榮枯。
神女 峰娟妙、昭君 宅有無。
曲留 明怨惜、夢盡 失歡娛。
擺闔 盤渦沸、欹斜 激浪輸。
風雷 纏地脈、冰雪 曜天衢。
鹿角 真走險、狼頭 如跋胡。
惡灘 寧變色、高臥 負微軀。
書史 全傾撓、裝囊 半壓濡。
生涯 臨臬兀、死地 脫斯須。
不有 平川決、焉知 衆壑趨。
乾坤 霾漲海、雨澤 洗春蕪。
鷗鳥 牽絲颺、驪龍 濯錦紆。
落霞 沈綠綺、殘月 壞金樞。
泥筍 苞初荻、沙茸 出小蒲。

雁兒 爭水馬、燕子 逐檣鳥。
絕島 容煙霧、環洲 納曉晡。
前聞 辯陶牧、轉盼 拂宜都。
縣郭 南畿好、津亭 北望孤。
勞心 依憩息、朗詠 劃昭蘇。
意遣 樂還笑、衰迷 賢與愚。
飄蕭 將素髮、汨沒 聽洪鑪。
丘壑 曾忘返、文章 敢自誣。
此生 遭聖代、誰分 哭窮途。
臥疾 淹爲客、蒙恩 早廁儒。
廷爭 酬造化、樸直 乞江湖。
艱澁 險相迫、滄浪 深可逾。
浮名 尋已已、懶計 卻區區。
喜近 天皇寺、先披 古畫圖。
應經 帝子渚、同泣 舜蒼梧。
朝士 兼戎服、君王 按湛盧。
旄頭 初俶擾、鶚首 麗泥塗。
甲卒 身雖貴、書生 道固殊。
出塵 皆野鶴、歷塊 匪轅駒。
伊呂 終難降、韓彭 不易呼。
五雲 高太甲、六月 曠搏扶。
迴首 黎元病、爭權 將帥誅。
山林 托疲茶、未必 免崎嶇。

〔1306_行次古城店泛江作不揆鄙拙奉呈江陵幕府諸公〕（五排）

老年 常道路、遲日 復山川。
白屋 花開裏、孤城 麥秀邊。
濟江 元自闊、下水 不勞牽。
風蝶 勤依槳、春鷗 懶避船。
王門 高德業、幕府 盛才賢。
行色 兼多病、蒼茫 泛愛前。

〔1307_泊松滋江亭〕（五律）

紗帽 隨鷗鳥、扁舟 繫此亭。
江湖 深更白、松竹 遠微青。
一柱 全應近、高唐 莫再經。
今宵 南極外、甘作 老人星。

〔1308_乘雨入行軍六弟宅〕（五律）

曙角 凌雲亂、春城 帶雨長。
水花 分塹弱、巢燕 得泥忙。
令弟 雄軍佐、凡才 污省郎。
萍漂 忍流涕、衰颯 近中堂。

〔1309_上巳日徐司錄林園宴集〕（五律）

鬢毛垂領白、花蕊亞枝紅。
敲倒衰年廢、招尋令節同。
薄衣臨積水、吹面受和風。
有喜留攀桂、無勞問轉蓬。

〔1310_宴胡侍御書堂〕（五律）

江湖春欲暮、牆宇日猶微。
閣閣書籍滿、輕輕花絮飛。
翰林名有素、墨客興無違。
今夜文星動、吾儕醉不歸。

〔1311_書堂飲既夜復邀李尚書下馬月下賦絕句〕（七絕）

湖月林風相與清、殘樽下馬復同傾。
久野鶴如雙鬢、遮莫鄰雞下五更。

〔1312_奉送蘇州李二十五長史丈之任〕（五排）

星拆台衡地、曾為人所憐。
公侯終必復、經術竟相傳。
食德見從事、克家何妙年。
一毛生鳳穴、三尺獻龍泉。
赤壁浮春暮、姑蘇落海邊。
客間頭最白、惆悵此離筵。

〔1313_暮春江陵送馬大卿公恩命追赴闕下〕（五排）

自古求忠孝、名家信有之。
吾賢富才術、此道未磷緇。
玉府標孤映、霜蹄去不疑。
激揚音韻徹、籍甚衆多推。
潘陸應同調、孫吳亦異時。
北辰徵事業、南紀赴恩私。
卿月昇金掌、王春度玉墀。
薰風行應律、湛露即歌詩。
天意高難問、人情老易悲。
樽前江漢闊、後會且深期。

〔1314_和江陵宋大少府暮春雨後同諸公及舍弟宴書齋〕（五律）

渥洼汗血種、天上麒麟兒。
才士得神秀、書齋聞爾為。
棣華晴雨好、綵服暮春宜。
朋酒日歡會、老夫今始知。

〔1315_暮春陪李尚書李中丞過鄭監湖亭泛舟〔得過字韻〕〕（五律）

海內文章伯、湖邊意緒多。
玉樽移晚興、桂楫帶酣歌。
春日繁魚鳥、江天足芰荷。

鄭莊 賓客地、衰白 遠來過。

〔1316_宇文晁彥重泛鄭監前湖〕（七律）

郊扉 俗遠 長幽寂、野水 春來 更接連。
錦席 淹留 還出浦、葛巾 敝側 未迴船。
樽當 霞綺 輕初散、棹拂 荷珠 碎卻圓。
不但 習池 歸酩酊、君看 鄭谷 去貧緣。

〔1317_歸雁〕（五律）

聞道 今春雁、南歸 自廣州。
見花 辭漲海、避雪 到羅浮。
是物 關兵氣、何時 免客愁。
年年 霜露隔、不過 五湖秋。

〔1318_短歌行贈王郎司直〕（七古）

王郎 酒酣 拔劍 斫地 歌莫哀、我能 拔爾 抑塞 磊落 之奇才。
豫章 翻風 白日動、鯨魚 跋浪 滄溟開。
且脫 劍佩 休徘徊、西得 諸侯 棹錦水。
欲向 何門 躡珠履、仲宣 樓頭 春色深。
青眼 高歌 望吾子、眼中 之人 吾老矣。

〔1319_憶昔行〕（七古）

憶昔 北尋 小有洞、洪河 怒濤 過輕舸。
辛勤 不見 華蓋君、良岑 青輝 慘么麼。
千崖 無人 萬壑靜、三步 回頭 五步坐。
秋山 眼冷 魂未歸、仙賞 心違 淚交墮。
弟子 誰依 白茅屋、盧老 獨啓 青銅鎖。
巾拂 香餘 搗藥塵、階除 灰死 燒丹火。
玄圃 滄洲 莽空闊、金節 羽衣 飄婀娜。
落日 初霞 閃餘映、倏忽 東西 無不可。
松風 礪水 聲合時、青兕 黃熊 啼向我。
徒然 咨嗟 撫遺跡、至今 夢想 仍猶左。
秘訣 隱文 須內教、晚歲 何功 使願果。
更討 衡陽 董鍊師、南浮 早鼓 瀟湘舵。

〔1320_惜別行送向卿進奉端午御衣之上都〕（七古）

肅宗 昔在 靈武城、指揮 猛將 收咸京。
向公 泣血 灑行殿、佐佑 卿相 乾坤平。
逆胡 冥寞 隨煙燼、卿家 兄弟 功名震。
麒麟 圖畫 鴻雁行、紫極 出入 黃金印。
尚書 勳業 超千古、雄鎮 荊州 繼吾祖。
裁縫 雲霧 成御衣、拜跪 題封 賀端午。
向卿 將命 寸心赤、青山 落日 江湖白。
卿到 朝廷 說老翁、漂零 已是 滄浪客。

〔1321_夏日楊長寧宅送崔侍御常正字入京〔得深字韻〕〔探韻得深字〕〕（五律）

醉酒揚雄宅、升堂子賤琴。
不堪垂老鬢、還對欲分襟。
天地西江遠、星辰北斗深。
烏臺俯麟閣、長夏白頭吟。

〔1322_夏夜李尚書筵送宇文石首赴縣聯句〕（五排）

愛客尚書重、之官宅相賢。〔甫〕
酒香傾坐側、帆影駐江邊。〔之芳〕
翟表郎官瑞、臯看令宰仙。〔彧〕
雨稀雲葉斷、夜久燭花偏。〔甫〕
數語敲紗帽、高文擲綵箋。〔之芳〕
興饒行處樂、離惜醉中眠。〔彧〕
單父長多暇、河陽實少年。〔甫〕
客居逢自出、為別幾淒然。〔之芳〕

〔1323_多病執熱奉懷李尚書〔之芳〕〕（七律）

衰年正苦病侵凌、首夏何須氣鬱蒸。
大水淼茫炎海接、奇峰磳兀火雲升。
思霑道暍黃梅雨、敢望宮恩玉井冰。
不是尚書期不顧、山陰夜雪興難乘。

〔1324_水宿遣興奉呈羣公〕（五排）

魯鈍乃多病、逢迎遠復迷。
耳聾須畫字、髮短不勝篦。
澤國雖勤雨、炎天竟淺泥。
小江還積浪、弱纜且長堤。
歸路非關北、行舟卻向西。
暮年漂泊恨、今夕亂離啼。
童稚頻書札、盤飧詎糝藜。
我行何到此、物理直難齊。
高枕翻星月、嚴城疊鼓鞀。
風號聞虎豹、水宿伴鸕鷀。
異縣驚虛往、同人惜解攜。
蹉跎長泛鷁、展轉屢鳴雞。
嶷嶷瑚璉器、陰陰桃李蹊。
餘波期救涸、費日苦輕齎。
杖策門闌邃、肩輿羽翮低。
自傷甘賤役、誰愍強幽棲。
巨海能無釣、浮雲亦有梯。
勳庸思樹立、語默可端倪。
贈粟困應指、登橋柱必題。
丹心老未折、時訪武陵溪。

〔1325_遣悶〕（五排）

地闊 平沙岸、舟虛 小洞房。
使塵 來驛道、城日 避烏檣。
暑雨 留蒸濕、江風 借夕涼。
行雲 星隱見、疊浪 月光芒。
螢鑒 緣帷徹、蛛絲 冒鬢長。
哀箏 猶憑几、鳴笛 竟霑裳。
倚著 如秦贅、過逢 類楚狂。
氣衝 看劍匣、穎脫 撫錐囊。
妖孽 關東臭、兵戈 隴右創。
時清 疑武略、世亂 跼文場。
餘力 浮於海、端憂 問彼蒼。
百年 從萬事、故國 耿難忘。

〔江邊星月二首〕

1326 其一（五律）

驟雨 清秋夜、金波 耿玉繩。
天河 元自白、江浦 向來澄。
映物 連珠斷、緣空 一鏡升。
餘光 隱更漏、況乃 露華凝。

1327 其二（五律）

江月 辭風纜、江星 別霧船。
雞鳴 還曙色、鷺浴 自晴川。
歷歷 竟誰種、悠悠 何處圓。
客愁 殊未已、他夕 始相鮮。

〔1328_舟月對驛近寺〕（五律）

更深 不假燭、月朗 自明船。
金刹 青楓外、朱樓 白水邊。
城烏 啼眇眇、野鷺 宿娟娟。
皓首 江湖客、鉤簾 獨未眠。

〔1329_舟中〕（五律）

風餐 江柳下、雨臥 驛樓邊。
結纜 排魚網、連檣 並米船。
今朝 雲細薄、昨夜 月清圓。
飄泊 南庭老、祇應 學水仙。

〔1330_江陵節度使・陽城郡王新樓成、王請嚴侍御判官、賦七字句、同作〕（七律）

樓上 炎天 冰雪生、高飛 燕雀 賀新成。
碧窗 宿霧 濛濛濕、朱戟 浮雲 細細輕。
仗鉞 褰帷 瞻具美、投壺 散帙 有餘清。
自公 多暇 延參佐、江漢 風流 萬古情。

〔1331_又作此奉衛王〕（七律）

西北 樓成 雄楚都、遠開 山嶽 散江湖。

二儀 清濁 還高下、三伏 炎蒸 定有無。
推轂 幾年 惟鎮靜、曳裾 終日 盛文儒。
白頭 授簡 焉能賦、愧似 相如 為大夫。

〔1332_秋日荊南述懷三十韻〕（五排）

昔承 推獎分、愧匪 挺生材。
渾暮 宮臣忝、艱危 哀職陪。
揚鑣 隨日馭、折檻 出雲臺。
罪戾 寬猶活、干戈 塞未開。
星霜 玄鳥變、身世 白駒催。
伏枕 因超忽、扁舟 任往來。
九鑕 巴嶷火、三蟄 楚祠雷。
望帝 傳應實、昭王 問不迴。
蛟螭 深作橫、豺虎 亂雄猜。
素業 行已矣、浮名 安在哉。
琴鳥 曲怨憤、庭鶴 舞摧頹。
秋水 漫湘竹、陰風 過嶺梅。
苦搖 求食尾、常曝 報恩鯉。
結舌 防讒柄、探腸 有禍胎。
蒼茫 步兵哭、展轉 仲宣哀。
饑藉 家家米、愁徵 處處杯。
休為 貧士歎、任受 衆人咍。
得喪 初難識、榮枯 劃易該。
差池 分組晁、合沓 起蒿萊。
不必 伊周地、皆登 屈宋才。
漢庭 和異域、晉史 坼中台。
霸業 尋常體、宗臣 忌諱災。
群公 紛戮力、聖慮 宵徘徊。
數見 銘鐘鼎、真宜 法斗魁。
願聞 鋒鏑鑄、莫使 棟梁摧。
磐石 圭多剪、凶門 轂少推。
垂旒 資穆穆、祝網 但恢恢。
赤雀 翻然至、黃龍 詎假媒。
賢非 夢傳野、隱類 鑿顏坏。
自古 江湖客、冥心 若死灰。

〔1333_秋日荊南送石首薛明府辭滿告別奉寄薛尚書頌德敘懷斐然之作三十韻〕（五排）

南征 爲客久、西候 別君初。
歲滿 歸鳬舄、秋來 把雁書。
荊門 留美化、姜被 就離居。
聞道 和親入、垂名 報國餘。
連枝 不日並、八座 幾時除。
往者 胡星孛、恭惟 漢網疏。
鳳臺 相溷洞、天地 一丘墟。
殿瓦 驚燕拆、宮簾 翡翠虛。

鉤陳摧微道、槍櫓失儲胥。
 文物陪巡守、親賢病拮据。
 公時呵猊毼、首唱卻鯨魚。
 勢愜宗蕭相、材非一范睢。
 屍填太行道、血走浚儀渠。
 滄口師仍會、函關憤已攄。
 紫微臨大角、皇極正乘輿。
 賞從頻峨冕、殊恩再直廬。
 豈惟高衛霍、曾是接應徐。
 降集翻翔鳳、追攀絕衆狙。
 侍臣雙宋玉、戰策兩穰苴。
 鑒澈勞懸鏡、荒蕪已荷鋤。
 嚮來披述作、重此憶吹噓。
 白髮甘凋喪、青雲亦卷舒。
 經綸功不朽、跋涉體何如。
 應訝耽湖橘、常餐占野蔬。
 十年嬰藥餌、萬里狎樵漁。
 揚子淹投閣、鄒生惜曳裾。
 但驚飛熠燿、不記改蟾蜍。
 煙雨封巫峽、江淮略孟諸。
 湯池雖險固、遼海尚填淤。
 努力輸肝膽、休煩獨起予。

〔1334_暮歸〕（七律）

霜黃碧梧、白鶴棲、城上擊柝復烏啼。
 客子入門、月皎皎、誰家搗練風淒淒。
 南渡桂水、闕舟楫、北歸秦川多鼓鼙。
 年過半百、不稱意、明日看雲還杖藜。

〔1335_哭李尚書[之芳]〕（五排）

漳濱與蒿里、逝水竟同年。
 欲挂留徐劍、猶迴憶戴船。
 相知成白首、此別間黃泉。
 風雨嗟何及、江湖涕泫然。
 修文將管輅、奉使失張騫。
 史閣行人在、詩家秀句傳。
 客亭鞍馬絕、旅櫬網蟲懸。
 復魄昭丘遠、歸魂素澗偏。
 樵蘇封葬地、喉舌罷朝天。
 秋色凋春草、王孫若個邊。

〔1336_重題〕（五律）

涕泗不能收、哭君餘白頭。
 兒童相識盡、宇宙此生浮。
 江雨銘旌濕、湖風井徑秋。

還瞻 魏太子、賓客 減應劉。

『哭李常侍嶧二首』

1337 其一(五律)

一代 風流盡、修文 地下深。
斯人 不重見、將老 失知音。
短日 行梅嶺、寒山 落桂林。
長安 若個伴、猶想 映貂金。

1338 其二(五律)

青瑣 陪雙入、銅梁 阻一辭。
風塵 逢我地、江漢 哭君時。
次第 尋書札、呼兒 檢贈詩。
發揮 王子表、不愧 史臣詞。

『 1339_舟出江陵南浦奉寄鄭少尹審[舟中出]』(五排)

更欲 投何處、飄然 去此都。
形骸 元土木、舟楫 復江湖。
社稷 纏妖氣、干戈 送老儒。
百年 同棄物、萬國 盡窮途。
雨洗 平沙淨、天銜 闊岸紆。
鳴蜩 隨泛梗、別燕 起秋菰。
棲託 難高臥、饑寒 迫向隅。
寂寥 相响沫、浩蕩 報恩珠。
溟漲 鯨波動、衡陽 雁影徂。
南征 問懸榻、東逝 想乘桴。
濫竊 商歌聽、時憂 卞泣誅。
經過 憶鄭驛、斟酌 旅情孤。

『 1340_移居公安山館』(五律)

南國 晝多霧、北風 天正寒。
路危 行木杪、身迴 宿雲端。
山鬼 吹燈滅、廚人 語夜闌。
雞鳴 問前館、世亂 敢求安。

『 1341_醉歌行贈公安顏十少府請顧八題壁[公安縣][顏少府]』(七古)

神仙 中人 不易得、顏氏 之子 才孤標。
天馬 長鳴 待駕馭、秋鷹 整翮 當雲霄。
君不見 東吳 顧文學、君不見 西漢 杜陵老、
詩家 筆勢 君不嫌、詞翰 升堂 為君掃。
是日 霜風 凍七澤、烏蠻 落照 銜赤壁。
酒酣 耳熱 忘頭白、感君 意氣 無所惜、
一為 歌行 歌主客。

『 1342_送顧八分文學適洪吉州』(五古)

中郎 石經後、八分 蓋憔悴。

顧侯 運鑪錘、筆力 破餘地。
昔在 開元中、韓蔡 同臯臯。
玄宗 妙其書、是以 數子至。
御札 早流傳、揄揚 非造次。
三人 並入直、恩澤 各不二。
顧於 韓蔡內、辯眼 工小字。
分日 侍諸王、鉤深 法更秘。
文學 與我游、蕭疏 外聲利。
追隨 二十載、浩蕩 長安醉。
高歌 卿相宅、文翰 飛省寺。
視我 揚馬間、白首 不相棄。
驂騑 入窮巷、必脫 黃金轡。
一論 朋友難、遲暮 敢失墜。
古來 事反覆、相見 橫涕泗。
嚮者 玉珂人、誰是 青雲器。
才盡 傷形骸、病渴 污官位。
故舊 獨依然、時危 話顛躋。
我甘 多病老、子負 憂世志。
胡為 困衣食、顏色 少稱遂。
遠作 辛苦行、順從 衆多意。
舟楫 無根蒂、蛟鼉 好為祟。
況兼 水賊繁、特戒 風颿駛。
崩騰 戎馬際、往往 殺長吏。
子干 東諸侯、勸勉 防縱恣。
邦以 民為本、魚饑 費香餌。
請哀 瘡痍深、告訴 皇華使。
使臣 精所擇、進德 知歷試。
惻隱 誅求情、固應 賢愚異。
烈士 惡苟得、俊傑 思自致。
贈子 猛虎行、出郊 載酸鼻。

〔1343_官亭夕坐戲簡顏十少府〕（五律）

南國 調寒杵、西江 浸日車。
客愁 連蟋蟀、亭古 帶蒹葭。
不返 青絲鞵、虛燒 夜燭花。
老翁 須地主、細細 酌流霞。

〔1344_移居公安敬贈衛大郎[鈞]〕（五排）

衛侯 不易得、余病 汝知之。
雅量 涵高遠、清襟 照等夷。
平生 感意氣、少小 愛文詞。
江海 由來合、風雲 若有期。
形容 勞宇宙、質樸 謝軒墀。
自古 幽人泣、流年 壯士悲。
水煙 通徑草、秋露 接園葵。

入邑 豺狼鬪、傷弓 鳥雀飢。
白頭 供宴語、烏几 伴棲遲。
交態 遭輕薄、今朝 豁所思。

〔1345_公安送韋二少府匡贊〕（七律）
逍遙 公後 世多賢、送爾 維舟 惜此筵。
念我 能書 數字至、將詩 不必 萬人傳。
時危 兵革 黃塵裏、日短 江湖 白髮前。
古往 今來 皆涕淚、斷腸 分手 各風煙。

〔1346_公安縣懷古〕（五律）
野曠 呂蒙營、江深 劉備城。
寒天 催日短、風浪 與雲平。
灑落 君臣契、飛騰 戰伐名。
維舟 倚前浦、長嘯 一含情。

〔1347_呀鵲行〕（七古）
病鵲 孤飛 俗眼醜、每夜 江邊 宿衰柳。
清秋 落日 已側身、過雁 歸鴉 錯回首。
緊腦 雄姿 迷所向、疏翮 稀毛 不可狀。
疆神 非復 早雕前、俊才 早在 蒼鷹上。
風濤 颯颯 寒山陰、熊羆 欲蟄 龍蛇深。
念爾 此時 有一擲、失聲 濺血 非其心。

〔宴王使君宅題二首〕

1348 其一（五律）
漢主 追韓信、蒼生 起謝安。
吾徒 自漂泊、世事 各艱難。
逆旅 招要近、他鄉 意緒寬。
不才 甘朽質、高臥 豈泥蟠。

1349 其二（五律）
泛愛 容霜鬢、留歡 卜夜閒。
自吟 詩送老、相對 酒開顏。
戎馬 今何地、鄉園 獨在山。
江湖 墮清月、酩酊 任扶還。

〔1350_送覃二判官〕（五排）
先帝 弓劍遠、小臣 餘此生。
蹉跎 病江漢、不復 謁承明。
餞爾 白頭日、永懷 丹鳳城。
遲遲 戀屈宋、渺渺 臥荊衡。
魂斷 航舸失、天寒 沙水清。
肺肝 若稍愈、亦上 赤霄行。

〔1351_公安送李二十九弟晉肅入蜀余下沔鄂〕（五律）

正解 柴桑纜、仍看蜀道行。
[驪] 相背發、[驪] 一行鳴。
[南紀] 連銅柱、[西江] 接錦城。
憑將 百錢卜、漂泊 問君平。

〔1352_留別公安太易沙門〕（七律）

隱居 欲就 廬山遠、麗藻 初逢 休上人。
數問 [舟航] 留製作、長開 篋笥 擬心神。
沙村 [白雪] 仍含凍、江縣 紅梅 已放春。
先踏 礪峰 置[蘭若]、徐飛 錫杖 出[風塵]。

〔1353_久客〕（五律）

[羈旅] 知[交態]、[淹留] 見俗情。
[衰顏] 聊自哂、小吏 最相輕。
[去國] 哀[王粲]、[傷時] 哭[賈生]。
[狐狸] 何足道、[豺虎] 正[縱橫]。

〔1354_冬深〕（五律）

花葉 惟[天意]、江溪 共[石根]。
早霞 隨類影、[寒水] 各依痕。
易下 [楊朱] 淚、難招 楚客魂。
風濤 暮不穩、捨棹 宿誰門。

〔1355_曉發公安〕（七律）

北城 [擊柝] 復欲罷、[東方] [明星] 亦不遲。
[鄰雞] [野哭] 如昨日、[物色] 生態 能[幾時]。
[舟楫] 眇然 自[此去]、[江湖] [遠適] 無[前期]。
出門 轉眄 已陳跡、藥餌 扶吾 隨所之。

〔1356_發劉郎浦〕（七古）

掛帆 早發 劉郎浦、疾風 颯颯 昏亭午。
舟中 無日 不沙塵、岸上 空村 盡豺虎。
十日 北風 風未迴、客行 歲晚 晚相催。
白頭 厭伴 漁人宿、黃帽 青鞋 歸去來。

〔1357_別董頴〕（五古）

窮冬 急風水、逆浪 開帆難。
士子 甘旨闕、不知 道里寒。
有求 彼樂土、南適 小長安。
別我 舟楫去、覺君 [衣裳] 單。
素聞 趙公節、兼盡 賓主歡。
已結 門閭望、[無令] [霜雪] 殘。
老夫 纜亦解、脫粟 朝未餐。
飄蕩 兵甲際、幾時 懷抱寬。
[漢陽] 頗寧靜、[峴首] 試[考槃]。

當念 著阜帽、采薇 青雲端。

〔1358_夜聞霽簾〕（七古）

夜聞 霽簾 滄江上、衰年 側耳 情所嚮。
鄰舟 一聽 多感傷、塞曲 三更 歎悲壯。
積雪 飛霜 此夜寒、孤燈 急管 復風湍。
君知 天地 干戈滿、不見 江湖 行路難。

〔1359_衡州送李大夫七丈赴廣州[勉]〕（五律）

斧鉞 下青冥、樓船 過洞庭。
北風 隨爽氣、南斗 避文星。
日月 籠中鳥、乾坤 水上萍。
王孫 丈人行、垂老 見飄零。

〔1360_歲晏行〕（七古）

歲云 暮矣 多北風、瀟湘 洞庭 白雪中。
漁父 天寒 網罟凍、莫徭 射雁 鳴桑弓。
去年 米貴 闕軍食、今年 米賤 太傷農。
高馬 達官 厭酒肉、此輩 杼柚 茅茨空。
楚人 重魚 不重鳥、汝休 枉殺 南飛鴻。
況聞 處處 鬻男女、割慈 忍愛 還租庸。
往日用錢 捉私鑄、今許 鉛鐵 和青銅。
刻泥 為之 最易得、好惡 不合 長相蒙。
萬國 城頭 吹畫角、此曲 哀怨 何時終。

〔1361_泊岳陽城下〕（五律）

江國 踰千里、山城 近百層。
岸風 翻夕浪、舟雪 灑寒燈。
留滯 才難盡、艱危 氣益增。
圖南 未可料、變化 有鵬鵬。

〔1362_纜船、苦風、戲題四韻、奉簡鄭十三判官[泛]〕（五律）

楚岸 朔風疾、天寒 鶻鴟呼。
漲沙 霾草樹、舞雪 渡江湖。
吹帽 時時落、維舟 日日孤。
因聲 置驛外、為覓 酒家壚。

〔1363_登岳陽樓〕（五律）

昔聞 洞庭水、今上 岳陽樓。
吳楚 東南坼、乾坤 日夜浮。
親朋 無一字、老病 有孤舟。
戎馬 關山北、憑軒 涕泗流。

〔1364_陪裴使君登岳陽樓〕（五律）

湖闊 兼雲霧、樓孤 屬晚晴。

禮加 徐**孺子**、詩接 謝宣城。
雪岸 叢梅發、春泥 **百草**生。
敢違 漁父問、從此 更南征。

〔1365_南征〕（五律）

春岸 **桃花**水、**雲帆** **楓樹**林。
偷生 長**避地**、適遠 更**霑襟**。
老病 **南征**日、君恩 **北望**心。
百年 歌自苦、未見 有知音。

〔1366_歸夢〕（五律）

道路 時通塞、**江山** 日**寂寥**。
偷生 唯一**老**、**伐叛** 已**三朝**。
雨急 **青楓**暮、**雲深** 黑水遙。
夢魂 歸未得、不用 楚辭招。

〔1367_過南嶽入洞庭湖〕（五排）

洪波 忽爭道、岸轉 異江湖。
鄂渚 分雲樹、衡山 引舳艫。
翠牙 穿裏蔣、碧節 吐寒蒲。
病渴 身何去、**春生** 力更無。
壤童 犁**雨雪**、漁屋 架**泥塗**。
敲側 **風帆**滿、微冥 水驛孤。
悠悠 回**赤壁**、浩浩 略**蒼梧**。
帝子 留**遺恨**、曹公 屈**壯圖**。
聖朝 光御極、殘孽 駐**艱虞**。
才淑 隨**廡養**、名賢 隱鍛鑪。
邵平 元入漢、**張翰** 後歸吳。
莫怪 啼痕數、危檣 逐夜烏。

〔1368_宿青草湖〕（五律）

洞庭 猶**在目**、**青草** 續**爲名**。
宿槳 依**農事**、郵籤 報水程。
寒冰 爭**倚薄**、雲月 遞微明。
湖雁 雙雙起、人來 故北征。

〔1369_宿白沙驛〕（五律）

水宿 仍餘照、**人煙** 復**此亭**。
驛邊 沙舊白、**湖外** 草新青。
萬象 皆**春氣**、孤槎 自**客星**。
隨波 無限月、的的 近南溟。

〔1370_湘夫人祠〕（五律）

肅肅 湘妃廟、空牆 碧水春。
蟲書 玉佩蘚、燕舞 翠帷塵。

晚泊 登汀樹、微馨 借渚蘋。
蒼梧 恨不盡、染淚 在叢筠。

〔1371_祠南夕望〕（五律）

百丈 牽江色、孤舟 泛日斜。
興來 猶杖履、目斷 更雲沙。
山鬼 迷春竹、湘娥 倚暮花。
湖南 清絕地、萬古 一長嗟。

〔1372_上水遣懷〕（五古）

我衰 太平時、身病 戎馬後。
蹭蹬 多拙為、安得 不皓首。
驅馳 四海內、童稚 日餬口。
但遇 新少年、少逢 舊親友。
低頭 下邑地、故人 知善誘。
後生 血氣豪、舉動 見老醜。
窮迫 挫曩懷、常如 中風走。
一紀 出西蜀、於今 向南斗。
孤舟 亂春華、暮齒 依蒲柳。
冥冥 九疑葬、聖者 骨已朽。
蹉跎 陶唐人、鞭撻 日月久。
中間 屈賈輩、讒毀 竟自取。
鬱悒 二悲魂、蕭條 猶在否。
嶮巖 清湘石、逆行 雜林藪。
篙工 密逞巧、氣若 酣杯酒。
歌謳 互激越、回斡 明受授。
善知 應觸類、各藉 穎脫手。
古來 經濟才、何事 獨罕有。
蒼蒼 衆色晚、熊掛 玄蛇吼。
黃鵠 在樹顛、正為 羣虎守。
羸骸 將何適、履險 顏益厚。
庶與 達者論、吞聲 混瑕垢。

〔1373_遣遇〕（五古）

磬折 辭主人、開帆 駕洪濤。
春水 滿南國、朱崖 雲日高。
舟子 廢寢食、飄風 爭所操。
我行 匪利涉、謝爾 從者勞。
石間 采蕨女、鬻市 輸官曹。
丈夫 死百役、暮返 空村號。
聞見 事略同、刻剝 及錐刀。
貴人 豈不仁、視汝 如莠蒿。
索錢 多門戶、喪亂 紛嗷嗷。
奈何 黠吏徒、漁奪 成逋逃。
自喜 遂生理、花時 甘緇袍。

〔1374_解憂〕（五古）

減米 散同舟、路難 思共濟。
向來 雲濤盤、衆力 亦不細。
呀坑 瞥眼過、飛櫓 本無蒂。
得失 瞬息間、致遠 宜恐泥。
百慮 視安危、分明 曩賢計。
茲理 庶可廣、拳拳 期勿替。

〔1375_宿鑿石浦〕（五古）

早宿 賓從勞、仲春 江山麗。
飄風 過無時、舟楫 不敢繫。
迴塘 澹暮色、日沒 衆星嘒。
闕月 殊未生、青燈 死分翳。
窮途 多俊異、亂世 少恩惠。
鄙夫 亦放蕩、草草 頻年歲。
斯文 憂患餘、聖哲 垂彖繫。

〔1376_早行〕（五古）

歌哭 俱在曉、行邁 有期程。
孤舟 似昨日、聞見 同一聲。
飛鳥 數求食、潛魚 何獨驚。
前王 作網罟、設法 害生成。
碧藻 非不茂、高帆 終日征。
干戈 未揖讓、崩迫 關其情。

〔1377_過津口〕（五古）

南岳 自茲近、湘流 東逝深。
和風 引桂楫、春日 漲雲岑。
回道 過津口、而多 楓樹林。
白魚 困密網、黃鳥 喧嘉音。
物微 限通塞、惻隱 仁者心。
瓮餘 不盡酒、膝有 無聲琴。
聖賢 兩寂寞、眇眇 獨開襟。

〔1378_次空靈岸〕（五古）

沄沄 逆素浪、落落 展清眺。
幸有 舟楫遲、得盡 所歷妙。
空靈 霞石峻、楓枯 隱奔峭。
青春 猶無私、白日 已偏照。
可使 營吾居、終焉 託長嘯。
毒瘴 未足憂、兵戈 滿邊徼。
嚮者 留遺恨、恥為 達人誚。
迴帆 覬賞延、佳處 領其要。

〔1379_宿花石戍〕（五古）

午辭 空靈岑、夕得 花石戍。
岸疏 朔水、木雜 古今樹。
地蒸 南風盛、春熱 西日暮。
四序 本平分、氣候 何迴互。
茫茫 天造間、理亂 豈恆數。
繫舟 盤藤輪、杖策 古樵路。
罷人 不在村、野圃 泉自注。
柴扉 雖蕪沒、農器 尚牢固。
山東 殘逆氣、吳楚 守王度。
誰能 叩君門、下令 減征賦。

〔1380_早發〕（五古）

有求 常百慮、斯文 亦吾病。
以茲 朋故多、窮老 驅馳併。
早行 篙師怠、席掛 帆不正。
昔人 戒垂堂、今則 奚奔命。
濤翻 黑蛟躍、日出 黃霧映。
煩促 瘴豈侵、頽倚 睡未醒。
僕夫 問鹽櫛、暮顏 覩青鏡。
隨意 簪葛巾、仰慚 林花盛。
側聞 夜來寇、幸喜 囊中淨。
艱危 作遠客、干請 傷直性。
薇蕨 餓首陽、栗馬 資歷聘。
賤子 欲適從、疑誤 此二柄。

〔1381_次晚洲〕（五古）

參錯 雲石稠、坡陀 風濤壯。
晚洲 適知名、秀色 固異狀。
棹經 垂猿把、身在 度鳥上。
擺浪 散帙妨、危沙 折花當。
羈離 暫愉悅、羸老 反惆悵。
中原 未解兵、吾得 終疏放。

〔清明二首〕

1382 其一（七排）

朝來 新火 起新煙、湖色 春光 淨客船。
繡羽 銜花 他自得、紅顏 騎竹 我無緣。
胡童 結束 還難有、楚女 腰肢 亦可憐。
不見 定王 城舊處、長懷 賈傅 井依然。
虛霽 周舉 為寒食、實藉 君平 賣卜錢。
鐘鼎 山林 各天性、濁醪 粗飯 任吾年。

1383 其二（七排）

此身 飄泊 苦西東、右臂 偏枯 半耳聾。
寂寂 繫舟 雙下淚、悠悠 伏枕 左書空。

十年蹴踘將雛遠、萬里鞦韆習俗同。
旅雁上雲歸紫塞、家人鑽火用青楓。
秦城樓閣煙花裏、漢主山河錦繡中。
春水春來洞庭闊、白蘋愁殺白頭翁。

〔1384_發潭州〕（五律）

夜醉長沙酒、曉行湘水春。
岸花飛送客、檣燕語留人。
賈傅才未有、褚公書絕倫。
名高前後事、回首一傷神。

〔1385_發白馬潭〔登白馬潭〕〕（五律）

水生春纜沒、日出野船開。
宿鳥行猶去、叢花笑不來。
人人傷白首、處處接金杯。
莫道新知要、南征且未迴。

〔1386_野望〕（五律）

納納乾坤大、行行郡國遙。
雲山兼五嶺、風壤帶三苗。
野樹侵江闊、春蒲長雪消。
扁舟空老去、無補聖明朝。

〔1387_入喬口〕（五律）

漠漠舊京遠、遲遲歸路賒。
殘年傍水國、落日對春華。
樹蜜早蜂亂、江泥輕燕斜。
賈生骨已朽、悽惻近長沙。

〔1388_銅官渚守風〕（五律）

不夜楚帆落、避風湘渚間。
水耕先浸草、春火更燒山。
早泊雲物晦、逆行波浪慳。
飛來雙白鶴、過去杳難攀。

〔1389_北風〕（五排）

春生南國瘴、氣待北風蘇。
向晚霾殘日、初宵鼓大壺。
爽攜卑濕地、聲拔洞庭湖。
萬里魚龍伏、三更鳥獸呼。
滌除貪破浪、愁絕付摧枯。
執熱沈沈在、凌寒往往須。
且知寬病肺、不敢恨危途。
再宿煩舟子、衰容問僕夫。
今晨非盛怒、便道即長驅。

隱几 看帆席、雲州 湧坐隅。

〔1390_雙楓浦〕（五律）

輟棹 青楓浦、雙楓 舊已摧。
自驚 衰謝力、不道 棟梁材。
浪足 浮紗帽、皮須 截錦苔。
江邊 地有主、暫借 上天迴。

〔詠懷二首〕

1391 其一（五古）

人生 貴是男、丈夫 重天機。
未達 善一身、得志 行所為。
嗟余 竟輾軻、將老 逢艱危。
胡雛 逼神器、逆節 同所歸。
河洛 化為血、公侯 草間啼。
西京 復陷沒、翠蓋 蒙塵飛。
萬姓 悲赤子、兩宮 棄紫微。
倏忽 向二紀、奸雄 多是非。
本朝 再樹立、未及 貞觀時。
日給 在軍儲、上官 督有司。
高賢 迫形勢、豈暇 相扶持。
疲茶 苟懷策、棲屑 無所施。
先王 實罪己、愁痛 正為茲。
歲月 不我與、蹉跎 病于斯。
夜看 豐城氣、回首 蛟龍池。
齒髮 已自料、意深 陳苦詞。

1392 其二（五古）

邦危 壞法則、聖遠 益愁慕。
飄飄 桂水遊、悵望 蒼梧暮。
潛魚 不銜鉤、走鹿 無反顧。
噉噉 幽曠心、拳拳 異平素。
衣食 相拘閼、朋知 限流寓。
風濤 上春沙、千里 侵江樹。
逆行 值吉日、時節 空復度。
井竈 任塵埃、舟航 煩數具。
牽纏 加老病、瑣細 隘俗務。
萬古 一死生、胡為 足名數。
多憂 汗桃源、拙計 泥銅柱。
未辭 炎瘴毒、擺落 跋涉懼。
虎狼 窺中原、焉得 所歷住。
葛洪 及許靖、避世 常此路。
賢愚 誠等差、自合 受馳驚。
羸瘠 且如何、魄奪 鍼灸屢。
擁滯 僮僕慵、稽留 篙師怒。
終當 掛帆席、天意 難告訴。

南為 祝融客、勉強 親杖屨。
結託 老人星、羅浮 展衰步。

〔1393_酬郭十五判官[受]〕（七律）

才微 歲晚 尚虛名、臥病 江湖 春復生。
藥裏 關心 詩總廢、花枝 照眼 句還成。
只同 燕石 能星隕、自得 隋珠 覺夜明。
喬口 橘洲 風浪促、驚帆 何惜 片時程。

〔1394_望嶽〕（五古）

南嶽 配朱鳥、秩禮 自百王。
歛吸 領地靈、鴻洞 半炎方。
邦家 用祀典、在德 非馨香。
巡狩 何寂寥、有虞 今則亡。
泊吾 隘世網、行邁 越瀟湘。
渴日 絕壁出、漾舟 清光旁。
祝融 五峰尊、峰峰 次低昂。
紫蓋 獨不朝、爭長 衆相望。
恭聞 魏夫人、羣仙 夾翱翔。
有時 五峰氣、散風 如飛霜。
牽迫 限修途、未暇 杖崇岡。
歸來 覬命駕、沐浴 休玉堂。
三嘆 問府主、曷以 贊我皇。
牲璧 忍衰俗、神其 思降祥。

〔1395_嶽麓山道林二寺行〕（七古）

玉泉 之南 麓山殊、道林 林壑 爭盤紆。
寺門 高開 洞庭野、殿脚 插入 赤沙湖。
五月 寒風 冷佛骨、六時 天樂 朝香爐。
地靈 步步 雪山草、僧寶 人人 滄海珠。
塔劫 宮牆 壯麗敵、香廚 松道 清涼俱。
蓮花 交響 共命鳥、金榜 雙迴 三足烏。
方丈 涉海 費時節、玄圃 尋河 知有無。
暮年 且喜 經行近、春日 兼蒙 暄暖扶。
飄然 斑白 身奚適、傍此 煙霞 茅可誅。
桃源 人家 易制度、橘洲 田土 仍膏腴。
潭府 邑中 甚淳古、太守 庭內 不喧呼。
昔遭 衰世 皆晦迹、今幸 樂國 養微軀。
依止 老宿 亦未晚、富貴 功名 焉足圖。
久為 謝客 尋幽慣、細學 何顒 免興孤。
一重 一掩 吾肺腑、山鳥 山花 共友于。
宋公 放逐 曾題壁、物色 分留 待老夫。

〔1396_奉送韋中丞之晉赴湖南〕（五律）

寵渥 徵黃漸、權宜 借寇頻。

湖南 安背水、**峽內** 憶行春。
王室 仍多故、**蒼生** 倚大臣。
還將 徐孺榻、處處 待高人。

〔 1397_湘江宴餞裴二端公赴道州 〕（五古）

白日 照舟師、**朱旗** 散廣川。
羣公 餞南伯、肅肅 秩初筵。
鄙人 奉末眷、佩服 自早年。
義均 骨肉地、懷抱 罄所宣。
盛名 富事業、無取 愧高賢。
不以 喪亂嬰、保愛 金石堅。
計拙 百寮下、氣蘇 **君子**前。
會合 苦不久、**哀樂** 本相纏。
交遊 颯向盡、**宿昔** 浩茫然。
促觴 激**百慮**、掩抑 淚潺湲。
熱雲 初集黑、缺月 未生天。
白團 為我破、華燭 蟠長煙。
鵲鵲 催明星、解袂 從此旋。
上請 減**兵甲**、下請 安井田。
永念 病渴老、附書 遠山顛。

〔 1398_哭韋大夫之晉 〕（五排）

悽愴 郇瑕邑、**差池** 弱冠年。
丈人 叨**禮數**、文律 早**凋旋**。
臺閣 **黃圖**裏、簪裾 紫蓋邊。
尊榮 真不忝、端雅 獨**翛然**。
貢喜 音容間、馮招 **疾病**纏。
南過 駭倉卒、北思 悄聯綿。
鵬鳥 **長沙**諱、犀牛 **蜀郡**憐。
素車 猶**慟哭**、寶劍 欲**高懸**。
漢道 **中興**盛、韋經 亞相傳。
沖融 標**世業**、磊落 映時賢。
城府 深朱夏、**江湖** 眇霽天。
綺樓 關樹頂、**飛旒** 泛**堂前**。
帘幕 旋風燕、笳簫 咽暮蟬。
興殘 虛白室、跡斷 孝廉船。
童孺 **交遊**盡、**喧卑** 俗事牽。
老來 多**涕淚**、情在 強**詩篇**。
誰繼 方隅理、朝難 **將帥**權。
春秋 褒貶例、名器 重雙全。

〔 1399_江閣臥病、走筆寄呈崔盧兩侍御 〕（五律）

客子 **庖廚**薄、江樓 **枕席**清。
衰年 病祗瘦、**長夏** 想為情。
滑憶 **彫胡**飯、香聞 錦帶羹。

溜匙 兼煖腹、誰欲 致杯罍。

〔1400_潭州送韋員外迢牧韶州〕（五律）

炎海 韶州牧、風流 漢署郎。
分符 先令望、同舍 有輝光。
白首 多年疾、秋天 昨夜涼。
洞庭 無過雁、書疏 莫相忘。

〔1401_酬韋韶州見寄〕（五律）

養拙 江湖外、朝廷 記憶疏。
深慚 長者轍、重得 故人書。
白髮 絲難理、新詩 錦不如。
雖無 南過雁、看取 北來魚。

〔1402_樓上〕（五律）

天地 空搔首、頻抽 白玉簪。
皇輿 三極北、身事 五湖南。
戀闕 勞肝肺、掄材 愧杞枏。
亂離 難自救、終是 老湘潭。

〔1403_遠遊〕（五律）

江闊 浮高棟、雲長 出斷山。
塵沙 連越嶠、風雨 暗荊蠻。
雁矯 銜蘆內、猿啼 失木間。
敝裘 蘇季子、歷國 未知還。

〔千秋節有感二首〕

1404 其一（五古）

自罷 千秋節、頻傷 八月來。
先朝 常宴會、壯觀 已塵埃。
鳳紀 編生日、龍池 塹劫灰。
湘川 新涕淚、秦樹 遠樓臺。
寶鏡 群臣得、金吾 萬國迴。
衢尊 不重飲、白首 獨餘哀。

1405 其二（五古）

御氣 雲樓敞、含風 綵仗高。
仙人 張內樂、王母 獻宮桃。
羅襪 紅蕖艷、金羈 白雪毛。
舞階 銜壽酒、走索 背秋毫。
聖主 他年貴、邊心 此日勞。
桂江 流向北、滿眼 送波濤。

〔1406_奉贈盧五丈參謀琬〕（五排）

恭惟 同自出、妙選 異高標。
入幕 知孫楚、披襟 得鄭僑。

丈人藉才地、門閥冠雲霄。
 老矣逢迎拙、相於契託饒。
 賜錢傾府待、爭米駐船遙。
 鄰好艱難薄、毗心杼軸焦。
 客星空伴使、寒水不成潮。
 素髮乾垂領、銀章破在腰。
 說詩能曩夜、醉酒或連朝。
 藻翰唯牽率、湖山合動搖。
 時清非造次、興盡卻蕭條。
 天子多恩澤、蒼生轉寂寥。
 休傳鹿是馬、莫信鵬如鴞。
 未解依依袂、還斟泛泛瓢。
 流年疲蟋蟀、體物幸鷦鷯。
 孤負滄洲願、誰云晚見招。

〔1407_惜別行送劉僕射判官〕（七古）

聞道南行市駿馬、不限匹數軍中須。
 襄陽幕府天下異、主將儉省憂艱虞。
 祇收壯健勝鐵甲、豈因格鬪求龍駒。
 而今西北自反胡、騏驎蕩盡一匹無。
 龍媒真種在帝都、子孫未落東南隅。
 向非戎事備征伐、君肯辛苦越江湖。
 江湖凡馬多顛頽、衣冠往往乘蹇驢。
 梁公富貴於身疏、號令明白人安居。
 俸錢時散士子盡、府庫不為驕豪虛。
 以茲報主寸心赤、氣卻西戎回北狄。
 羅網羣馬籍馬多、意在驅除出金帛。
 劉侯奉使光推擇、滔滔才略滄溟窄。
 杜陵老翁秋繫船、扶病相識長沙驛。
 強梳白髮提胡盧、手把菊花路旁摘。
 九州兵革浩茫茫、三嘆聚散臨重陽。
 當杯對客忍流涕、不覺老夫神內傷。

〔1408_重送劉十弟判官〕（五排）

分源豕韋派、別浦雁賓秋。
 年事推兄忝、人才覺弟優。
 經過辨豐劍、意氣逐吳鉤。
 垂翅徒衰老、先鞭不滯留。
 本支凌歲晚、高義豁窮愁。
 他日臨江待、長沙舊驛樓。

〔1409_湖中送敬十使君適廣陵〔湖南〕〕（五排）

相見各白頭、其如離別何。
 幾年一會面、今日復悲歌。
 少壯樂難得、歲寒心匪他。

氣纏 霜匣滿、冰置 玉壺多。
遭亂 實漂泊、濟時 曾琢磨。
形容 吾校老、膽力 爾誰過。
秋晚 嶽增翠、風高 湖湧波。
騫騰 訪知己、淮海 莫蹉跎。

〔1410_晚秋長沙蔡五侍御飲筵送殷六參軍歸櫬觀省〕（五律）

佳士 欣相識、慈顏 望遠遊。
甘從 投轄飲、肯作 致書郵。
高鳥 黃雲暮、寒蟬 碧樹秋。
湖南 冬不雪、吾病 得淹留。

〔1411_別張十三建封〕（五古）

嘗讀 唐實錄、國家 草昧初。
劉裴 首建議、龍見 尚躊躇。
秦王 撥亂姿、一劍 總兵符。
汾晉 為豐沛、暴隋 竟滌除。
宗臣 則廟食、後祀 何疏蕪。
彭城 英雄種、宜膺 將相圖。
爾惟 外曾孫、倜儻 汗血駒。
眼中 萬少年、用意 盡崎嶇。
相逢 長沙亭、乍問 緒業餘。
乃吾 故人子、童叟 聯居諸。
揮手 灑衰淚、仰看 八尺軀。
內外 名家流、風神 蕩江湖。
范雲 堪結友、嵇紹 自不孤。
擇材 征南幕、潮落 回鯨魚。
載感 賈生慟、復聞 樂毅書。
主憂 急盜賊、師老 荒京都。
舊丘 豈稅駕、大廈 傾宜扶。
君臣 各有分、管葛 本時須。
雖當 霰雪嚴、未覺 枯柏枯。
高議 在雲臺、嘶鳴 望天衢。
羽人 掃碧海、功業 竟何如。

〔1412_送盧十四弟侍御護韋尚書靈櫬歸上都二十四韻〕（五排）

素幕 度江遠、朱幡 登陸微。
悲鳴 駟馬顧、失涕 萬人揮。
參佐 哭辭畢、門闌 誰送歸。
從公 伏事久、之子 俊才稀。
長路 更執紼、此心 猶倒衣。
感恩 義不小、懷舊 禮無違。
墓待 龍驤詔、臺迎 獬豸威。
深衷 見士則、雅論 在兵機。
戎狄 乘妖氣、塵沙 落禁闥。

往年 朝謁斷、他日 掃除非。
但促 銅壺箭、休添 玉帳旂。
動詢 黃閣老、肯慮 白登圍。
萬姓 瘡痍合、羣兇 嗜慾肥。
刺規 多諫諍、端拱 自光輝。
儉約 前王體、風流 後代希。
對馭 期特達、衰朽 再芳菲。
空裏 愁書字、山中 疾采薇。
撥杯 要忽罷、抱被 宿何依。
眼冷 看征蓋、兒扶 立釣磯。
清霜 洞庭葉、故就 別時飛。

〔1413_蘇大侍御訪江浦賦八韻記異〕（五古）

龐公 不浪出、蘇氏 今有之。
再聞 誦新作、突過 黃初詩。
乾坤 幾反覆、揚馬 宜同時。
今晨 清鏡中、勝食 齋房芝。
余髮 喜卻變、白間 生黑絲。
昨夜 舟火滅、湘娥 簾外悲。
百靈 未敢散、風破 寒江遲。

〔1414_暮秋枉裴道州手札率爾遣興寄遞呈蘇渙侍御〕（七古）

久客 多枉 友朋書、素書 一月 凡一束。
虛名 但蒙 寒暄問、泛愛 不救 溝壑辱。
齒落 未是 無心人、舌存 恥作 窮途哭。
道州 手札 適復至、紙長 要自 三過讀。
盈把 那須 滄海珠、入懷 本倚 崑山玉。
撥棄 潭州 百斛酒、蕪沒 瀟岸 千株菊。
使我 晝立 煩兒孫、令我 夜坐 費燈燭。
憶子 初尉 永嘉去、紅顏 白面 花映肉。
軍符 侯印 取豈遲、紫燕 駉耳 行甚速。
聖朝 尚飛 戰鬪塵、濟世 宜引 英俊人。
黎元 愁痛 會蘇息、戎狄 跋扈 徒逡巡。
授鉞 築壇 聞意旨、頽綱 漏網 期彌綸。
郭欽 上書 見大計、劉毅 答詔 驚羣臣。
他日 更僕 語不淺、明公 論兵 氣益振。
傾壺 簫管 動白髮、舞劍 霜雪 吹青春。
宴筵 曾語 蘇季子、後來 傑出 雲孫比。
茅齋 定王 城郭門、藥物 楚老 漁商市。
市北 肩輿 每聯袂、郭南 抱甕 亦隱几。
無數 將軍 西第成、早作 丞相 東山起。
鳥雀 苦肥 秋粟菽、蛟龍 欲蟄 寒沙水。
天下 鼓角 何時休、陣前 部曲 終日死。
附書 與裴 因示蘇、此生 已愧 須人扶。
致君 堯舜 付公等、早據 要路 思捐軀。

『1415_奉贈李八丈曠判官』（五古）

我丈 特英特、宗枝 神堯後。
珊瑚 市則無、騶驥 人得有。
早年 見標格、秀氣 衝星斗。
事業 富清機、官曹 貞獨手。
頃來 樹佳政、皆已 傳衆口。
艱難 體貴安、冗長 吾敢取。
區區 猶歷試、炯炯 更持久。
討論 實解頤、操割 紛應手。
篋書 積諷諫、宮闕 限奔走。
入幕 未展材、秉鈞 孰為偶。
所親 問淹泊、泛愛 惜衰朽。
垂白 辭南翁、委身 希北叟。
真成 窮轍鮒、或似 喪家狗。
秋枯 洞庭石、風颯 長沙柳。
高興 激荊衡、知音 為回首。

『1416_奉送魏六丈佑少府之交廣』（五古）

賢豪 贊經綸、功成 空名垂。
子孫 不振耀、歷代 皆有之。
鄭公 四葉孫、長大 常苦饑。
衆中 見毛骨、猶是 麒麟兒。
磊落 貞觀事、致君 樸直詞。
家聲 蓋六合、行色 何其微。
遇我 蒼梧陰、忽驚 會面稀。
議論 有餘地、公侯 來未遲。
虛思 黃金遺、自笑 青雲期。
長卿 久病渴、武帝 元同時。
季子 黑貂敝、得無 妻嫂欺。
尚爲 諸侯客、獨屈 州縣卑。
南游 炎海甸、浩蕩 從此辭。
窮途 仗神道、世亂 輕士宜。
解帆 歲云暮、可與 春風歸。
出入 朱門家、華屋 刻蛟螭。
玉食 亞王者、樂張 遊子悲。
侍婢 艷傾城、綃綺 輕霧霏。
掌中 琥珀鍾、行酒 雙逶迤。
新歡 繼明燭、梁棟 星辰飛。
兩情 顧盼合、珠碧 贈于斯。
上貴 見肝膽、下貴 不相疑。
心事 披寫間、氣酣 達所為。
錯揮 鐵如意、莫避 珊瑚枝。
始兼 逸邁興、終慎 賓主儀。
戎馬 闇天宇、嗚呼 生別離。

〔 1417_北風 〕（五律）

北風 破南極、朱鳳 日威垂。
洞庭 秋欲雪、鴻雁 將安歸。
十年 殺氣盛、六合 人煙稀。
吾慕 漢初老、時清 猶茹芝。

〔 1418_幽人 〕（五古）

孤雲 亦羣游、神物 有所歸。
靈鳳 在赤霄、何當 一來儀。
往與 惠詢輩、中年 滄洲期。
天高 無消息、棄我 忽若遺。
內懼 非道流、幽人 見瑕疵。
洪濤 隱笑語、鼓枻 蓬萊池。
崔嵬 扶桑日、照耀 珊瑚枝。
風帆 倚翠蓋、暮把 東皇衣。
嚙嗽 元和津、所思 煙霞微。
知名 未足稱、局趣 商山芝。
五湖 復浩蕩、歲暮 有餘悲。

〔 1419_江漢 〕（五律）

江漢 思歸客、乾坤 一腐儒。
片雲 天共遠、永夜 月同孤。
落日 心猶壯、秋風 病欲蘇。
古來 存老馬、不必 取長途。

〔 1420_地隅 〕（五律）

江漢 山重阻、風雲 地一隅。
年年 非故物、處處 是窮途。
喪亂 秦公子、悲涼 楚大夫。
平生 心已折、行路 日荒蕪。

〔 1421_舟中夜雪有懷盧十四侍御弟 〕（五律）

朔風 吹桂水、朔雪 夜紛紛。
暗度 南樓月、寒深 北渚雲。
燭斜 初近見、舟重 竟無聞。
不識 山陰道、聽雞 更憶君。

〔 1422_對雪 〕（五律）

北雪 犯長沙、胡雲 冷萬家。
隨風 且閒葉、帶雨 不成花。
金錯 囊垂罄、銀壺 酒易賒。
無人 竭浮蟻、有待 至昏鴉。

〔 1423_冬晚送長孫漸舍人歸州 〕（五排）

參卿 休坐幄、蕩子 不歸鄉。
南客 瀟湘外、西戎 鄴社旁。
衰年 傾蓋晚、費日 繫舟長。
會面 思來札、銷魂 逐去檣。
雲晴 鷗更舞、風逆 雁無行。
匣裏 雌雄劍、吹毛 任選將。

〔1424_暮冬送蘇四郎僊兵曹適桂州〕（五排）

飄飄 蘇季子、六印 佩何遲。
早作 諸侯客、兼工 古體詩。
爾賢 埋照久、余病 長年悲。
盧綰 須征日、樓蘭 要斬時。
歲陽 初盛動、王化 久磷緇。
為入 蒼梧廟、看雲 哭九疑。

〔1425_客從〕（五古）

客從 南溟來、遺我 泉客珠。
珠中 有隱字、欲辨 不成書。
緘之 篋笥久、以俟 公家須。
開視 化為血、哀今 徵斂無。

〔1426_蠶穀行〕（七古）

天下 郡國 向萬城、無有 一城 無甲兵。
焉得 鑄甲 作農器、一寸 荒田 牛得耕。
牛盡耕、 蠶亦成。
不勞 烈士 淚滂沱、男穀 女絲 行復歌。

〔1427_白鳧行〕（七古）

君不見；
黃鵠 高于 五尺童、化為 白鳧 似老翁。
故畦 遺穗 已蕩盡、天寒 歲暮 波濤中。
鱗介 腥膻 素不食、終日 忍饑 西復東。
魯門 鷄鶩 亦蹭蹬、聞道 于今 猶避風。

〔1428_朱鳳行〕（七古）

君不見；
瀟湘 之山 衡山高、山巔 朱鳳 聲嗷嗷。
側身 長顧 求其曹、翅垂 口噤 心勞勞。
下慙 百鳥 在羅網、黃雀 最小 猶難逃。
願分 竹實 及螻蟻、盡使 鷗梟 相怒號。

〔1429_追酬故高蜀州人日見寄[并序]〕（七古）

自蒙 蜀州 人日作、不意 清詩 久零落。
今晨 散帙 眼忽開、迸淚 幽吟 事如昨。
嗚呼 壯士 多慷慨、合沓 高名 動寥廓。

歎我 悽悽 求友篇、感君 鬱鬱 匡時略。
 錦里 春光 空爛熳、瑤墀 侍臣 已冥冥。
 瀟湘 水國 傍鼉鼉、鄴杜 秋天 失鷗鶚。
 東西 南北 更誰論、白首 扁舟 病獨存。
 遙拱 北辰 纒寇盜、欲傾 東海 洗乾坤。
 邊塞 西羌 最充斥、衣冠 南渡 多崩奔。
 鼓瑟 至今 悲帝子、曳裾 何處 覓王門。
 文章 曹植 波瀾闊、服食 劉安 德業尊。
 長笛 鄰家 亂秋思、昭州 詞翰 與招魂。

〔1430_送重表姪王砮評事使南海〔王殊評事〕〕（五古）

我之 曾老姑、爾之 高祖母。
 爾祖 未顯時、歸為 尚書婦。
 隋朝 大業末、房杜 俱交友。
 長者 來在門、荒年 自餬口。
 家貧 無供給、客位 但箕箒。
 俄頃 羞頗珍、寂寥 人散後。
 入怪 鬢髮空、吁嗟 為之久。
 自陳 剪髻鬢、市鬻 充杯酒。
 上云 天下亂、宜與 英俊厚。
 向竊 窺數公、經綸 亦俱有。
 次問 最少年、虬髯 十八九。
 子等 成大名、皆因 此人手。
 下云 風雲合、龍虎 一吟吼。
 願展 丈夫雄、得辭 兒女醜。
 秦王 時在坐、真氣 驚戶牖。
 及乎 貞觀初、尚書 踐台斗。
 夫人 常肩輿、上殿 稱萬壽。
 六宮 師柔順、法則 化妃后。
 至尊 均嫂叔、盛事 垂不朽。
 鳳雛 無凡毛、五色 非爾曹。
 往者 胡作逆、乾坤 沸嗷嗷。
 吾客 左馮翊、爾家 同遁逃。
 爭奪 至徒步、塊獨 委蓬蒿。
 逗留 熱爾腸、十里 卻呼號。
 自下 所騎馬、右持 腰間刀。
 左牽 紫遊韁、飛走 使我高。
 苟活 到今日、寸心 銘佩牢。
 亂離 又聚散、宿昔 恨滔滔。
 水花 笑白首、春草 隨青袍。
 廷評 近要津、節制 收英髦。
 北驅 漢陽傳、南汎 上瀧舠。
 家聲 肯墜地、利器 當秋毫。
 番禺 親賢領、籌運 神功操。
 大夫 出盧宋、寶貝 休脂膏。

洞主 降接武、海胡 舶千艘。
我欲 就丹砂、跋涉 覺身勞。
安能 陷糞土、有志 乘鯨鰲。
或驂 鸞騰天、聊作 鶴鳴皋。

〔1431_清明〕（七古）

著處 繁華 矜是日、長沙 千人 萬人出。
渡頭 翠柳 艷明眉、爭道 朱蹄 驕齧膝。
此都 好遊 湘西寺、諸將 亦自 軍中至。
馬援 征行 在眼前、葛強 親近 同心事。
金鐙 下山 紅日晚、牙樁 振舵 青樓遠。
古時 喪亂 皆可知、人世 悲歡 暫相遣。
弟姪 雖存 不得書、干戈 未息 苦離居。
逢迎 少壯 非吾道、況乃 今朝 更祓除。

〔1432_風雨看舟前落花戲為新句〕（七古）

江上 人家 桃樹枝、春寒 細雨 出疏籬。
影遭 碧水 潛勾引、風妒 紅花 卻倒吹。
吹花 困懶 傍舟楫、水光 風力 俱相怯。
赤憎 輕薄 遮入懷、珍重 分明 不來接。
濕久 飛遲 半欲高、縈沙 惹草 細於毛。
蜜蜂 蝴蝶 生情性、偷眼 蜻蜓 避伯勞。

〔1433_奉贈蕭十二使君〕（五排）

昔在 嚴公幕、俱為 蜀使臣。
艱危 參大府、前後 間清塵。
起草 鳴先路、乘槎 動要津。
王粲 聊暫出、蕭雉 只相馴。
終始 任安義、荒蕪 孟母鄰。
聯翩 匍匐禮、意氣 死生親。
張老 存家事、嵇康 有故人。
食恩 慚鹵莽、鏤骨 抱酸辛。
巢許 山林志、夔龍 廊廟珍。
鵬圖 仍矯翼、熊軾 且移輪。
露冕 衣冠地、蒼茫 土木身。
塤箎 鳴自合、金石 瑩逾新。
重憶 羅江外、同遊 錦水濱。
結歡 隨過隙、懷舊 益霑巾。
曠絕 含香舍、稽留 伏枕辰。
停驂 雙闕早、迴雁 五湖春。
不達 長卿病、從來 原憲貧。
監河 受貸粟、一起 轍中鱗。

〔1434_奉送二十三舅錄事之攝郴州[崔偉]〕（五排）

賢良 歸盛族、吾舅 盡知名。

徐庶 高交友、劉牢 出外甥。
泥塗 豈珠玉、環堵 但柴荆。
衰老 悲人世、驅馳 厭甲兵。
氣春 江上別、淚血 渭陽情。
丹鷁 排風影、林烏 反哺聲。
永嘉 多北至、勾漏 且南征。
必見 公侯復、終聞 盜賊平。
郴州 頗涼冷、橘井 尚淒清。
從事 何蠻貊、居官 志在行。

〔1435_送魏二十四司直充嶺南掌選崔郎中判官兼寄韋韶州〕（五排）

選曹 分五嶺、使者 歷三湘。
才美 膺推薦、君行 佐紀綱。
佳聲 斯共遠、雅節 在周防。
明白 山濤鑒、嫌疑 陸賈裝。
故人 湖外少、春日 嶺南長。
憑報 韶州牧、新詩 昨寄將。

〔1436_送趙十七明府之縣〕（五律）

連城 為寶重、茂宰 得才新。
山雉 迎舟楫、江花 報邑人。
論交 翻恨晚、臥病 卻愁春。
惠愛 南翁悅、餘波 及老身。

〔1437_同豆盧峰貽主客李員外賢子棐知字韻〕（五排）

煉金 歐冶子、噴玉 大宛兒。
符彩 高無敵、聰明 達所為。
夢蘭 他日應、折桂 早年知。
爛熳 通經術、光芒 刷羽儀。
謝庭 瞻不遠、潘省 會于斯。
唱和 將雛曲、田翁 號鹿皮。

〔歸雁二首〕

1438 其一（五律）

萬里 衡陽雁、今年 又北歸。
雙雙 瞻客上、一一 背人飛。
雲裏 相呼疾、沙邊 自宿稀。
繫書 元浪語、愁寂 故山薇。

1439 其二（五律）

欲雪 遼胡地、先花 別楚雲。
卻過 清渭影、高起 洞庭羣。
塞北 春陰暮、江南 日色曛。
傷弓 流落羽、行斷 不堪聞。

〔1440_江南逢李龜年〕（七絕）

岐王 宅裏 尋常見、崔九 堂前 幾度聞。
正是 江南 好風景、落花 時節 又逢君。

〔1441_小寒食舟中作〕（七律）

佳辰 強飲 食猶寒、隱几 蕭條 戴鶻冠。
春水 船如 天上坐、老年 花似 霧中看。
娟娟 戲蝶 過閒幔、片片 輕鷗 下急湍。
雲白 山青 萬餘里、愁看 直北 是長安。

〔1442_燕子來舟中作〕（七律）

湖南 為客 動經春、燕子 銜泥 兩度新。
舊入 故園 嘗識主、如今 社日 遠看人。
可憐 處處 巢居室、何異 鷓鴣 託此身。
暫語 船檣 還上去、穿花 貼水 益霑巾。

〔1443_贈韋七贊善〕（七律）

鄉里 衣冠 不乏賢、杜陵 韋曲 未央前。
爾家 最近 魁三象、時論 同歸 尺五天。
北走 關山 開雨雪、南遊 花柳 塞雲煙。
洞庭 春色 悲公子、蝦菜 忘歸 范蠡船。

〔1444_奉酬寇十侍御錫、見寄四韻、復寄寇〕（五律）

往別 郇瑕地、于今 四十年。
來簪 御府筆、故泊 洞庭船。
詩憶 傷心處、春深 把臂前。
南瞻 按百越、黃帽 待君偏。

〔1445_入衡州〕（五古）

兵革 自久遠、興衰 看帝王。
漢儀 甚照耀、胡馬 何猖狂。
老將 一失律、清邊 生戰場。
君臣 忍瑕垢、河岳 空金湯。
重鎮 如割據、輕權 絕紀綱。
軍州 體不一、寬猛 性所將。
嗟彼 苦節士、素於 圓鑿方。
寡妻 從為郡、兀者 安堵牆。
凋弊 惜邦本、哀矜 存事常。
旌麾 非其任、府庫 實過防。
恕己 獨在此、多憂 增內傷。
偏裨 限酒肉、卒伍 單衣裳。
元惡 迷是似、聚謀 洩康莊。
竟流 帳下血、大降 湖南殃。
烈火 發中夜、高煙 燄上蒼。
至今 分粟帛、殺氣 吹沅湘。
福善 理顛倒、明徵 天莽茫。

銷魂 避飛鏑、纍足 穿豺狼。
 隱忍 枳棘刺、遷延 牴研瘡。
 遠歸 兒侍側、猶乳 女在旁。
 久客 幸脫免、暮年 慚激昂。
 蕭條 向水陸、汨沒 隨漁商。
 報主 身已老、入朝 病見妨。
 悠悠 委薄俗、鬱鬱 回剛腸。
 參錯 走洲渚、春容 轉林篁。
 片帆 左郴岸、通郭 前衡陽。
 華表 雲鳥陣、名園 花草香。
 旗亭 壯邑屋、烽櫓 蟠城隍。
 中有 古刺史、盛才 冠巖廊。
 扶顛 待柱石、獨坐 飛風霜。
 昨者 間瓊樹、高談 隨羽觴。
 無論 再繾綣、已是 安蒼黃。
 劇孟 七國畏、馬卿 四賦良。
 門闌 蘇生在、勇銳 白起強。
 問罪 富形勢、凱歌 懸否臧。
 氛埃 期必掃、蚊蚋 焉能當。
 橘井 舊地宅、仙山 引舟航。
 此行 怨暑雨、厥土 聞清涼。
 諸舅 剖符近、開緘 書札光。
 頻繁 命屢及、磊落 字百行。
 江總 外家養、謝安 乘興長。
 下流 匪珠玉、擇木 羞鸞凰。
 我師 嵇叔夜、世賢 張子房。
 柴荆 寄樂土、鵬路 觀翱翔。

〔1446_逃難〕（五古）

五十 白頭翁、南北 逃世難。
 疏布 纏枯骨、奔走 苦不暖。
 已衰 病方入、四海 一塗炭。
 乾坤 萬里內、莫見 容身畔。
 妻孥 復隨我、回首 共悲歎。
 故國 莽丘墟、鄰里 各分散。
 歸路 從此迷、涕盡 湘江岸。

〔1447_白馬〕（五古）

白馬 東北來、空鞍 貫雙箭。
 可憐 馬上郎、意氣 今誰見。
 近時 主將戮、中夜 傷於戰。
 喪亂 死多門、嗚呼 淚如霰。

〔1448_舟中苦熱遣懷奉呈陽中丞通簡臺省諸公〕（五古）

愧為 湖外客、看此 戎馬亂。

中夜 混黎甿、脫身 亦奔竄。
平生 方寸心、反當 帳下難。
嗚呼 殺賢良、不叱 白刃散。
吾非 丈夫特、沒齒 埋冰炭。
恥以 風病辭、胡然 泊湘岸。
入舟 雖苦熱、垢膩 可漑灌。
痛彼 道邊人、形骸 改昏旦。
中丞 連帥職、封內 權得按。
身當 問罪先、縣實 諸侯半。
士卒 既輯睦、啓行 促精悍。
似聞 上游兵、稍逼 長沙館。
鄰好 彼克修、天機 自明斷。
南圖 卷雲水、北拱 戴霄漢。
美名 光史臣、長策 何壯觀。
驅馳 數公子、咸願 同伐叛。
聲節 哀有餘、夫何 激衰懦。
偏裨 表三上、鹵莽 同一貫。
始謀 誰其間、回首 增憤惋。
宗英 李端公、守職 甚昭煥。
變通 迫脅地、謀畫 焉得算。
王室 不肯微、凶徒 略無憚。
此流 須卒斬、神器 資強幹。
扣寂 豁煩襟、皇天 照嗟歎。

〔1449_江閣對雨有懷行營裴二端公〕（五律）

南紀 風濤壯、陰晴 屢不分。
野流 行地日、江入 度山雲。
層閣 憑雷殷、長空 面水文。
雨來 銅柱北、應洗 伏波軍。

〔1450_題衡山縣文宣王廟新學堂呈陸宰〕（五古）

旄頭 彗紫微、無復 俎豆事。
金甲 相排蕩、青衿 一憔悴。
嗚呼 已十年、儒服 敝於地。
征夫 不遑息、學者 淪素志。
我行 洞庭野、欸得 文翁肆。
僦僦 胄子行、若舞 風雩至。
周室 宜中興、孔門 未應棄。
是以 資雅才、煥然 立新意。
衡山 雖小邑、首唱 恢大義。
因見 縣尹心、根源 舊宮闕。
講堂 非曩構、大屋 加塗墍。
下可 容萬人、牆隅 亦深邃。
何必 三千徒、始壓 戎馬氣。
林木 在庭戶、密幹 疊蒼翠。

有井 朱夏時、輓轡 凍階阰。
耳聞 讀書聲、殺伐 災髣髴。
故國 延歸望、衰顏 減愁思。
南紀 改波瀾、西河 共風味。
采詩 倦跋涉、載筆 尚可記。
高歌 激宇宙、凡百 慎失墜。

〔1451_聶耒陽以僕阻水書致酒肉療飢荒江詩得代懷興盡本韻至縣呈聶令陸路去方田驛四十里舟行一日時屬江漲泊於方田〕（五古）

耒陽 馳尺素、見訪 荒江渺。
義士 烈女家、風流 吾賢紹。
昨見 狄相孫、許公 人倫表。
前朝 翰林後、屈跡 縣邑小。
知我 礙湍濤、半旬 獲浩漾。
麾下 殺元戎、湖邊 有飛旄。
孤舟 增鬱鬱、僻路 殊悄悄。
側驚 猿猱捷、仰羨 鸛鶴矯。
禮過 宰肥羊、愁當 置清醕。
人非 西諭蜀、興在 北坑趙。
方行 郴岸靜、未話 長沙擾。
崔師 乞已至、禮卒 用矜少。
問罪 消息真、開顏 憩亭沼。

〔1452_迴棹〕（五排）

宿昔 試安命、自私 猶畏天。
勞生 繫一物、爲客 費多年。
衡岳 江湖大、蒸池 疫癘偏。
散才 嬰薄俗、有跡 負前賢。
巾拂 那關眼、瓶罍 易滿船。
火雲 滋垢膩、凍雨 裊沈綿。
強飯 尊添滑、端居 茗續煎。
清思 漢水上、涼憶 峴山巔。
順浪 翻堪倚、迴帆 又省牽。
吾家 碑不昧、王氏 井依然。
几杖 將衰齒、茅茨 寄短椽。
灌園 曾取適、遊寺 可終焉。
遂性 同漁父、成名 異魯連。
篙師 煩爾送、朱夏 及寒泉。

〔1453_過洞庭湖〕（五律）

蛟室 圍青草、龍堆 隱白沙。
護堤 盤古木、迎櫂 舞神鴉。
破浪 南風正、回檣 畏日斜。
湖光 與天遠、直欲 泛仙槎。

〔1454_登舟將適漢陽〕（五排）

春宅 棄汝去、秋帆 催客歸。
庭蔬 尚**在眼**、浦浪 已吹衣。
生理 飄蕩拙、有心 **遲暮**違。
中原 **戎馬**盛、遠道 素書稀。
暮應 **與時**集、**鳴鳥** 終歲飛。
鹿門 自此往、永息 漢陰機。

〔1455_暮秋、將歸秦、留別湖南幕府·親友〕（五律）

水闊 **蒼梧**野、**天高** **白帝**秋。
途窮 那免哭、身老 不禁愁。
大府 才能會、**諸公** **德業**優。
北歸 衝雨雪、誰憫 敝貂裘。

〔1456_長沙送李十一[銜]〕（七律）

與子 避地 西康州、洞庭 相逢 十二秋。
遠愧 尚方 曾賜履、竟非 吾土 倦**登樓**。
久存 **膠漆** 應難並、一辱 **泥塗** 遂晚收。
李杜 齊名 真忝竊、朔雲 寒菊 倍離憂。

〔1457_風疾舟中伏枕書懷三十六韻奉呈湖南親友〕（五排）

軒轅 休製律、虞舜 罷**彈琴**。
尚錯 雄鳴管、猶傷 半死心。
聖賢 名古邈、**羈旅** 病**年侵**。
舟泊 常依震、湖平 早見參。
如聞 **馬融**笛、若倚 **仲宣**襟。
故國 悲寒望、羣雲 慘歲陰。
水鄉 霾**白屋**、楓岸 疊青岑。
鬱鬱 冬**炎瘴**、**濛濛** 雨滯淫。
鼓迎 非祭鬼、彈落 似鴉禽。
興盡 纔無悶、**愁來** 遽**不禁**。
生涯 相**汨沒**、時物 正蕭森。
疑惑 樽中弩、**淹留** 冠上簪。
牽裾 驚魏帝、**投閣** 為劉歆。
狂走 終**奚適**、微才 謝所欽。
吾安 藜不糝、汝貴 玉為琛。
烏几 **重重**縛、鶉衣 寸寸針。
哀傷 同**漢魯**、**述作** 異**陳琳**。
十暑 **岷山**葛、三霜 楚戶砧。
叨陪 錦帳坐、久放 **白頭**吟。
反樸 時難遇、忘機 陸易沈。
應過 數粒食、得近 四知金。
春草 封歸恨、源花 費獨尋。
轉蓬 憂**悄悄**、行藥 病涔涔。
瘞天 追潘岳、持危 覓鄧林。

蹉跎 翻學步、感激 在知音。
卻假 蘇張舌、高誇 周宋鐔。
納流 迷浩汗、峻趾 得嶽崑。
城府 開清旭、松筠 起碧潯。
披顏 爭倩倩、逸足 競駸駸。
朗鑒 存愚直、皇天 實照臨。
公孫 仍恃險、侯景 未生擒。
書信 中原闊、干戈 北斗深。
畏人 千里井、問俗 九州箴。
戰血 流依舊、軍聲 動至今。
葛洪 尸定解、許靖 力難任。
家事 丹砂訣、無成 涕作霖。